



جمال پاشا

خاطرات

۱۹۱۳ - ۱۹۲۲



اثر كافي حقوق مرحومك عائله سنه عايندر . توركه دن سائر السنه يه ترجمه حق
مونيخده : Drei Masken Verlag مؤسسه ترك اولمشير .

درسعادت

۱۹۲۲

خاطرات

مملکتک سیاست عمومیه سیله دوعریدن دوعری یه اشتغال ۱۰ - ۲۳ کانون ثانی ۱۹۱۳ ضربه حکومتیه باشلار . ۲۳ کانون ثانی ۹۱۳ کونی اقشام اوزری منزل مفتش عمومیلکندن چیقمش ، هر کسک کمال تهالکله اجتماع ایتدیکی باب عالی یه کیتمش ایدم . برقچ ساعت اول مقام صدارتی اشغال ایتش اولان محمود شوکت پاشا او صرده سرایدن عودت ایدیوردی . صدارت ایچ قیوسی اوکنده طلعت بکله بکا تصادف ایتدی . بنی کورور کورمز « جمال بك اوغلم ، رجا ایدرم ، شمدي استانبول محافظلغنی درعهده ایت وپایتختک تأمین انضباطی ایچون هر نه تدبیر اتخاذهنی مناسب کورور سهك ، دقیقه فوت ایتکسزین ، کافه سنی اجرا ایت » دیدی . بك بوبوك بر قیمت و اهمیتی حائر اولدیغنه قانع اولدیقم استانبول محافظلغنی درعهده ایتدی کمندن اعتباراً مملکتک سیاست عمومیه سنده دوعریدن دوعری یه عامل اولغه باشلادیقم ایچون خاطراته بو تاریخی مبدأ اتخاذه ایدیورم .

استانبول محافظلغنی

۲۳ کانون ثانی ۹۱۳ : تشرین ثانی ۹۱۷

محمود شوکت پاشا دن استانبول محافظلغنی درعهده ایچون امر آلدیقم صرده ناظم پاشا مرحومک جنازه سی هنوز صدارت سر یاوری او طه سنده بولنیور و صدر سابق کامل پاشا ایله شیخ الاسلام جمال الدین افندی و داخلیه ناظری رشید و مالیه ناظری عبدالرحمن بکر دائره صدارته کی او طه لردن برنده او طور بیورلردی . او صرده داخلیه نظارتی وکاله ایضا ایتکده بولنان طلعت بکله قیصه بر مذاکره نتیجه سنده ناظم پاشا مرحومک جنازه سنی کلخانه خسته خانه سنه نقل ایتدیرمکه ، کامل پاشا ایله شیخ الاسلام جمال الدین افندی بی خانه لرینه کوندرمکه و علملرندنه اختلاجیلرک شدید بر حس نفرت و انتقام بسله دکلی داخلیه ناظری رشید و مالیه ناظری عبدالرحمن بکرلی ، محافظه حیاتاری ایچون ، بر ایکی کون قدر استانبول محافظلغنده مسافر ایتکه قرار ویردک . او صرده کامل پاشانک دامادی صنف رفیق

قائم مقام ناجی بك دائرۂ صدارتہ كشمیدی . كندیسی كورور كورمز : — « قائن پدریكز عافیتده در مراق اتمه یكز . كندیسی آلوب قوناغه كتوره بیلیرسكز . فقط بر چیلغینك هدف تجاوزی اولسنه محل قالمق ایچون برمدت استانبولی ترك ایدوب ممالك اجنبیه دن برینه چکیلورایسه فنا اولماز » دیدم .

هیجان ایله تشكر ایتدی . كامل پاشا ایله جمال الدین منلا بو صورتله اولرینه كیتدیلر ورشید بکله عبدالرحمن بك ده استانبول محافظلغنه نقل اولوندیلر . جنازه كلخانه سرریاتنه كوندردلی . بنده استانبول محافظلغنه كلارك اوکیچه صباحه قدر تدابیر انضباطیه اتخاذه مشغول اولدم . خاطر اتمی فائده سز تفصیلات ایله اطناب ایتش اولماق ایچون بو قسملری مسكوت كچه حكیم .

كلخانه سرریاتنده بولنان اطبادن ناظم پاشا حقنده علی الاصول برر اپور آلدیم . و ناظم پاشانك صورت قتلی حقنده بر ضبط ورقه سی تنظیم ایتدیردم .

ناظم پاشانك جنازه مراسمی

محافظلغه تعینیمك ایرتسی كونی ناظم پاشا مرحومك جنازه مراسمی اجرا ایتدیردم . مراسمك بك پارلاق اولسنه بالخاصه اعتنا ایتش ، استانبولده بولنان بوتون ارکان و امرای عسکریه نك و وكلا ایله مأمورین ملكیه نك و دول اجنبیه آتاشه میلیرلرینك جنازه اشتراك ایتلری لزومنده اصرار ایله مشدم .

اوگون هوا مغموودی . قلبمده عمیق بریأس واردی . بلغارلر چتالجه اوكننده ؛ بونان دونماسی چناق قلعه بوغازینی قپامش ؛ دول معظمه سفائن حربیه سی ، هر دقیقه استانبولی اشغاله آماده اوله رت ، بشكطاش اوكننده دیرله مش ؛ بز اداره دولتی عجز و مسكنت عاملرینك الندن قورتاره بیلیمك ایچون بر چاره قانونی بولاماشز ، بر ضربه حكومت پامشز . و بونك نتیجه سی اوله رق حربیه ناظری وباخصوص اردونك باش قوماندانی اولان بر ذاتك سبب موتی اولمشز ؛ و بوتون بوتشیلردن ، فداكارلقلردن صكره ده مملكتی قورتاره بیلوب قورتاره مایه جغمز مجهول . ایشته ناظم پاشانك جنازه سی آرقه سنده فرانسز آتاشه میلیرتی قوماندان « موقور » ایله یان یانه یوروركن ذهنمدن كچیردیكم حزن لوحه بو ایدی . آیا صوفیه میداندن كچركن غیر اختیاری اوله رق موقوره خطاباً دیدمه كه :

« باقیكز عزیز دوستم ، بو جنازه نك یكانه مسؤلوی سز اوروپالیرسكز . مسكنت و اسارتدن قورتیلوب انسان کی یشامق ایچون ساحه مجادلیه آتیش اولان تورك ملت حقنده ارتكاب ایتدیككز حقمرلقلر بو جنازه سبب اولمشدر . دها بونك کی نیجه

جنازه لر تعقیب ایده جککزه و بلکه یارن بزم جنازه مک آرقه سندن یورو به جککزه امین اولیکز . مقصدیمی آ کلامامش کی دورانه رق استیضاح ایتدی .
 بالطبع نزاکه فرانسه انترقه لرینی مسکوت کچه رک انکلز ، ایتالیا و باخصوص روس انترقه لرندن و بونلرک بملکتده تولید ایتدیکی اختلا لاتدن بحث ایتدم و بالقان اتفاقک ده بوانترقه لر دن دو غمش اولدیغنی و بونلر بزی قورتارمق فرانسه وانکلر ترمک اک ارفق بر اشارته متوقف ایکن یالکیز بوندن توقی اتمک دکل رؤسای حکومتلری واسطه سیله علمه مزه شتوم غلیظه استعمال ایتمکدن چکینه مده کترینی و بوقدر مهاجمات قارشوسنده نه یاپه جغنی تعینده متحیر قالمش اولان زواللی تورکلرک داخلده یکدیگری نی بوغازلامقدن باشقه اللرندن برشی کلمه به جککی بویوک بره ورله آ کلاتدم . انکلز آتاشه میدتری « تیریل » محاوره مزه قولاق قابارتیور فقط یانمزه یاقلاشه میوردی . موقور ، صمیمیتنه شبه ایتدیکم بر طرزایله « حقکیز وار » دیدی . صوصدق و ناظم پاشایی مسکن ایدینه قدر تعقیب ایتدک .

مخالفلر حقنده عفو عمومی

ضربه حکومت کونی اقشام اوزری پولیس مدیریت عمومیه سی مخالف فرقه . اعضاسندن بر چوقلرینی بر تدبیر احتیاطی اولمق اوزره توقیف ایتمش ، مرکز قوماندانلارنه کوندرمش ایدی . کرک بونلر و کرک محافظلرده مسافر ایدلمش اولان رشید و عبدالرحمن بکلر حقنده بر قرار و یرمک لازم کلیوردی . ارقداشلردن بهضیلرله و بالخاصه طلعتک ایله جریان ایدن مذاکره نتیجه سنده اونلر علینده شدت پولیقه سی تعقیب ایتمه که و بالعکس اره مزده بر ائتلاف و مودت تأسیسنه قرار و یردک . محمود شوکت پاشاده بو فکرده بولنیوردی .

بونک اوزرینه بندن بر ملاقات طلب ایدن عبدالرحمن بکی نزدمه جلب ایتدم . کندی حقلرنده هیچ بر تهله اولمادیغنی ، شمدیکی مسافرتلری آنحق بعض مفرطلر طرفندن کندیلرینه بر فئالق یا یله بیلیمسنه مانع اولمق فکرندن ایلری کلدیکی وایکی کون صکره خانلرینه عودت ایده سیله جکلرینی و شوقدر وارکه کرک رشید بکلر کرک کندیسنک بر مدت ایچون استانبولی ترک ایدوب ممالک اجنیه به چکلملری ده احتیاطکارانه بر حرکت اوله جغنی سوبله دم . اولرندن یاتاق و یه به جک جلب ایتلرینه مساعدده ایتدم . و فی الحقیقه ایکی کون صکره هر ایکسینی ده سربست براقدرق خانلرینه قدر امنیت کامله ایله کوندردم . برایکی کون صکره کرک اونلر کرک کامل پاشا ایله جمال الدین افندی استانبولدن چیقیدیلر .

محافظتكم ايكنچي كوني مركز قوماندانلغنه كيدرك اوراده موقوف بولسان
 علي كال بلكه سينوب مبعوثي دوقتور رضانور و لوملجنه لي اسماعيل حق بگلري زيارت
 ايتدم . هر اوچنهد كندی حقلرنده ، بوندن صكره مناسبتر شكلده مخالفت يامقدن
 صرف نظر ايتك شرطيله ، هيچ برتهلكه بولونماديغي ، ملكيتك بوفلاكتلي زمانلرنده
 بالعكس بوتون منورلك متحداً چاليشملري لازم كله جكني وبو فكرته اشتراك
 ايتدكلري تقديرده كنديلري ايجون ناموسكار برر محيط مساعي تأمين ايده بيله جكمي
 سويلهدم . علي كال بك اوروپاده برآموريت ايستهدى . دوقتور رضانور بك پارسده
 طبابت تحصيلي ايجون شهري تخصيصات كافيه ويرلسني رجا ايتدى . اسماعيل بك
 ملكتده سربست براقلديغي حالده تا حال طبيعيتك عودتهدقدر حكومه قارشوهيچ
 بر وضع مخالفت آلمايه جغنه دائر ناموسي اوزرينه يمين ايتدى . دوقتور بك مصارف
 تحصيليه سني تأمين ايتدم . و پارسه كوندردم . علي كال بك ده يول مصارفي
 ويردك ويانه يه يوللادم . ويانه يه مواصلتدن صكره آرم مزده برقاچ مكتوب تعاطي
 ايدلدى كه بو مكتوبلري مندرجاتلرينك اهميتي حسييله عينا درج ايديورم . مخالفلر
 حقلده نصل بر فكر ائتلاف و مودت بسله مش اولديغي اثبات ايتك ايجون دوقتور
 رضانور بكدن آلدېغم مكتوبلردن بعضيلرني ده درج ايتمكي موافق كوردم .

[*] برنجي مكتوب ١٧ شباط ١٩١٣ اوتل متروپوله
 ويانه

مير مكارمپورم افندم حضرتلري

لطفنامه كزي آلام . بقيه خرج راه اوله رق كوندرديككز ١٠٩٠ قرونلق چكده
 ملفوف ايدى . تشكر ايدرم .

نجات حسياتكزي ، سلامت فكريكزي تقدير ايتمه مك المدن كلن . تأسف ايتديكم كرك ذات
 عايلرك و كرك ذات عايلريكز كييلرك ده درت سنه اول بو موقعده بولنايشلري ، بو ايشلرله
 مشغول اولمايشلريد ، چونكه اوله اوله يدي بو ملكت برچوق پسود ، حتى مهلك نفاقرم
 نا حق يره معروض قالمازدى ، بلكه ده بعض فلاكتلره اوغرامازدى . نه ايسه ، مضى ماضى .
 مخاطب هم ناموس ، هم عرفان صاحبي برعسكر اولديغي ايجون سزه شفاهاً عرض ايتدكلريمي
 تحريراً تكرر ايلرم . وطنداشلمزدن هيچ بر فرده ذره قدر عداوت بسله ينلردن دكلم .
 شمدي يه قدر يازدقلم ، يادقلم بكا قارشى نا حق يره وقوعه كن تعرضلره مقتضاي فطرت
 شدتليجه بر مقابله قلميه دن عبارتدر . اساساً بو اختلافك باعني نه فكردر ، نه ده باشقه برانديشه
 معنويدر ، محضاً ناظم ، جاهد ، بابان زاده بلكرك يابي معني بر غرضلري ، يا قوري بر حقد

[*] مكتوبلرك قطورغا قيلري عينا ستمابه ذيل اولومشدر .

و حسد لیدر . رقابت قلمیه ، باخصوص مملکت مزده هر رقابت کبی چیرکین و عادیذر . وقتیه .
 حالت افندیلر ، عاکف باشلر بوبولده یکدیگرینی آصدیرمغه قدر چاپالارلر مش ، ناجی افندیلر .
 اکرم بکلرده بر ذریت اولی یکدیگرینه اودرجه عدو ایدیلر . ایشته بزده اویولک سالکی زم .
 یوقسه امین اولیکز که ابتدای انقلاب مزده بوراقم عاجز حروفده ، اقدامده اتحاد و ترقینک
 اک جدی خادمی ، خیرخواهی ایدک

 جودت بکک رجاسته بناء دوندن بری اقدامه یازی یازمغه باشلادم . بویازیلرده یوقاریدن بری
 عرض ایتدیکم مسلکدن آیرلایه غمغه ، آرتق اصلا او احتراصاته قاپلایه غمغه قناعت بیوریکز ،
 مأموریته تعیینندن اعتباراً ایسه بالطبع سیاسایندن بسبتون توقی ایله یالکیز علمی ، ادبی ،
 تاریخی یازیلر یازمقی مجبوریتندهیم

علی کمال

ایکنجی مکتوب ۴ نیسان ۱۹۱۳ اوتل متروپول ویانه

میر مکارم پورم افندم حضرتلری

لطفنامه کزی آلدیم . افکار صائبه کزی ، مساعی وطنپورانه کزی جداً تقدیر ایلر و
 موفقیت کزه جاندن ، کولکدن دعا ایلرم . امین اولیکز که استانبولده ایکن ذات صامیکزم
 سوبله دکلم پک صمیمی ایدی . بو نفاقلریمزدن محضا سلامت وطن ایچون جهانده اک متاثر
 بر فرد وارایسه اوده بتم ، همت کرمکاریکزله یاواش یاواش تجلی ایدن وفاق حاضریمزدن
 یننه عین اندیشه ایله اک چوق سوینده بتم . بو حسن نتیجه ، بوصفوت حرکتیه شمدی
 له الحمد حسین حلمی پاشا حضرتلری کبی سزکده سودیککیز بر ذاتی شاهد طوته بیلیرم .
 احمد جودت بک اوزینی ، سوزینی صافلاماز جدی برآدمدر . باشقه لرینی پک سوزم .
 فقط آظنه ده ایلاک افعال فضل کزی کوردیکندن و کوردیکی کبی (اقدام) ده یازدیغندن
 بری هر فرصته مزایا کزدن ، کالات کزدن صمیمتله بحث ایلر . بو کونلرده مدرندن پک
 متلاشیانه خبرلر آلدینی ایچون (اقدام) ک عدم دوامندن تلاشه دوشدی ، لکن عدل کزه
 اعتمادی اولدینی ایچون متبلی اولیور ، مدیرک یازدقلرینی مباغیه حمل ایدیور .
 مأموریت عاجزانه مه دائر لطفاً یابدقلریکزه تشکر ایتمه مک قابل دکل

 اولاً ، سز نه درجه صرف غایت بیورسه کز او مأموریت ایشی او یله قولای قولای اولمازم .
 او اولونجه به قدر تکلیف منعانه کز وجه ایله ایلریده کی معاشمه محسوبایی ، یا باشقه برصورتله یی
 اولور بنده کزه بر مقدار پاره کوندریکیز ، شو بار مضایقه یی اوزرمدن دفع ایله ییکز

 صفوت فکر و وجدان کزی یازدقلریکزدن ، یابدقلریکزدن آکلادیم و تقدیر ایتدیکم ایچون
 معافیله برچوق تردد لردن صکره بو خصوصیات احوالی بویله جه سزه یازمغه جسارت ایلدم ،
 حرکتی معذور کوریکز

وقتیله فتحی بك شاهدرد . جاوید ، جاهد ، ناظم بكر بنله ائتلاف واتحادی منکوباً ومقهوراً
حتی سس جیقارما به رقدن اورویانك برکوشه سنده یاشامقلم طرزنده آکلایورلردی . بوسفر
اولیله اولمادیغنی سز فعلاً اثبات بیوردیکیز ، متتداریکیزم . اونك ایچون مسؤل عاجزانه می
اسعاف بیوره جفکیزدن امیم . حتی بودرجه ده تفصیلاته کیریشدیکمدن بیله محجوبم ، چونکه
العارف یکفیه الاشاره ، فقط صمیمیت فکر وحسمه دلیل اولدیغنی ایچون بوسوزلر نزد
داوریلرنده معذور کوریلیر امیدنده میم . باقی اقبال وموفقیتکیزه دعاایلرم میرمحترم افندم حضرتلری

علی کمال

اوچنچی مکتوب ۳۰ نisan ۹۱۳ اوتل متروپول ویانه

میرمکارمپورم افندم حضرتلری

لطفنامه کیزی ملفوفی ایله برابر آلدیم ، تشکر ایدرم . اشعار داورانه کیزه امتثالاً
قرباً استانبوله دونه جکم . حمتیکیزه ، انسانیتکیزه اعتمادم برکالدر . اوقدر دیبه بیلیرم که
سزك کبی ، سزك صفوت ومزیتکیزه بش اون کشیمز دها اولسه بو طالسمز وطن البت قورتیلور .
اوت ، هیمز آز ، چوق کناهارکاز . بو حقیقی تسلیم ایتلی یز . بویله اولدیغنی ایچون ده
ماضی یه برسونکر چکدرک استقبالی دوشونملی یز، آرتق اولیم نفاقلریمزه برخاتمه چکملی یز .
بو فکرلریمی شفاهاً عرض ایلرم .

علی کمال

دوقتور رضا نوربکک مکتوبلری : برنجی مکتوب

۱۶ کانون ثانی ۳۲۸ استانبول

افندم حضرتلری

اختیار زحمتله حسخانه بی تشریف ایدوب تخلیه عاجزانه می اسر بویورمه لرندن دولایی عهده مه
ترت ایدن وظیفه تشکری بوکون ایفایه مسازعت ایدیورم . مکالمه واقعه ده اظهار بیوردقلری
افکار و نزاکت فوق العاده ک عمیق بر تأثیر حاصل ایتمش اولدیغنی و بو طرزده دوشون
برذاتی بوکونه قدر یاقیندن طانیامش اولمقلغک بنی متأثر ایتدیکنی وجدانی اولارق بیان ایدرم .
امرکز وجه ایله یارین کوستنجه یه حرکت ایدیورم . حیاتم ، اوج بش آیدر ذاتاً بیقمش
اولدیغ های هوی عالندن خارج و کندی عالمه منحصر اولاجقدر . خلاص وطن خصوصنده
موفق اولمکیزی دعا ایدر ودیگر رفقا کیزکده - اواسکی فکر و حرکت سقیمه دن فراغت ایله -

ذات عالیترینک حس وفکرنده اولمیرینی وشو صورتله ملکتهک قورتارلسنی تمی ایلرم
دوقتور رضانور

ایکنجی مکتوب ۷ اغستوس ۹۱۳ نیس

محترم بک افندی

پکنلرده ارسالنی استرحام ایتش اولدیغیم آیلقلریمک ارسالی خصوصینده لطف والاری
بی دریغ وعین زمانده بردها تأخرات وقوع بولیه جفی وعد بیورلمشدی. حالبوکه بودفعه طلبه ناک
تموز معاشی ویرلدیکی حالده بیله هنوز بزمکی واصل اولمامشدر. بوحال، غزته لرده کوردیکم
بعض کیمسه لرهک معاشلرینک قطع ایدلدیکی حوادثک حق عاجزیده ده تطبیق ایدلمش اولماسی
ذهابنی حاصل ایتشدر. اساساً ذات عالی لری ایله آنغازمانه کیرمش وسزک سوزکزه اعتداله
حرکت ایتش اولدیغمدن قطع معاش واقع دکل ایسه لطفاً کچمش اولان تموز ومیعادی کلن
اغستوس معاشلرمک لطف معتاد لری وجه ایله ارسالنه دلالت بیورمه لینی، یوق واقع ایسه
اسبابنک لطفاً اشعارینی رجا ایدرم
دوقتور رضانور

اوجنجی مکتوب ۳ شباط ۹۱۴ یارس

عزیز و محترم پاشام

التفاتنامه جوابلرینی آلدیم. لسان مخالفتکیزک طرز مخصوص صمیمیسته قارشنی پک حساس
اولدیغی عرضه لزوم کورمه یورم. موفقیاتکیزک هرکون متراید بر صورتده. حد قصوایه
دوغری صعودینی بوتون صمیمتله تمی ایدرم
باق عافیت وموفقیته کیزی تمی ایدرو واحترامات مخصوصه مک قبولی رجا ایده ریم پاشام افندیم.
دوقتور رضانور

محافظلق اثناسنده بعض اجرا آت

بو تشبثاتم نتیجه سنده درت بش کون صو کره موقوف مخالفلره کافه سی حبس خانه دن
چیقارلمش، محمود شوکت پاشا قایینه سی ده بویوک بر جدیتله ایشه باشلامش ایدی.

استانبول محافظانی عین زمانده چتالجه اوکندده بولنان اردونک اس الحركه قوماندانلغی ده ایفا ایتمکده بولدیغندن بن بریاندن بو وظیفه یی یاپیور وبرطرفدن ده شهرک انضباطنی وباخصوص محمود شوکت پاشا قاینه سی علینه یکی برضربه حکومت یاپیله مامسی تأمین ایله اشتغال ایدیوردم . اتخاذ ایتدیکم ایکی مهم تدبیری بوراده ذکر ایتمه دن کچه میه حکم :

۱ — بنم قناعتمه جه استانبولده حکومتک دوچار ضعف اولدیغنه دلالت ایدن بر حال واردر :

توتون قاچاقچیلرینک استانبول سوقاقلرنده وبالخاصه محمود پاشا یوقوشنک آلت باشنده ، سلطان حمامنده ، سرکه جیده ، بازید میدانده رژی پاکتلی ایچنده علناً قاچاق توتون ساتمالری .

قاباغی آچیلمش توتون پاکتلیرینک ایچنده کی صاری توتون صاچاقلرینی کوستره رک « ایکیلک غروشه ! . ایکیلک غروشه ! » ترانه سیله بی پروا قاچاق توتون صاغان اشخاصی افلاس حکومت منادیسی عدایده رم : بناءً علیه اول امرده خلقه استانبولده امرینی انفاذه قادر بر حکومت قویه موجود اولدیغی کوسترمک ایچون اداره عرفیه قرارنامه سنک حکومت عسکریه یه ویردیکی صلاحیتدن استفاده ایدرک توتون قاچاقچیلری حقنده پک شدید حرکت ایده جکمی وعلناً پراکنده قاچاق توتون صاغانلرله بویوک مقیاسده قاچاقچیلیق ایدنلرک دردست ایدلکلری تقدیرده استانبولدن تبعید اولونه جقلرینی اعلان ایتدم . و بر هفتقه ظرفنده بوکی اشخاصدن درت ونهایت بشنی تبعید ایتدیردیکم کبی سرای بورنده یاقالاتدیغم بر قاچاقچی قاینی ایچنده کی اشخاص دیوان حرب عرفی طرفدن محکوم ایدلایلر . بو اجرا ات اشناسنده استانبولده عادی خرسزلق وقوعاتی بیله نوادر درجه سنه کچدی وخلق استانبول ومله حقاننده کی خانه وکوشکلرنده کمال امنیتله یاشامغه باشلادی .

۲ — استانبولمیزک پک مستکرمه بر عادی واردر : ارککلرک واپورده ، کوپریده ، چارشوده ، سوقاقد ، مسیره لرده تصادف ایتدکلری اسلام قادینلرینه بی ادبانه حرف اندازلق ایتملری .

بوکا بعض اختیار قادینلرک بر آز حسن طبیعته دلالت ایده جک درجه ده کوزل کینمش خانلریمزه قارشو لسانلریله حتی بعضاً لریله تجاوز ایتملرینی ده علاوه ایده بیلیرم . بو منفور اعتیاد حقنده تا چو چوقلغمندن بری برغیض مخصوص حس ایدرو حکومتک بوکانصل اولوبده چاره بوله مدیغنه بدرلو عظم ایرمزدی . بو حالده حکومتک ضعف وقوتیله متناسب بر صورتده آرتار ، اکسیلیر .

استانبول محافظی اولدیغم صره دوچار تجاوز اولان برقاچ عائله نک رؤسای بونک

منی اسبابی بدن رجا ایتشلردی . قانون جزانك بوخصوصده يك ضعيف اولديغی نظر دقته آلهرقینه اداره عرفیه قرارنامهسنك حكومت عسکریه یه وپردیکی صلاحیتیه استناد ایتك ایستهدم . حرف اندازلق ایده جك ارککلرله قادینلره تجاوز ایده جك قادینلرک داخل مملکته تبعید اولونه جقلرینی اعلان ایتدم . درت بش تبعیددن صوکره قادینلریمز سواقاقلرده دوچار تجاوز اولمقدن کاملاً قورتیلدیلر . وایشته اوزماندن اعتباراً استانبولده تورک قادینلرینک حریت حقیقیه سننه طوغری غایت متین آدیم آیلمش اولدی . حریت نسوانک ، ده طوغریسی قادینکده جمعیت بشریه ده بر عضو نافع اولدیغی حقیقتنك آرتق مملکت مزده ده آکلاشیله رق خدمات عمومی مملکته قادینلریمزکده تأمین اشتراکی فکرینک اک آتشی مروجلرندن اولدیغی استانبول محافظلغم ائناسنده تماماً کوستردم . حتی بوندن طولانی بالاخره بعض ذوانک دوچار انواع مفتریاتی اولدم . مع هذا بنم استانبول محافظلغم ائناسنده باشلایان حرکت نسویه توقف ایتیه رک ایلرله دی و بوحرب عمومی ائناسنده مملکته يك نافع خدمات تأمین ایتدی . مملکته اک سریع و مفید ترقیات مدنیته نك واسطه نسوان ایله ادخال ایدیه یله جکی ، قادینلری اسارت آلتنده بولنان ملتلك دوچار فلاکت اولاجنی حقنده کی فیکرم لایزلرلدر .

تقلیب حکومت

استانبول محافظلغنه تعینمندن صکره پاتخمده منتشر غزنه لرك باش محررلرینی نژده دعوت ایتش و مملکتده سکوتی اخلال ایدیه یله جك مقاله لردن توقی ایتك شرطیه غزنه لرده يك خفیف بر عسکری سانسوردن باشقه بر معامله یه تابع طوتولما به جقلرینی سوله مش و منافع مملکته متعلق مقالات ایله افکار عمومیته نك تنویرینی ، ادرنه نی قررتاره یلمک ایچون ملتک محتاج اولدیغی تازه قوتی او یاندیره جق نشریاته بالخاصه اعتنا ایتلرینی رجا ایتش ایدم . سابق قایینه زماننده انتشار ایتمکده اولان «علمدار» کی الکشدید علیهدار غزنه لرك یله دوام انتشارینه مساعدده ویرمشم . بونلرینه آره صره طغیان ایتمکله برابر مدیر مسئولرینه ، باش محررلرینه شفاهی اخطارنده بولونمقدن باشقه برشی یاپیموردم .

حکومت ، ملتک حسیات جنکوارانه سنی آرتدیرمق ، بالقان متفقلرینه قارشى کیریشدیکمز ایکنجی سفر ائناسنده هیچ اولمازسه چتالجه اوکنده کی بلغار اردوسنی مغلوب ایدیه یله جك براردو وجوده کتیرمک ایچون صوگ غیرتیه چالیشیور ، برطرفدن مدافعه ملیه جمعیتی تشکیل ایدرک طرف طرف وسائط مادیه حربیه تدارکنه واردونک

قوه مغنویه سنک تکملنه غیرت ایدیور ، بر طرفدن ده دول معظمه دن بعضیلرینک منافع عثمانیه بی محافظه یه خادم اولمیرینی تأمین همت ایدیوردی .

آطنه والیدلکم زمانندن بری بنله پک صمیمی مناسبات دوستانه ادامه ایتمکده بولنان فرانسر سفیری موسیو بومپاری اوکونلردن برنده زیارت ایتشم . استانبولده کی انکلیز ، فرانسر و روس دیپلوماتلرینک اک بویوک مشغله سی اینوز - مدیه خطی قبول ایدهرک و بحر سفید آطه لرندن ده واز کچهرک بالقان هیئت اتفاقیه سیله عقد صلحه راضی ایتک ایدی . موسیو بومپارینه بو نقطه نظر دن بر زمین مباحثه آچشدی . بکا دیدی که :

« عزیزم جمال بک ، ادرنه بی ، آطه لری محافظه ایتک ایچون نه دن دولای بوقدر اصرار ایدیورسکیز ! ایشه برضربه حکومت یاپدیکیز . حکومتی الیکزه کچیردیکیز ، ویلیرزکه سزک فرقه کز بو مملکتده اک بویوک بر قوت عاملیدر . بناء علیه منافع مملکتیه مضر کورمه دیکی قرارلری اتخاذ واجرا ده سابق قایینه کی متردد دکلدر . سزبوکون هر شیدن زیاده داخله کمال آسایش واستراحتله مملکتک تأمین تر قیسنه خادم تدابیر اصلاحیهیه محتاجسکیز . بش اون تاریخی قبه دن بشقه بر شیده مالک اولمایان ادرنه بی ، ایچنده روملردن بشقه سنک ساکن اولمادی بی آطه لری محافظه ایچون صرف ایتمکده اولدیغکیز قوه مغنویه و مادییه بی بو تدابیر اصلاحیهیه حصر ایتسه کز مملکزه ده نافع ایشلر تأمین ایتش اولورسکیز . »

در عقب دیواره آصیلی اولان ممالک عثمانیه خریطه سی اوکنه کوتوردم . و - استانبولی محافظه ایچون هیچ اولمازسه ادرنه یه قدر بره نیتزلانده محتاج اولدیغیزی اناطولی یه روم اشقیاسنک استیلا سندن وقایه ایچون ده اوکا یقین اولان آطه لری الیزده بولوندرمق ایجاب ایتدیکنی ایضاح ایتدم . ونهایت دیدم که :

« عزیزم موسیو بومپار ، بو ادرنه و آطه لر مسئله سنی بز ، استقبالمز ایچون حیات و ممات مسئله سی تلقی ایدیورز . بو مسئله ده بزه النی اوزاته جق اولان هر هانکی بر اورویا دولتی بزم ابدی متدار لغمزی جاب ایده جک و بزى هر زمان کندى یاننده بوله جقدر . ایشه فرانسه نک شر قده اک مهم بر موقع معنوی احراز ایتسنی موجب اوله جق حادثه ! » .

حکومت ادرنه بی قور تارمق ایچون بویله جه چالیشوب دورورکن مخالفلرک حکومت علیهنه یکی برضربه حاضر لامقده اولدقلرینه دائر هر کون حوادثلر آلیورد . بو حوادثلر اوقدر صیقلاشدی و اوقدر قوتلشدی که نهایت تدابیر تعقیبه اتخاذینه مجبور اولدم . بر کون تصادف الیزه ارضروملی سردار صدق اسمنده بر ذاتی دوشوردی . بو ، دیگر بذات ایله برابر بک اوغانده بر مطبعه ده بر طاق بیان نامه لر طبع ایتدیرمکله مشغول ایدی . بوغروپ پرنس صباح الدین بکک حایه مغنویه سنده و پرنسک کاتب

خصوصیسی بوشناق سطوت لطفی بکک تحت ریاستنده چالشیوردی. غایه سی برضربه حکومت یا مقی، صباح الدین بکک صدارتی تأمین ایتمکدی. هپنی در دست ایتدی کمز حالدہ سطوت لطفی بکی اله کچیرمک ممکن اولامیوردی. نهایت اونیده اوستریا سفارتی تر جانلردن لازارک آپارتماننده قید رزق فرارینه میدان ویرمکسزین توقیف ایتدیردک. فقط قایتولا سبورلر مخالف اولان بوتدیر اداریدن طولانی استانبول قوای انضباطیه سنک الک بویوک مأمور مسئولی صفتیه ایکی تون صکره، محمود شوکت باشادان آلدیغم امر اوزربنه، بویوک اونیفورمه یی لابس اولارق اوستریا سفارتنه کیتدم و مارکی پالازیچینی به ترضیه ویردم.

بو ضربه حکومت حادثه سی کندیسنه عائد دوسیه لرده «تقلب حکومت» نامیه معروفدر. پک اساسی برتدقیق ایله تنظیم ایدلمش اولان دوسیه استانبول محافظلیغه، پولیس مدیریننده و دیوان حرب عرفیده محفوظدر.

متشبهلردن اله کچیریلانلر درجات مختلفه ده محکوم اولدیلر. فقط ده پرنس صباح الدین بکک ایلشمیوردم. چونکه کندیسیله برزمین ائتلاف حاضر لامقده اولدیغندن علمینده غیری قابل رد و جرح بر دلیل مادی اله ایتده کجه توقیفندن توقی ایدلمنی اوزمان جمعیت کاتب عمومیلکنده بولنان طلعت بک رجایتمشدی. سطوت لطفی بک و رفقا سنک توقیف و محکومیتلری صباح الدین بکک تشبثاته نهایت و برمه شدی. بر دفعه ده یارصادقی دو قنور نهاد رشاد بکی ایشک باشنه کچیرمشدی. نهاد رشاد بک بر طرفدن حکومتله پرنس صباح الدین بک آراسنده برزمین ائتلاف بولمق ایچون طلعت بکله مکالمه به بر طرفندن ده بی، طلعت بکی، محمود شوکت پاشانی و سائر صنادید اتحادی اولدیرمک ایچون منفرد و عمومی Complot لر ترتیننه مأمور ایدلمش ایدی. ظواهری پک ظریف اولان دو قنور بو ایکی یوزلی بیلان سیاستی پک کوزل ایضا ایدیوردی. او قدرکه جنایت تشبهلردن کونی کوننه خبردار اولدیغم، کندیسی خطوه بخطوه تعقیب ایتدیکم حالدہ ائتلاف مذاکره لری پک زیاده ایلری کوتوروش اولان طلعت بک ویردیکم معلوماته بر درلو اینسانه میور، وسائط تعقیبه مک بی آلداتمقده اولدیغنی ظن ایدیوردی. نهایت کندیسنی تماماً تأمین ایدمک بر دلیل مادی کوستردم:

برکون ائتلاف مذاکراتی ایچون طلعت بک معین بر ساعتده ملاقات وعد ایتمشدی. عینی کونده و طلعت بکک تخصیص ایتدیکی زماندن ایکی ساعت اول بزرک علمینه سو قصد ایتلری مقرر اولان اشخاص ایله ده بر موعده ملاقات قرار لاشدیرمشدی. سو قصد رفقا سیله مذاکره نک طرز جریاندن پک ممنون اولان دو قنور، جانیانه برتسمله: «هایدی باقم، شیمدی ده طلعت بکله ائتلاف مذاکره سنه!» دیتمشدی.

بومنظره‌ی طلعت بلك بر آدمنه عیناً مشاهده ایتدیردم . اوزمان شبه‌سی قلمادی . فقط تام کندیسینی دردست ایتدیره‌جکم صروده تعقیباتدن شبه ایتش اولدیغنی ظن ایتدیكم دوقتورنه‌اد فراره موفق اولدی . رفقاسندن برچوقلرینی دردست ایتدیردم . اولنرده ایکنجی پارتی اوله‌زق دیوان حربیه سوق اولوندیلر .

پرنس صباح‌الدین بك اورته‌دن غائب اولمشدی . انكلتره سفارقی باش ترجمانی فیچ موریس ایله آتاشه‌میلتری بیکباشی « تریل » طرفندن مظهر حمایه اوله‌زق انكلیز مؤسسات رسمیه‌سندن برنده اولدیغنی خبر آلیوردم اما بالطبع برشی یاقی ممکن دکلدی .

بك بویوك برجرأله سو قصد ترتیباتنه دوام ایدن پرنسك نصل اولوبده بردنبره اوركهرك بوتون پلانلرینی ترك ایله فرار ایتش اولدیغنی آکلایاماشدم . بو دفعه استانبولدن برلینه کایرکن یوله زمین محاوره بووقعه‌یه کاشدی . طلعت پاشا کولهرك « سن دلیل مادی‌ی تدارك ایدرك پرنسی توقیفه قرار ویرر ویرمز بنده کندیسنه بك اعتماد ایده‌جکی بر ذات واسطه‌سیله هان فرار ایتسی لازم کله‌جکنه دائر خبر کوندردم . بو صورتله دوقتورله پرنس قاجه‌بیلدیلر » دیدی . شوراسی غریبدرکه اوتوز بر مارت وقعه‌سنده حرکت اردوسی طرفندن توقیف ایدلمش و حربیه نظارتنه کتیرلمش اولان پرنسی اوزمان بن قورتارم‌شدم . پرنسك توقیفی خبر آلیر آلماز محمود شوکت پاشا مرحومه کیده‌رك پرنسه یاپیلان بومعامله‌نك قطعاً نالایق اولدیغنی ، بزااستانبوله مرتجع‌لره اولرك تأمین موفقیتنه‌خادم اولان بی‌ادب قالدیرم پولتیقه‌جیلری علیه‌نه تأدیبات اجراسی ایچون کدیكمز حالده بزم قناعتمز مخالف برقناعت بسلیور دییه پرنس و امثالی ذوات علیه‌نه حرکتمزك دوغری اولمایه‌جغنی سویلدم . هان تخلیه‌سنه امر ویردی وبالذات بن بویوك قبول سالوننده والدلری سلطان افندی حضرتلری ایله برلیکده انتظارده بولنان پرنسك یانه کیده‌رك وبرچوق کلمات تطبییه ایله عرض اعتذار ایدرك سربست بولندقلرینی سویله‌مش ایدم . فقط بودفعه کرکس‌طوت لطفی بك ورفقاسنك و کرک‌نه‌اد رشاد ورفیق‌لرینك محاکمه‌سی ائناسنده مطلع اولدم که پرنس حضرتلری‌ده اوتوز بر مارتك بك متعدد اولان مرتب‌لرندن بریسی ایشلر . بودفعه ایسه محقق صورته‌ده برسو قصد حاضرلامقده اولدقلرینه هیچ شبه‌مز اولمادیغنی حالده طلعت پاشانك حمایه‌سی سایه‌سنده قورتولمغه موفق اولمشلردی . کندیلرله آدم‌لرینی بك یقیندن تعقیب ایتمکده اولدیغم کونلردن برنده ایدی ، پرنس هنوز قاجامشدی . برکون برادرلری پرنس لطف‌اه بك شخصنه عائد برایشده معاونتی رجا ایتك اوزره محافظغه کاشدی . سوق کلام ایله محاوره‌ی صباح‌الدین بکه انتقال ایتدیردم و دیدم‌که :

— « سزدن اوفاجق بر خدمت ایستیه حکم : بعض سوزلریمی لطفاً برادر یکز صباح الدین بک افندی به نقل ایتمک . کندیلری بوراده و اوروپاده یازدقلری بر جوق یازیلرله ادعا ایدیورلرکه اتحاد و ترقی صنادیدی قائل، قانلی بر طاقم اشخاصدن عبارتدرلر . بونی، کلیاً خلاف حقیقت اولدینی حالمه ، بر دقیقه ایچون قبول ایدم . فقط بن ادعا ایدیورم که بزنه قدر قانلی ایسه ک ایچلرنده پرنس صباح الدین بک دخی داخل اولدینی حالمه بوتون مخالفلریمزده قانلیدرلر . اولاً ، اوتوز بر مارت وقعه سنی اونلر احداث ایتدیلر؛ پرنس حضرتلری ده بو ایشده داخلدرلر . بناء علیه اوزمان دو کیلان قانلرله حرکت اردوسنک استانبوله مواصلتمده دو کیلان قانلرک مسبب حقیقیلری اونلر در . بالاخره خلاصکار ضابطان غروبنک تشککنده پرنس حضرتلری بویوک بر حصه به مالک اولدقلری کی آرناووداق عصیاننده ده علاقه داردرلر . بناء علیه او وقتکی قانلرک مسئولیتنده مشارالیه حضرتلری مشارکدرلر . شمدی ده بزرک قانلی هدر ایتمک ایچون صرف مساعی ایدیورلر . او حالمه کندیلرندن رجا ایدرم . باری بو حقیقتلری اعتراف بویورسونلرده قانلی دیدیکی اتحادچیلرک هیچ اولمزسه بر تدبیر مقابل اوله رق قان آقیمغه مجبور اولدقلرینی و کندیلری کی بادیلرک ده ظالم عدایدملری لازم کله جکنی قبول ایتسونلر . و هرایکی طرف ده قان دو کمکدن واز کچه رک بر برلینه مستنداً کندی قناعت سیاسیه لری داخلنده ایکی مخالف طریقدن خیر و طنه ساعی بولونسولر . »

بالطبع بویوک بر فوران ایله قارداشنک هیچ بروقنده الی قانلی اولمادیغنی، بویاپیلان ایشلرده کندیسنک قطعاً علاقه سی اولامایه جغنی وسائر و وسائر بی در میانه باشلادیلر . « بن بو ایشده ذات عالیلرله مناقشه به قالدیشه حق دکلم . چونکه بونلره سز واقف دکلسکیز . لطفاً سوزلریمی برادر یکز به نقل ایدرمیسکیز ؟ ایتزمیسکیز ؟ اوراسنی سویله یکز ، بنجه کافی ! » دیدم . « بلکه بر خیره دلالت ایتمش اولورم ، بناء علیه برادریمه سویلرم » دیدیلر . ایکی اوچ کون صکره پرنس لطفاه بک کدیلر . سوزلریمی برادرلرینه عیناً نقل ایتدکیرینی و جواباً اتهاماتمک کلیاً خلاف حقیقت اولدینی ، افترا ایتمک ایسته مه یورسم مطلقاً ساسلی بر صورتده آلداتمش اولمقلغم لازم کله جکنی ، کندیلری بر نظریه سیاسیه صاحبی اولوب غایه اتخاذ ایتدکیری بونظریه تک مملکتنده تطبیق ایچون دائماً وسائط علمیه ایله مجادله ایدر اولدقلرینی ، جهانده الک چوق نفرت ایتدکیری شی قان ایکن کندیسنه نصل اولوب قانلی انقلابلر طرفدارلنی و دها فنانسی ، مرتبکی اسناد ایده بیلدیکمه تعجب ایتدکیرینی و فقط بنم برادرلری واسطه سیله سبق ایدن بو اخباریمی علمبنده کی کین وعداوت حسلرینک و اصل مرتبه کمال اولدیغنه و بناء علیه بویوک بر تهلمکه ایچنده بولوندقلرینه دلیل عد ایتدیکندن حفظاً للنفس بر مدت ایچون امنیتنی بریره چکیله جکیرینی سویله مش اولدقلرینی بیلدیردی .

فی الحقیقه او کیجه پرنس حضر تلی اورته دن غائب اولمش و کیزلتمش لردی . دیدم که : « پرنس صباح الدین بك ایله بر مقاوله یاپلم . انکلیز جزایوننك الك مشهور لرندن اوچ ذات انتخاب ایدلم . علملر نده بولدیغم دلایللی و شهودی بو اوچ انکلیز حاکمنه تودیع ایدلم . پرنس حقننده کی حکمی اونلر ویرسونلر . یعنی پرنسك مختلف سوء قصد و اختلال مرتبی اولوب اولمادیغنی اونلر تعیین ایتسونلر . شاید علملر نده حکم ویرلر سه پرنس حضر تلی محاکم عثمانیه طرفندن محاکمه لرینك اجراسنی قبول بیورلر می ؟ »

ایکی اوچ کون صکره بر دهاکمش اولان پرنس لطفاه برادرلرینی کوروب سوزلر می سویله مکه موفق اوله مادیلرینی بیلدیر مشلردی .

یکی ضربه حکومت تشبثاتی حقننده کی تعقیباتم اشناسنده وسائط تعقیبیه م بوایشده اوزمان چتالجه اردوسی قوماندانی اولان عبوق احمد پاشانك ده . مشارك اولدیغنی اصرار ایله اخبار ایدیورلر و برادر زادملری واسطه سیله مشارالیهك پرنس صباح الدین بك و رفقا سنه بك بویوك معاونتلر وعد ایتدیكنی بیلدیر بیورلردی . عبوق احمد پاشایی اولا مرد بیلیرم . ثانیاً ، بدلا ظن ایتیم . ثالثاً ، عثمانلی امپراطورلغنك بك چوق انعام و احسانه مظهر اولدیغندن اوکا افراط ایله صداقت لازم کله جکینی تقدیر ایدر امید و قناعت ندهیم . بناء علیه مخبرلریمك توالی ایدن مصرانه اخبارینه رغما بویوك اوزمان اینانمام . مدم . انور پاشانك حربیه نظارت ته تعیینندن صکره تقاعد ایدیله رك شامده اقامته مأمور ایدلکدن صکره دخی بو قناعت نده ثبات ایتدم . حتی بو دفعه تشکل ایدن داماد فرید پاشا قایینه سنه — که محمود شوکت پاشا سو قصدینك مرتبی اولان حریت و ائتلاف فرفه سی ارکانندن مشیر شا کر پاشا و خواجه صبری و سائر کبی ذواتدن ترکب ایدیور — ناظر اوله رق داخل اولدیغنی او کر ندیکم حالده دخی حالا قناعت می تبدیل ایتیمورم . یعنی محمود شوکت پاشا سو قصد نده عبوق احمد پاشانك دخل و مشارکتی بردرلو قبول ایده میورم .



محمود شوکت پاشا وقعه سی

قایینه علمنه برضربه حکومت یاپیله جنی ، باخصوص محمود شوکت پاشا ایله بکا وطاعت بکه سو قصد ایدیله جکی حقننده کی اخبارات هر دقیقه توالی ایدیور و مأمورلرم فعالیتله چالیشیورلردی . بو دفعه کی ترتیبات بالخاصه انکاتره سفارقی باش ترجمانی فیچ موریس ایله آناشه میلیر بیکباشی تیریل طرفندن حمایه و تشویق اولنیوردی .

کامل پاشا قابینه سی زماننده پولیس مدیریت عمومیه سی قسم سیاسی مدیرتنده بولنش اولان محب بک ، چرکس یوزباشی کاظم ، بحریه یوزباشی بلغندن مستغنی شوق ، کوملجنه لی اسماعیل ودها امثالی برچون ذوانک بوسوقصد ترتیباتیه مشغول اولدقلری خبر وریلیوردی . بن کندیلرینی اوقدر یقیندن تعقیب ایدیوردم که عادتاً مأمورین خفیه مدن بعضیلری اولنرک آرسنه صوقولغه بیله موفق اولشلردی .

داماد صالح پاشا

برکون پک مهم دلائلی حاوی اوله رق آلدیغم برراپورده ایشک باشنده داماد صالح پاشانک بولوندی و اوروپاده کی داخلیه ناظر اسبقی رشید بکده بو قومیلوده علاقهدار اولدینی بیلدبریلیوردی . داماد صالح پاشانک حریت وائتلاف فرقه سندن اولدینی بیلمکله برابر بویله برسوءقصده اشتراک ایده جکنه احتمال ویره میوردم . باخصوص خاندان سلطنته پیدای مناسبت ایتش اولان برذاتی هر نه اولورسه اولسون صیانت ایتک و اونک قومیلور ایله اشتغاله مانع اولق اکبرنجی اندیشه لرمدن ایدی . بناء علیه محافظلاق یاورلرندن برینی کندیسنه اعزام ایدرک محافظلغه قدر اختیار زحمتله کلوب بنی کورمیلرینی رجا ایتدم . تعیین ایتدیکم زمانده کلدیله . کمال احترام ایله قبول ایتدکن صکره دیدم که :

« — پاشا حضرتلری ذات عالیلرینه آچیق برلسان ایله بعض معروضاتده بولونمقلغه مساعدده بیوریکیز . دامادشهریازی اولق اعتباریه موقع وشخص عالیلرینک حائر اولدینی اهمیت مادیه و معنویه دن استفاده ایتک ایسته دکلرینی ظن ایتدیکم بعض اشخاص نام و حساب سامیلرینه اوله رق تشبثات خفیه ده بولنیورلر . کویا سزک تحت ریاستیکزده بر جمعیت خفیه ک تشکل ایتدیکنی و پک یقین زمانده حکومت حاضره ارکانندن برچوقلرینی ائتلاف ایتک صورتیه بر انقلاب وجوده کتیریله جکنی ایلری سورهرک ضابطاندن و سیویلدن برچوق طرفدار تدارکنه چالیشیورلر . بن ظن ایتک ایستیورم که ذات عالیلری بوندن بالکلیه بی خبرسکیز . فقط اعتماد بیوریکیز که بو اشخاص بو طرزده چالیشیورلر و سزی مدھش برمسؤلیته طوغری سوروکلیورلر . بن ذات سامیلرینی ، ابدی بر حرمت و تعظیم ایله مربوط اولدیغم خاندان ذیشان عثمانیه اولان انتسابکیز حسبیه صیانت ایتکی ، بر وظیفه مقدسه تلقی ایدیورم . بناء علیه پک رجا ایدرم ، بر مدت ایچون استانبولدن چیقیکنز و اوروپانک برطرفه چکیلیکیز . تا که بواشخص پک قریب بر آتیده یاققلری جانیا نه برحرکتک حکومتجه منع و تأدیی صره سنده سزک علیھیکزده موجب اتهام بعض دلائل الدہ ایدلمش

اولسون و حقكزده تعقيبات قانونيه اجراسنه احتياج قالمسون . اشخاص مرقومه ده تلقينات مضرملری ایچون اتخاذیتدکلی الهمهم برواسطه دن محروم بر اقلمش اولسون . غایت خالصانه اولان بو سوزلریمه قارشو قواعد تربیه و نزا کتله پکده تألیف ایدیه مه یه جک بر طور طاقینه رق دیدی که :

« — باقیکز ، بک افندی ، سزه آچیق سوبلیه یم . بن سلطان افندی حضر تلینک سایه لر نه غایت فخور و مکمل بر حیات سوزیورم . بو حیاتی او قدر سوزیورم که بر دقیقه بیه اوندن آیرلق ایسته یم . بناءً علیه اوروپایه کتیمک حق نه کی تکلیف کزی اولاوندن طولانی قبول ایدیم . ثانیاً ، سزک بکا سوبله دیککز شیئر کاملاً مصالحلردن عبارتدر . آلقچه اویدیرلمش مصالحلر . شمدی بن تکلیف کز وجهله اوروپایه کیده جک اواسهم بونلری ضمناً اعتراف ایتش اولورم . بناءً علیه هیچ بر طرفه قیملدانه جقلردن دکلم . الیکزدن نه کایرسه یاقمقدن کری دورمایکز . و بنی اخافه ایچون بورایه قدر چاغرمش اولمکزدده تأسف ایدرم . »

بالطبع بر طرفدن پاشایی دائرة نزا کته دعوتله برابر بر طرفدن ده دیدم که :
« — پاشا حضر تلی ! کوزیورم که تشبک زک واقف اولدیغم درجه قوتندن پک امینسکز و یقین زمانده نائل امل اوله جغکزه قانع بولنیورسکز . بناءً علیه هیچ پرواسز بوراده انتظار ایتدی و نتیجه موفقیتمدن املکیز جه مستفید اولمنی موافق بولورسکز . متشبثلر هیچ بر شیشه موفق اوله مایه جقلردر . بلکه منفرد سو قصدلر یاقیلورلر و فقط هیچ بر وقت حکومتی دوریمکه مقتدر اوله مازلر . ذات عالیکز بنم تکلیف می قبول بیوریکز و حتی موافق بولورسه کز سلطان افندی حضر تلی یی ده بر لیکده اوروپایه کوتوریکز . اسباب استراحتلرینک تأمیننه عنایت بیورملری صدر - اعظم پاشا واسطه سیله ذات حضرت پادشاهیدن استرحام ایتدیرمکده مشکل دکلد . شاید پک خالصانه اولان بو وصایایم اصرار ایله رد ایدرایسه کز بو کوندن اعتباراً ذات عالیلری آچیقدن آچیغه تعقیب ایتدیرمک بنم ایچون بر وظیفه اوله جقدر . او زمان : « باقیکز محافظ بک بزى خفيه لرله تعقیب ایتدیر بیور » دیه شکایت ایتیه کز . »
عنف ایله یرندن قالقدی : — الیکزدن کلنی یاقمقدن بر دقیقه خالی قالمایکز . بن شورادن شورایه کیده جکلردن دکلم . دیدی و حیقدی کتدی . نده او کوندن اعتباراً صالح پاشایی هر بر فعل و حرکتی بنجه معلوم اوله جق صورتده پک یقیندن تعقیب ایتدیرمکه باشلادم .

ارمه دن درت بش کون کچد کدن صکره بر کون رژی مدیر عمومی موسیو وویل محافظه لغه بنی زیارته کلدی . بر کون اول آتهدن کلمش و ایلیک زیارتی بکا یامش اولدیغنی سوبیلوردی . معتاد اولان بر قاچ جمله احترامیه نک تعاطیسنندن صوکره دارغین بر چهره ایله سوزه باشلادی :

« — جال بك ، دیدی ، بو دفعه سزه پك دارغین اوله رق کلیورم . چونكه
بنم سزك قدر سودیکم بر دوستمی سز تحقیر ایتدیکز و اوکا بالایق معاملده بولوندیکز ،
داماد صالح پاشادن بحث ایتک ایستیورم . کچن کون کندیسنی چاغیرمش و بعض
سوء قصدلر ترتیبنايه مشغول اولان بر طاقم آدملرک ریاستنده اولدیغندن بحثله کندیسنه
اوروپایه عنیمتی تکلیف ایتمشکز . بونی نچون پادیکز ؟ بن صالح پاشادن کندیم
قدر امینم و بویله آچمجه بر تشبده بولونمایه جفته قالعم . » کال سکونتله موسیو و دیلی
دیكله دگدن صکره دیدم که :

« — عزیزم موسیو و دیل ! هیچ تلاشه لزوم یوق . بن داماد صالح پاشایه
سویله دیکم سوزلرک نه قدر آغیر اولدیغنی تقدیر ایدمه یه جک بر آدم دکلم . اونلرک
هپسنی عمیق تدقیقاتدن صکره سویلدم و بونده خاصه داماد صالح پاشانک دکل انتساب
ایتدیکی خاندان ذیشانک محافظه شرفی املی ساقم ایدی . فقط پاشا ارقداشلرینک
موفقیتمدن پك امین اولمکی که بو خالصانه اخطار اتمی قبوله تنزل ایتهدی . بن ده
او کوندن اعتباراً پاشایان پك یقیندن تعقیبه باشلادم : تعقیباتمک درجه اهمیتنه دلیل
اوله رق سزه برشی سویله یه جکم . صالح پاشایان کوریکز و کندیسنه سویله یه جکه
اولکی کون کندیسنه بر شخص مجهول امضاسز بر مکتوب کتیردی ؟ او مکتوبده
کندیسی بک اوغلنده بریره دعوت ایدلیورمیدی ؟ فی الحقیقه پاشا اورایه کیتمدی ،
نچون کیتمه دیکنی بیلمده کوچ برشی دکل . چونکه پك یقیندن تعقیب ایدلیدیکی
بیلن پاشا بالطبع ارقداشلرینک محل اجتماعنی بکا بیلدیرمک ایسته مزدی . اگر
بودلیدن صکره ده پاشا استانبولدن چیقمق ایسته مزسه بوندن بویله حقلرنده یاپیله جق
معاملاتده بن کندیمی سربست عد ایدرم . وسزکده بکا داریغنه حقکز اوئز . »

سوزلریمی دفته دیكله بن موسیو و دیل وداع ایله کیتدی . و ایرتسی کون کلدی .
پاشانک فی الحقیقه امضاسز بر مکتوب ایله بک اوغلنده بریره دعوت ایدلیدیکی و فقط
بو یرک نه اولدیغنی بیلمه دیکنی کی کیدلر طرفندن چاغیرلمش اولدیغنی ده بیلمه دیکنی و بناءً علیه
کندیسنی بر طوزاغه دوشورمک ایسته یئلرک بر حیلله سی کی تلقی ایتدیکنی و مع هذا
استانبولی ترک ایتمه مکده اصرار ایدلیدیکی سویله دی . و علاوه دیدی که :

« بن آرتق بویک نازک مسئله ایله علاقه دار کورونمکی غیر موافق تلقی ایدیورم .
دوستلغمک سوق و ایجابیله پاشا لهنده دیکر بر دوستم زندهه تشبثده بولوندم . فقط
تکلیفکزی قبول ایتمه ملک خصوصنده صوک درجه لده اصرارینی کور دیکم پاشا
ایچون بعدماهیچ بر تشبده بولونه م . یالکز سزدن رجا ایدرم که پاشایان افترا و زور اراتک
قربانی ایتمه یکنز . سزک وجدان و ناموسکزه اولان امنیم نامحدودد . »

صالح پاشانک دعوت ایدلیدیکی محل سوؤ قصددن برهفته قدر اول کونته دهن

عودت ایتیش و فیچ موریسه بیکباشی تیریلک حمایه سی آلتنده واپوردن چیقارلمش اولان یوزباشی چرکس کاظمک اقامتگاه ایدی . پاشا بونی بیلدیکی حالده تعقیباتمدن شبهه لهرک اوکیجه موعده ملاقاته کتیمه دی .

بن جدأ صالح پاشایی صیانت ایتک ایستوردوم . فقط نه یایهیمک پاشا موفقیتمدن امین اولانلره مخصوص بر عناد ایله تکلیفمی عدم قبولده اصرار ایتدی . ونهایت کندیسنک موجب هلاکی ونم پک درین بر مربوطیت روحیه ایله مربوط اولدیغم خاندان دیشان عثمانیدن برسلطانک ابدیاً سبب آنکسار روحی اولدی . نه یایهیمک جنایتی قابل عفو اوله جق درجندن پک بویو کدی . بعد ائیمک پاشانک عفوینده دالات ایتک ، مملکتده ابدیاً تأمین ایستهدیکم واغورنده حیاتی بیله فردان چکینمه مکه قرار ویرمش اولدیغم سکون و آسایشی بتکرار دوچار تهلمک ایتک اولوردی .

کوملجنه لی اسماعیل پک

بوصرده وسائط تعقیبیمک مهم مخالفندن اولان کوملجنه لی اسماعیل بکی ده تعقیب ایستیوردی . پک جرأتکار اولان بوذاتک اخلاقاً دوشکون اولدیغنه تمامیه قانع . مملکتک باشنه اک بویوکلایا بو آدمک یوزندن کله جکله ایمانم واردر . فقط اوزمانکی پلانک خطوط اساسیه سی ایجابندن اوله رق بونی ده ملایمتله قوللانیور وعلینده خیر قبول رد وجرح بر دلیل قطعی بولونجه به قدر توقیفندن توقی ایستیوردوم . غالباً بزم وسائط تعقیبیه کندیسنی زیاده جه تضییق ایتیش اوله جقلمک برکون کمال تلاش ایله مراقبلمغه کلدی — محمود شوکت پاشا وقعه سمندن آنجق برهفته قدر اولدی — ویدی که : « — آرقه مده برطاقم خفیه لک دولاشمقده اولدیغنه باقیلیرسه حکومتک بندن شبهه ایتدیکی آکلاشیلیر . بافیکز جمال پک افندی ، سزه ناموسکار برانسان دقتیه عرض ایدر مکه مرکز قوماندانلی حبه خانه سمنده سزه ویردیکم سوزده کمال جدیتله ثبات ایدیور وکل ظاهرأ و علناً حتی خفياً بیله حکومت علینده هیچ بر تشبشه بولونمورم . آغزمدن حرف راحد چیقارمورم . بناء علیه بلکه خفیه لریکز علیمده خلاف حقیقت راپرلر ویرلرده سزی دوچار شبهه وتردد ایدرلر ملاحظه بیله بالذات کلوب بیان حقیقت ایتیکی مناسب کوردوم . ناموسم اوزرینه یین ایدرم که حکومت علیمده هیچ بر تشبشه بولونمورم و بولونلره اشتراک ایتیمورم . »

پک اساسی بر صورتده حاضر لاقمده بولنان محمود شوکت پاشا وقعه سمکک مهم عوامل ومرتبتندن اولدیغنی بیلدیکم بو شخصک خلاف حقیقت اوله رق ناموسی اوزرینه فصل یین ایتدیکنه حیرت و کندیسندن نفرت ایستیوردوم . ذاتاً کانون ثانی وقعه سمندن

صکریه مرکز قوماندانانی حبسخانه شدند بنم واسطه ماه تخلیه ابدلیکی صروده صالح عقد اولونه رق مملکتده سکون و آسایش تماماً اعاده ایدلجه قدر هیچ بر مخالفت یایمه جغه دائر دینی و ناموسی اوزرینه یمن ایتشدی . فقط اره دن بر آی کچمه دن جنایتلرک ال مدهشنی ترتیب ایچون اولانجه قدر تله چالشمغه باشلادی . تعقیب ایدلریکنی حس ایدر ایتمز بالذات محافظلغه کلهرک یالانچی یمنی تکرار ایتمکدن چکیمه دئی . قارشومده سیاستک هیئت عمومیه سندن ملعت وحیاسزاق محسوس اولان — بوشخصی نجه پک معلوم اولان یالان یمنلرینی تکرار ایدر کورمکدن متولد بر حس نفرتله : « — یمنلریکنز کافیدر اسماعیل پک ! مستریج اولیکز بن دلائل قطیه و باززه ایله قناعت کامنه حاصل اتمه دکجه هیچ کیمسه حقنره حکم ویرنلردن دکلم . اولیه اولماسه ایدی سزی مرکز قوماندانانی حبسخانه سندن چیقار تمزدم . فقط سزده توصیه ایدرم . بوصروده بر قومیلو ترتیباً یله مشغول اولان اشخاصی یا سکره یا قلاشدرمه یکنز . اوزمان وسائط تعقیبیه مک بلکه سزده ضرری دوقونه یلیر . شمدیلک کیده ییلر سکرز . » دیدم . تشکر ایدرک کیتدی . فقط بنده پک بویوک بر خطا ایشلهش اولدم . زیرا اوزمان بر تدبیر احتیاطی اولهرق حقنره توقیف موقت امری چیقارتمش اولسه ایدم محمود شوکت پاشا وقعه سندن صکریه فراره موفقی اوله ماز و اثنای تحقیقاتده تظاهر ایدن دلائل سایه سنده محکوم ایدیه یلیردی . مملکتده یونان پاره سیله کندی علپهنده بولونان برخاشندن ابدیاً قورتولمش اولوردی . بن شو سطرلری یازارکن استانبولده تشکل ایدن داماد فرید پاشا قایینه سنه کوملجنه لینک داخلیه ناظری اولهرق داخل اولدیغی و اتحاد ترقی ازکافی علپهنده حکم ویرمک ایچون بر محکمه فوق العاده تشکل ایدرک بونک ریاسته کوملجنه لینک کچیرلیدیکی غزیه لرده اووقودم . شمدیدن شورایه اشارت ایدیورم . کوملجنه لینک استانبولده بر موقع مأهوریته کچیرلیدیکی روایتی صحیح ایه بوندن مملکتک آز زمان ایچنده نه بویوک فلاکتلره دوچار اوله جغی بن خاطر اتمک تسویدینی اکالدن اول کورمه جکز .

محمود شوکت پاشانک شهادتی متعاقب کمال شرتله آرانغه باشلادیغم کوملجنه لی مع التأسف فرار ایتشدی .

کامل پاشا

ینه محمود شوکت پاشا وقعه سندن بر هفته نهایت اون کون قدر اولدی ، بر صبح غایت ایرکن پولیس مدیر عمومیه عزمی پک ، کامل پاشانک مسائری ماریتم واپوریه دون کیجه استانبوله کلریدیکی و فقط هنوز قرهیه چیمادیغی خبر وبریور و حقنره نه یایمق لازم کله جکینی صوریوردی . قسم سیاسی مدیرینک مشارالیه نرینه و .

ريهارك استانبوله آياق باصمادن ينه كندكلى واپورله مصره عودت ايتلىرى لزومنىك
اخطار ايدلىسى جوانى وىردم . فقط ؛ يارىم ساعت صكره ينه عزىمى بك كامل پاشانىك
دها كيجهدن قرهيه چيقديغى و شمدى قوناغنده بولوندينى بيلديريوردى . پاشانىك
استانبوله كيتيرلىسى سوء قصد مرتلر نجه مقرر بولونديغى ذاتا بيليوردم . فقط كامل پاشانىك
بوكا جسارت ايدم جكنى اميد ايدم يوردم .

پاشانىك بى پروا استانبوله ورودى اختلال تشبثاتنىك بك قريب اولديغنه اك بويوك
بر شارت ايدى . بناء عليه بنده پك شديده و سريغ تدابير اتخاذ ايتمكلهكم وضعيتك
احجاباتندن ايدى . عزىمى بكي نرديمه دعوت ايدرك تدابير آتیهنىك اتخاذنى رجا ايتدم :
« — شمدى بن محافظلى طرفندن برضايط ايله لزومى قدر انضباط عسكرى
مأمورىنى كامل پاشانىك قوناغنه كوندرم جكم . سزده بر قوميسر ايله مقدار كافى پوليس
تخصيص ايدىكنز . قوميسر ايله ضابط معتلر ايله برابر كامل پاشانىك قوناغنه كيتسونلر .
قوناغنه خارجدن يرلى واجبى كيمسهنىك دخوله مساعدده ايتمه جك وجهله مدخللىرى
تحت نظارت آسونلر . ضابطله قوميسر پاشادن ملاقات رجا ايتسونلر و حكومتك
شو قرارىنى كنديسنه تبليغ ايتسونلر : [مملكتهك احوال داخلهسى كامل پاشا
حضر تلىرىنىك شو آزالق استانبولده بولنسدن پك زياده مضرت كوردم جك ماهيتهدر .
بناء عليه حكومت پاشادن رجا ايديور ، كندىلىرىنى مصردن بورايه كيتيرمش اولان
مسائرى ماريتم واپوريله ينه مصره عودت بيورسونلر . حتى واپور بوراده اوچ كون
قاله جق ايسه پاشا اعظمى اولهرق اون يكي ساعته قدر واپوره راكب اولمليدر . عكسى
حاله حكومت بلكه شايدان تأسف بعض تدابير احتياطيه اتخاذينه مجبور اولور .] بونلرى
سويلسونلر و پاشانىك وىرچكى جوانى بزه بيلديرمك كندىلىرى قوناغنه قالسونلر
و كيمسهنىك خارجدن داخله كيرمسنه مساعدده ايتسونلر . »

بو قرار در عقب اجرا ايدلى . بن ياورم يوز باشى حلىمى افندي بى مأمور ايتدم .
پاشا جوانا پك يورغون اولدينى ايجون بو قدر چابوق بر زمانده يكي برواپور سياحته
تحمل ايدمه جكنى و بناء عليه حكومتك خلاف صلاحيت اولهرق اتخاذ ايتديكى
بو قراره تبعيته لزوم كورمديكىنى بيلديرمشدى . بو جواب اوزرينه پاشا استانبولى
ترك ايدنجهيه قدر نه داخلدن خارجه ونده خارجدن داخله هيچ كيمسهنىك كيرمسنه
مساعدده ايدلمه جك وجهله قوناغك تحت نظارت آلمنىسى امر ايتدم .

بن بو تدابيرى اتخاذ ايتديكم صروده انكلكتره سفارتى باش ترجمانى فييچ موريس
در عقب سيفير نامنه بيان خوش آمدى ايتك اوزره قوناغنه كمش و فقط حكومت
مأمورلىرىنىك ممانعتى اوزرينه ايجرى كيرمه مشدى . محمود شوكت پاشا سنوء قصدنىك
مرتب حقيقى اولان بو ابلېس طيفت سياسى تدابير متقابله اتخاذ ايدمك كامل پاشانىك

استانبولدن چيقارلمسنة مانع اولمغه قرار ويرر و همان سفیر نامه محمود شوكت پاشاي زيارت ايدر و نعل اولوبده آنكتره سفارتك محب قديمي اولان كامل پاشا ايله مناسبته ممانعت ايدلديكني بردرلو آكلايه مادقلىني و بونك آنكتره افكار عموميه سي اوزرينه پك فنا تأثير ايدمچكني و ده بر طاقم بكلك جمل تهديديهي صايار دوكر . وقت ظهره دوغري محمود شوكت پاشا تفونه ايتدي، همان كيدوب كنديسني كورمكلكمي امر ايديوردي . صدارت اوطه سنده اوزمان بحريه ناظري اولان چوروك صولي محمود پاشا ايله برابر اوطور سيورلردى . خليل بكده اوصرده نزد صدر اعظميه كيرمك اوزره ايدى . ايكميز برلكده كيردك . فوق العاده حديد برچهره ايله پاشا بكا ديدى كه :

« — نه او ! سز كامل پاشاي خانه سنده توقيفمي ايتمشكيز ؟ كنديسني استانبولدن چيقمغه اجبارمي ايدسيورمشكيز ؟

« — اوت افندم ، اريله بر تدبير احتياطي اخاذينه مجبور اولدم ، ديدم .

« — شيمدى سزه امر ايدسيورم ، پاشانك قوناغي اطرافنده كي تدابير ترصديهي همان رفع ايديكز و پاشاي سربست راقيكز . ايستر بوراده اوطورسونلر ايستر خارجه كيتسونلر ، ديدى . صوك درجه دوچار حيرت اوله رق :

« — فقط افندم اخاذ ايدلمش اولان تدبيري رفع ايتمك پك مضر اولور و » طرزنده بيان مطالعه يه باشلادم . آوازي چيقديني قذر باغيره رق :

« — سن عسكرك دكلهيسك ؟ بن سكا امر ايدسيورم . شيمدى سسويلدكريمي ياپملي ، عكسي حالده سكا لكشديد معامله ي اجرا ايدرم . بنم باشمه برانكليز وقعه سيمي چيقارمق ايسيتيورسك ؟ باش ترهانك سويله دكلريني دويسه ايدك اوزمان ياديفانك خطانك درجه سني آكلاردك .

بر حكومتك كندى مملكتي داخنده زيد و عمر حقنده اخاذ ايدمچكي تدابير ايله ديكر بر حكومت سفيرينك نه صلاحيته مشغول اولديغي پاشايه صورمق ممكن دكلدى . چونكه پاشا ارتق منطق آكلايه جق درجه لردن چيقمشدى . واقف لدنيات احوال اوله رق كامل پاشا حقنده اخاذ ايتديكم بر تدبيردن دولاي بغير حق دوچار اولديغم بو معامله شديده صوك درجه ده انكسار و اغبراريمي موجب اولمشدى . كوزلرم غير اختياري اوله رق پاشاه دولدى . « امر ايدرسكيز » ديهرك اوطه دن چيقدم . تاثيرمك درجه سني اكلامش اولان چوروك صولي محمود پاشاده آرقم صره كلدى و بني سفرا اوطه سنه كوتوردى . اوراده اياقده نجره او كنده يكديكر يتره هيچ برشي سويله ميهرك بش دقيقه قدر يان يانه دوردق . كوزلرمدن بش اون دامه ياش آقري . اونلري سيلركن : « دوچار اولديغم معامله يي كورديكز مي ؟ عشق وطن اولسه بوكا تحمل

ایدیلورمی ؟ » دیدم . محمود پاشا : « حق‌کنز وار فقط رجا ایدرم تحمل ایدیکنز . » دیدی . بش دقیقه صکره اعصابم پیدای سکونت ایتشدی . پاشایه تشکر و وداع ایدمرک محافظلق دائره‌سنة کیتدم . عزمی بکی دعوتله شو امری تبلیغ ایتدم :

« کامل پاشانک قونانغی اطرافنه قویدیفغمز ترصدأ ، ورلری صدر اعظم پاشا حاضر تلرینک امرلری موجبنه شمدی کری چکیله جک و قوناغک خارجه مواصله سی حقنده کی ممنوعیت رفع اولنه جق . فقط بن شو تدبیر احتیاطینک دوامی مناسب کوربیورم : بر انضباط عسکری و پولیس مأموری سیویل اوله رق قوناق جوارنده بولوندر پله جق و قوناغه کیرن و چقانلر ترصد ایدله جک . »

متعاقباً محمود شوکت پاشایه خطاباً ایکی تذکره یازدم . برنده کامل پاشایه ایلشلمه می حقنده کی امرلرینک اجرا ایدلیدیکنی بیلدیریوردم . دیگر ندده اوچ درت آیدنبری بلا فاصله چالشمقدن متولد ضعف عمومی استنبول محافظانی وظیفه سنده دوائمه مانع اولدیفغندن عفو بیورلمقلمغی استرحام ایدیوردم . بوصوک قراریمک مملکت ایچون بک مضر اولدیفغی بیلکهله برابر حادثاتک ایجاب ایتدیردیکی تدابیر احتیاطیه بی اتخاذه سربست بر اقلیمه یه جق اولورسهم پایتخت آسایشی و مخصوص حکومتک سلامتی تأمیننه موفق اوله مایه جغمده قانع بولوندیغمدن حقیقه چکیلمکه قرار ویرمشم .

حقمده نالایق بر طرزده معامله عتفهده بولنش اولمسنندن بک چابوق پشیمان اولدیفغی ظن ایتدیکم پاشا مرحوم دهان تذکره لری کندیسنه کوندر مزدن اول کیدوب کنندیلرینی کورمکلکمی تاقونله امر ایتدی . استعفا نامه کندیسنه واصل اولمان کیتمک ایسته مدیکم ایچون ، برکون اولدن قارلشدرلمش بک چوق ایشلرم اولدیفغی و برچوق قطعات و مؤسساتک برای تقشیش بی بکله مکده اولدقلرینی و بناء علیه همان کلمه کلکم قابل اوله مایه جغی اقشامدن صکره ساعت قاجده امر ایدرلرسه کله جکمی عرض ایتدم . ساعت طقوزده دائره صدارته کیتمکلکمی امر ایتدیلر . بنده تذکره لریمی کنندیلرینه کوندر مکله برابر محافظلقدن حقیقه رق بک اوغلی جهتمنده کی خسته خانه لری تقشیشه کیتدم .

اوکرن مجلس وکلاده بنم استعفا نامه می او قومش و ندیاللق لازم کله جکینی ناظرلردن صورمش . بوتون نظار بوکا قطعاً محل ویرلمه سنی و بنم محافظلقده قالمقلم ایچون بهمه حال اصرار اولومسنی سویه مشلر . پاشاده او فکرده اولدیفغی سولیکله برابر کامل پاشایان مملکتدن چیقارمقده بن اصرار ایدر ايسهم ایشک مشکلا نه صاراجغی و هر حالده برکله بنم کوزوشه جکینی بیلدیرمش . اوکون اقشام اوزری اراهم بکی کوردم . « قارداش ، سن استعفا ایدیورممشک ، اوله شیئمی اولور ؟ هیمز چکیلیز . » دیدی دیگر ارقداشلرده بوکعلیمدار بولنیورلردی . فقط بنم ایچون یا نتایجندن مسئول

اولمق شرطیه اتخاذایده جکم تداییده تمامی سربستی یاخود استحصال مأذونیتدن بشقه چاره یوقدی . بوقدر مهم برزمانده انضباط عمومیه دن مسئول اولان ذاتی مقید بولوندرمقدن وایکیده برده ایشنه مداخله ایتمکدن مضر برشی اولامزدی .
 نهایت ساعت طقوزده دائره صدارتده پاشا زردینه کیتدم . شدت تأثر دن اوکون نه اوکله نه ده اقسام ییکی یمشدم . بنی قارشوسنه او طور تهرق غایت نوازشکار طور ایله تطیب خاطریمه باشلادی :

« - بوکونکی معاملهدن نه ایچون او قدر چوق متأثر اولدیکز؟ بیلمیور میسکز که بن سزی اولادم قدر سورم؟ بر بابا، جانی صنیقلیدنی زمان اولادینه ایسته دیکی . معاملهنی یایغمه مقتدر دکمیدر؟ رجا ایدرم . بوکونکی حادثه نی اولادله بابا آردسنده کچیجی بروقمه کبی تلقی ایدر که تأثرات قلییه کیزی از الیه ایدیکز و بکامغیر اولماکیز . « دیدی .
 « - پاشا حضر تلی ! امین اولیکز که معاملئه شددیده کز ه ذات دولترینک ویردیکی ماعتدن بشقه برماهیت اسناد ایتهدم . هر زمان ایچون کندیمی سزک اولادیکز . مقامنده تلقی ایدر و سلامت وطن ایچون معروف خدمت کیزی کوزیک اوکنه کتیردرک اک شدید معاملهلر کیزی شایان تحمل تلقی ایدرم . بناء علیه استعفا مک سببی معامله کزک شدتی دکل بو طرزده ایفای وظیفه یه غیر مقتدر اوله جغمی آکلامش اولماغمدر . ذات سامیلری اولان بیتن ایشلره ، خفیاً اتخاذا او نان تدابیر اختلالیه یه واقف دکلیسکز . خیر وطنه حصر ایتدیککز بوتون قوای حیاتیه کز اوزرنده سو تأثیر اجرا ایتهمی ایچون امور انضباطیه یه متعلق مسائل ایله ذات دولترینی مشغول ایتمیورم و احوالک نزا کتی حتمده تقصیلاً عرض معلوماتدن اجتناب ایدیورم . فقط سزی تأمین ایدرم پاشا حضر تلی ! کامل پاشا سزک جنا کزه باصهرق مقام کزه او طور تلقی مقصدیه استانبوله کتیرلمشدر . پاشانک بورایه کیدی اختلالک قریب اولدیغنه الکویوک بردیلدر . شمدی پاشایی استانبولی ترکه مجبور ایتک اختلالجیلرک بر قنادنک قیرلمسنه یازدم ایدم جکدر . هیچ اولمزسه بنده کز او یله ظن ایدیورم . معلوم دولتریدر که خفی اختلال و سیاسی سوء قصدلره قارشو تدابیر مانعه اتخاذه مأمور اولانلر سربستی اجر آته مالک اولمزلسه موفق اولملر نه امکان قالماز . بنی بو وظیفه یه تعیین بیوردیغکزه صرده هر درلو تدابیرک اتخاذه سربست اوله جغمی و عدا ایتشدیکز . شمدی ایسه قارشو کزه بلا حق و صلاحیت برانکیز سفارتی چیقار چیقماز اک مهم کوردیکم بر تدبیری اتخاذه بنی منع ایدیورسکز . بو حال ایله وظیفه ده دوام امکانی بنم ایچون قلماء شدر . « جوانی ویردم .

اوزون اوزون دوشوندکن صکره « هایدی ، سبکا هر درلو سربستی بی بخش ایدیورم . فقط کامل پاشا ایچون لزومدن فضله شدت کوسستمه . اوچ کون قدر

بوراده قالمسئنه مساعدہ ایت . « دیدی وبوصورتله بنده استعفا می کړی آلم .
استانبول محافظلغنه عودت ایدرائمز کامل پاشانک اوغلی شورای دولت اعضاسندن
عبداه بکک ایرتسی کرن بنی کورمی ایچون کندیسنه خبر کوندردم ، صباحلین کلدی .
پاشانک بهمه حال استانبولدن حقیقه مخه مجبور اولدیغی و بوباده ویرلمش اولان قرارک
تبدیلنه امکان موجود اولمادیغی ، نه انکلتزه سفارتنک ، نه سائر مقامات اجنبیه نک
مداخله سندن هیچ برفنده انتظار ایدمه جکلی و جعه کونی اقشامنه قدر استانبولی
ترک ایتیه جک اولور لر سه پاشانی توقیفه و بلکه آناطولیده بر محله اعزامه مجبور
اوله جغمی سویله دم . آرا مزده بوراده تکرارینی بن لزوم تلقی ایتدی کم بر محاوره
جریان ایتدی . بونک نتیجه سنده قراریمک قطعیتی کامل پاشا زاده مک کوزل آ کلامشدی .
پدیرینی ایقاز ایدمه جکلی ، یهوده یره اصرار ایتسنه مدان بر اقایه جغی واقشامه قدر
جواب موافقتلرینی کتیره جکلی در میان ایله کیتدی . اقشام اوزری کلدی و پاشانک
ایرتسی کون اولکله دن صکره مسائری واپورینه کیدرک استانبولی ترک ایدمه جکلی
بیایدیدی . فی الحقیقه ایرتسی ججه کونی کامل پاشا انکلیز سفیری سیرلا و ترک عرب سنده
اولدینی حالده سفیر ایله بر لکده قوناغی ترک ایتدی و باب عالی طریقله ریختیمه اینرک
واپوره کیددی . اقشام اوزری واپور حرکتله کامل پاشانی استانبولدن اوزاقلاشدیدیدی .

محمود شوکت پاشانک شهادتی

سؤ قصد جیلرک آرتق اکال تداییر ایتدکلی و آقشامه صباحه بر حرکت عمومیه به
انتظار ایدمک لازم کله جکی مأمور لریمک اخباراتی و الده ایدیلا ن بر چوق دلائل و
امارات ایله آ کلا شیلیدیدی .

پاشا مرحومک بعض امرلرینی تلقی و باب عالی به کیدرکن و کلیرکن فوق العاده
متیقظ داورانملرینی یا ورلرینه بالذات اخطار ایتمک ایچون سوء قصدک یوم اجراسی اولان
۲ - ۱۵ حزیران ۱۹۱۳ چهارشنبه کونی صباحلین حربیه نظارتنه کیتمش ایدم .
یاریم ساعت قدر پاشا ایله کوروشدم . زواللی او کون پک بشوش و تداییرینک نتایجندن
امین کورونیوردی . موجب تلاش اولماق ایچون بو کونلرده بعض سوء قصدلردن
بحث اولوندیغی و بلکه یارین او برکون بوکا مانع اولمق ایچون بعض توقیفات اجراسنه
مجبور اوله جغمی و پایتخته محافظه امنیت و آسایش ایچون هر درلو تداییر انضباطیه
اتخاذ ایدلمش ايسه ده منفرد سوء قصدلره قارشو تماماً مؤثر تداییر مانعه بولمق ممکن
اولامایه جغندن کندی لرینک ده اتنای راهده متیقظ داورانملاری موافق اوله جغمی و

یاورلرینه اخطارات مخصوصده بولوندیغی صورت عمومیهده عرض ایتدم . « آدم ! ایش اولاجقنه واریر ، نه یاپالم «الحکم لله» دیدی . مساعده استحصالیه یانندن آیرلدم . قاراکاه عمومی اوچنچ شعبة سنده بیکیباشی . سعاد و کال بکلری کورمک ایچون اوست قته چیقدم . بر نظامنامه حقنده کال بکله مداوله افکار ایدیوردم . ازم دن هنوز بر چاریک ساعت یا کچمش ویا کچمه مشدی . حربیه نظارتی میدانندن بر قلاص تحته سنه بویوک بر چکیجله وورولدییی زمان حاصل اولان صدایه شبیه بر صدا ، منتظم و مطرد فاصله لرله بش دفعه ایشیدلدی . ذاتاً هر آن بروقه یه مترقب اولان قولاقلم بر آنده صدانک کلدیکی بجره یه دیکیلدی . کال بکله صوردم : «عجبا طبابخه صداسیمی ؟» «خیر ! هیچ ظن ایتم ! یا کلیم سیلکیورلر ویا خود چیوی چاقیورلر !» دیدی . فقط بو جواب بی تسکین ایتمه مشدی . هر آن ناخوش بر حواشه منتظر بولنیوردم . بش دقیقه صکره قابو آچیلدی . کال تلاش ایله صادق خدمتجیم رمضان ایجری کیرمک «باشایی ووردیلر !» دبه باغیردی . بر صیجراشده صوفیه چیقدم . «هانکی باشایی ! کیم ووردی ! زرده» دبه حایقیردم . «باب عالی یه کیدر ایکن ، بازید میداننده ! کیم اولدیغی بیلیمورم !» دیدی . کال بک سرعتله ایکنجی قاته اینرکن پاشا مرحومی ده قانلر ایچنده حربیه ناظرلرینه مخصوص اولان مردیوندن قوجاقله کندی اوطه سنه چیقاریورلردی . حزین و مؤثر صداسی او کوندن بری حلاقولا قنرمدن کیتمز . قوریدورده بر آرز توقف ایتدم . کوزلریمی قوللر اوزرنده یوقاری چیقارلمقده اولان پاشانک صاپ صاری سیاهنه دیکدم . بر آن ایچون دوشوندم . نیم وظیفهم زرده بولتقلمی ایجاب ایدر ؟ در حال قرار ویردم : «هر شیشدن اول جانلیرک تعقیب و دردستی و بونیکله برابر پاتخنده محافظه آسایش ایچون محافظله کیتلیم !» یورم یوزباشی حلمی یانمه قوشممشدی . «یوریکیز !» امرینی ویردم و کندیمی نظارت میداننه آتدم . ایلك معلوماتی استحصال ایتک مقصدیله مرکز قوماندانلغنه کیدیوردم . تام کوشه یی دونه جکم صرمده انضباط عسکری ملازم لردن برینی کوردم . «جانی طوتلیدی ؟» دیدم . «بیلیمورم افندم . عسکر آلمغه کیدیورم !» جوانی ویردی . «عسکر آلوب نه یاپه جقسک ؟ هایدی شمدی محل جنایته یالکیز جه کیتلی ، جانلیری فراره و صاقلا نغمه مقتدر اولمق سزین ، یاقالاملی !» دیدم . آلدینی امرک شدتی قارشوسنده پرا تباہ کیلشم اولان ملازم شایان تقدیر بر چویکلک ایله موقع جنایته قوشدی و آرم دن بش دقیقه کچمه دن — بن اوطوموبیل ایله محل وقعه دن کچرکن — طوبال توفیق اسمنده بر شخصی دردست ایتدیکنی و بونک جانلردن بری اولدیغنه امین اولدیغی ، دیگر لرینک ده اوطوموبیل ایله فرار ایتدک لرینی او کر ندیکنی بیلدی . بو ایلك خبردن بالطبع ممنون اولمشدم . هان محافظله کدم . بک اوغلی ، اسکدار

واستانبول جهتلرنده در عقب عسکری تدابیر اتخاذ ایتدیردم . بر صورتده که جنایتک ارتکابندن هنوز یارم ساعت کچمه مشدی ، بوتون پاتخت سوقاقلری سواری و پیاده قوللری ایله طوتمش و بر ساعت صکردهه بر بیاننامه نشر ایدیلارک و قعه مؤسسه حکایه ایدلمش ، اداره عریفه نك تشدید اولندیغی واک اوفاق بروقهیه سبب اوله جقلرک دوریلر طرفندن شدله تأذیب ایدیله جکی اعلان اولمشدی .

اختلالیلرک سرایه کیده رک ذات شاهانه یی راحتسز ایتملری احتمالی اولدیغی نظر دقته آلم . مابین باش کتابتنه تلفونه اخبارات لازمهده بولوندم و هر درلو تدابیر انضباطیه اتخاذ اولوندیغنک ذات حضرت پادشاهییه عرض ایدلمسنی رجا ایتدم . بر طرفندن خادم کوینده باش قوماندان وکیلی عزت پاشایی تلفونه آرایه رق حادثه یی بیلدیردم . هر درلو تدابیر اتخاذ ایدلمش اولمسنه نظراً مستریخ اولملرینی ویا لکنر داوود پاشا قشله سنده بولنان ایکی سواری آلاینک موقه امریه ترک ایدلمسنی و خادم کویندن ایکی پیاده آلاینک بر تدبیر احتیاطی اوله رق کوچوک چکمهجه ویا خلقه لییه دوغری یا قلاشدرلمسنی رجا ایتدم . رجالمی اسعاف ایتدی .

عینی زمانده سعید حلیم پاشایه ودها سائر ناظرلره تلفونه اخبار کیفیت ایدرک همان حزبیه نظارتنه عزیمت و احوال حاضرده کوره نه یاللق لازم کله جکنی قرار لاشدیرملرینی رجا ایتدم .

بعض تدابیر انضباطیه

استانبولده یویله بر حادثه ایقاع اولندقدن صکره مختلف محلله رده اجتماع ایدرک وضعیتدن استفاده ایتکه ساعی اوله بیله جک خواصدن و عوامدن کیملر اوله بیله جکنه دائر پولیس مدیریت عمومیه سی واسطه سیله دها اولجه بردفتر تنظیم اولومش ایدی . هر هانکی بر مهم سوء قصدک اجراسنی متعاقب مذکور دفترده اسملری بولنان ذواتک در عقب توقیف ایدلمسنی مدیر عمومی عزمی بکه سویله مش و مرکز قوماندانلغنه اوامر لازمه ویرمشدم . ابتداء ویرلمش اولان بو تعلیمات اجرا اولوندیغی و فقط موقوفلری زردیه کوندرمک لازم کله جکنک تعیین عزمی بک طلب ایتدی . او صردهه صدارت قائم مقاملغنه تعیین ایدلمش اولان سعید حلیم پاشا و داخلیه ناظر وکیلی حاجی عادل بک ایله بالما کره پاتختک تأمین سکونی ایچون بونلرک سینوبده اقامته مأمور ایدملرینی و کندیلرینه مقدار کافی یومیله تر تزیب ایدلمسنی قرار لاشدیردق . سیر سفائن اداره سندن بونلر ایچون برواپور تخصیص ایدلمسنی طلب ایتدم و توقیف اولنالنلرک مذکور واپوره ارباب اولنه رق ایرتسی کون آقشام اوزری حرکت ایده جک وجهه

توقیفاتك او كیجه صباحه قدر اكمل ایدلمسنى عزمى بكدن رجا ایتدم . عینی زمانده وقعه ده مدخلدار اولدقلرینی بیلدیکم داماد صالح پاشا وسائر کبی ذواتی دخی توقیف ایتدیرهرك پولیس مدیریت عمومیه سنده استجوابدینه ایتدار ایتدیردم .

جنازه مراسمی

صدر اعظمه سوء قصد یا پلغله پایتختده آسایشك محتل اولما یا جغنی اثبات ایچون محمود شوکت پاشا مرحومه پك پارلاق برجنازه مراسمی یا پدیرمق ایستیردم . اعیان و اشرفدن کافه سنه دمو تامه لر یازلدینی کبی کبار مأمورین دولتك اثبات وجود ایتدیرلمسنى و پایتختده کی ارکان امرا و ضابطا لك هان کاملاً جنازه ده بولندیرلمسنى ایجاب ایدنلردن رجا و جنازه یه برچوق قطعات عسکریه اشتراك ایتدیردم . سفرای اجنیه یه دخی تذکره لر یازدیرهرك کرک کندی لرینك کرک لیانده بولنان سفرائن حریبه قوماندان و ضابطانك و آنا شه میلتر و ناوالرک بویوک اونفورمه ایله جنازه یه اشتراك ایتلرینی تأمین ایتدم . جنازه ده بلکه یوزاللی بیك کشیدن فضله انسان بولنیوردی . اوکون هوا غایت لطیف اولدینی ایچون خلق کاملاً سوقا قله دوکولمشدی . آلاشلی برجنازه قارشوسنده اعصابی در عقب کوشه یویرن برچوق استانبول قادینی هونکور هونکور آغلایور و مراسمه برشکل حزین و ریوردی .

جنازه مراسمنك فوق العاده ایکی بکله دیکم تأثیری تماماً حاصل ایتدی . بن جنازه مراسمنه اشتراك ایتمکدن زیاده آلتی آتلیدن مرکب بر دوریه قولنك باشنده استانبول جهته ده کی سوقا قله کوزو کمکی ترجیح و اوصورتله حرکت ایتدم . آنحق جنازه نك شکل عمومیسنى بر کره کورمش اولمق ایچون بر آرائق اوتوموبیل ایله بك اوغلی جهته کچدم و آرقه سوقا قلدن دولاشه رق بانگالتیده Notre dame de Sion مکتبی اوکنده جنازه یه ملاقی اولدم . هیئت عمومیه تام ارزو ایتدیکم ضرزده ایدی . کندیسنه پك بیبرک امیدلره مربوط اولدیغم مرحومك جنازه سننى کورور کورمز غیر اختیاری کوزلرمدن یاشلر بوشاندی . کیمسه یه کوسترمه مك ایچون مندیله یوزمى قاپادم وهان عودت ایتدم . جنازه دن صکره بنی زیارته کلان ژاندارمه ضابطانندن فرانسولی بیكباشی سارو - Sarou آسایشك صورت مکمله ده محفوظ اولدیغندن طولانی بنی تبریک ایتدکن صکره حریت ابدیه تهپسنده جنازه نك ورودینه انتظار ایدرایکن ایتالیان دونانماسی قوماندانی ایله ژاندارمه تنسیقاتنه مأمور جنرال بومان Baumann آراسنده جریان ایتش اولان بر محاوره یی بکا نقل ایتدی . کویا ایتالیالی آمیرال جنراله دیمشکه :

« بوجال بك مدهش برمتشبت اولسه كرك ! هيچ تردد ايتمدن بويله برجنازه مراسمی ياپديرمق ، سوؤ قصد فرداسنده ، هنوز جانيلر كاملاً دردست ايدلمه مش اولديني برصرمه بوتون سفراي اجنيه يي وباخصوص قواي بحريه قوماندانلرني بوداراجق يرده طوپلامق برجسارت مدنيه وباخصوص تدابيرينك مكملتي حقنده صوك درجه اطمئنان حاصل ايتمه توقف ايدر . شوديقاده اختلاجيلردن بري برال بومباسي استعمال ايدرك ايجمزدن برويا قاچني حتى خفيف صورتده يارالامش اولسه عثمانلي پايتختي درعقب سفائن حربيه من مرتباني طرفندن اشغال اولنور . ذاتاً بوكاعايد تدابير مذاكره ايدلمش واوامرلازمه ویرلمشدر . فقط ايشته بز بوراده يز وهیچ بروقه حادث اولمادی . اگر برايكي كونه قدر جانيلري وآنلرك حاملريني ده الله كچيرمهكه موفق اولورسه جمال بك مملكتنه اك بويوك خدمتي ايفا ايتمش اولور . زيرا بنم فكرجه اك اول استيصال ايدمجي نتيجه اجنبي دونانماسنك پايتختي ترك ايتمه سي وبوغاز ايجده حال طبيعيتك عودتي اوله جقدر . بكا كوره بوندن صكره بزبوراده آرتق فضله غلبه لكدن باشقه رشئ دكلز ! » .

جنایت چهارشنبه كوني ايضاً ايدلمشدي . پنجشنبه كوني جنازه مراسمی ياپلدي . جمعه كوني ده عنایت حقه جانيلرك رئيسي اولان چركس كاظم ورفقاسندن برقاچني بك اوغلنده پيره محمد سواقاغده قيصديره رق ياورم يوزباشي حليميك شهادتي وپوليس مركز مأمورلردن سموئيل افنديك بالاخره طوپال قالمسي انتاج ايدمجهك صورتده يارالانمسي بهاسنه كافه سني دردست ايتديردم وديوان حرب عرفي هيئت استنطاقه سنه تسليم ايتدم . استنطاق ومحاكمه نتيجه سنده ثابت اولدي كه فرقه وياغروب حالنده وياخود اشخاص منفرد اوله رق برچوق مخالفينك مشترك وياعيني غايه به خادم متفرق مساعيسي نتيجه سنده اولاً اتحاد وترقينك اشخاص مهمه سي عليهمه برسؤ قصداجراسندن وبوصورتله مملكتي حكومتسز براقدقندن صكره ذات شاهانه اوزرنده اجرا ايديله جك تاثيرات سايه سنده مشير شاكرپاشايي صدارت قائم مقاملغنه تعيين ايتديرمك واونك رياستي آلتنده برموقت قاينه وجوده كتيره رك اوچ كون اوچ كيجه اتحاد وترقينك بوتون افرادي عليهمه برقتل عام ترتيب ايتمك ومتعاقباً قاينه يي كامل پاشانك ويا خود پرنس صباح الدينك رياستي آلتنده تشكيل ايله مك خصوصالرينه قرار ویرلش . بن بوراده بو حقيقتي بلا پروا ادعا ايدرك سوبايورم ، استنطاق ومحاكمه اوراقي طافيه نشر اولنورسه بو ادعارم ثابت اولور . اساساً اك يوكسك مرتين كرام ايله مشتركاً صرفه مساعي ايتديكي معلوم اولان ترامواي قومپانياسي ترجانلردن صبيح بك اعترافاتي او قونه جق اولورسه بشقه بر دليله حاجت قالمادن بوتون ادعارم ثابت اولور . صبيح بك برحياتدر . بن كمنديسني صاحب ناموس بر

ذات اوله‌رق تالق ایدرم . حتی محمود شوکت پاشا قاتلارله مشوقلرینک تأدیندن صکره
مملکتده آرتق ابدی بر سکون حصوله کتیرمک فکرله غیاباً اعدامه محکوم اوله‌رق
اوروباده بولنان برچوق ذوات زردینه صبیح بکی کوندرمش و اونلره بعض تکالیفده
بولونمشدم . تکلیفم غایت بسیط ایدی :

« اگر بو ذوات اعلان مشروطیتدن شمدییه قدر مملکتده ظهور ایتش اولان
متعدد سوء قصد و اختلال ترتیبانه شخصاً نه صورتله اشتراک ایتش اولدقلرینی امضالری
تحتنده خط دستلرله بکا یازارق کوندرمک اولور لر سه کندی لری حقنده در عقب
عفو عمومی استحصا ایدرم . »

بالطبع بونده کی مقصدم کرک داخلده کرک خارجه افکار عمومیه یی تنویر و
اتحاد و ترقییه پایلان افترا لک نه قدر جانیانه اولدیغنی اثبات ایتمک ایدی . هر برینک
درجه اشتراکنی بوتون تفصیلاتیه بیلن صبیح بکک تکلیفی قارشوسنده حیرتله
ایچنده قالمش اولان بو ذوات کرام پک طبیعی اوله‌رق تکلیفمی قبول ایتمه‌مش و صبیح
بکی حکومتدن پاره آلمش اولمغله ایتهم ایتمکدن ده کری قالمامشدر . تأمین ایدرم که
صبیح بکه بش پاره ویره‌دم . مومی الهک اعترافاتی آرمسده مشیر شا کر پاشانک
صدارت قائم مقامغنی مقصدی بیلهرک قبول ایده‌جکی و ذات شاهانه یه تأثیرات اجرا
ایده‌جک ذوات آرمسده پک بویوک مقاماتی اشغال ایدن بعض ذواتکده بولنه‌جنی
حقیقتلری واردی . اوزمان شویله دوشوندم :

« موقع مادیلری بو درجه‌لرده یو کسک اولان شو ذوات علیهنده تعقیبات اجرا سنه
قیام ایتمک ایشی پک ایلرییه کتورمک اولور . مشیر شا کر پاشایه کلنجه بر طرفدن
اولومی ایچون تدابیر اتخاذ ایتدیکی بر ذانک تکلیف ایتدیکی یمن والی و قوماندانغنی
قبول ایتمک کبی کوچوک کده بولونمش اولان بو شخصی بویله یالکیز قوله و اعترافاته
مستند براییکی ضعیف دلیل ایله محکوم ایتدیرمک مشکل اوله‌جغندن اونک علیهنده ده
تعقیباتدن صرف نظر ایتمک و ایشی مسکوت براقق حکمت حکومته موافق اولور . »
بومطالعهمه صدراعظم و داخلیه ناظری ده اشتراک ایتدک لردن وظیفه دار اولانلرک او
صورتله نظر دقتلرینی جلب ایدرک مقصدی تأمین ایتدم .

سعيد حليم پاشا قابینه‌سی

محمود شوکت پاشانک وفاتی اوزرینه فرقه نامزدی اوله‌رق پرنس سعید حایم پاشانک
تکلیف ایدلمسی قرار لاشدیرلمش ایدی . ذات شاهانه هر نه حکمته مبنی ایسه سعید -

حليم پاشايى صدارت قائم مقامغه تعيين ايتمش و ديكر نظارك وكالة ايفاي وظيفه يه دوام ايتمليخى اراده بيورمش ايدى .

استطراد

خاطر اتمك اشاغى قسملرنده درميان ايدم جكم بعض مطالعات سياسيه اساس اولهجنى ايچون بوراده اوقاقى بر استطراد ياپه جقم .

داماد صالح پاشانك ادا مامه محكوم اولهجنى آغز لرده دولاش بيوردى . هنوز حاكمه ختام بولمش و فقط حكم اراده سنيه يه اقراران ايتمه مش ايدى . بركون آقشام اوزرى ساعت يدي يه طوغرى فرانسه سفارتخانه سندن بر تلفون آلد . سفير موسيو بومپار ماذونا مملكتمده بولوندينى ايچون سفارت مستشارى موسيو بومپار مصلحت كنندارلق ايدى بيوردى . موسيو بومپار الله متقابلاً صميمى دوستلغمز واردى . بنجله يك مهم بر مسئله رسميه ايچون كوروشمك ايسته ديكنى ، بنى سفارته كيتمكلكم ، يوقسه كنديسنگ مى محافظلغه كلمى نجه مرجع اولهجنى صور بيوردى . بالطبع براى نزاكت سفارته كله جكمى سويلدم . او موسمه اركان سفارت طرابيه نقل ايتمش اولدينى ايچون بك اوغلنده كى سفارتخانه كى الكترىق تأسيساتى ياپايوردى ، بناء عليه تنويرات نامنه هيچ برشى يوقدى . اورته لى كركى كى قارار مغه باشلامش اولديغندن موسيو بومپار بيك مشكلات ايله تدارك ايتديكى بروم ايله اوطني تنويره مجبور اولمشدى . وقت يك كچ اولديغندن اوزون اوزار يه مقدمه لر ياپمغه لزوم كورمكسز هان مقصده كچه جكنى درميان ايله ديدى كه :

« عزيزم جمال بك ! شمى خارجيه ناظرى موسيو پيشوندن بر تلغراف آلد . بوذاتك نه قدر تورك دوستى اولديغنى تكرار ايتمى زائد كورورم . زيرا بوكا سزده واقف سكر . سرك فرانسه حقنده كى حساسات محبتكارانه كرده امين اولديغندن تلغرافى اوقودقندن صكره نه صورتله حركت ايتمكلكمى مناسب كوره جككسزى آكلامق ايسترم . بو محاوره من تماميله شخصيدر . سزدن ويندن بشقه هيچ كيسه نك واقف ايمسنه لزوم يوقدر . عادتاً بنى سركله شخصى بر مسئله دن طولايى استشاره ايتك ايسسته ين وسزدن دوستجه وصايا طلب ايدن بذات تلقى ايديكز . »

بوى متعاقت اوزاندينى تلغرافى اوقودم . موسيو پيشون ديورديكه : « آلدېغمز معلومانه كوره تولى خيرالدين پاشا زاده صالح پاشا استانبوله توقيف ايدمش و ديوان حرب طرفدن اعداده محكوم ايدمك اوزره بولتمشدر . بو حوادث صالح پاشانك بك زياده حرمت مظهر اولدينى تونسده هيچان عظيم حصوله كتمر مشدر ، فرانسر

حکومتی ، امارت محمیه اهالیسندن برینک استانبولده دوچار فلاکت اولسی یوزندن تونسده پک بویوک حادثات ظهور ایدمه بیله جکینه قانع بولوندیغندن صالح پاشا لهنده مداخله یی بروظیفه بیلیر . هان صدراعظمی کوریکز و صالح پاشانک در عقب سربست بر اقلیمسنی و کمال سلامتله مملکتی اولان تونسسه حرکته مساعده ایدلمسنی شدتله طلب ایدیگز . « تلغرافی اوقود قدن صکره بر مدت سکوت ایله وقت کچیردم . بومدت ظرفنده صالح پاشا حقنده کی حکمی و بریوردم . بالذات واقع اولان رجالرم نتیجه سنده دخی سؤ قصد ترتیباتندن صرف نظر ایتمهش اولسی اسبابی شمدی آ کلا یوردم . نهایت موسیو بوپه دیدمکه :

« بنم فرانسه حقنده کی محبتکم درجه سنی و مملکتده ، فرانسر مطبوعاتنک نشریات اخیره سنک حصوله کتیردیکی عمومی اغبراز ملی به رغماً ، فرانسر دوستلغی جریاتی آتیرمق ایچون صرف ایتدیکم مساعی یی بیلیر سکز . بناء علیه استانبولده و علی العموم شرقده فرانسر حکومتی حقنده کی توجهی بالکلیه ازاله ایتک ایسترسه کز بویله بر مداخله بولنکز . اولاً ، سزی تأمین ایدرمکه بومداخلدن هیچ بر فائده ماده استحصالی امکانی یوقدر . صالح پاشا دلائل مقنعه و کافیه قارشوسنده محکوم اولمشدر و کنیدی کی محکوم اولانلرله برابر حکمک اجرایی تصدیق پادشاهی به اقتران ایدم جکدر . زیرا بر آرتق بویله خائنه تشبثات ایله حکومتک متادیا دوچار ضعف اولدیغی کورمکدن بیقدق ، اوصاندق ، بودفعه ، جانلیرک موقع اجتماعیی هر نه اولورسه اولسون ، بلامرحت کافه سنی اک شدید بر صورتده تأدیباتیمکه قرار ویردک . بوسایه ده بلکه بوندن صکره سی ایچون امثالی تریب ایتش اولاجفمزی ظن ایدیورز . سنزک یارین صدراعظمه یابه جکگز « ده مارش » صالح پاشایی قورتارماز فقط اوکا مقابل افکار عمومیه ده فرانسر سفارتنک ده استانبولده ضربه حکومتلر وجوده کتیرمک ایچون صرف مساعی ایتدیکنی اثبات ایدر و نفرت عمومیه یی موجب اولور . نجه بوندن صرف نظر ایدلمسنی موسیو پیشونه یازارسه کز ده اصابات ایتش اولور سکز . »

مطالعتمی پک مصیب تاقی ایدن موسیو بوپله صمیمی مضافحه ایدرک آرللق . فی الحقیقه موسیو بوپ صدراعظمه مراجعت ایتمه مشدی . ایکی کون صکره جانلیر حقنده کی حکم تصدیق عالی به اقتران ایتش وهان اوکیجه نک فجرنده حکم اراده سنیه نک اجرایی قرار لاشدیرلشدی . کیجه ساعت اون بر دن صکره ینه فرانسر سفارتخانه سندن بر تلفون آلدیم . هان کیدوب کندیسنی کورمکلکم موسیو بوپ بالذات رجا ایدیبوردی . سفارته کیر کیرمنز پک بویوک بر تلاش و هیجان ایچنده بولونان موسیو بوپ ، هیچ برشی سویله مکسزین ، موسیو پیشونک ایکنجی تلغرافی اوزاتدی . مصلحتکیندارک عدم مداخله و صایاسنی حاوی جوابندن صوک درجه لرده

حدث ایتش اولان خارجه ناظری مبادی کلامده موسیو بونی کوزجه تکدیر ایتدکن صکره هان بلا افانته وقت صدر اعظمی کورمسی و صالح پاشانی بهمه حال قورتارمسی امرایدیوردی . نه دیه جکمه منتظر اولان موسیو بونی اوزمه مک ایچون : « عزیزم ، پک کچ ، دیدم . حکم اعدام اراده سینه ایتدی و بوکیجه صباحه قارشی اجرا اولونه جقدی . سز بوکیجه صدر اعظمی کوره مزسکز . کورسه کزیبیه مخالف امر اعطا اولونجهیه قدر اولکی امر اجرا ایدمش اولور . مع هذا موسیو پیشونک بواصرارینی آ کلایه میورم و سزه عاقلانه و حکیمانه اولان وصایا کزدن طولانی تشکر ایده جکنه سزی تکدیر ایتمه سی اسبابی تقدیر ایده میورم . »

ایرتسی کون حکم اعدامک اجرا ایدیلدیکنی خبر آلمش اولان موسیو بوپ هر دورلو مسئولیه راضی اوله رق صدر اعظم نزدنده بی فائده مداخله دن توقی ایتشدی حکم اعدامک اجرا سندن بر قاچ کون اول صالح پاشانک برادرلری طاهر و محمد خیرالدین بکلی ده توقیف ایتدیرمشدم . ذاتاً بنجه طاهر خیرالدین پک صالح پاشادن زیاده متشبث و مضر بر مخلوقدی . بو ایکسی حقنده فرانسه سفارتی مداخله ایتک ایسته دی . فقط مداخله بی نیم رسمی صورتده اداره ایتدک ؛ و بعدما ممالک عثمانیه سیاستیه قطعاً اشتغال ایتمه مک و تابعیت عثمانیه دن بالکلیه چیقاراق فرانسز تابعیتیه کیرمک شرطیه فرانسه یه کوندیرملک اساسی قبول ایتدک . و اوصورتله ایجابی پایدردق . ایشته تونسلی خیرالدین زاده لک عثمانلی ملکنه صو ک خدمتلی ده بوله اولدی . امید ایتک ایسترمکه هیچ اولمازسه بوندن صو کرا کنیدیلرندن بحث اولندیغی ایستهمیه جکز . [خاطر اتمک آشاغی طرفلرینی تسوید ایدرکن خبر آلدیمکه طاهر خیرالدین استانبوله کلمش و حتی کندیسنه میرمیران رتبه سی و یریلرک زراعت نظارتیه تعیین اولمش] « سبیحان من تحیر فی صنعہ العقول » مادامکه بو ذوات کرام تونسلی ایشلر وطنلرینی فرانسز بویوندیر یغندن قورتارمق ایچون چالیشسه لر داها اصابت ایتش اولور لر . باقلم اوزمان موسیو پیشون قفالرینی کمیوتندن قورتارمق ایچون مداخله ایده جکمی ؟ بو استطرا دیمز نهایت ویرمه دن شوراسنی ده علاوه ایتک ایسترزکه خاقان مرحومک حکم اعدامی تصدیق ایتک ایسته مدیکنه و جنت مکانی اجبار ایچون بنم طلعت بکله برابر سرای هایونه کیتمش اولدیغمز دائر اولان کفت و کولر بالکلیه خلاف حقیقتدر لر . برکون سرای هایونه تقدیم اولنان تذکره صدارت و ملفوفاتی عینی کونده تصدیق عالی یه مقترن اولدینی حلاله باب عالی یه اعاده ایدلشدی .

ادر نه نک استرداد

محمود شوکت پاشا مرحومک صدارتندن صو کرا تشبث اولنان شارکوی تعرضی

عدم موفقیتله نتیجه نش و متعاقباً ادرنه ، یانیه و اشقودره قلعه‌لریده سقوط ایتش اولدیغندن پاشا مرحوم اینوس - مدیه خطی قبول ایدن مقدمات صالحیه‌نی امضا ایتمه مجبور اولمشدی . پاشانک وفاتندن بر مدت صوکر ا ایکنجی بالقان محاربه‌سی ظهور ایتدی . و صربلرله یونان و رومانیالر بولغارلر عاینه حرکت باشلادیلر .
 • بو فرصتن استفاده ایدرک زده ادرنه‌نی استرداد ایتک اوزره بولمارلر اوزرینه حرکت ایتمه مزاحجاب ایدیوردی . بوتون فرقه‌افرادى حکومتک بوکا قرار ویره حکمی و بلافاة وقت ازدونک حرکت ایده جکنی بحق امید ایدیوردی . استانبولده بویه بر فکرک دوغمش اولدیغنه واقف اولان انکلتزه خارجیه نظری سیرادوارغره‌ی بر طرفدن انکلز سفیری واسطه‌سیله باب عالی‌ی بو فکردن واز کچیرمکه چالیشمقله برابر بر طرفدن ده مجلس مبعوثانده کی نطقلری واسطه‌سیله تورکیه‌ی تهید ایتمه که قیام ایتمشدی . هیئت وکلا آره‌سند بوفرصتن استفاده ایتک ایسته‌ینلرله ایسته‌مه‌ینلر واردی . ایسته‌مه‌ینلرک باشنده نافعہ نظری عثمان نظامی پاشا بولنیوردی . هیچ خاطر مدن چیقماز : بر جمعه کونی آقشام اوزری سعیدحلیم پاشانک یکی کوبده کی بالیسنه کیتشم . بوتون وکلا اوراده بولنیورلردی . بنم مواصلتمدن اول اوزون اوزادی‌یه مذاکره لرده بولنش اولان وکلا تعطیل مذاکرات ایتش و دکره‌ناظر مرمره بالقونده استراحت ایدیورلردی . عثمان نظامی پاشانک یاننده بولنان بحریه نظری چوروک‌صولی محمود پاشایه «اگر بو دفعه شو ذواتی بو ادرنه استردادى فکرندن واز کچیرمکه موفق اولورسه مکندییم و طنمه اک بیوک خدمتی ایفا ایتش عد ایده جکم» دییوردی .

بو مطالعه‌نک نحافتی ، خیر وطنه مغایرتی قارشوسنده بوزکی دونمش قالمشدم . سعیدحلیم پاشا ایله طاعت بک او طه‌لردن برنده غایت متأثر برطور ایله قونوشیورلردی . سعیدحلیم پاشا بکا توجیه خطاب ایله «بردرلو اکثریتی مداخله جهته چوره‌میورز . نه یاپه جغمزی شاشیردق» دیمشلردی . طلعت بک ایرتسی کونی رژی مدیر عمومیه‌ی موسیو وهیل ایله کوروشه‌رک باره مسئله‌سنی حل ایده جکنی سوبلیوردی . فی‌الحقیقه ایرتسی کونی موسیو وهیل ایله کوروشدیلر . بنده برابر بولونیوردم . موسیو وهیل رژی مدت امتیازیه سنک اوزبش سنه ده اتمیدی شرطیه حکومته بر بحق میلیونلیرا اقراض ایده جکنی وعد ایدیور مالیه نظری رفعت بکله داخلیه نظری طلعت بک هیئت وکلا قرار ایله بو تکلیفی قبول ایدیورلردی . ایشنه ایکی اوچ سنه دئبری مجلس مبعوثانده جاوید بکک بر کیره‌سی کی کوسترملک ایسته‌ینلان رژی ایشنک ماهیتی بودر . و ظن ایدیوردمکه بویه بر زمانده تمديد مدتی قبول ایتش اولان بر حکومت آرتق بر دهاکری دونه‌منر عینی کونده طلعت بک او طوموبیل ایله خادم کوبنده قراراکه عمومی نزدینه عودت ایتدی . مقصد باش قوماندان وکیلی و حریه نظری عزت پاشانک رأینی

استفسار ایتمکدی . عزت پاشا ایکی نقطه یی مهم تاقی ایدیور و بو ایکی نقطه حقنده کندیسنه تأمینات ویریلیرسه اردویه ایلری حرکت امرینی ویرمیهلر جگنی سویلیوردی :
۱ — اردونک ایلری حرکتدن تولد ایده جک حادثات سیاسییه مملکتی برتهلکه عظیمه یه القا ایتدی ؟

۲ — اردونک اعاشه سی ایچون لزومی اولان پاره وارمیدر ؟

طلعت بك برنجی نقطه حقنده هیئت وکلانك اقلیتك مطالعاتی درمیان ایتمه ورژی مدت امتیازیه سنك تمیدی سایه سنده پاردنك تأمین اولدیغنی ابلاغه مأمور ایدی . ایرتسی کونی عودتله عزت پاشانك موافقتی خبرینی ایصال ایلدی . فقط هر حالده مجلس وکلاده اکثریت ایلری حرکتك ضررته قانع ایدی . صباحین مدحت شکری بکله برابر ناظر ارقداشلردن معدود اولان بعضیلرینی زیارت ایتدك . اگر بوفرصت قاجیریلیرسه منحصرأ ادرنه یی قورتارمق ادعاسیله برضربه حکومت یاמש و بو ائنده حریه ناظری و باش قوماندان وکیلنك وفاته سببیت ویرمش اولان فرقه مزك موقع اقتدارده قالمق صلاحیتی ضایع ایده جگنی واوزمان بوتون فرقه نك موقع اقتداردن چکلمسی لازم کله جگنی سویله دك . بعضیلری قناعت کامله حاصل ایتدیلر بعضیلریده استغفانی ترجیح ایده جکلرینی سویله دیلر سنده اونلر ایچون وظیفه استعفا ایتك دکل فداکارلق کوسترمك اولدیغنی درمیان ایتدك . نهایت مجلس وکلانك اجتماعدن اولکی اکثریت تحصیل ایتشدی . خاطر اتمك بوقسمنده اسم ذکردن صرف نظر ایتدم . ذاتاً هیچ بروطفه ایجابیه دکل آنجق فرقه یه منسوب ناظر لرله بك صمیمی بر محبت برادرانه بسله مکده بولنق حسیله تشبث ایتدیکم بوايشده — بالاخره بر غزته نك ادعا ایتدیکی کبی — هیچ بر جبر و تضییق اماره سی موجود دکلدی . کوچوک بیوک بوتون وظیفه لریمك حین ایفا سنده کندی ایشمه هیچ کیمسه یی مداخله ایتدیرم دیکم کبی هیچ کیمسه نك ایشنده بالفعل مداخله ایتدم . خالصانه تمینات ویا دوستانه حساب حال قبیلندن بعض رفقایه عائد وظائفده کی مطالعاتی ، کندیسنی رنجیده ایتیه جک و برفضولی مداخله ماهیتنده تلقی ایدیهلر جک صورتده ، درمیان ایتمه کله ا کفا ایتدم . عکسنی ادعا ایده جکلره وقعه تصریح ایتدکری تقدیرده جواب ویرمه که حاضر .

ادرنه نك استردادی ایچون اردویه ایلری حرکت امری ویریلدیکی صروده خارجه نظارتی طرفدن دول معظمه زنده کی سفراضر واسطه سیله بوتاشدک مقصد ادرنه نك استردادی اولوب بومقصدك استحصالنندن سوکرا اردونک توقف ایده جکی و هر حالده مریچ نهرینك صاغ ساحلنه قطعاً کچمیه جکی حقنده بر تعمیم نشر ایدلشدی . بو تعمیم فکر مجله بر خطای سیاسی ایدی . اولایالکیز ادرنه نك استردادی کافی دکل ایدی مریچ نهری تورک قالمی و ادرنه نك آطه لر دکزینه بر مخرج طبیعی سی اولان ددهه آغاچ

بزم اولی ایدی . ادرنه نك مدافعه سنی تأمین ایده بيلمك ایچون ایسه دیمتوقه ، صوفیلی حوالیسنك بزم طرفزده قالماسی اقتضا ایدردی . بالخاصه کوملجنه ، اسکچه وحوالیسنك یوزده سکسان بش اسلام اهالی ايله مسكون اولدینی نظر دفته آله حق اولورسه بورالینك ده استرداد ای امکانی تأمین چالیشمق الزم وظائفدی .

مبادیده موفقیتك استحصال ایديله بیلوب ایديله میه جکی بالطبع کسیدریله مزدی . فقط بویله برتعمیم نشر ایدوبده دولتی داها تشبثك ابتدارنده قطعی برتعهد آلتنه قویمق هر حالده دور اندیشانه برسیاست تلقی اولونه ماز . نته کیم آتیا حکایه ایده حکم استانبول قونفرانسی اثناسنده عثمانلی دلکهلری بوتعهدك تضمن ایتدیکی صراحت قارشوسنده خصملری الزام ایده بيله جك برچاره منطق بوله مادیلر وبوامر واقعلرك احداث ایتدیکی وضعیت لردن استفاده یه چالیشدیله .

انکلیز سیاستی

حکومت عثمانیه ادرنه نك استردادینه قرار ویروبده اردولرینه ایلری حرکت امرینی ویرر ویرمز انکلیز سیاستی ده یوزنده کی ماسکینی آتفرق حقیقی سیاسی کوستردی . بر طرفدن انکلتزه ؛ سفیری واسطه سیله باب عالی یه تبلیغ ایتدیکی نوطه ده عثمانلی اردولرینك اینوز - مدیه خطنی تجاوز ایتمه سنی شدتله طلب ایتدیکی کبی دیگر طرفدن خارجیه ناظری سیر ادوار غره ی عوام قاره سنده ویردیکی رنطقده « تورکلر بولغارلرك دوچار اولدینی فلاکتدن استفاده ایدرك لوندره معاهده سنی کآن لم یکن حکمنده عد ایتمه و ادرنه یی استردادیه قیام ایدرلرسه آتیا دوچار اوله جقلری جزانك يك شدید اوله جقدر . دکل یالکز بوندن آوروپاده کی ملک لردن محروم اوله رق بلکه استانبولی بيله ضایع ایده جکلردر » دیوردی .

کرک باب عالی یه تودیع اولنان نوطه و کرک سیر ادوار غره يك بو لفظی صراحة کوستریوردیکه انکلیز سیاستی حکومت عثمانیه نك تمامیه علیه دوشمش وهر وسیله دن استفاده ايله عثمانیلری متضرر ایدره ك داخل قوتلنملرینه مانع اوله جق اسبابه توسل ایتکی شعار ایدنمشدر .

غریبدرکه روسلر او اشناده ادرنه نك عثمانیلر طرفدن استردادینه طرفدار کورونیورلردی .

کندی زاده شئاتلری اولان بلغار حکومتك ضررینه اولان بومعامله یی روسلرك نهدن طولای خوش کورمکده اولایغی اوزمان اوزون اوزادی یه دوشونمشدم . تورک - بلغار اتفاقك اساساتی قرارلاشدیرمغه مأمور اولدیغم صروده بلغار سفیری موسیو

طوشه فله کوروشورکن برکون زمین مباحثه بی بونقطه ایصال ایتدم . بونک اسسبانی حقنده نه دوشوندیکنی بولغار دیپلوماتندن صوردم « روسلر استانبولی کندی ماللری عد ایدیورلر . استانبولی آدقلری زمان اونک روم ایلنده کی هینترلاندینک ممکن اولدینی قدر واسع اولماسی کندیلری ایچون حائر اهمیتدر . استانبولک کندیلری طرفندن حین اشغالنده ادرنه تورکارک النده بولنه حق اولورسه بالطبع بوشهرده روسلره انتقال ایده جک وبوسایه ده آتیا یولغارستانه استیلایه تخصیص ایده جکلری اردولری ایچون واسع برمانوره ساحه سته مالک اوله جقلردر» دیمشدی بومطالعهی پک طوغری وشایان قبول کوردیم .

ادرنه نك بزم طرفزدن استردادای علمدارلغنده فرانسر سیاستیده انکلیزسیاستندن کری قالمیوردی . اردونک ایلری حرکته فرانسه حکومتک معترض اولدینی حقنده فرانسر سفیری طرفندن ده باب عالییه برشفاهی نوطه ویریلدیکی کی فرانسر غزته لرنی بوتششمزدن طولانی علممزه آتش پوسکوریورلردی . فقط عنایت حقه بوتون بو مخالفتره رغماً ادرنه استرداد اولوندی وبالاخره عقد اولنان استانبول معاهده سیله بولغارلر امر واقعی قبوله مجبور اولدیلر .

غربی تراکیا حکومت موقته سی

اردونک ادرنه علمنه حرکتی اثناسنده حکومتجه نشر اولنان بیه ننامه ده اردومزک مریچ نهرینی قطعاً تجاوز ایتمه یجکی صراحة تعهد ایدلمش ایدیسده اوزمان اردونک روح متفکری اولان بعض ذوات بوتعهدک عدم اصابتی نظر دفته آلهرق حکومته تابع اولمایان غیر رسمی برتشکیلات مخصوصه نك مریچ نهرینک اوتیه طرفنده کندی ایسته دیکی کی حرکت ایتمه سنه اغماض عین ایتک اساسنی باش قوماندانلغه وحکومه قبول ایتدیردیلر وبوتشکیلات مخصوصه عاقلانه برحرکت سریعه ایله تامستاقره صونی وادیسنه قدر بوتون غربی تراکیایی اشغاله موفق اولدی . غربی تراکیا قطعه سی ادرنه ولایتک اورتیه کوی وقرجه علی قضالریله بوتون دده آغاچ وکوملجنه سنجاقلرینی احتوا ایدن ونفوسنک یوزده سکسان بشی اسلاملردن ترکیب ایدن برقطعه مهمه در . بو قطعه یی اشغال ایدن تشکیلات مخصوصه نك ریاستنده شهید محترم سلیمان عسکری بک بولونیور وچرکس یوزباشی رشید وازمیرلی اشرف وقارده شی سامی وینه یوزباشی فهمی بکلرله ده سائر بعض ذوات ارکان اصلیه سنی تشکیل ایدیورلردی .

سلیمان عسکری بک اهالی اسلامیه نك ایلری کلنلرینی برعمومی قونفریه دعوت ایدرک مرکزی کوملجنه اولقی اوزره غربی تراکیا حکومت موقته اسلامیه سی نامی

آئنده برحکومتك تشكیل ایتدیكى اعلان ایتدیردی. بو حكومتك ریاست موقته سنه كوملجنه بلدییه رئیسى انتخاب و قوه اجرائیه ریاسته ده سلیمان عسکری بك تعیین اولوندى. حكومت عثمانیه زمانده کی قضا تشکیلاتی عیناً ابقا و هر برینه بر حكومت رئیسى انتخاب ایدیلرک ینه هر برینه بر قوه اجرائیه قوماندانی تعیین اولوندى. حكومت رئیسارى كوملجنه ده کی حكومت موقته رئیسنه تابع اولاجقار قوه اجرائیه قوماندانلریده سلیمان عسکری بكك امری آئنده بولنه جقاردی.

سلیمان عسکری بك بر آز عجز و بر آزده نیکیین اولسنه رغماً بك مکمل و متشبث بر اداره آدمی عد اولنه بیلیردی. فرط ذکاسی، صوك درجه - سارت و فداکارلنی ایله محیطنه احساس اعتماد و امنیت ایدن بوش - شخصیت ممتازه نك غربی تراکیا تشبثاتندن بالاخره استانبول قونفرانسى ائناسنده و متعاقباً تورک - بلغار اتفاقی اساساتنك حین تشبیه بك چوق سیاسی استفاده لر تأمین ایلشدی.

۱۹۱۳ سنه سی تموزی اواسطندن ایلولی اواسطنه قدر پایدار اولان بو حكومتك استانبول معاهده سی احکامی موجبنه موجودیتنه نهایت ویرلدى. فقط بو معامله بك قولای اولمادی. سلیمان عسکری بكك رفقای مساعیسندن بر چوقلری حكومتك تهده اتنه رغماً غربی تراکیا حكومت موقته سنك ادامه سنی آرزو ایدیلور و بلغار اشغالنه قارشى بر آز مقاومت املنده بولنیوردی. حالبوکه حكومت عثمانیه غربی تراکیا قطعه سنك هیچ بر مقاومت دوچار اولمق سزین بلغار قطعاتی طرفندن اشغال ایدلسنه فعلاً معاونت ایدمککى تعهد ایتشدی. اوکا مقابل بلغار لر غربی تراکیا اهالی اسلامیه سی ایچون بك زیاده موجب استفاده حقوق تعهد ایتمش و اهالی اسلامیه حقنده هیچ بر ظلم و تمقیباتد بولمایه جغنی. و در عقب عفو عمومی اعلان ایدمککى وعد ایلشدی. اهالی اسلامیه نك شیمدی بلغار اشغالنه قارشى مقاومت مساعیه ابراز ایتدی. هیچ بر فائده تأمین ایتمه مکله برار بالعکس بلغار لر دن کندیلى ایچون استحصانه موفق اولدیغمز بك چوق منافع سیاسیه و اداریه یی ضایع ایتمه لرینه سبب اولوردی.

آرقداشلری آرمسندده حاصل اولان آرزوی مقاومتی تعدیله موفق اولامایان سلیمان عسکری بك بر مکتوب ایله استانبوله مراجعت ایتدی. مکتوبده دییوردی که: « آرقداشلرم زنده بك بیوک براعتادی و بناء علیه اونلر اوزرنده شدید بر تأثیر معنوی بی حائر اولان استانبول محافظی جمال بك همان بورایه کوندریلرک حكومتك نقطه نظری و تعهداتك اسباب و درجه سی حقنده ایضاحات اعطا ایتدیرلمه جك اولورسه بلغار قطعاتك حدود دن غربی تراکیا داخلنه حرکتی ائناسنده مقاومت کورمى و بناء علیه قان دو کولمه سی محققدر. »

مکتوبنك ورودی اوزرندن هنوز درت بش ساعت کچمه دن سلیمان عسکری بك ده

استانبوله کلدی . خارجیه ، حربیه وداخلیه ناظرلرینک مذاکراتی نتیجه سنده نیم کوملجنه واسکچهیه قدر کیده رک اوراده کی ذوات اقلعهه صرف مساعی ایتیمکلمک تحت قراره آلدی . وبرطرفندن ده اوصردهه استانبول بولغار سفارتنه تعین ایدلمش اولان موسیو طوشف واسطه سیله بولغار حکومتنه اشعار کیفیت ایدیلهرک طرفدن هر دورلو تدایر تسکینه اتحاد اولونه رق غربی ترا کیا حکومتنه مقاومتدن صرف نظر ایتدیرمدکجه وبوخصوصده نیم طرفدن کندیسنه اشعاراتده بوندم ادا قجه حرکت اشغالیه به توسل ایتمه سی غربی ترا کیایی اشغاله مأمور بولغار فرقه سر قوماندانه اخطار ایتدیرلمش ایدی .

استانبولدن ادرنه ، دیمتوقه ، دده غاچ طریقله کوملجنهیه واورادن اسکچهیه کیتدم . برکون سوکرا بکا التحاق ایدن سلیمان عسکری بکله برابر ترا کیا قوه اجرائیه قوماندانلریله کوروشدم . بولغارلرک غربی ترا کیایی صورت اشغالاری حقننده برحق شرائط قرارلشیدردق . بونلری طوغریجه بولغار جنرالنه یازدم . شرائط مذکوره کاملاً قبول اولونه رق حرکت اشغالیه باشلادی . بنده برهفته سوکرا استانبوله عودت ایتدم .

استانبول قونفرانسی

ادرنه نك طرفزدن اشغاندن سوکرا هیچ برطرفدن امیدمعاونت کوره مین بولغارلر بزم قبول ایده بیله جکیم مصالحه اساساتی نیم رسمی بر ماهیتده آراشدیرمق اوزره موسیو ناچه وییحی استانبوله کوندرمشلردی . اسکی استانبول وویستلردن اولان بو اختیار ذات بر بولغار تورک مقارنتنک اسکي و حرارتلی مروجلرندن ایدی . کندیسيله نیم رسمی بر ماهیتده جریان ایده ن بر قاچ مکالمه دن آکلاشلدی بکه ناچه وییج بر صلح مذاکره سنی اداره ایچون کافی شرائطی حائر دکلدی . برمدت بولغار - تورک معاهده صلحیه سنک مذاکره سی ایچون بر بولغار هیئت مرخصه سی استانبوله کلدی . بو هیئت جنرال صاووفک ریاستی آلتنده بولغار سفرا سندن موسیو طوشه فله موسیو ناچه وییچدن مرکبدی . عثمانلی هیئت مرخصه سی طلعت بکک ریاستی آلتنده چوروک صولی محمود پاشا ایله خلیل بکدن ترکیب ایدیوردی . بولغار هیئت مرخصه سنک معیتنده عسکری ومالی وحقوقی مشاورلردن مرکب بر هیئت بولندیغی کی عثمانلی مرخصلرینک معیتنده عینی ماهیتده بر هیئت استشاره ویرلمشدی . بن ارکان حربیه بیکباشیسی عصمت بکله برابر عسکری مشاور تعین ایدلمشک .

خطوط اساسیه نك تئیتیه مشغول اولان هیئت مرخصه بوتون تفرعاتک تقریرینی

بزه حواله ایدیورلردی . ظن ایدیورمه کړک دیمتوښتک معین بر طاقم اراضی ايله قالمی وکړک غربی ترا کیا اهالی اسلامیه سیمه علی العموم بولغارستانده ساکن نورکار حقنده بر چوق حقوق خصوصیه نک تأمین ایدلمه سی مسائنده پک بیوک خدمتلمرمن سبق ایتدی .

تدافعی و تجاوزی عثمانلی بولغار اتفاقی

صالح قونفرانسه مأمور اولان بولغارلر شایان دقت بر ذهنیت ابراز ایدیورلردی . هنوز اوچنچی اجتماعه ابتدار اولنمشدی . بن مذاکره سالوننده مقام ریاستده بولنان طلعت بکه لمصلحه بعض شیر عرض ایدیوردم . جنرال صاووف ، « افندیلر رجا ایدرم ایشمزی چابوق بترلمده اصل مهم اولان دیگر ایشمزه باشلایهلم . بن بورایه ایکی متره فضله طوپراغک بولغارستانده ویا تورکیاده قالمسی مذاکره ایچون کلمدم . بن سبب ورودم سنه لردنبری آرزو ایتدیکم براملاک استحصالیدر : تورک — بولغار اتفاقندن بحث ایتک ایستایوردم . ایشته بن بواشی تأمین ایچون کلمدم . » دیمشدی دیگر ایکی بولغار مرخصی ده مقام تصدیقه باشلرینی سالایورلردی . بزبونی جنرال صاووفک معنادی وجهله بزی یمله مک مقصدیله سویله مش اولدیغنه حمل ایتدک . و شرائط صاحبیه نک تعیین و تثبیتده ممکن اولان منافعک کافه سنی تأمین چالیشدق و فی الحقیقه املزده موفق اولدوق . مذاکرانک نهایترینه طوغری ایدی ، جنرال صاووف اتفاقدن ، بونک تأمین ایده چکی منافع عظیمه متقابله دن داها اساسلی صورتده بحث ایتدک باشلامشدی . معاهده صلحیه مذاکرانک ختامنده بن جنرال صاووفله بیوک آطیه کیده رک تعرضی و تدافعی براتفاق مقاوله سی اساسلرینی تثبیت ایتدک کمز سعیدحلم پاشا ايله طلعت و خلیل بکله آرمنده تقرر ایتدیرلمشدی .

هیچ کیمسه نک نظر دقتی جلب ایتدک ایچون بولغار جنرالی بالقان محاربانی اثناسنده پک زیاده یورولمش اولدیغندن بحث ايله برقاج کون استراحت ایتک اوزره بیوک آطیه اقامته مساعدده ایدلمه سنی حکومت عثمانیه دن رجا ایده چک و طرفزدن رجاسی اسعاف اولونه رق حکومت عثمانیه نک مسافری اولمق اوزره بیوک آطیه کی اوتلاردن برینه یرلشدیرله چکدی . بن ده برکون آطیه کیده چک ونجم الدین ملانک خانه سنده کندیسنه بر ضیافت و بر دیره چکدم . ضیافتی متعاقب براوطیه چکیلهرک اتفاق معاهده سی اساسلرینی مذاکره باشلایه جقدق .

بوتون بوتفرعات اجرا اولوندی . و صاووفله برابر تدافعی و تجاوزی بر معاهده اتفاقیه مسوده سی قلمه آلدق .

بومسوده نك اساسلى برصورتده مذاكره وتعدیلی وكافه تفرعاتك تثبیتی ایچونده
برقاچ كون صوكرا برکیجه شیشلیدمکی اقامتگاهمده اجتماع ایتدك . بولغارلر جنرال
ساووفله موسیو طوشفدن تركب ایدیور بزنده بن طلعت و خلیل بكار موجود
بولویوردی .

معاهده نك تدافى اساسى طرفین عاقیدیندن بری بالقان حكومتلرندن لاقلا ایکیسی
طرفندن دوچار تجاوز اولدینی تقدیرده طرف دیگرك بوتون قوتیه کندیسه معاوت
ایتمی قضیه سندن عبارتدی .

تعرض اساسنه کلنجه: طرفین عاقیدیندن بری بالقان دولترلرندن برینه قارشی اول
امرده طرف دیگرك موافقتی استحصال ایتك شرطیه تجاوزی برحر کتده بولنور
وبو حرکت نتیجه سنده دیگر بر بالقان دولتنك دها دوچار تجاوزی اولورسه طرف
دیگرك کندیسه معاوتنه مجبوریتنی احتوا ایدیوردی .

فقط طرفین عاقیدیندن بری هر هانکی بر بالقان دولتیله یالکیز باشنه حرب ایتمه
مجبور اولدینی تقدیرده طرف دیگر متفقنه قارشی لطفکار بری طرفلق وضعیتى محافظه
ایده جکدی .

بویله بر حرب مشترك نتیجه سنده استحصال اولنه حق منافع ارضیه نك صورت
تقسیمه کلنجه :

بولغارلر قواله درامه حوالیسنی و دده آغاچ لیمانی بزه ویره جکلردی . شاید بولغارلر
بر طرفدن اوستروما قره صوینه قدر توسیع حدود ایدرلرسه بز مستأقره صوینه قدر
بوندن غربی ترا کیانی استرداد ایده جکدك شاید بولغارلر سنلانیك لیمانی قره فریه
وودینه حدالری اشغال ایدرلرسه بزه استروما قره صوینه قدر ایلرله یه جك ومذکور
شهر ابله قرسته بوغازینه قدر چیه جق اولان جدودیمز نوره قوپله رزالی آر سندن
کچه رك اسکی روپچوز قضاسی بزه قالمق اوزره دوسپا ط موقعنده اسکی تورك بولغار
حدودینه ملاقی اوله جقدی .

تورکجه وفرانسزجه اوله رق تحریر اولنان پروتوقول هیج برتعهد ماهیتنی حائر
اولماق شرطیه طرفینجه پارافه ایدلدی .

معاهده اتفاقیه مسوده سنی بولغار باش وکیلی غوسپودین راووسلاووف وخارجیه
ناظری غوسپودین غنادیف ابله مذاکره ایتك وقرالاكده موافقتی استحصال ایتك
ایچون جنرال ساووف صوفیه یه عودت ایتدی . جنرال ساووف اعظمی برهفته اون
كون طرفنده بولغار متقابل تمکلیقاتی حامله استانبوله عودت ایده بیله جکنی ویاخود
هیچ کیسه نك نظرقتی جلب ایتمه مك ایچون اوصیره ده استانبول بولغار سفارتنه
تعین ایدلمش اولان موسیو طوشه فیه ارسال ایتدیره جکنی سویلیوردی .

فقط آرەدن هفتەلەر کچدیکی حالده صوفیه دن هیچ بر خبر آلیور و موسیو طوشف بوخصوصده شق شفه ایتیموردی .

صلح معاهده سنک طرفین حکومتلرنجه تصدیقی متعاقب بولغارستانله مناسبات سیاسیة اعاده ایدلمش و حکومت عثمانیه طرفندن جمعیت کاتب عمومی فتحی بک صوفیه سفارتنه تعیین اولمیشدی . فتحی بک تورک - بلغار اتفاق پروژہ سنه وافق و طرفدار ایدی . صوفیه به مواصلتندن صوکره جنرال صاووفله استانبولده اساسلری قرارلاشدیرلمش اولان اتفاق معاهده سنک زرده قالدیغه دائر بولغار قایینه سی نزدنه سبق ایدن تشبثاته هیچ بر جواب شافی آله مامشدی . معاهده صاحبه مذاکراتی انساننده بو اتفاق بر آن اول عقدی ایچون شایان حیرت بر استعجال کو ستر مکده اولان بولغارلرک شیمدیکی تأثیرلینه هیچ بر معنا ویریه میوردی بر طرفندن ده بولغارلر کرک معاهده صاحبه احکامنه وکرک شفاهی بر جوق وعدلرینه رغماً غربی ترا کیا اهالی اسلامیه سی حقنده ارتکاب مظالمه باشلامشیر ، پوماق لری جبراً خرستان یامغه تشبث ایتشیردی .

فتحی بک بوایکی یوزلو بولغار سیاستندن بیزار اولمش و صوفیه مأموریتنده دوام کندییی ایچون غیر ممکن راده کمدده اولدیغنی بیلدیرمیشدی . هم بومسائل حقنده تعاطی افکار ایدرهک غربی ترا کیا اهالی اسلامیه سی ظلم و تضییقندن قورنارمق ، همده اتفاق مسئله سی کوروشمک اوزره طلعت و خلیل بکلرله راووسلاووف و غنادیه ف آرە سنده بولغارستان داخلنده کوچوک بر قصبه ده بر مکالمه زمینی احضار اولوندی . بو مکالمه نتیجه سنده اهالی اسلامیه به ده رفقایله معامله پایله جغنی وعد ایتمکله برابر اتفاق معاهده نامه سی حقنده بولغار حکومتک نقاط نظرینی حامله عن قریب استانبوله بر مرخص مخصوص کوندره جکلرینی بیلدیردیله .

فی الحقیقه ۱۹۱۳ کانون اولی انساننده بولغار ارکان حربیه عمومی رئیس ثانیه میرالای ژە قوف استانبوله کلدی . بو ذات بو حرب عمومی انساننده بولغار اردوسی باش قوماندانلغنی ایتش اولان جنرال ژە قوفدر . غایت ذکی ، مدقق ، بک نازک و یوکسک تحصیل کورمش اولان بو ذانک غوسپودین - رادوسلاووف و طرفدارانی نزدنه حائر اعتماد اولدیغنی ، استانبوله ورودینی بزه خبر ویرمش اولان موسیو طوشف علاوه بیلدیر میوردی .

بن اوزمان نافعہ ناظری ایدم و کماکان تورک - بولغار اتفاقک مذاکره سنه طاعت و خلیل بکلرله برابر مأمور بولونیوردم .

اولجه قرارلاشدیریلان ساعتده تقسیمده کی بولغار سفارتخانه سنه کیتدک بولغارلرک تقسیم اراضی حقنده غایت غریب و شایان حیرت تکلیفی قارشوسنده قالدق . استروما قره صوینه ، مناستر و اوخری به قدر اولان ماکدونیا اقسامی بولغار

اشغالنه تأمین ایدلدکجه بولغارلر دده آغاچ لیمانی ویرمیورلر و آنجق سلائیکی آلدقلى تقدیرده قره آغاچ لیمانه قدر اراضینک بزه انتقاله راضی اولیورلردی . میرالای ژده قوفله درت بش مذا کردهن صوکر ا بزمده قبول ایده بیله جگمز شکل وماهیته معاهده اتفاقیه مسوده سی تثبیت ایدلدی .

بولغار اتفاقى بزم ایچون جدا حاضره میت ایدی . زیرا بز نه وقت اولسه یونانیلرله بر مجادله یه کیریشسه جگدک . لیتی ، مدلی ، ساقز کی بحر سفید آطه لرینی یونانیلر ائنده براقى بزم ایچون غیر نمکندی . استحضار اتمزی او یوله اکمال ایجاب ایدردی که یونانیلرله حربه کیریشدیکمز زمان بولغارلری ده بتکرار قارشومزده کورمیه لم ، «دیگر طرفدن بولغارلرکده ما کدونیا مسئله سندن طولایى قطعیا راحت طورمیه جقلرینی وبوملى امللرینی استحصال ایچون بزم معاونتمزه بهمه حال محتاج اولدقلى بیلیور وبو وضعیتدن اعظمی استفاده تأمین ایتک وبردها بر بالقان اتحادی قارشوسنده قالماق ایستیوردق . دوبریجه یه یرلشمش اولان رومانیا لیلری ده بولغارلر طرفندن بعدما کاملاً امین اوله جقلرینی تأمین ایتک شرطیه تورک - بولغار اتفاقى داخلمه قازانمق ممکن اولورسه اوحالده بالقانلرک شرق وغربنده یکدیگیرینه مقابل ایکی غروب تشکل ایتمش و آرتق بالقان کوچوک حکومتلرینک ایکیده برده بزى راحتسز ایدمه ملری امکان داخلمه کیرمش اوله جقدی . فرقه نک سیاست خارجه اساساتندن برنی تشکیل ایدن بوفکردن طولایى بز تورک - بولغار اتفاقیه پک زیاده اهمیت ویریور و بوباده اولدقجه استعجال ایدیوردق . فقط دائماً اعظمی استفاده یی کندیلرینه تأمین ایتک واک عزیز متفقلرینی بیله آلداتمه چالیشمق بولغار سیاستنک ده طوغریسی بولغار اخلاقنک اوصاف میزمسی جمله سندن اولدیی ایچون بولغارلر ایشی اوزاندقجه اوزاتیور و بزم پک صیقیشمش اولدیغمز بر زمانده نامتناهی تعدیلات ایله قارمه قاریشقی ایدلمش اولان معاهده نامه یی الیزه طوتوشدیروب یکرمی درت ساعت ظرفنده امضا ایدوب ایتمه مکده بزى محیر براقى دوشوندکلری پک اعلا آکلاشیلیوردی . حرب عمومینک آن ظهورینه قدر بولغارلر بزى متمادیا اویلا دیلر . میرالای ژده قوفله قرارلاشدیردیغمز اساساتندن صوکر ا بن آرتق بو معاهده اتفاقیه ایشیه مشغول اولمادم . بالاخره خبر آلدکه حرب عمومی اثناسنده مرکزى امپراطورلقلر و بزمه برابر حربه داخل اولمق ایچون مذاکراته کیریشلیدیکی صرده بولغارلردها اول قرارلاشدیرلمش اولان اساساتک هیچ برنی قاله آلاماشلر و دکل بزم غربی تراکیا جهتدن توسیع اراضی ایتمه مزه موافقت ایتک ، دیمتوقه ایله قره آغاجی و جسر مصطفی پاشای و مرچ صول ساحلندن ایکی کیلومتره اراضی یی درعقب اشغال ایتک شرطی بز قبول ایتمه دکجه مواد سائر نهک مناقشه سنه بیله یاناشماشلر .

بولغارلارله مناسباًتمزه متعلق خاطر اتمدن بر قسمی حزب عمومی بدایتلرینه عائد و قایلک
تحریری صرهنده ذکر ایدم جکم جهته شیمدیلک بوراده بو بحثه نهایت ویریورم .

سوریه لیلرله و علی العموم عربلرله ائتلاف

بکا اوپله کلیورکه بزم مملکتتمزده حتی تورکلرک الک منور کچینلری نزدنده بیله
عرب مسئله سنک ماهیتی ایله اونی اداره ایدنلرک امللری نه اولدیغنی بیلان پک آز
کیمسلر واردر . بن بو مسئله دن درنجی اردو قوماندانلغنه عائد خاطراتمی یازارکن
اوزون اوزادییه بحث ایدم جکم ایچون بوراده بو ایشک یالکیز استانبول محافظانم
زماننده اشتغال ایتدیکم اقسامنی مختصر آ ذکر ایله اکتفا ایدم جکم
برچوق اسباب و عوامل تاثیریه کویا مملکتلرنده اصلاحات ایسته ین عربلر
کامل پاشا قاینه سی زماننده والی ادهم بکک مساعدۀ مخصوصه سیله بیروته بر مجلس
ملی عقد ایتشلر و سوریه ایله علی العموم عربستان ولایتلرینه ادخالنی طلب ایتدکری
مواد اصلاحیه نی تثبیت و حکومته تودیع ایله مشلردی .

محمود شوکت پاشا قاینه سنک موقع اقتداره وصولی ایله مقام ولایتده حصوله کلن
تحول اوزرینه حکومت مجلس ملینک عدم قانونیتی درمیان ایدره ک اغو ایتدی . و
اداره ولایت ایچون قوانین مخصوصه تنظیمی مجلس مبعوثانک صلاحیتی جمله سفندن
اولدیغندن بحثله بیروت قونغرهنک تثبیت ایتدیکی اساساتی نظردفته بیله آلمایه جغنی
اعلان ایتدی .

سوریه و بیروته استقلال عرب منادیلری اوقدر چوغالمش و حکومت اوقدر
پیدای ضعف ایتشدیکه بیروته بعض کستاهلر سوقاق کوپکلرینک بویینه والی ولایتک
اسمی اولان « ابوبکر حازم » لوحه سنی آصه جق قدر جرأت کوستریورلر شامده
شکری العسلی و محمد کرد علی والی ماردینی عارف بکک نزدینه بی پروا چیه قرق عربجه
یازلمش بر استدعای آ کلایه مادیغنی ایچون ترکجه سنکده علاوه سیله کتیر یله سنی سوبله مک
جرآننده بولنش اولان مکتوبی ولایتک هان سوریه خارجه دفع ایدلمه سنی طلب
ایتمک کبی طاشقینلقلردن چکینمیرلردی . بوتون سوریه غزته لری حکومت عثمانیه
حقنده الک شدید مهاجمانده بولمقدن توقی ایتمور و ستولرینی بالخاصه تورک عنصری
علینده شتوم غلیظه ایله تولدوریورلردی .

طرابلس شاملی شیخ رشید زضامصرده نشر ایتکده بولندینی « النار » مجموعه سنده
الحامد و ترقی ارکانی و علی العموم تورک عنصری حقنده اوپله شدید برلسان تباوز
استعمال ایدیوردیکه بولنلری اوقویوبده تورک علیهداری اولماق امکانشزدی .

حکومت بالقان حریله مشغول اولدیغی صرده کلیبولی شبه جزیره سنده بولنان بر غرب فرقه سنک ضابطانی وظیفه ناموس وحیتی اجرا ایده جک کرینه کویا عرب وطنر ورلرینک استانبولده سیاستاً اجرا ایده جک کرلی تشبثات تضییقه نك مستند الیهی اولدقلرینی کوستره جک طور لر طاقینه مقدن کری طور میورلردی . بالاخره بیر وئده حکومتک مانعته رغماً عقد ایتمک ایسته دکلری عمومی عرب قونغر سنک حکومت طرفندن فی الحقیقه قطعاً منع ایدیه جک کنی ومتشبتلری حقنده تعقیبات قانونیه ده بولونیا لاجنی آکلانجه فرانسه حکومتک موافقت حتی دعوت مخصوصه سیله قونغر هی پارسده عقد ایتمک قرار ویردیلر وبوتون بلاد عربیه ده دعوت نامه لر یازارق بوقونغر هی اعضا کوندرملرینی طلب ایتدیلر . متشبتلرک باشنده اوزمان حما مبعوثی اولان عبدالحمید زهراوی افندی ایله بیر وئده منتشر الحقیقه غزته سی صاحبی عبدالغنی العریس والمندی الادب ، رئیس عبدالکریم الخلیل بولنیورلردی .

قونغر دنک فرانسه حکومتک تحت حمایت وصحابتنده اولماسی مسئله نك شکل وماهیته بالکلیه دکیشدیریور وعادتا فرانسلرک سوریه ده بالفعل مداخله لرینی موجب اولاجق بر نتیجه یه واصل اولاجنی ذهانی ویریوردی . بن اوصیراده بو عرب ایشلری ایله پک آز مشغول اولویور ویا لکنز تورک و عرب ایکی بیوک اسلام عنصری آره سنده اجانبک تشویقات واغوا آتیه برسوء تفهم حصولنه میدان ویرله منی وحیت وطنیه وسلامت دینه لرینه اعتماد ایدیه یه جک بعض عربا کابرینک رأی ومطالعه لرینه مراجعتله عربک منافع عمومیه اسلامیه یی تهلکیه قومیه جق طرزده کی آمال مخصوصه مایه سنک نه دن عبارت اولدیغنک آکلاشیلیمه سی واونلری تطمین ایده جک مقررات اصلاحیه اتحاد اولماسنی آرزو ایدیوردم . پک شایان تشکر درکه حکومتجه ده عینی نقطه نظر ترجیح اولمش وپارس قونغر ه سنی عقد ایتمش اولان عرب اکبری ایله کوروشمک واونلرله بر زمین ائتلاف بولمق اوزره مدحت شکری پک ودها سائر برقاج ذات پارسه کوندرملشردر .

فی الحقیقه قونغر عقد اولندی فقط مدحت شکری پک ورفقاسنک پارسه کیده رک اسلام عربلرله کورشمه لر ایتمک بشکلی تبدیله یاردم ایتمش وقونغر بعض تمثیلات خالصه درمیان ایتد کدنصو کرا داغیلده شدی .

بر کون طلعت پک استانبول محافظلغنه کله رک جمعه کونی شیخ عبدالعزیز چاویشک سلیمانیه ده کی خانه سنه دعوتلی اولدیغمزدن بر لکده اورایه کیده جکمز ی سویله دی . بودعونده کی مقصدک عربلرله بر زمین ائتلاف بولمق اوزره عرب سیاسی جمعیت خفیه سنک رئیس بولنان ذات ایله کوروشمک اولدیغی وبن اساس اعتبار یله بوائتلافک اک حرارتلی مروجلرندن اولدیغم وباخصوص بغداد والیدکم ائناسنده عرب مسألی حقنده

خیلی اختصاص پیدا ایتدیکم جهتله بومذا کرملر ائناسنده بولمقاغم حکومتجه قرارلاشدریندیغنی ده علاوه ایتدی .

یوم معینده موعده ملاقانه کیتدک . متعاقباً اوفارق جتهلی یکرئی سکیز اوتوز باشلرنده اسمر و ایری سیاه کوزلرینک آتشین پارلاقنی شدت ذکاسنه دال ، طور حالی پک جرأتکار و متشبث اولایغنی کوسترن بر ذاتده کلدی . عرب جمعیت سیاسیة خفیه سی مرخصی صفتیله و عبدالکریم الخلیل اسمیله بزه تقدیم اولندی . یمکدن صوکر ا، مذاکره باشلاندی . مواد ائتلافیه آرمسنده اک زیاده اصرار ایله استحصال ایتک ایسته دیکی شیء بعض اشخاصک استانبولده مهم مقاماته کچیریله سنی تأمین قضیه سی اولدیغنی کورونجه بونلرک نظرنده عرب اصلاحاتی دیمک برقاچ حریص جاه و اقبالک نظمین آمال شخصییه سی دیمک اولدیغنه حزن آله حکم ایتدم . مع هذا مکاتب اداره سی اداره خصوصیه و لایق قانونی موجبنجه ، محلی اداره لرینه محول درجه تالیه تدریساتی ایله علی العموم تدریسات ابتدائیه نک عربجه اولماسی محاکمه بعض معاملاتک عربجه جربان ایتیه سی ، جلب و احضار مذکره لریله اعلانات جزائیه و حقوقینک عربجه صورتلرینک دخی ربط اولمنی ، مجلس اعیان ایله شورای دولته و محکمه تمیز ایله باب مشیخت و فتوی امانته بعض عرب اکابرینک تعیین اولماسی طرزنده بعض مقررات قلمه آلدی .

بوندن صوکر ا برکرده پک اوغلنده قروکر اوتلنده عبدالکریم الخلیل و شیخ عبدالحمید زهراوی ایله برلشدک و بوابتدائی مواد مقررده وزیرینه تعاضی افکار ایتدک . بالاخره حکومتکده مظهر تصویب و تصدیق اولان بو مواد دولته کاملاً تطبیق و اجرا اولندی .

مع هذا تمایلات خائسانه سی پک چوق عربلر طرفندن اخبار اولندان عبدالحمید زهراوی افندینک اعیان اعضاگنه تعینتی طاعت پک بر دورلو ایسته میوردی . عبدالکریم الخلیل برقاچ دفعه لر زدیعه کله رک بو مسئله حقده طاعت پک نزدنده تشنات مؤثرده بولمقلمی رجا ایتشدی ؛ نهایت املا ری ده اسعاف اولندی . فقط عبدالحمید افندینک یکانه آرزوسی مقام مشیختی اشغال ایتک اولدیغندن اعیان اعضا لئی تطمین حرص أملنه بر دورلو کافی کلمه مشدی . عبدالکریم الخلیل او آندن اعتباراً بر شخصیت مهمه صرهنه کچمش واللا المرکزیه حزبنک سوریه مفتش عمومی سی عنوانی طاقینه رق عودت ایتشدی مجلس مبعوثان انتخاباتی ائناسنده طرفداراننک مبعوث اولماسی ایچون پک چوق مساعی صرف ایتش ایسه ده داخلیه ناظری بکک متقابل و بالخاصه بو ایشلر ایچون فوق العاده مؤثر اولان تدابیری سایه سنده پک آز موفق اولش و حکومتک ودها دوعریسی فرقه نک عرب ولایتلری نامزدلری احراز غلبه ایتشلردی . عرب

مسائلندن بحث ایدرکن بنجه پک مهم اولان بر حادثیهی ذکر ایتمکدن کنیدی منع ایده میوروم انور باشانک حربه نظارتی و نیم نافعه نظارتم زمانده ایدی . حرص اشهار اعتبارله بلکه دنیاده موجود انسانلرک کافه سنه فائق بر اخلاقه مالک اولان ارکان حربه بیکباشیسی مصرلی عزیز علی بکک عرب ائتلافی مسئله سنده کنیدیسنه بر حصه تعالی چیقار یلماش اولماسندن و عبدالکریم الخلیل ایله عبدالحمید زهر اوینک کنیدیسنه فائق بر شهرت اکتساب ایتهلرندن مغیر اوله رق مواد ائتلافیه نک عرب آمالی قطعاً تطمین ایتیه جکنی و عربلرک یکانه آرزوسی داخلأ مستقل براداریه و باشلی باشه بر اردویه مالک اوله رق تورکلرله آنجق آوستریا مجارستانه مشابه بر حکومت مزدوجه شکننده یرلشمکدن عبارت اولدیغی و فقط کنیدیلرینک مجارلردن دها ایلری کیده رک عرب اردوسی لسان رسمیسینده عربجه اولماسنی ایسته دکرنی و بو مقصد ملی طورورکن بونک استحصالنه چالیشما یوبده کنیدیلرینه تأمین موقع وجاه ایتک املیه بر طاقم بی معنا مواد اصلاحیه قبولنه ساعی اولانلرک خائن ملت عد اولونه جغنی و علیه لرند قریبأ اک مرحمتسزجه جزالر ترتیب ایدیه جکنی عینأ سویه مک تشبث ایده جک قدر جرأت کوسترمشدی . غریبدرکه بو اک حرارتلی عرب قهرمانی اصلاً عرب دکلدی .

عزیز علی بکی دها مکتبدن نامزد یوزباشیسی چقیدیغی زماندن بری طانیرم . اوزمانلر ظن ایدر سه م ۱۳۲۰ « ۱۹۰۴ » تاریخلرنده ایدی . ما کدونیانک پتریچ و عثمانیه قضالرنده بولغار اشقیاسی تعقیباتنده پک زیاده مساعی و اقداماتی سبق ایتمشدی . بالاخره حدود یونانیه جهتلرنده روم ، بلغاروارناوود اشقیاسیه پک چوق اوغراشمش و اتحاد و ترقی جمعیتنه قبل المشروطیت داخل اوله رق خدمات مبروره ابراز ایتمشدی . ۳۱ مارت [۱۳ نیسان ۱۹۰۹] حرکت ارتجاعیه سنک تأدی ایچون استانبوله کلن حرکت اردوسنک بر مفرزه سنه قوماند ایتمش و غلطه کوپریسنک اشغالندن سوکرا بومفرزه ایله طوپخانه اوزرینه یورویه رک طوپخانه قشله سنک عاصیلردن تطهیری ایچون فوق العاده همت صرف ایتمشدی . اوزمانه قدر بو ذاتده افتراق عرب تمایلاتی موجود اولدیغنی بیلمیوردم . کنیدیسنی نه زمان کورور سه م فضله جه آثار احترام کوستر و پک ادیبانه اداره کلام ایدردی . آظنه ولاتنده بولندیغم صرده بر آراق استانبوله کیتمشدم . تصادف ایتدیکم عزیز علی بکله طنین سیار مخاری احمد شریف بکک مشهور و معروف بیروت و سوریه مکتوبلری اوزرینه تعاطی افکار ایدیوردق . عرب ولایتلرنده ، وحدت عثمانیه و مکتت خلافت اسلامیه ایچون پک مضر بر ماهیتی حائر اوله جق طرزده ، مشهور اولان بوجربانک شایان تأسف اولدیغنی سویه . دیکم صرده عزیز علی بک بارد بر طورله « عربلرک یردن کوکه قدر حقلری وار . سز تورکلر ، بز عربلر حقنده شیمدی یه قدر امحادن ، تحقیردن ، تزیفدن باشقه ناپایدیکرکه

شیمدی بزدن معامله دستانه بکلیورسکیز. اونودیورسکیز که استانبولده کوپکلیری
چاغرمق ایچون «عرب، عرب، عرب» دیرسکیز. الهمغلق مسائلی ایضاح ایچون
«عرب صاچی کی. دیرسکیز. نه عربک یوزی، نه شامک شکری» تعیری
وردزبانکیزدر شاعر یکیزک «شامدن چقیدیغم اقشامه دیدم شام شریف»
مصرایک بکنیدیکیزکنیا لردنذر. بوتون بونلر یتشمیورمش کی مشروطیتدن
صوکر بالخاصه عربلری تحقیر ایتک ایچون بغداد وعلی العموم خطه عراقیه مخربی
هلاکونک نسلندن براخلاقیز تاتاری شام اردوسنه مشیر تعیین ایتدیکیز. عربلرک
تاتارلر علمینده کی غیض وکینی بیلمز دکلسکیز. حال بویله ایکن عثمان پاشایی بشنچی
اردو مشیریتنه کوندرمک عربلری تحقیر ایتکدن باشقه بر مقصده محمول اوله ماز
دیمشدی. بوقدر ذکی برذاتک لسانندن بودرجه بلاهت آلود سوزلرک ناصل صادر
اولدیغنه حیرت ایدیوردم. عثمان پاشا حقنده کی سوزلرینی مشارالیه ایله کندییسی آره سنده
دها ما کدونیا ده ایکن جریان ایدن بر حادنه دن متولد غرض شخصی به حمل ایدیوردم.
عزیز علی بک قوچانه ده بر قطعه به منسوب ایکن برای تقیتش احوالی به کلش اولان
واوزمانلر اسکوب وحوالیسی قوماندانلغی ایفا ایدن عثمان پاشانک دائمًا هر کسه قارشو
اختیار ایتدیکی طور و مستهزیه و قوللانیدیغی نامالیم الفاظ برده بیرونانه دن مغبر اوله رق
مقابله شیده ده بولنش و مقابله نک علنتی قارشو سنده شایر مش قالمش اولان عثمان
پاشا موقع عالیسنک موقع و شرفی قورتارمق مقصیده ابراز شیده قیام ایدرک عزیز
بکک حبس ایدلمسنی امر ایتمش و بوقعه مناسبیله عزیز علی بکک هیچ بر صورتله
تسکین ایدیله مه ی غیض و کینه هدف اولمشدی.

تورکلرک وعلی الخصوص اناطولی تورکلرینک عربلر حقنده کی حرمت فوق العاده سندن
بحث ایدرک هر بریمی کیم بیلیر نه کی حادثه لر تأثیر یله لسان ناسده ابتدال ایتمش اولمقدن
باشقه بر ماهیتی حائر اولمیان بوسوزلری نظر دفته آلوب ده تورکلرک عرب حقنده کی حس حرمت
و تعظیمندن شبهه ایتک جائز اولمایه جغی، کندییسی کی منورلر اکر بعض تمایلاته
و شخصی اغبرارلره تابع اولوبده بوتله لکلی یوله صاپه جق اولورلر سه عالم اسلام ایچون
تلافیسی غیر قابل بر فلاکت حصوله کتیره جکلرینی سویله مشدم.

بوقعه دن صوکر عزیز علی بک کندی طای اوزرینه عزت پاشا ارکان حربیه سنه
مأمور آیمه کیتمشدی. اصل عرب تمایلاتی اوراده کوسترمش اولدیغی و بی چاره
عزت پاشایه بیک درلو روحی عذابلر چکدیردیکنی بالاخره خبر آلدیم. ایتالیا نلرک
طرابلس غرب و بنگازی به تجاوزینی متعاقب یمندن بنگازی به کچدیکنی وانور و مصطفی
کال بکلرله برابر بنگازی متصرفلغی دائره سنه مربوط شهرلرک مدافعه سنه پک چوق
همتی سبق ایتدیکنی ایشیتمشدم.

بنجه عزیز علی بکک عرب اختلاجیلری آرمسندده اڤ مهم شخصیتلردن بری اولدینی و آتیا، عربلق عالمده پک چوق حادثات ایفا ایدمچک بر ماهیتده بوندینی ایچون احوال ماضیه سی و فضائل و قباچی حقنده کی احتیاساتمی مجملأ ذکر ایتمی فائده لی تلقی ایتدم . بنغازیده بولندینی ائنده انور بکک کندیسنه قارشی آمرطوری طاقیناسی چکه میهرک عرب ضابطانی علینه تشویق ایتدیکنی فقط انور بکک بوکا هیچ اهمیت ویرمیه رک ایتالیا نلرله مصالحه نک انعقاددن سوکرا بالقان محاربه سینه اشتراک ایچون مملکته عودت ایتدیکی صررده بنغازیده ر حکومت عربیه تأسیس ایتمی توصیه سیله امر ر قوماندانی عزیز علی بکه ترک ایتدیکنی ، فقط عزیز علی بکک پک آزر زمان ظرفنده اولا شیخ احمد الشریف السنوسی ایله وبالاخره عرب ضابطانی ایله بوزوشه رق بنغازیده قالمقدن صرف نظرله تورکیه یه عودت ایتدیکنی بکا حکایه ایتملردی .

او صررده بوذاتده بر ذهنیت واردی : تورک ضابطانی ایله واسکی تورک آرقداشلیری ایله اثنای مکالمده انور بکک شدتله علیهدازی بولنق ، عرب ضابطانیله برلکده بولندقجه تورکرر علینه اڤ شدید تشویقات و مهاجمادن توقی ایتهمک .

نهایت انور پاشانک حریبه نظارتی مقامنه کچمه سی عزیز علی بکی بالکلیه چیلدیرتمشدی . هم کندیسيله صنف رفیق اولسون ، هم آنحق کندیسى قدر ابراز همت و خدمت ایتسونده شیمدی او حریبه نظاری اولسون ، و کندیسى حالا ارکان حریبه بیکباشیلغنده قالسین . مادامکه تورکررله برابر چالیشمقده برچاره ترقی واشتهار یوق . پاشاسین عرب اختلاجیلنی !

عزیز علی بک آرتق انور پاشانکده صبر و تحملنی توکده جک افعال و حرکاته توسل ایدنجه انور پاشا کندیسینک توقیفی امر ایتدی و بنغازیده بولندقلری ائنده امور حکومته صرف ایتک ایچون کندیسینه تسلیم ایتدیکی اون بیک می یوقسه اوتوز بیک می لیرانک حسابنی ویرمه دیکی و بونئری ذمتنه کچیردیکی ادعاسيله دیوان حریبه تودیع ایلدی . عزیز علی بکک توقیفی اوزرینه بوتون استانبول عرب کنجلیکی قیام ایتمشدی . بن او صررده نافعه ناظری ایدم . المئندی العربی اعضالری باش وورمادق مقام و ذوات بیراقدیلر . بعلبکلی دو قنور اسعد حیدرک ریاستی آئنده شاملی و بیروتلی بش کنجدن مرکب بر هیئت مبعوضده بکا کلدی . مقصد زیارتلرینی ایضاح ایتدکدنصوکررا انور پاشانک نزدنده تشبثاده بولونه رق عزیز مصرینک عفونی تأمین ایدمچک اولور . ایسه هم عرب کنجلیکی اوزرنده پک زیاده حسن تأثیر حاصل ایدمچکی سويله دیلر نهایت امرا دیوان حربی عزیز علی بکک اعدامنه قرار ویردی . مضبطه حکمییه بی باب عالی یه تقدیم ایدن حریبه نظارتی محکوم حقنده عاطفت سینه یه مراجعت

وحکم اعدامك مؤبد كورك جزاسنه تحویلنی رجا ایدیوردی . مضبوطك حربیه نظارتك استرحامی دائرہسندہ تعدیلاً تصدیق عالی یہ اقتران ایتدیکی کونك آقشامی فرانسیس سفارتخانہسندہ بیوک برضیافت رسمیه ویریلوروهان بوتون نظاریله بعض سفرای اجنیه ورخیلی فرانسیز اکابری مدعو بولنیوردی . بن و انور پاشاده مدعوین میانده ایدک . ضیافتدن سوکرا بویوک مسامره سالوننده بولندیغمز صیرهده عزیز - علی بکک اعدامه محکومیتی حوادثی آغزندن قولاغه طولاشمغه باشلامشدی . اک اولایللو ستراسیونك حرب مخباری ژورنرمون یانمه کلهرك « عزیزم جنرال ! دیدی ؛ انور پاشا ایله بنغازیده آرملرنده بر مناقشه ، بر منافرت جریان ایتمش اولماسی حسیله عزیز علی بک اعدامه محکوم ایدیلهجک اولور ایسه بومملکتده قانوندن زیاده کیف و ارادهك حکم سوردیکنه قانع اولاجمغه اعتماد ایدیکز . ایشتدیکمه کوره عزیز علی بکه اسناد اولنان جرم مدافعه مملکت ایچون کندیسنه ویریلن پارهی چالش اولقندن عبارتمش . بنم پک عزیز بر دوستم اولان عزیز علی بک بلکه بر عرب اختلاجیسیدر ؛ بلکه انور پاشانك افکار سیاسیسنه مخالف افکار بسله ؛ فقط هیچ بر زمان خیرسز اولاماز . بوکا بنم قدر سزکده قانع اولدیغکزه امینم . وینه امینم که اکر سز انور پاشا نزدنده برتشبده بولنهجق اولور ایسه کز عزیز علی بکک لایق اولمادیی بوفلا کتدن خلاصی تأمین ایدیبیلیرسکیز . » ژورنرموندن سوکرا تورک ، فرانسیز برخیلی ضابط و سیویل عزیز علی بک لهنده مداخله ایتمککم ایچون متادیاً بکا مراجعت ایدیورلردی . اوکیجه سالونده طولاشان انور پاشایه انعطاف ایدن نظرلرده « کندی حس انتقامی تطمین ایچون کندیسيله برابر بنغازی یی مدافعه ایتمش اولان برقیمتلی ضابطی احما ایتک ایستهین شو آدمه باقکیز ! » معناسی او قونوبوردی .

درعقب اکلادم که افکار عمومیه عزیز علی بکدن زیاده انور پاشای اتهام ایدیور . بناء علیه بواتهامدن انور پاشای قور تارمق الزمدی . بوندن باشقه عزیز علی بک بنم نظرمده عرب اختلاجیلرینک اک مرد و ناموسکارلرندن بری ایدی . دیگر اختلاجیلرک کافه سی حقنده عفو عمومی اعلان ایدوبده یالاکز عزیز علی بکی محکوم ایتک نجه منطقسزلقدی . او حالده عزیز علی بکی قور تارمق بنده بوتون موجودیتله آرزو ایدیوردم . بناء علیه اوکیجه ضیافتدن اوه عودت ایدرایتمز انور پاشایه درت بش سطرلق برتذکره یازدم و دیدم که : « عزیزم انور ! عزیزعلینک علهنده دیوان حرب عسکر نجه بولنش اولان دلائل و امارات هرندن عبارت اولورسه اولسون افکار عمومیه سنی اتهام ایدیور . نجه افکار عمومیهده بویله چیرکین برطرزده اتهام ایدمککک عزیزعلینک برقاچسنه حبسخانهده قلماسنک تأمین ایدمککک فائدهك بیک مثلی مضرت تأمین ایدر . بناء علیه لطفکارلق

دوغریدن دوغری به سنك طرفدن كلش اولمق اوزره عزیز علی نك عفو عالی به مظهریتنه دلالت ایت. عزیز علی نك بردها ترکیه به کلمه مک اوزره بوراسنی ترك ایدوب کیمه سنی ده بن تأمین ایدرم . »

انور پاشا تذکره مه جواب ویرمدی. فقط ایرتمی کون عزیز علی نك عفو عالی به مظهر اولدیغنی تلفون ایله بکا بیلدیردی . ذاتاً بو خبری آتمش اولان عزیز علی نك برادری، موسیو ژورژه مون ایله برابر بنم زیارتمه کملشردی ، تشکر ایدیورلردی . عزیز علی بکک حبس خانه دن چیقار چیمه از طوغریجه مصره کیمه سنی و بعدما ممالک عثمانیه سیاستیه مشغول اولماسنی و برای تشکر بکا کلمه مکله برابر عفو ایچون ده دلالتده بولندیغمه دائر هیچ بر کیمه سیه شق شفه ایتمه سنی سوله دم . اوزمان ناموس اوزرینه ویردیکی سوزه رغماً بو حرب عمومی ائناسنده مقام خلافته قارشى ناکورجه اختلال ایدن و عالم اسلامى بو کونکی اضمه حلال و فلا کته بیلهرک ایصال ایدن شریف حسینک معیتنه قوشه رق اوراده خدمت ایتش اولدیغنی خبر آلدیغم عزیز علی بکی ایشته شیمدیده بن عفو ایده میورم .

آلمان هیئت اصلاحیه عسکریه سی

ینه بکا او یله کلیورکه اوروپا و آمریقا ده هیچ بر فرد بومسئله نی یعنی عثمانلی اردوسنك تنسیق و تنظیمی ایچون آلمان هیئت اصلاحیه عسکریه سنك استانبوله کلمسی کیفیتنی حقیقی وجهله بیلیمور ! زیرا علم مزده نه قدر اثر او قوش ایسم بوهیئت اصلاحیه نك انور پاشانك حربیه نظارتی زماننده کتیرلمش اولدیغنی ظننی ویرمک مطالعات درمیان اولوندیغنی و بوتششك انور پاشانك بر کیره سی کبی کوسترلک ایسته نیلدیکنی کوردم . آتیده ویرمک ایضاحات پک بیوک بر خلوص نیت و منحصر آمل اصلاحات ایله تشبث ایدلمش اولان بوایشك ماهیت حقیقه سی تبیین ایده جکدر .

محمود شوکت پاشا مرحوم آرتق بولغارلر علمینه بر مظفریت استحصالی امکانی قالماش اولدیغنه قانع اولدقدنصو کرا حربی دها زیاده اوزادهرق ذاتاً پک یورولمش اولان مملکتی برقات دها زبون ایتش او ناماق ایچون بولغارلر قارشو اینوز - مدیه خطنی و آطه لردن امروز و بوغچه آطه نك بزه اعاده سنی تسکلیف ایدن لوندره مقدمات صلحیه سنی امضا ایدرک بوتون قدرت ملیه نك اصلاحات داخلیه به حصر ایدلمسنه قرار ویرمشدی . بو قرار اوزرینه مقدمات مذکوریه امضا ایچون مرخصلیمزه مأذونیت ویردی .

مشار الیهک فکر نهجک اول محتاج اولدیغمز باره ایدی . بناء علیه اوروپا حکومتلرینك

هر هانكي برندن مهم بر مبلغ استقراض ايتمك ايستيوردي . لك اول آلمانلره مراجعت ايتدي . آلمانلر بر اين پياسه سنك يكي بر تورك استقراضى قبولنه مساعد اولماديغندن بحثله فرانسلرله مراجعت ايتمه من لازم كله جكنى بيان و باره ايشنده آلمانايه هيچ كونه يهر ك داتما فرانسلرله خوش كچنمكه چاليشمق لغمنى خالصانه توصيه ايتديلر . بونك اوزرينه حكومت عثمانيه فرانسيه مراجعتنه قرار و ير مش و قابينه يه داخل اولمايان فقط اتحاد و ترقى فرقه سنك سياست ماليه سنك ناظمى و روحى تلقى ايديلان جاويد بكي مختلف مسائل ماليه و اقتصاديه يي مذاكره مأمور عثمانى هيئت مرخصه سنك رئيسى صفتيله ودها سائر بعض ذوات رفاقتيله پارسه كوندره مشدى .

محمود شوكت پاشا حكومتك وضعيت ماليه سنى اصلاح ايجون استقراضى بر چاره خلاص كى تلقى ايتمه يور ، هر حالده متوازن بر بودجه وجوده كله سنك يكانه چاره سى اولان مالى قايتولا سيونلردن قورتولمى بيك جان ايله ارزو ايدييوردي . بواساس دائره سنده جاويد بكه بر چوق تعليمات و يرلمشدى .

پاره ايشنه بويولده بر استقامت تعيين ايتمش اولان محمود شوكت پاشا حكومات اجنبيه ايله وبالخاصه انكلتره و روسيه ايله آره مزده و سيله نزع اوله حق مسائلك حلنه ده تثبيت ايتمشدى .

اوزمانه كوره بو مسائلدن الك مهمى انكلتره و روسيه نك غريب بر طرز زده بار ماقلرينه طولادقلى حدود ايرانيه تصحيحاتى ايدى . پاشا بو مسئله ايله بالذات اشتغال ايدييوردي . حكومت عثمانيه طرفندن تصحيح حدود قوميسيونلرى تعيين ايديله يكنندن كنديلرينك دخى مأمورين مخصوصه تعيين و اعزام ايتمه لرني بوايكى حكومتدن طلب ايتمشدى . بوندن صوكرا مشغول اولدينى مسئله ده اردو و دونمانك اصلاح و تنسيق ايدى . ذاتاً دونمانك تنسيق ايجون برانكلز هيئت اصلاحيه سى واردى . بو هيئت اصلاحيه نك رئيسى ايله بالذات تماسه كلهرك تشبثات تنسيقيه نك تعجيلنى رجا ايتمشدى . اردونك تنسيقه نك كنجه بالذات كنديسندن ايشتيديكم خصوصاتى بوجه آتى بيان ايده جكم .

اساساً محمود شوكت پاشانك نيات و تشبثاتنه دائر و يرديكم بوتون تفصيلات كنديسنك بالذات بكا و يرديكى ايضاحاته مستند اولديغندن حقيقى حقنقه كدسه نك شبه ايتمه مه سنى رجا ايدرم .

پاشا زمان صدارتنده اكثرياً كيجه يي باب عاليده كچيرير و اوراده ياتاردى . بنده استانبول محافظلغنده ياتمقده اولديغمدن كوندوز بك زياده چاليشه رق يورولديغى بعض آقشاملر يمكن صوكرا كنديسنى زيارت ايتمكلكمى تلفونله امر ايدردى . دوشونديكى و تشبث ايتديكى خصوصات حقنقه ايشته بوزمانلر بكا ايضاحات و يرر

و بنم فیکرو اجتهاد مک نه لردن عبارت اولدیغنی صوراردی . بویله کیجه لردن برنده بکا دیشدی که :

« اوغلو ! دوشونیورمکه اوردومزی اصلاح ایچون شیمدی به قدر تشبث ایتدیکمز بوتون تداییر یاریم حتی چوروک تدبیر اطلاقه ماصدق درلر . کرک سلطان عبدالحمید زماننده کرک مشروطیتدن صوکر ا جلب ایتدیکمز تنسیقه جیلری هیچ بر پرانسیه تابع اولمقسزین کلشی کوزل جلب ایتدک و کوزل دوشونولمش واسع بر پروغرامه توفیقاً تشبث ایدلمش مقدار و ماهیتده و کافه سی یکدیکره مربوط بر هیئت مهمه اصلاحیه جلبنی دوشونمده دک . باقیکنز یونانلیر بزدن پک چوق عقلی چقیدیلر . دونمالرینک اصلاحی انکلتزیه اردولرینک اصلاحی ده فرانسیه بیر اقدیلر . وه نیزه لوس حربیه و بحریه نظارتلرینی ید اداره سنه آلدی هرکیم هیئت اصلاحیه قارشی الک اوافق مشکلات ابرازینه جسارت ایتش ایسه بلا مرحت ازدی . خصمای سیاسییه سی طرفدن توجیه اولنان بوتون اعتراضاته هیچ اهمیت بیلا ویرمه دی . فرانسیزوانکلیر هیئت تنسیقیه رئیسلی ایله صیق تماسده بولونه رق اولنرک هر ایسته دکرنی یاپدی . فقط نتیجه ده بوالقان حربی اثناسنده کال تقدیرله کوردیکمز یونان اردوسنی و عثمانلی — یونان سفرنده کیله نسبت قبول ایتیه جک قدر منتظم یونان دوتمانسی وجوده کتیردی . بنجه وه نیزه لوسک مملکتته یاپدیغنی خدمت لرک الک بیوکی ملی آرزولرک استحصالی امرنده دیپلومانلر طرفدن استعجال ایدیله بیله جک دلائلک الک مؤثری و داها طوغریسی یکانه مؤثری اولان قوه ملیه نک تنسیقنه مصروف بو حیتدر . بنده مملکتته عینی خدمتی یایمق ایسته یورم . دوتماز ایچون بر انکلیر هیئت تنسیقیه سی وار بو هیئتک رئیسله کوروشه جکم . داها واسع بر صورتده تأمین موفیقی ایچون نه یایمق لازم کله جکنی صوراجغم . نه ایسترسه قبول ایده جکم .

اردومزه کلنجه : بز آرتق آلمان اصول حربندن کندیغیزی قورنارامیز . اوتوز سنه نی متجاوز بر زماندن بری اردومزده آلمان معلملر بولنش ، هیئت ضابطانمز کاملاً آلمان اصول حربیه تربیه ایدلمش والحاصل بزم اردومز آلمان تعلیم و تربیه عسکریه سنک روحیه پیدای استیناس ایتشدر . شیمدی بونی تبدیل ایتک غیر ممکندر . بناءً علیه پک واسع بر مقیاسده بر آلمان هیئت تنسیقیه سی جلب ایتک حتی ایجاب ایدرسه بر عثمانلی قول اردوسنک امر و قومانداسنی بر آلمان جنرالنه ویره رک بونک بوتون جزء تاملرینه آلمان امروضا بطانندن قوماندانلر تعیین ایتک ، بویله جه وجوده کتیرله جک اولان بر نمونه قول اردوسنه عثمانلی اردوسنک بوتون امروضا بطاتی بر مدت معینه ایچون ستاثریه ر کوندره رک تقویه معلومانلرینی تأمین ایتک فکرنده ییم . بوندن باشقه حربیه نظارتی دواثرینی ارکان حربیه عمومیه یی ، مکاتب عسکریه یی ،

عسکری فابریقه لرخی تنسیق و برمدت اداره ایتک ایچونده ینه برهیئت اصلاحیه میاننده برچوق عسکری متخصصلر جلب ایده جکم. اک واسع و شمولی معناسیله اردونک تنسیق و اصلاحنه صرف همت ایده جکم. بن بوندن سوکرا اوزون مدت حربدن توقی ایتک فیکرنده یم. بناء علیه اردونک حضر قوتی ممکن اولدیی قدر تنقیص ایدهرک بوسایه ده یابه جغم اقتصاد ایله هیئت تنسیقیه نك مصرفی تأمین ایده جکم. وقت حضر ایچون عثمانيلیغه کوچوک فقط پک منتظم وای تعلیم و تربیه ایدلمش براردو هدیه ایده جکم. وقت سفرده قادرولرک توسیع واکلی سایه سنده اردونک حدالغاییه ایسالی کوچ برشی دکلدرد. بناء علیه بویه برهیئت اصلاحیه نی نه شرائط دائره سنده ویره بیله حکمرانی آلمانلردن صورمق اوزردیم. اول امرده شرائط استخدای اونلرک بیلدیرمه سنی ده اوافق بولیورم. « ایسته جنرال لیان فون ساندهرس هیئت اصلاحیه سنک استانبوله ورودینی انتاج ایدن تشبث بودر وایشده انور پاشانک قطعاً بر دخل و تأثیری یوقدر.

محمود شوکت پاشانک شهادتندن سوکرا حربیه نظارتی درعهده ایتمش اولان عزت پاشاده عینی فکر و نظری تعقیب ایتمش، جنرال فون لیان ساندهرس هیئت اصلاحیه سنک مقاوله نامه سی مشارالیه زمانده تنظیم و تعاطی اولنشدر. حتی لیان فون ساندهرسک آلمان ضابطانیله برابر استانبوله کلدیکی کون استاسیونده حربیه نظاری صفتیله مشارالیه عزت پاشا کندیلمی استقبالی ایتمش و هیئت اصلاحیه نك ورودندن آنجق یرویا بریحق آی سوکرا انور پاشا حربیه نظارتیه کچمشدر.

لیان فون ساندهرس پاشانک برنجی قول اردو قوماندانلغنده بولماسنک مضرتی اک اول تقدیر ایدن انور پاشا اولمشدر. هیئت اصلاحیه رئیسنک قول اردو قوماندانلغندن زیاده مفتش عمومی نامی آئنده استخدای فائده لی اوله جغنی تقدیر ایتمش و روسلرله فرانسز و انکلیزلرک تضییقی نتیجه سنده دکل آنجق کندیسنک تنسیبی ایله بوتعدیلات اجرا ایدلمشدر.

هیئت اصلاحیه نك کلدیکی کون بن برنجی قول اردو قوماندانی ایدم. بوصفته اداره عرفیه آمری بولیوردم. بالطبع ایکی کون سوکرا بوقوماندانی جنرال لیان فون ساندهرسه تودیع ایده جکدم. بر آلمان جنرالنک اداره عرفیه آمری اولماسی بالطبع جائز اوله میه جغندن ده اول بر باشقا تدبیر اتخاذ ایتدک. مرحوم فائق پاشا اوزمان میرالای ایدی. کندیسی فرقه قوماندانلی صلاحیتیه مرکز قوماندانلغنه تعیین ایدیلجک و اداره عرفیه قوماندانلی مرکز قوماندانلغنه دور اولونه جقدی. آتیاً ابضاح ایده جکم سبیلردن طولاییده بن نافع نظارتی وکالتی درعهده ایده جکدم. هیئتک ورودینک ایرتسی کونی نافع نظارتی وکالتیه تعیین اراده سینه یه اقتران ایتدی واونک ایرتسی کونی ده برنجی قول اردو قوماندانلغنه کیده رک قول اردو قوماندانلغنی

رسماً لیان فون سانده رس پاشایه تسلیم ایتدم. حقیقت بومر کزده اولنجه بوندن آلچاقجه افتارلینی واک جانیانه مطالعات و افکارینی اک یاکلش معلوماته ابتداء ایتدیرمش اولان سفیر مورغن تاوک کتاب معهودینک ۴۴ - ۴۵ نجی صحیفه لرنده کی سوزلرینک نه قدر قیمتسز والتفانه غیر شایان اولدینی کندیلکندن نمایان اولور .

آلمان هیئت اصلاحیه سنک استانبوله ورودی باشده روسیه اولق اوزره فرانسه وانکلتره طرفندن علمهزه اک شدید تجاوزاته سببیت ویرمشدی. روسلرک اک زیاده اعتراض ایتدکری نقطه بوغازلری مدافعهیه تخصیص ایدیله جک قونک آلمان ضابطانی طرفندن قوماندا ایدلمسی بوغازلرک تقویه سنی موجب اوله جنی و بو آرزوی تقویه روسیه نك سؤ نیتی قناعتندن بشته برفکردن ایلری کلمه یه جکی نقطه سی ایدی .

انکلیز و فرانسزلرده روسلرک بونغمه لرینه پیرو اولورلردی. روس سفیری نه بولده دلائل سرد ایدیورسه انکلیز و فرانسز سفیرلریده اوندن ملهم اولدقلرینی کوسترین برلسان استعمال ایدیور و بوضو اک ایکی ممالکت مطبوعانیده روس مطبوعاتنک چیغیر تقاناقی وظیفه سنی یاییوردی .

شیمدی خصمای سیاسیه مزه صورویورم ؛ هر کون باغیره باغیره قفامزی شیشردیککنز انکلیز و فرانسز حسن نیتی بو افعال ایله می استدلال اولوناجقدی ؟ بزاردومزی تنسیق ایتک ایسته مش ، بونک ایچونده آلمانیا یه مراجعت ایتمش ؛ آره مزده برطرز تسویه و صورت اجرا قرارلاشدیرمشز ؛ آلمان هیئت تنسیقیه سی استانبوله کلمش و بونک نتیجه سی اوله رق عثمانی قدرت عسکریه سی و بالنتیجه بوغازلرک قوه مقاومه سی آرتجه مش . بالطبع روسلر بونی ایسته مزلر و بوکا مانع اوله جق تدابیره توسل ایدرلر . چونکه روسلر کندیلرینی استانبولک وارث مشروعی عدایدرلر و برکون استانبولک دکیلرلنده و قره لرلنده عثمانیلرله اک شدید بر مجادله یه تشبث ایده جکلرینه امیندرلر . بر حکومت متجاوزدنک امور داخلیه سنه مداخله ایتمکدن عبارت اولان بو حرکت انکلیزلرک و فرانسزلرک موافقتلرینی استحصال ایتهدن قیام ایده یلمیرمیدی ؟ بنجه قطعاً !

بو حاله و فرانسزلرله انکلیزلرک عادتاً روسلردن زیاده یاغیره باصمقندن توقی ایتمه مش اولدقلرینه کوره ائتلاف مثلتک داها اوزمانده استانبولی روسلره وعد ایتمش اولدیغنه حکم ایتک لازم کلمز می ؟

او کونلری شیمدی تخطر ایدرکن تو یلرم اورپه یور .

فرانسه آتاشه میلتری قوماندان موقور ، فرانسه سفیری موسیو بونیپار ، مستشاری موسیو بوب و ژاندارمه هیئت تنسیقیه سنه مأمور جنرال بومان و بیکیباشی صارو ایله سبق ایدن مکالمه لر مزده دویدیغم عذابی تصویر ایده مم .

نهایت بر کون دیمشدمکه :

« افندیلر ! باقیکنز سز نه قدر مر حتمز سکنز . ظن ایتمه یکنز که بوفکر لری وضعیتی تقدیر ایتمه یهرك سویلیور سکنز . سزده پك اعلاقه سکنز که بز بر آلمان هیئت تنسیقه سی کتیر مک صلاحیتی حائز . آلمان ضابطانی بر اردویی تنسیق ایتمک اقتدارینی حائز میدرلر دکلمیدرلر . او شایان مناقشه بر جهت اولغله برابر مادامکه بز بو اقتدارلرینه قانع اوله رق انخامزده اونلری ترجیح ایتشمز . آرتق بوندن بحث ایتمک غیر جائزدر و صوکر اتمک ایتمک اوچ قوه مسلحه سی واردر : برنجیسی اردوسی ، ایکنجیسی دونمسی ، اوچنجیسی ده ژاندارمه سی . بز بونلردن برنجینک اصلاحنی آلمانلره ایکنجینک اصلاحنی انکلیزلره اوچنجینک تنسیقی فرانسزلره بیراقشز . شیمدی بونده موجب مناقشه نه کور بیور سکنز ؟ اردومزی روسلرک ید تنسیقه بر اقلغمزی می آرزو ایدیور سکنز ؟ هم باقیکنز روسلر نه دیورلر ؟ اگر آلمان ضابطانی برنجی قول اردونک بالفعل قومانداسی درعهده ایدرلر سه بوغازلرک قوه مقاومتی تزاید ایدرمش . دیمک اولیورکه بز عینی وظیفه یی عینی طرزده فرانسز ویا انکلیزلره تودیع ایتسه ک روسلر عینی اعتراضاتی در میان ایده جکلر . چونکه هیچ ظن ایتم که فرانسز ویا انکلیز ضابطانی برنجی عثمانلی قول اردوسنک قومانداسی درعهده ایدرلر سه مقصدلری بوغازلری عندالاقضا روسلره آچدیر مقصدن عبارت اولسون . او حالده سز بو اعتراضکنزله حقمزده حسن نیت پرورده ایتمه دیککنز ظنتی تولید ایدیور سکنز . »

بو منطقی سوزلرم قارشوسنده جواب بولامیان بوافندیلر هر دفعه سنده « نه یا یالم اولار روسلر متفقمزدرلر اونلرک ایسته مدیکی شیء بزده ایسته مه مک مجبور بتنده یز . ثانیاً آلمانلر دوشمنمزدرلر اونلرک هر تشبث ایتدیکی ایشده بزم ایچون برتهلکه ملخوظ اولدیغنی دوشونمکه ، تهلکه یوقسه بیله (مادامکه اونلر تشبث ایتشدیر بوکامانعت ایتمک وظیفه مزدر) دیمکه مجبورز . » طرزنده جواب ویرمه که وحقمز لقلرینی اعترافه مجبور اولورلردی .

هیچ شبهه یوقکه لیان پاشا استانبوله کلدیکی کوندن اعتباراً پك چوق خطالر ارتکاب ایتدی . اولار هر فرصدن استفاده ایله کندیسنک ایمپراطور ایله پك صقی تماسی اولدیغندن ، استانبوله کلزدن اول تام بر ساعت ایمپراطور ایله یالکزرجه قاله رق تعلیماتی بالذات ایمپراطوردن آلدیغندن بحث ایدر و ضمناً ایمپراطورک عسکری سفیری اولدیغنی اشراب ایتمک ایستردی . حالبوکه پاشانک وظائف و صلاحیتی تحدید ایدن مقاوله نامه سی اوقوناجق اولور سه هیچده بویله برماهیتی حائز اولمادیغنی ، انکلیز بحریه هیئت اصلاحیه سیله آرملرنده هیچ بفرق بولمادیغنی آکلاشیلر ، فقط لیان پاشانک لزومسز کبر و غروری ؛ کندیسنه یکی توجیه اولنان وظیفه نک تراکتی تقدیر ایده مه سی فی الحقیقه

استانبوله اثنای ورودنده يك كولنج وقایع وحادثاته سبب اولدی .

مثلاً : اولاً سرای هایونده ویریلن برضیافت رسمیه اثناسنده کندی موقعنك ناظرلردن ال کلمه سنی ادعا ایتدیکی کی متعاقباً آمریکا سفارتنده ویریلن برضیافت اثناسنده اجنبی سفیرلینه تقدماً احراز موقع ایتمه سی ایجاب ایده جکنی در میان ایده جك قدر تحفله قمر کوستردی .

بزمله قونوشدقلمری زمان سفیر فائیکن هایم ودها سائر ارکان سفارت جنرالک بوا دعالرینك مناسبتر لکینی اعتراف ایله برابر طواهری قورتارمق ایچون فونساندرسك در میان ایتدیکی اسباب ودلائلی تکرار مجبوریتی حس ایدرلردی . ایشته آمریکا سفیری مورغن تاوگ خاطر انك ۴۴ : ۴۸ نجی صحیفه لرند حکایه ایتدیکی وقعه ودر . بو حادثه اوزرینه آتیا ناخوش بعض تظاهرات حدوشنه مانع اولمق ایچون لیان پاشانك تشریفاتجه تعیین درجه سی تشریفات مدیریت عمومیه سی طرفندن استیذان ایدلمش ومقام صدارت هیئت وكلاجه مذاکره سی تنسیب ایلشدی . هیئت وكلا لیان پاشانك كوچوك ایلچیلردن صوکر عثمانلی مشیرلری میانده احراز موقع ایده جکنه قرار ویرمشدی . سفیر مورغن تاوگ در میان ایتدیکی قرار خلاف واقعدر . یعنی عثمانلی مجلس وكلاسی لیان پاشانك اجنبی كوچوك ایلچیلردن اول اخذ موقع ایده جکنه هیچ بروقت قرار ویرمدی . تشریفات مدیریت عمومیه سی پروتوقول قیدی بوا دعای اثناته کافیدر .

فقط لیان پاشا هیئت کلانك بوقرارینه مطاوعت ایتك ایسته مدیکندن فی الحقیقه بعدما هیچ برضیافت رسمیه دعوت ایدلمه مشدر .

بوقدر عادی واهمیتسر حادثاته استناد ایدرك برچوق سفسطه کارانه مطالعات سیاسیه در میانته قالقشماق ایچون انسانك سفیر مورغن تاوکی هر نه اولورسه اولسون تورک لری تحقیر ایتك و آلمان سیاستی جنایت آلود کوسترمك املنده اولمی ایجاب ایدر .

— نافعہ نظارتی —

تقریب ثانی ۹۱۳ : شباط ۹۱۴

از میر ولایتی روملرینك ما کدونیا تورک لریله مبادله سی .

سعید حلیم پاشا قابینه سی ، استخلاف ایتدیکی محمود شوکت پاشا قابینه سنك سیاسی پروگرامنی عیناً قبول ایتمشدی . یعنی ممکن اولدینی قدر خارجه اختلافدن توقی ایتك ، بوتون قدرت ملیه یی اصلاحات داخلیه یی حصر ایله مک . مع هذا ادرنه نك استرداد ایچون ظهور ایدن بر فرصتی قاجیرمق ایسته مه مش ومتعاقباً بولغارلرله

استانبول معاهده قطعیه سنی عقدایتدیکی کی یونانلیرله آتنه معاهده سنی وپك آرزو کرده الكشیماریق بالقان دولتی صرہ سنہ کچن صرہ لرله کذا استانبول معاهده سنی عقد ایتکه موفق اولمشر .

اصلاحات داخلیده تأمین موفقیت ایچون بالقان حکومت صغیر سنك ایکیده برده یاغره قوپارمالرینه سببیت ویردن عناصر مختلفه مسئلہ سنہ بر نہایت ویرمك ایجاب ایدیوردی . ماکدونیانك حکومت عثمانیه آنندن کاملاً حقیقہ اسندن صوکر ا بولغار عنصری اوله رق ممالك عثمانیه د یالکیز ادرنه ولایتك قرق کلیسا سانجای حود شمالیه سنده قالان برقاچ کویدن باشقه کیمسه قالماشدی . بوکا مقابل بولغارستانك حود عثمانیه بحاور بعض اقسامندہ بر مقدار تورک ساکن بولنیوردی . استانبول معاهده سنہ ذیل اوله رق بولغار لرله امضا اولنان خفی بر پروتوقول موجبجه حود عثمانیه داخلندہ قالان بولغار لرک ، بولغارستان داخلندہ ساکن تورکرله مبادله سی تحت قراره آلمش وبوقرار طرفینك موجب مبنویتي اوله حق بر طرزدہ تطبیق واجرا اولمشدی . بزجه اك مهم عنصر مسئلہ سی آیدین ولایتك اقسام ساحلیه سنده کثرتله ساکن اولان روملر مسئلہ سی ایدی . بالقان حربی اثناسنده احراز ایتدیکی غالبیت سهیلہ نتیجه سنده بر طرفدن درامیه قدر ماکدونیا یی دیغصبه کچیرمش اولان یونانلیرک یوندن صوکر آرتق آیدین ولایتی بالفعل اشغالہ باشلايه جقلرینه شبهه یوقدی . آطلر مسئلہ سنندن طولانی کندیلرله ایرکیج مجادله یی حاضر لاندیغمز روملرک ده ، یونانستان ماکدونیا سنده قالان و ممالك عثمانیه یی هجرت ایتك ایستین اسلام اهالی یه مقابل یونانستانه مبادله سی اساننه موافقت ایتمی حکومت یونانیه دن طاب اولوندی . موسیو ونیزملوس استقباله عائد نیات مضره سی ایچین بر ضربه ممانعت تشکیل ایدن بوتکیفمزہ روی موافقت کوسترمیوردی . فقط اوصیراده تورک عنصری آره سنده کمال شدتله حکم سورمکه باشلایان ملت جریانی اك زیاده آیدین ولایتی داخلندہ احساس تأثیرات ایتکه باشلامش وبونانلیرله صرہ لردن بولغار لرلردن کوردکبری انواع مظالمه تحمل ایدهمیه رک اکجانیانه اشکنجه لرده معروض قالدقندن صوکر ممالك عثمانیه اتجایه مجبور اولان یوز بیکرجه مهاجرین اسلامیه طرفندن یرلی روملر بعض تجاوزه ابتدار اولونمشدی . حکومت بونجاوزاته قطعياً طرفدار اولیور وبو یوزدن مملکتك باشنه بر بلاکله جکئی بك اعلا تقدیر ایدیوردی . فقط اکثریسی اختیارلرله قالدیلردن وجو قلدردن عبارت اولان بشیوز بیک قدر مسلمانك یورک پارچه لایه حق بر طرز بهیمانده اتلافی انتاج ایدن یونان صرہ وبلغار مظالمی تورکرک علیه اولونجه انسانیت پرور لککری هر وسیله دن استفاده ایله ایلری سورمک معتادلری اولان آوروپا دول معظمه سی طرفندن هیچ بر اعتراضه هدف اولمادی .

قارنہ جی مؤسسہ سی طرفندن کوندریلن ہیئت تحقیقہ نک راپوری بومظالمی بوتون تفصیلاتیہ میدان علنیہ چیقاردینی حالہ بعض سوسیالیست غزتلرندن باشقہ هیچ بر اوروپا و آمریکا غزتہ سی بوسینکر کی اولدیریلن زوالی تورکر لہنہ بر کلمہ یازمادی .

حرب عمومی انسانسندہ تورکیہ دہ ایقاع ایدیلن ارمنی قتالی وسیلہ سیلہ تورکر وعلی العموم مسلمانلر حقندہ آغزہ آلمیہ حق شستوم و تحقیراتی استعمال ایتمکدن چکنمہ یں وهر بر سبوری درین برکین وعداوت حسنک محصول شناعتی اولدیغنه هیچ شہہ مز اولمایان آمریقانک سفیر معہودی مورغن ناو بر کرہ دہ ما کدونیا مظالمی تدقیق ایتسہ دہ اوندن صو کرا اثرینی بردها او قوسہ وجدانی قارشوسندہ هیچ بر حجاب دویمایا جقمیدر ؟

بونجہ مظالم وجنایاتہ هدف اولدقدن صکرہ برای اسکان آنا وطنہ جان آتہ ییلمش اولان یوزبیکلر جہ مسلمان، اورادہ دخی باشلرینی صوقہ جق بر قولہ ا کوب یچہ جک برقاریش طوپراق بولامادقلرینی و حالبوکہ کندیلرینک سبب وفلا کتی اولان بو عنصرہ منسوب بر جوق انسانلرک ہر کون هدف حقارت و تجاوزاتی اولدقلرینی کورونجہ طبیعی و انسانی برحس انتقامک سوقیہ بعض طاشقینلقلرہ قیام ایتشلر بوندن روسیہ استفادہ چیقارمق و بر معتاد الک یوکسک یاغردہ یی قوپارمق ایستہ یں یونانیلرک تشویقیہ روم اہالی کویا تورکرک تجاوزاتسندن قورقارق شورایہ بورایہ قاچیشمغہ و طاغلرہ التجایہ باشلامشلردی . مع هذا بعض جرأتکارلری بر قاچ اسلام کوی یاققدن ، برخیلی مسلمان مهاجرینی اولدیرمکدن کری طور مادقلری ایچین بو حال مسلمانلرک دہا زیادہ حدتلرینی موجب اولدی .

موسیو وەنیزہ لوس عصریدہہ بالقان سیاسی نعماتی اظہارہ باشلادی . آیدین ولایتی روملرینک حکومت عثمانیہ نک موافقت وحتی ترتیب مخصوصیلہ تورکر طرفندن قتل عامنہ باشلانلدی یاغردہ سی بوتون جہانہ ییلدی . برکت ورسون کہ طلعت بک وەنیزہ لوسدن دہا چابوق داورانہ رق محمندنہ و برلکدہ تحقیقات یامق اوزرہ فرانسز ، انکلز ، آلمان و آوستریا باش ترجمانلرینک کندی زدینہ کوندرلمسنی تکلیف ایتدی و تکلیفی قبول اولنہ رق مورغن ناو ک بیلہ ایستہ میہ ایستہ میہ اعتراف ایتدیکی حقیقت تظاہر ایتدی . یعنی نتیجہ تحقیقات کوستردیکہ روملرہ مظالم یایلمامش و بک ظلمیدہ اسلام مهاجرلرینک ارتکاب ایتدیکی بعض تجاوزات حکومت طرفندن شدتالہ منع ایدلمشدر . نہایت وەنیزہ لوس طلعت بکک نقطہ نظری قبول ایدہ رک آیدین ولایتی اقسام ساحلیہ روملرینک یونانستانہ و ما کدونیا اہالی اسلامسندن ارزو ایدنلرک دہ آیدین ولایتہ نقل ایدلمسنی و اموال منقولہ لرینہ کماکان تصرف ایتک

اوزره اموال غیر منقوله لرینک مبادله به تابع طوئلی اساسی دائره سنده مذاکراته
ابتدار ایدلمکی قبول ایتشدی .

یوقاریده ایضاح ایتدیکم طرزده عرب عنصر یاده بر زمین ائتلاف قرارلاشمش
اولدیغندن متعاقباً آنک نازک بر مسئله داخلیه اولان ارمنی ایشله اشتغاله قرار ویرلمشدی .
بو مسئله غایت مهم و برجوق صفحائی حائر اولدیغندن بونلری آتیا بر مبحث
مخصوصده تفصیل ایتکی ده مناسب کوردم

انکلیز و فرانسرلره اقتصادی مذاکرات

محمود شوکت پاشانک صدارتی زماننده فرانسه دن بر استقراض تأمین ایتمکله
برابر مالی قایتیولاسیونلرک الغاسی موافقتی استحصال ایلهمک وظیفه سیله جاوید بک
پارسه کوندریلدیکی کبی بو ایکی اساس دائره سنده مذاکراته کیریشمک و بوندن بشقه
بصره کورفرزینه و یمنه عدن ارمه سنده منازع فیه اولان مسائلی حل ایتمک اوزره ده
صدراسبق حقی پاشا لوندریه کوندرلمشدی .

جاوید بکک مذاکراتی ایکی به انقسام ایدیوردی :

۱ — مهم بر مبلغ استقراضی ؛

۲ — مالی قایتیولاسیونلرک الغاسی .

فرانسزلر استقراضه موافقت ایچون جانمزی آلاجق شرائط درمیان ایتشلردی .
جاوید بک خاطراتی یازدیغی زمان دائره اختصاصه داخل اولان بو مسائلی البت
بندن بک کوزل ایضاح ایده جکدر . یالکزر بنم خاطرمده قالان شونلردر :

۱ — حجاز تیمور یولی اداره سی طرفندن بعدما سوریه و فلسطین داخانه هیچ بر
شمندوفر پایلماق ؛

۲ — حجاز تیمور یولنک حیفای درعا شعبه سنک عفو له نقطه سندن آیریلهرق
جنیر — نابلس طریقله قدسه قدر انشا ایدلمکده اولان و اوزمان سباستیا به
قدر ایلرله مش اولان خطک انشا سندن درحال صرف نظر ایدلمک ؛

۳ — عفو له دن اعتباراً یافه قدس خطنک آتیا انتخاب ایدیه جک بر نقطه سنه قدر
امتداد ایتمک اوزره کنیش بر خط امتیازی فرانسزلره ویرمک ؛

۵ — حیفای درعا قسمی ایشلمه تعرفه لرینک بیروت — شام — حوران خطی
تعرفه لرله رقابت ایده جک وجهه تنظیمه حکومت عثمانیه صلاحیتدار
اولماق ؛ و شام — حوران قسمی ایچین شام — حما تحدیداتی شرکنه
حکومت عثمانیه جه بر تضمینات ویرلمک ؛

- ۶ — کرک شام مدینه شمندو فرلرندن و کرک ریاق — حاب خطندن اعتباراً شرقه دوغری بعدما یاپیله حق شمندو فرلر امتیازاتی منحصرأ فرانسرلره عائد اولمق؛
 - ۷ — یافه ، حيفا ، طرابلس شام کبی سوریه لیاندرینک منحصرأ فرانسر سرمایه دارلری طرفندن انشاسته مساعده اولمق ؛
 - ۸ — ین شمندو فر خطی حقوقی حکومت عثمانیه دن صانون آلنهرق مذکور قومپانییه برچوق تضمینات ویرلمک ؛
 - ۹ — صامسون — سیواس شمندو فری امتیازی فرانسرلره ویرلمک ؛
 - ۱۰ — مقدارلری پک چوغه بالغ اولان فرانسر مکتبلریله مناسترلرینه وخسته خانه ، ایتامخانه وسائر کبی برچوق مؤسسته عائد مبانی واملاک وعقارات هر درلو تکالیف امیریه دن معفو بولمق ؛
 - ۱۱ — فرانسه دن استقراض اولان پارا ایله یالکیز فرانسه یه عسکری سپارشلر ویریه بیلمک ؛ بو ودها تخطر ایدمه دیکم برچوق شرائط مقابلنده ایکی تقسیمطه تأدیه اولمقی اوزره حکومت عثمانیه طقوز یوز کسور میلیون فرانلق بر استقراض عقیدینه مساعده ایدیورلردی .
- مالی قایتولاسیونلرک العاسنه ایسه قطعياً یاناشمیورلردی . یالکیز داها بر طاقم شرائط مقابلنده کمرب رسمنک ۱۱ /۰ دن ۱۴ /۰ ابلاغنه ، اسپرتو ، کبریت وسیغاره کاغدی اوزرینه انحصار وضعنه واجندیلر دن تمتع ویرکوسی و اووقرتو و رسمی استحصانه ودها سائر برقاچ اهمیتسر ماده یه موافقت ایدیورلردی .
- بومذا کره لر او یله قولای قولای اولمیوردی . پارسده مذا کره یه مأمور جاویدبک بریاندن استانبول حکومتک اعطای قرارده کوستردیکی تأخرلر دن ، بر طرف دن پارسده دوچار اولدینی مشکلات دن دولای جانندن بیزار اوله حق درجه لره کلمشدی .
- قاینه یی تشکیل ایدن ذوات میاننده نافعه ناظری عثمان نظامی پاشا اکثریسی کندی نظارتنه عائد اولان مسائلی ذوائر عائد ه سنک تدقیقاتنه تودیع ایدیور و یالکیز حقدن ومنافع عثمانیه نقطه نظرندن تدقیق مسئله یه مجبور اولان دوائر مذکور ه نک نقاط نظرنی باب عالی یه عرض ایتمکدن بشقه برصورت تسویه بولمغه یاناشمیوردی .
- حالبوکه وضعیت عمومیه حکومتک سریع وجسور قرارلر اتخاذ ایتسنی ایجاب ایدیوردی . عثمان نظامی پاشانک پک اصول پرستانه اولان خط حرکتی قاینه وفرقه ده صولک درجه موجب حدت اولیور و ذاتاً ادرنه مسئله سنده خلاف عقل و سلیم بر فکر ومخالفت کوسترمش اولان بوذاتک اساساً سیاسی فرقه ایله ده برکونا مناسبتی بولونمادیغندن بعدما منحصرأ اتحاد وترقی فرقه سنک پروگرامنی کمال جدیت وسرعتله تطبیق ایتمکی امل ایدیمش اولان فرقه کندیسنک حکومتدن چیقارلسنی آرزو ایدیوردی .

استانبول محافظهغه تعيين اولونديغم كوندنبري فرانسرلرله توركار آراسنده بر مقارنت حصولي ايچين هر فرصتن استفادهيله صرف ايتديكم مساعي وفرانسه سفارتي وعلى العموم فرانسرلر ايله ادامه مناسبات دوستانه اعتباريله فرانسه دن ياپيله حق استقراضك مسندالهي اولان برچوق امور نافعنه تك تدقيق وحلي بكا حواله ايديله جك اولورسه فرانسرلرجه حسن تلقى ايديله جكني تقدير ايدن آرداشرلر نافعنه نظارتي قبول ايتمكلكمي بندن رجا ايتديلر . او صرده بولونديغم برنجي قول اردو قوماندانلغني قريباً جنرال ليان فون ساندرسه تسليم ايتمكه مجبور اولاجغمي بيلديكم ايچون قاينه يه داخل اولديغم صورته وطنمه نافع خدمتلايفاسنه قدرتياب اولاجغمي اميد ايتديكم جهته بو تكلفي قبول ايتدم . فرانسر ايشلريني سرييع برصورت تسويه يه ربط ايتمك ايسته مه ديكي وحالبوكه خدمتك دها زياده انتظاره وقتي اولمادي يني جهته بر مأذونيت طلب ايدهرك نظارت مقامندن چكيلمسي عثمان نظامي پاشايه تكليف اولندي . تكلفي درعقب قبول ايتدي وبنده نافعنه نظارته وكالة تعيين اولوندم . بر آي صوكره عثمان نظامي پاشا بالكليله استعفا ايدرك نظارت مذكور يه اصالة تعيين ايدلدم .

نظارتي وكالة درعهده ايدر ايتمز ايلك اينم فرانسه دن ياپيله حق استقراضك مسندالهي اولوب نافعنه نظارتنك تصويب وقبولنه متعلق اولان برچوق مسائلي پك آزرمدت ظرفنده حل ومقام نظارتدن باب عالي يه فرانسرلر ك دخي قبول ايديله جكلري برصورت تسويه عرض ايتمك اولدي . بو سايله ده جاويد بلك تشبثاتي نتيجه لهره ك استقراض عقد ايدلدي .

انطاليه شمندوفري

نافعه نظارتم ائشاننده انطاليه شمندوفري مسئله سندن دولاي ايتاليا سفارتخانه سيله بر مسئله يه سبيت ويردم . معلوم اولدي يني اوزره طرابلس غرب محاربه سي ائشاننده ردوس ، استانبول وسائر كبي برچوق اطهرلر يزمي اشغال ايتمز اولان ايتاليانلر اوشي معاهده نامه سي موجب نهجه بو اطهرلر حكومت عثمانيه يه اعاده ايديه جكلردى . فقط اوصرده بالقان محاربه سي ظهور ايتمز اولديغندن يونانلر لك استيلا سنه ميدان ويرمز اولماق ادعاسيله اطهرلر تخليه ايتمه شلردى . وقتا كه بالقان حربنه لوندره مصالحة ابتداء سييله نهايت ويرلدي ، اطهرلر تساييم ايتمه لر يني تكليف ايتديكمز ايتاليانلر بيك درده دن بيك صوكتيرمه كه وبالخاصه سيد احمد الشريف السنوسى لك حالا ابراز مقاومت ايتمكه اولديغني ومعيته تورك ضابطاني بولونديغني ادعاسيله شرائط صلحه نك طرفزدن تماميله رعايت ايدلمه ديكني ادعا يه قالمه شلردى .

بودا عالی نیک طوغری اولمادینی ، بنغازی قطعه سنده عثمانلی اردوسنه منسوب هیچ بر فرد و حکومت عثمانیه طرفدن سید احمد الشریف السنوسی به هیچ بر معاونتده بولونمادینی دلائل مقنعه سیله اثبات اولونجه شمدی ده ایتالیانلر ایتالیا افکار عمومیه سنی ایلری سورده رک مقابلنده بر منفعت تأمین ایدلمد کجه آطه لرک تورکیه به اعاده سی ایتالیا ده پک فنا تأثیرات حصوله کتیره جکینی درمیانه باشلا دیلر. ایشته بو طرز معامله بزم صوک درجه جامزی صیقوردی .

بن نافعہ نظارتنه کلدیکم صرده بومسئله یکیدن تازه نشدی . برکون مقام نظارتہ زیارتمه کلن ایتالیان سفیری مارکی غارونی بر ایتالیا سرمایه دار غروپی نافعہ حرکت ایدن عثمانلی تبعه سندن آرام حلاجیان افندی ایله ده بر قاچ ذانک آنطالیه دن شماله و مکریدن مغله به دوغرو بر شمندفر خطی انشاسی ایچین امتیاز طلبی فکرنده اولدیغندن شمدیلک ابتدائی استکشافات اجرا ایتلرینه مساعده اولمنسی و بوایش ایچین چالیشه جق ایتالیان مهندس لریله عمله سنک حکومت عثمانیه جه حمایه ایدلمسی رجا ایدیورلردی . در عقب جواب ویردم ؛ حکومت عثمانیه نك شمدیلک آنطالیه دن داخله و مکریدن مغله به شمندوفر انشاسی فکرنده اولمادیغنی صراحتاً سویله دم . بوقیصه و قطعی جواب ایتالیان دیپلماتی دوچار حیرت ایتدی . دیدی که :

استکشافات اولیه اجرا ایتک شمندوفر یاپدیرمق دکلدر . اول امرده بویله بر خطک قابل انشا اولوب اولمادیغنی آراش دیرمقدرکه بونک نتیجه سنده قابلیت انشائیہ تظاهر ایدرسه حکومت عثمانیه بو خطلری انشا ایتدیروب ایتدیرمیه جکنه بالا خره قرار ویرر . اساساً بویله استکشاف اجرایی ایچین ایتالیانلره مساعده ایده جکنه دائر حکومت عثمانیه نك تحریری بر آنغا ژمانی واردر . حال بویله ایکن نافعہ نظارت نك شمدی بوکا جواب رد ویرمسی جای تأملدر .

سفیرک ادعا ایتدیکی تحریری آنغا ژماندن هیچ خبرم یوقدی . نظارت شمندفر لر مدیر عمومسی مختار بکی جلب ایدرک ایشی صوردم . عدم معلومات بیان ایتدی . نظارت آرشیورلنده بویله بر قید اولمادیغنی جوابی ویرنجه خارجیه ناظری سعید حلیم پاشانک امضاسنی حاوی برورقه ابراز ایتدی . بوورقه حکومت عثمانیه بی سفیرک ادعا ایتدیکی شکله آنغا ژه ایده بیله جک ماهیتی حائر دکلدی . اوزون اوزادی به مناقشه لردن صوکر ا سفیره قطعی جواب ردیمی ویردم .

بونک اوزرینه مارکی غارونی دیدی که :

« عزیزم جمال پاشا ! بن ایتالیانک تحت اشغالنده بولنان بحر سفید آطه لرینی تورکیه به اعاده ایتدیرمک ایچین بوقدر صرف مساعی ایدرکن بویله اهمیتسز بر مسئله ایچین بکا بودرجه قطعی جواب رد ویرمکزی مناسب کورمیورم . بیلیرسکزکه

ایتالیان افکار عمومی سی بو آنطالیه شمندوفرینه د وک درجه عطف اهمیت ایدیور . شاید بونک اوزرنده یتالیان مهندسلی واسطه سیلداستکشافات اجرا ایدلمکه باشلانیدینی حوادثی غزتلرله نشر ایدلمهك اولورسه افکار عمومی حکومتك دوددقانه ز آطه لری اعادة اتمك صورتیه اختیار ایدرجکی فداکارلغهمقابل بر منفعت ماده استحصالیتمش اولدیغی کوردهك حکومتیه مشکلات ابراز ایتمز . سزده یاقین زمانده آطه لریکنزه مالک اولورسکنز .

اوزمان بوسبوتون جاتم صیقیلهرق جواب ویردم :

« سفیر حضر تلی اونیورسیرکه کندیسنده امانهٔ محفوظ اولان مالی صاحب اصلینه اعاده ایدن بر ذات بوکامقابل بر مکافات ایسته مک حقنه مالک دکلدر . ایتالیا حکومتی آطه لری بزه اعاده عهدهٔ مجبوردر . بر حکومتی مجبوریت عهده سی اجرا و مقتضای ناموسی ادا ایتدیکندن طولانی مؤاخذه ایدمبلهك اوکامشکلات کوسترهك هیچ بر ملت تصور ایدم . رجا ایدرم ، کندی حکومتکزک موقعی دوشونورکن بزم حکومت موقعی اونوتمایکمز . اوچ دزت سنه دنبری نامتناهی تجاوزاته دوچار اولارق اوروباده کی اراضینک بوزده طقسان دوقوزینی و آفریقاده کی مستملکاتنک کافه سی لندن قاجیرمش اولان بوزواللی تورکیه نك عهداً استردادیه صلاحیتدار اولدیغی برقاچ آطه پارچه سی کری آلیرکن بعض تعویضات اعطاسنه مجبور ایدلیکینی کورن عثمانلی افکار عمومی سی عجباً بزم حکومتمز حقنده نه فکر بسار ؟ سفیر حضر تلی بن نافعہ ناظریم . وظیفهم مملکتک محتاج اولدیعی تأسیسات نافعہ یی مملکتک خیرینی تأمین ایدمك طرز و شکلده انشا ایتدیرمکدر . سیاسی تعویضات مقابلی اوله رق یاپیله جق تأسیساته عائد مذاکرات بنده دکل خارجیه ناظری ویا صدر اعظمه جریان ایدر . بن بومسئله یه تماماً معارض اولدیغم ایچین ذات عالیلرینه هیچ بر جواب موافقت ویرم » دیدم .

افاده لریمک قطعیتی قارشوسنده دائماً متزاید برحیره دوچار اولان مارکی غارونی بندن استحصالی مساعدده ایدمك چیقدی ، کیتدی .

وقوع حالی پرنس سعیدحلم پاشا ایله اوصرده حربیه ناظری اولان انورپاشایه وداخلیه ناظری طلعت بکه حکایه ایتدم . هپسی تصویب ایتدیلر . ایرتبی کونی هر فصله بواشدن خبردار اولان غزته جیلر قام مخصوص مدیری واسطه سیله بندن معلومات ایسته ویرلرذی . منفرد معلومات ویرمک ماهیت مسئله یی تغیر محذوری حائر اولدیغندن تصویر افکار سر مجرری یونس نادى بکی دعوت ایدرم کندیسنه بر ملاقات ویردم . « نه تعویض ، نه امتیاز ! » سرلوحه سیله نشر اولنان بویانات بوتون مملکتده پک بویوک سرور و ابتهاج ایله اوقوندی و برچوق دوستلر . بو صریح وقطعی بیاناتمدن

دولای بنی تبریک ایتدیله . فقط مقاله نك نشر اولونديغی کون پك زیاده تلاشه
دوشمش اولان مازکی غارونی صدر اعظم پاشان ملاقات طاب ایدرك حقمده اوزون
اوزادییه شکایتده بولنور وبو مقاله نك ایتالیاده پك زیاده سوءتاثیر حاصل ایده جکینی
درمیان ایدر . او کون مجلس وکلا واردی . دائرة صدارته کیتدیکم وقت صدر اعظم
پاشایی برآز آصیق چهرملی کورددم . طلعت بکده اوراده بولنیوردی .

پرنس سعید حلیم پاشا آمرانه برطور ایله :

« پاشا حضرتلری ! سز انطالیه شمندوفرلری حقمده غزته جیلره بیاناتده می
بولندیکنز ؟ » دیدی . « اوت ! نه اولمش که ؟ خلاف حقیقت برشیئمی سویله مشم ؟ »
جوابی ویردم .

— خیر اما ظن ایدیورم که بوکا صلاحیتکنز اولماه کرک !

— ظنکونک دوغرو اولمادیغی سویله مکلیکمه مساعدده بیورکنز . برناظر کنندی
نظارتنه عاڈایستدیکی مسئلهی غزته لر واسطه سیله میدان علمیتنه قویمغه صلاحیتداردر .
علی الخصوص او مسئله اسرار دولته عاڈ بونمز ودولتک سیاست عمومیه سی تهلکیه
قویمزسه ! غزته جی بدن صورتی : « دولت بحر سفید آطهلرینی استرداد ایچون
ایتالیانلره انطالیه شمندوفر خطنک انشاسنی تعویضاً ویرمک نیتندهمیدر ؟ » دیدی . بن
« خیر » جوابی ویردم . بیانم خلاف حقیقتمی ؟ ریاست فخرمانه کزده بولنان
حکومت بویله برفکرده میدر ؟ بنجه خیر ! او حالده سفیرک شکایته حق یوق . افکار
عمومیه یی نظارتنه عاڈ برمسئدهن دولایي نظمین ایتکده ایسه بنم حقم پك چوق !
پرنس بو جوابم اوزرینه هیچ سسس چیقارمادی . لکن ظن ایدرم که هیچ
سومه دیکی ، بردرلو تحمل ایده مدیکی غزته جیلره بویله بیانانده بولندیغمدن طولایي
بنی عفو ایتده دی .

بو حادثه اوزرندن برقاچ کون کچدکن صوکرانکون انکلز سفیری سیرلوثی مالهت
نظارتنه کلمشیدی . غایت نارکانه مقدمه لردن صوکرانک حکومت عثمانیه نك ایتالیانلره
انطالیه شمندوفر امتیازینی ویرمک اوزره بولندیغی ایشتدیکنی حاکمکه بو معامله بر
انکلز قومپانیه سی اولان آیدن شمندوفر قومپانیه سنک حقوقه بر تجاوز تشکیل
ایده جکینی سویله مشدی . تدقیقات احرا ایتدم . فی الحقیقه آیدن قومپانیه سنک اسپارطه
وبوردوره طوغری خط تمديد ویکیشر کولنده واپور ایشلتمک حقمه مالک اولدیغی
وبو خطک ایشلتمه قابلیتک تناقصدن وقایه سی ایچین خطک جنوبدن بیلمم قاچ کیلومترو
مسافدن اعتباراً بحر سفید ساحلنه طوغرو شمندوفر انشا ایتدیرلمیه جکینک تعهد
ایدلیکنی آکلادم . بو حقیقتی سعید حلیم پاشا حضرتلرینه ایضاح ایتدیکم زمان
ایتالیانلره قارشی برآغاژمان آلامش اولدیغمدن طولایي اظهار ممنوبیت ایتدیله .

مع هذا ایتالیان سفیر یلده بر صورت تسویه بولدم . وانطالیه ایله مکریدن داخله دوغرو شمندوفر انشاسی قابل اولوب اولمایه جغنی تدقیق ایتمک اوزره نافعہ نظارتی شمندوفر مهندس لرندن مرکب بر هیئت فنیہ رسمیه نی اؤر الره کوندر وب بونک نتیجه سنده بو خط لک انشاسی لازم اولوب اولمادیغنه دائر قرار ویره جگمی سویله دم . بونکله سفیر ممنون اولمش کبی داوراندی . فقط هر حالده ممنون دکلدی .

نافعه نظارتده بولندیغم صیراده حل ایتدیگم مسائلدن بریده طرق عمومیه شرکتیه نظارت هیئت فنیه سی آراسنده کی متعدد اختلافات ایدی . هر ایکی طرف بر فکر سایم ایله تدقیق مسئله ایدرک بر صورت تسویه بوله جفی رده متقابل بر عدم اعتمادک ویردیکی بی لزوم بر عناد واصرار ایله یکدیگرینک دلائل و مطالبی ایچین ابراز مشکلات ایدوب دوریورلردی . طرق و معابر مدبر عمومیه سی برهان الدین بک ایله شرکت مدبر عمومیه سی موسیو شوبلیه نی بر آرده کتیره رک بوتون مسائل معلقه نی بالذات تدقیق ایتدم . وایکی جلسه هر بر بنه برر صورت تسویه بولارق ایشلرک بر سرعت متزایده ایله ایلرله مسنی تأمین ایتدم .

نهایت ۱۹۱۴ سنه سی شباطی صوکلر نده چوروکصولی محمود پاشا ایله یمباش ایدرک بحریه نظارتی درعهده ایتدم .

بحریه نظارتی

بحریه نظارتنه صورت تعینم

انور پاشا حریبه نظارتی درعهده ایتدکدن صوکر اوردونک تنسیقاتیه اشتغال ایدرک ایلک ایشی اردو قوماندان هیئتک باشدن آشانی کنجاشدیرلمسی اولاشدی . بوتون مزیت عسکریه لری رتبه لرینک غالونلرینی طاشیمقدن عبارت اولان نه قیر ارکان، امرا و ضابطان وارسه کافه سنی تقاعده سوق ایتمش و میرالایردن قول اردو قوماندانلری ، قائم مقام لردن فرقه ، بیکباشیلردن آلائی و یوزباشیلردن طاہور قوماندانلری یامشدی . حریبه نظارتی دوائرنی هیئت تنسیقیه نک تکلیفی موجبجه یکیدن تنسیق ایتمش و دوائر مختلفه ریاستی آلمان امراسنه تودیع ایدرک اردونک سفر بک پلانلرینی تنظیم ایتدیرمکه باشلامشدی، بوتون اردوده تعلیم و تربیه عسکریه به بویوک براعتنا ایله و کمال جدیتله باشلامش و بر ایکی آی ظرفنده اردونک هیئت عمومیه سنده بر روح دیکرک حکم سورمکده اولدینی کورولمشدی .

بر طرفدن اردو بوخارق العاده تحولاته مقتدر اولورکن بحریه ده اسکی حیات اصولپرستی دن بشقه برشی مشهود اولمیوردی. بحریه ناظری چو کسولی محمود پاشا غایت ناموسگار، پک چالیشقان بر ذات اولمقله برابر رادیقال تدبیرلر اتخاذ ایده چک جرآنه مالک اولمدیغندن انور پاشانک خط حرکتی قبول ایتیمی حقننده قابینه ده کی آرقداشلاری طرفندن واقع اولان تکلیفلره حواله سمع اعتبار ایتمیوردی.

بش آلتی آی اول بره زیلیدن صاتون آلدیغمز سلطان عثمان در تنوطنک اتمام انشا آتی ایچین هیچ بر سرعت کوستریلیور، رشادیه در تنوطنک انشا آتی ایسه تأخر ایتدکجه ایدیوردی. بالقان حربی ائساننده کیمیلر بمزک دوچار اولدیغی خساراتک تعمیراتنه کافی درجه همت صرف اولونمیور و کرک دوائر نظارتک، کرکسه ضابطان هیئتلرینک تنسیق حقننده انکلیر هیئت اصلاحیه سی رئیسینک تکلیفاتی شورای بحریه ده تدقیقاته تابع طوتیلدق هیچ بر نتیجه واصل اولامیوردی. حالبوکه حکومتک نقطه نظر نجه پک یقین بر آتیده یونانلیلرله مجادله یه کیریشمک کمز محقق اولدیغندن بو مجادله یه تشبیدن اول دها بویوک بر سر عتله قوه بحریه مزنی تنسیق و تعلیم ایتمک کمز ایجاب ایدیوردی. بناء علیه بحریه نظارتنه بنم نقل ایدلکم صدر اعظم پاشا ایله انور پاشا و طلعت بک بیننده قرار لاشدیریلدق بنمله یخایشه مو فقت ایتیمی محمود پاشایه تکلیف ایدلمش و مشارایه ده بو تکلیفی قبول ایتمشدی. ایشته بو مقررات نتیجه سنده بحریه نظارتنی در عهده ایتشدم.

بحریه نظارتی دوائرینک تنسیق

نظارتی در عهده ایدر ایتمز ایلك ایشم انکلیر هیئت اصلاحیه رئیس آ میرال لیموس پاشا ایله اوزون بر ملاقات اولدی. شمدی یه قدر سبق ایدن تکلیفات تنسیقیه سنک برر صورتلرینی بکاویر مسنی رجالتدم و بو تکلیفاتک کندیسنجه اهمیتیلرینی تعیین ایتسنی سویلادم. بر طرفدن ده کرک لیموس پاشا و کرک آ میرال غامبل طرفدن تنسیقات عمومیه بحریه مز ایچین ویرلمش اولان لایحه لری شورای بحریه و دوائر سار ددن طوپلاتیردق بالذات تدقیقاته باشلادم. آ میرال لیموس هر شیدن اول دوائر بحریه نک تنسیقی تکلیف ایتمش و بو تکلیفاتده نقطه نظاریمه توافق ایله مشدی. کرک میرال لیموس و کرکسه کندیسندن اول کلن ایکی انکلیر آ میرالی شورای بحریه دن شکایت ایدیورلر و هیچ بر مسئولیت آلمق ایستهمین دوائر نظارت رؤسانک کندی دائره لرینه عائد مواد مهمه حقننده هیچ بر قرار اتخاذ ایتمه رک شورای بحریه یه تودیع کیفیت ایتدکلرینی و شورای بحریه ایسه آیلرجه مدت اجتماع ایتمه رک واجتماع ایتسه بیله سنه لرجه مدت ییغلمش قالمش اولان

برجوق ایشلردن اورکرك برقاچ دوسیه نك تدقیقندن صوكر ا طاغیلمقده واك مهم مسائلك اوراق طوربالری ایچنده محبوس بر اقلقمده اولدیغنی و بو سایه ده رؤسای دوائرك مسؤلیتدن تبری ایتدکرینی درمیان ایدیورلردی . بناء علیه هرشیدن اول شورای بحریه نك اغاسنه قرار ویرمشم . آمیرال لیمپوسك شکایت ایتدیکی مقاماندن بری ده نظارت مستشارانی مقامی ایدی . نظارت مستشارانی باخصوص او زمانك مستشاری اولان میرلوا رستم پاشایی آمیرال لیمپوس عثمانلی بحریه اصلاحاتنك اك عنود مخالفی اولارق تلقی ایدیوردی . رؤسای دوائر کندی نقطه نظرینی قبول ایتسه لریله بالاخره مستشار رستم پاشایه مراجعتلرنده کندی تکلیفك بوسبوتون مخالفی برقرار ایله عودت ایتدکرینی و کندیسنه قارشى مستشار پاشانك امری خلافنده برشی یاپامیه جتلیزینی مقام اعتداده سوبله دکرینی آکلایوردی .

مشارالیهك اك چوق شکایت ایتدیکی دوائر دردنجی دائره ایله محاسبه و یوقلمه مدیریتی ایدی . اك بوروقراتیک قواعد قدیمه نك اسیری اولان بودائرة لرباشدن باشه تنسیق و اصلاح اولونما دقجه نظارت بحریه ده برشی یایمق ممکن اوله میه جغنی سوبله یوردی . بوشفاهی تدقیقاتدن صوكره آمیرال غامبل ایله آمیرال لیمپوسك دوائر نظارت حقنده کی لایحه لرینی اوقودم و اونلردن ملهم اوله ق کندی مطالعاتك ده سوبله بر تشکیلات نظامنامه سی قلمه آلدیم . بونظامنامه موجبنجه نظارت مستشارانی و شورای بحریه اغو اولنه جقدی . نظارت بحریه دوت دائره ایله بر صحه مفتش لکنندن و برده محاسبه مدیریتدن ترکیب ایدمك و برنجی دائره رئیسى ارکان حربیه بحریه رئیسى عنواتی حائر اولاجقدی . هردائر نك رئیسى کندی اداره سنه تعلق ایدن ایشلرك کافه سی حقنده نهائی قرارلر ویرمکه و کندی مسؤلیتی تحتنده مقام نظارته عرض ایتمکه مجبور دی . اساساً بر دائره یه تعلق ایدن فقط دوائر سائر ایلده علاقه دار اولان مسائل ایچین تعقیبات اجرایی و دوائر سائر دن مقررات استحصالی دائره رئیسك وظیفه سی مقتضاسندن ایدی . بوتون دوائر رؤسایى کندی دائر لرینه تعلق ایدن مسائل حقنده ارکان حربیه بحریه ریاستنه اعطای معلوماته مجبور ایدیلر . دونانك تنسیقندن، حربیه احضارندن هیئت ضابطانك تعلیم و تربیه سندن و هر نوع ملازمه حربیه نك ولوازم اعاشه نك و قتيله احضار ایتدیراسندن مسؤل اولان ارکان حربیه بحریه رئیسى بو مسائل حقنده دوائر سائر رؤساسندن تحریری و شفاهی معلومات طلب ایتمکه و دائره ارکان حربیه نك نقاط نظرینی آنلره ایضاحه صلاحیتدار ایدی .

تشکیلات نظامنامه سنی بالاخره تجربه یه مستند بر طاقم تعدیلات ایله کمال واك مناسب شکلی احراز ایتدیردکن صوكر ا نظامنامه حالنه قلب ایتمکی موافق کوردیکمدن تعلیقاتنامه صورتده همان موقع اجرا یه وضعی امر ایتدم . و بونك ایجاباتدن اولارق

مستشار رستم پاشا ایله دهاسا ائیکي لوا آمرالنی وصحیه مفتشی فائق پاشانی وبر قاج میر آلا ی ایله قائممقام و بیکباشینی تقاعده سوق ایتدم . بواساسلی اجراءت آمرال لیموسی پک ممنون ایتش ونظارت بحریهده بعدما سرعت وجدیتله ایش کورمک ممکن اولاجنی قناعتنی حاصل ایتش اولدیغنی بالذات بکا بیلدیرمشدی . یننه تنسیقات تعلیماتنامه سی موجبنجه اوزمانه قدر کافه سی استانبول لیان ریاستنه مربوط بولونان ممالک عثمانیه لیانلرینی آلتی دائرهده تفریق ایدرک صامسون ، استانبول ، ازمیر ، بیروت مرکز لیان ریاستلرینی یکیدن تشکیل و بحر احمر لیانلرینی بحر احمر قومودورنغنه ربط ایتدیرمشدیم . مرکز لیان رؤسای تشکیل ایتمکدن مقصدم بونلرک معیتنه ویره جگم ساحل ترصد و محافظه سفائی واسطه سیله سواحل عثمانیهده قچاقجیباغک منغنه تشبث ایتمکدن و اوزمانه قدر پک باشی بوش براقانش اولان لیان رؤسانی دائمی برتقتیش ومراقبهیه تابع طوتمقدن عبارتدی .

فی الحقیقه اوصرده فرانسهدن کلش اولان غامبوطرله اسکیدن قالمه غامبوطلری بحرسياه و بحرسفید وسوریه و بحراحر سواحله مأمور ایتدم . بونلری پیدرپی مرکز لیان رئیس لرینک امرینه کوندردم . اگر نظارته تعینمدن بش آی صوکر ا حرب عمومی چیقماش اولسه ییدی بوتشکیلاتدن کرک رسومت کرک رژی کرک دیون عمومی اداملری فوق العاده استفاده ایده جک و سواحلده قچاقجیلوق قایقی عادتاً تمامیه منع ایدیه جکدی .

مرکز لیان رئیس لرینی امرای بحریه نیک ال مقتدر و فعال اولانلری میانندن انتخاب ایتش و بونلری دائمی برتقتیش ومراقبهیه مجبور طوتمش ایدم . بونلردن پیدرپی کلن راپورلر لیان رئیس لری ایچنده تبدیلی ایجاب ایدنلر حقنده قناعت بخش ایضاحانی حاوی اولدیغنی کبی لیان دائره لریمزک جدآ آجینه حق بر درکئ سفیده اولدیغنیده بیلدیریوردی . لیان رئیس لرندن تقاعده سوق ایتدک لریک یرینه ضابطان بحریه موجوده آراسندن ناموس وچالیشقانقلری ایله معروف و فقط حرب دونتماسنده استخداملرنده فائده غیر مأمول اولانلری تعیین ایتدیرمکده ایدم . بالهایه ضابطان موجوده بحریه یی اوج صنفه تفریق ایتک املنده ایدم . برنجی قسم حرب دونتماسنده استخدام ایدیه بیله جک ضابطان ایدی . ایکنجی قسم سواحل محافظه سنه مأمور سفائنده استخدام اولنه بیله جک اوجنجی قسمده لیان ریاستلرنده قوللانیله بیله جک ایدی . بونلر یالکیز کندی بیللرنده ترفیع ایتدیریلرک برنجی قسمده استخدام قابلیتی ضایع ایده جک ایکنجییه ، ایکنجیدن تفریق اولنه جکلر اوجونجییه کوندریله جک و اوجنجیدهده ایشه یارامیانلر تقاعده سوق اولنه جکلردی . مع التأسف بواساسی وضع ایدیه بیلمکله مدهده حرب مانع اولدی . ضابطان بحریه دن تقاعدلرینه

ويا نسبت عسكريه لرينك قطعنه قرار و بردكلم حقدنه پك قطعي پرنسيپلرم واردي .
 اولاً احوال صحيه ، بالطبع نظامنامه موجبنجه مستوجب تقاعد ايدي . ثانياً
 و بربلان وظيفه بي ايفايه علماً و عرفاناً عدم قابليت كذا تقاعد نظامنامه سنك ايكنجي
 ماده سنجه مستوجب تقاعد ايدي . فقط حيثيت عسكريه سني پايمال ايده جك قدر
 سرخوش اولمق ، هر نه صورتله اولورسه اولسون آرقداش لرينك موجب نفرتي
 اولاجق حركاده بولونمق ، وظيفه سنك ايفاسنده عن قصد تيكاسل كوسترمك ودها
 بوكا مائل بعضي احوال عبره للسائر ين نسبت عسكريه قطعي استلزام ايند قباحتلردن
 معدوددي . نسبت عسكريه قطعندن مقصد برضا بطك اداره استعفايه مجبور ايدلمسي ديمكدر .
 تقاعد نظامنامه سنك ايكنجي ماده سي اقتدار و اهليتي رتبه سنه عائد وظائفك
 ايفاسنه كافي كله ين ضابطاني سنين خدمتنه كوره معاشي حساب ايدلك اوزره تقاعده
 سوق ايديووردی . احوالده قباحتلري ديوان حرب قراريله طردی استلزام ايده جك
 درجده اولمايان و فقط بالاده ايضاح ايتديكم قيايح ايله آلوده بولونان ضابطاني ده
 مجبوري استعفايه تابع طوتمق ك مناسب بر اصول ايدي كه بالاخره بواصول آوروپا
 اردولرنده موجود ديوان حيثيتلرك بزدهده تأسيسني انتاج ايده جكدی . بوراده بر
 قاچ مثال ذكر ايتمين مناسب تلقی ايدبورم .

نظارتہ تعيينمك هفته سنده ايدي ، دها محمود پاشانك نظارتی زماننده بحر احمر
 قومودوراني معيته و يرلمش اولان بر غامبوطك يوم و ساعت حركتي اركان حربيه
 رياستك تنسيبي وجهله امر ايتشدم . حركت ايچين تخصيص اولونان صباحدن بركون
 اولكي آقشم اوزري اميرال لپوس پاشاني ده برابريمه آلاق طوپخانه آچقيلرنده
 دميرلي بولونان غامبوطة كيتدم . غامبوطك اوزون بر سفر اجرا ايده بيله جك وجهله
 احضار ايدلمش اولوب اولماديغلك بالذات تفتيش و بكا ابلاغ ايدلمسني اميرال دن رجا
 ايتدم . اميرال بعض اوفق تفك نواقصيله برابر كمينك حركت ايچين حاضر لاش
 عد ايديله جكني بيلديردی . قومانيه لرينك كافي اولوب اولماديغني و افرادك يازلق
 اليسه لري بولونوب بولونماديغني ، نه قدر پارلري اولديغني سواريدن صوردم . بر مقدار
 ملبوسات ايله بر آزدها قومانيه محتاج اولدقلريني باتدقيق آكلادم . ضابطانك
 صيقيني چكمه مه لري ايچين اوچ آياق مخصصاتلرينكده كمى قاصه سنه اعطاسني مناسب
 كوردم . همان ايكنجي ايله كاتبك اداره بحريه كودرلمسني و بوكيجه اثناسنده
 آله جق لريني آلوب صباحلن امر اولونان ساعتده حركت ايتلريني سواريه اخطار ايتدم .
 بالذات دائره بحريه يه كلهرك كيجه وقتي غير معمول ارزاق و ملبوسات انبارلريني
 آچديردم . و اقتضا ايند مالزمنك و يرلمسني ، يوقمه جي افنديك اعتراضاتنه رغماً
 كميه على الحساب پارا اعطاسني امر ايتدم .

صباحین دائرۂ بحریہ پہ کثیر کلمز غامبوطک حرکت ایدوب ایتہدیکنی صوردم . کمال حیرتہ خبر آلمکہ کمی هنوز حرکت ایتہمش . درعقب سواریسنی جلب ایتدم . نہ ایچین حرکت ایتہدیکنی صوردم .

« افندم کیجہ ایکنجی ایلہ کاتب کمی پہ کلمہ دیلر . بنده اونلر اولما یخہ حرکت ایتکی مناسب کورمدم . » دیمز می ؟

اوزمان قراریمی درعقب ویردم . سواری نی تقاعد ایتدم . کمی پہ یکی برسواری ویردم . ایکنجی نک نسبت عسکر یہ سنی قطع ایتدم . اصل مقصدی بحراجرہ کیتہمہ مکدن عبارت اولان کاتبی کمی ایلہ کیتمکہ اجبار ایتدم . و اوچ ساعت صوکر ا کمی نی حرکت ایتدیردم . دیگر بر مثال :

حرب عمومیدن اول ایام مبارکہدن برنده ایدی . دونما افراد و ضابط نیلہ معایدہ ایتک اوزرہ معین بر ساعتہ بوتون سفائن حریہ مرتباتک ترسانہ میدانندہ اجتماع ایتسنی امر ایتدم .

یوم معین صباحی هوا یاغمورلی ایدی . فقط وقت معیندہ بن بویوک اوینفورمہ ایلہ کلدیکم حالہ مرتبات اورادہ اجتماع ایتہمشدی . بن اوتوموبیلدن ایندیکم صرمدہ دونما قوماندانی طاہر بک معیتی ضابطانندن برقاچی ایلہ برلکدہ خایچ قومودورلنی دائرہسندن چیقیورلردی . دوغرو یانہ کلدیلر . مرتبات عدم اجتماعک اسبابی صوردیغم طاہر بک : « افندیم ، هوا یاغمورلی اولدیغندن بلکہ کلمزسکیز ملاحظہ سیلہ ناحق یرہ عسکری ایصالنامق ایچین اجتماع ایتدیرمہدم » جوابی ویرمشدی . یاغمورده ایصالنامقدن قورقان طاہر بکک اوچ کون حبسنی امر ایتدم و بر هفته صوکرادہ تقاعدنی اجرا ایتدیردم .

دیگر مثال :

طقوز یوز اون آلتی سنہسی ظرفندہ دردنجی اردونک مختلف ایشلری ایچون استانبولہ کلشدم . بحریہ ضابطانندن برینک اموال دولتی سوءاستعمال ایتدیکی تمامیلہ تظاہر ایتشدی . او صرمدہ اردودہ ودونمادہ سوءاستعمالات مع الاسف آرتقمقدہ ایدی . بونک تدابیر شدیدہ ایلہ اوکی آغنی بک زیادہ آرزو ایدیوردم . کمال سرعتہ حقندہ حکم ویرلمی توصیه سیلہ ضابطی دیوان حربہ سوق ایتدم . دیوان حرب بوتون حقایقہ رغماً ضابطک برآنہ حکم ویردی . حالبوکہ ضابطک ارتکابی نجہ وبوتون آمرلرنجہ محققدی . بالطبع دیوان حرب حکمنی تصدیق ایتدم . فقط ضابطک نسبت عسکر یسنی قطع ایتدم . دیوان حرب رئیس اسماعیل بک ایلہ اعضادن بعضیلر نی دہ حیثیت عسکر یہ مسائندہ بوقدر تقدیرسز اولدقلری ثابت اولمسندن طولانی تقاعدہ سوق ایتدم . دیگر بر مثال :

در دنجی اردو قوماندانانگدن استعفا ايله آرتیق استانبوله عودت ایتشم . روسیه ايله مصالحه عقد اولونمش، قره دکزه سیرسفاش کشاد ایدلمشدی . اوزمانه قدر یاووز قورسی افرادینک محل اقامتی اتخاذ ایدیلن رشید پاشا واپورینک قره دکز سفرلرینی اجرا ایده بیلیمی ایچین احضاری لازم کلمشدی . بیک مشکلات ايله واپوری دونما قوماندانلغنک آلتدن قورناردم و برای تعمیر حوضله ادخال ایتدم . ایرتسی کونی نظارت مستشاری واصف پاشا یانمه کله رک کمال تأثرله برسنه اول پک مکمل صورتده تعمیر ایتدیرلمش اولان رشید پاشا واپورینک جدأ اغلانه جق برحاله کتیرلمش اولدیغی، اکر سواری وایکنجیلرک بو اهمال و تسبیلرینه برنهایت ویردیرلمیه جک اولورسه بحرینه ک افلاسی اعلان ایلک لازم کله جکینی پک بحق برلسان شکایتله سویله دی . اوچنجی دائره رئیس حمدی بکی چاغیردم . اوده عینی افاده ده بولوندی . خلیج قومودوری رمزی بکی جلب ايله رشید پاشای تفتیش ایدرک حال حاضرینی مبین برراپور ویرمینی و بو حالدن طولای کمی مرتباندن کیملرک مسؤل ایدلمی لازم کله جکینی تعیین ایتمینی امر ایتدم . ایرتسی کون بو حالدن کمینک سواریسيله ایکنجیسی مسؤل اولمی ایجاب ایده جکینه دائر راپور ویردی .

همان واصف پاشا ايله حمدی بکی استصحاب ایدرک بالذات کمی یه کیتدم . افرادک ضابطان قارملرینک قابولری اوزرینه ضابطان علیه الفاظ مستهجنه یی حاوی امضالری تحته ده یازیلر یازمش اولدقلری حالده ضابطانک بوکا بيله تحمل ایش اولدقلرینی رأی العین کوردیکم کبی کمینک کوپری صالونک بر باد برحاله کتیرلیدیکنی ده مشاهده ایتدم . اوزمان کمی سوارینک تقاعده سوقی وایکنجیسنک اون بش کون حبسنی امر ایتدم .

بعدها هانکی کمیده عین حال کوریه جک اولورسه سواری ايله ایکنجینک در عقب تقاعد ایدیه جکینی تعمیم ایتدم . کمی سواریمی یاووز زرهلیسی ایکنجیلرکینه نامزد بولنان بریکباشی ایدی . کندیمی پک ناموسلی ، ذکی و معلوماتی برضابط اولدیغی حالده کمی و دکز حیاتی پک آز اولدیغدن تجربه سزدی . برکمیده رطب ویا بس هرشیدن سوارینک مسؤل اولدیغی ظن ایدرسم تقدیر ایده میوردی . بزم بحریه ضابطانی آراسنده پک یا کلس بر قناعت وارد . بر کمینک طهارت و نظافتندن، ضبط وربطندن و سائر سندن ایکنجی قبودانک مسؤل اولدیغی ادعا ایدرلر . بو ادعا کر چه دوغریدر . فقط ایکنجینک مسؤلیتی سواری یه قارشیدر . حالبوکه جزء تام دونما قوماندانلرینه قارشى کمیده کی احوالک عمومندن آنجق سواری مسؤلدر . اکر مسؤلیت سواریده تمرکز ایتدیرلمیه جک اولورسه سوارینک کمیده کی وحدت آمریتی تأمین اولونا مایه جغنی بزم ضابطان بحریه دن برچوقلری تقدیر ایده میوزلر . حق قبودانک تقاعده سوقی

بعض دارینایلر مومی الیهک آلمان ضابطانیله حسن امتزاج وانسیت ایتکده اولماسنه عطف ایتشلردی . بوندن دها مناسبستز بر فکر اولاماز . دیسیپلینک وبالخاصه آلمان وتورک مرتباتی آراسنده بر آهنگ تام حکمران اولسی فکرینک الک حار طرفداری اولان بکا بویه برشی اسناد ایتک پک کولونج اولور .

بحریه ضابطانک ترفیع معنویاتی ایچین دها بوکی برچوق اجرا آتم واردر . بونلری وطنمه عودتمده منحصر آبحریه نظارمه عائد خاطر اتمی یازارکن آرشیولره مراجعت ایدرک ایضاح ایده حکم .

سلطان عثمان ورشادیه نک تسریع انشا آتی ترسانه فابریقه وحوضلرینک اصلاحی ایزمده
یکی بر ترسانه تأسیسی یکی سفائن حریبه سپارش

بحریه نظارتنه کلیر کلمز بارباروس ، طورغود ، مسعودیه کبی کمیلریمزله بالعموم مخرب طورپیدولریمزی معاینه ایتدیره رک بونلرک تعمیراتنه وسائط موجوده نک مساعدیه سی نسبتنده کمال سرعت واهمیتله مباشرت ایتدیردم . تعمیراتی عادتاً هرکون بالذات تفتیش ایدیور هر نوع اسباب مانعه یی ازاله یه صرف مقدور ایدیوردم . مع هذا بنم اصل املم انکلتزده ختام انشا آتی قوه قریبه یه کمش اولان سلطان عثمان زرهلیسنی بر آن اول مرمره داخلنه چکمک ودها ایتالیا حربندن اول سپارش ایدلمش ومع التأسف انشا آتی تأخردن تأخره اوغرامش بولنان رشادیه زرهلیسنک ختام انشا آتی ایچوندده بر حد قلعی تعیین ایتدی . دیلمک ایدی . سلطان عثمان ورشادیه ده ارزو ایتدکری بعض تعدیلات حقدده رؤف وواف بککک نظارت بحریه یه یازدقلری بعض مسائل مهمه یه دوائر عائدیه سی آلتی آیدن بری برقرار شافی وپرمه مشلردی . ایثنی بالذات کندیلرندن آ کلامق اوزره لوندزده بولونان واصف ورؤف بککری استانبوله دعوت ایتدم . یازدقلری اوراقی دوائر عائدیه سندن جلب ایتدم . متخصصلری مقام نظارته طوپلادم . آمیرال لیموسکده مطالعه لرینی آلارق هر ایکسنکده صور دقلری شیلرک جوانی ویردم وفابریقه یه یازدیغم بر مکتوب ایله ده عثمانیه ورشادیه نک ختام انشا آتلی حقدده بر تاریخ قطعی درمیان ایتلرینی طلب ایله دم .

رؤف بک عثمانیه مرتبات فنیه سندن بعضلرینک شمیدین کمی یه کوندرملری مرتباتک آلات رقیقه فنیه ایله دها شمیدین پیدای استیناس ایتلرینی موجب اوله جغنی تکلیف ایتمش اولدیغندن کرک عثمانیه کرک رشادیه مرتباتندن بر قسم ضابطان ایله کوچوک ضابطانی تفریق ورشید پاشا واپوریه خلیج قومودوری اسماعیل قبودان قومانداسیله انکلتزده اعزام ایتدم وکمیلرک شرکترجه تمیدو قبول ایدیه جک زمانده اتمام انشاآت

وتسملری ممکن اولایلمک ایچین بعدما هر کونا تعديلات طلبدن صرفنظر ایتلرینی رؤف و واصل بکلردن رجا ایدرک ایلکینسی ده لوندریه اعاده ایتدم .

•

محمود پاشانک نظارتی زمانده خلیج ترسانه لرینک اصلاحیه برابر ایزمیت کورفرزنده هر درلو شرائط جدیدی حائر مکمل بر ترسانه و بر ساح حوض تأسیس و انشاسی کیفیتی آرمسترونغ - ویکرس انشآت شرکتلری ايله موقع مذاکره قونمش . و بونک شرائط ابتدائیه سی قرارلاشدیرلمشدی .

ایشک حائر اولدوغی اهمیت فوق العاده یی نظردقته آلاق نتیجه قطعییه ایصالی ایچین همان ایجاب ایدن مرخصلرک استانبوله اعزامی لزومنی شرکتلره تبلیغ ایتدم . مذکور شرکتلرک مجلس اداره اعضاسندن سیروندان قایارایله آرمسترونغ و بیکرس دیرکتورلرندن ایکی ذات استانبوله کلدیله . مذکور شرکتلر حقوق مشاورلکینه در سعادت دعوی وکیللرندن قونت اوسترونغ و بحریه نظارتی حقوق مشاورلکینه ده مبعوث خلایجان افندی انتخاب اولونمشلردی . حقوق مشاورلریمزک دخی حضوریه عقد اولونان متعدد جلسهلر نتیجه سننده شرائط مقاوله کسب قطعیت ایتدیرلیدی . بو مقاوله هر درلو محاذیردن عاری بر مقاوله نامه اسمنی ویره من ایه سهم ده ایجابات و شرائط عصریه ايله متناسب قیزاقلر ، حوضلر ، فابریقهلر صاحبی اوله بیلمکلیکمزی تأمین ایده جکندن طولایي فوق العاده موجب مسرتم اولمشدی .

بنم اوتهدن بری بر مسلکم وارد :

آرمسترونغ ویکرس شرکتلریله یادیغمز مقاوله موجبنجه خلیج ترسانه لرینک ایشله دلمسی مذکور شرکتلره بحریه نظارتی مثللرندن مرکب بر هیئت حواله ایدیلرک و بو هیئت ترسانه یی بر انکلیز مدیر عمومی واسطه سیله اداره ایده جکدی . کیم نه دیرسه دیسون ، کمال جدیت و اعتنا ايله تطبیق ایدلیکی تقدیرده بو تشبثدن مملکت ایچین عظیم منافع تأمین ایدیلرک چکی قناعتنده ایدم و اوزمانکی قناعتنی حالا تبدیل ایتدم . مقاوله نامه نک کسب قطعیت ایدرک موقع اجرایه وضعندن صکره کچن پک آز زمان ظرفنده حال تعمیرده بولونان کیلریمزک بوبوک بردقت و اعتنا ايله تعمیر ایدلمش اولدیغنی کورمک بنم ایچین موجب ممنونیت ایدی . ترسانه یه مدیر عمومی تعیین ایدلمش اولان ذاتک ناموسکارلی ، در عهده ایتدیکی ایشده صاحب اختصاص و مهارت اولمسی پک زیاده انشراحمی موجب اولیوردی . استانبوله مواصلتندن پک آز زمان صوکر ترسانه فابریقه لرینک و قیزاقلرینک نه شکل و صورتده تعدیل و اصلاحی حقنده امضا ایتدیکی ابتدائی پروژمه لرده دائما مطابق قالیوردق . مدیر عمومی نک ناموسکار غنه دلیل اولارق بر مثال ایراد ایده بیلیم :

شرکت‌لره عقد ایتدی کمز مقاوله موجبجه دولت ایزمیت کورفرزنده یکی برترسانه تأسیسنه عائد سرمایہ بی وضع ایتکه وبو ترسانہ بی تأسیسه مجبور ایدی . ایکی آتاق بر تدقیق نتیجه سنده مدیر عمومی بکا دیمشدی که :

« خلیچ ترسانہ سی موقعنک حائر اولدوغی خصوصیت اوقدرشایان نظر درکه عثمانلی حرب ترسانه سنک بورادن قالدیر یلہرق ایزمیتہ نقل ایدلمسی ایچین هیچ برسب کورہ میورم . ایوم موجود بولونان مبانی یکی فابریقلره تحویل ایدلکلری ، قیزاقلرده بعض اصلاحات وجوده کتیرلیدیکی تقدیرده شمدیکی خلیچ ترسانه سنده نہایت دزت سنہ یه قدر الک جسم درتوطولرک انشاسی امکانی استحصال اولنہ بیلیر . بونک ایچین بن شمدیلك ایزمیت ترسانه سنندن صرف نظر ایدلمسی وبوتون همتک یک جزئی بر مصرفله الدہ ایدلمسی ممکن اولان خلیچ ترسانہ سی اصلاحاتنه حصر اولنمسی فکرندیم وبو فیکریمی شرکتلره قبول ایتدیرمکی سزه وعد ایدرم . »

مع التأسف حرب عمومی بدایتنده آلمان غزتہ لرندن نقلاً بزم غزتہ لریمزده بریالان حوادث انتشار ایتشدی . کویا انکلز مدیر عمومی انکلز هیئت اصلاحیه سنک امرینه توفیقاً کمیلریمزک تعمیراتی اثناسنده الک مهم پارچہ لری چیقارمشر وبوصورتله کمیلریمزک قابلیت حرکتلرینی تنقیص ایتمشر .

بو حوادث ایلك دفعه انتشار ایتدیکی زمان دردنجی اوردو قوماندانلغنده بولنیوردم . بونک کلیاً خلاف حقیقت اولدیغی ، کرک انکلز هیئت اصلاحیه سنک ، کرکسه ترسانه لریمزک اصلاح واحیاسنی درعهده ایتمش اولان انکلز شرکتلری مهندس لرینک تا خدمت لرینی ترک ایتدکلری کونه قدر یک ناموسکارانه ایقای وظیفه ایتمش و هیچ اخانتہ تشبث ایتشمش اولدقلرینک عثمانلی بحریه نظارتی طرفندن تکذیب ایتدیرلمسی اوزمان بکا وکالت ایدن انور باشادن رجا ایتشدم . بو تکذیبک نشر ایدیلوب ایدله دیکنی الآن بیلمه یورم . فقط مع التأسف بوخلاف حقیقت نشر یاتنک یک واسع برساحه انتشار احراز ایتدیکنی وبرجوق سیاسی اثرلرده بزم و آلمانلرک علیهنده یک چوق نشریات بدخواهانیه سببیت ویردیکنی کورویورم . کرک آمرال لیموس ایله معیتنده کی ضابطانک کرک خلیچ ترسانه سی اصلاحه مأمورانکلز مهندس ی و عمله سنک وظیفه لرینی یک ناموسکارانه ایفا ایتمش اولدقلرینی بوراده بردها تکرار ایتکی کندم ایچین بر مجبورت معنویه تلقی ایدرم . اوقدرکه چناق قلعه وقره دکز بوغازلرنده تأسیس اولنہ جق طورپیل خطلرینک انتخاب واک موافق طورپیل تارلارینک صورت تأسیسینک تثبیت اولونمسنی آمرال لیموسک معیتنه مأمور طورپیدو متخصصی ایله برعثمانلی ضابطندن مرکب برهیئته حواله ایتمش وچناق قلعه نک ایلك طورپیل خطلرینی بولانه توفیقاً تأسیس ایتدیرمش ایدم .

بوتون حقایق ایتوا ایتیه سنی آرزو ایتدیکم بو ایتیه آتیده کی وقعیه ده درج ایتکی بروظیفه تلقی ایدرم . بوغازلرک طورپیل خطارلیه قیامسی احتمالاتی کسب قوت ایتدیک برصرده ایدی ، برکون آمیرال لیموس یانه کلدی ویدی که :

« اکر بوغازلری طورپیل خطارلیه قیامی دوشونیورسه کز سزه برتکلیفه بولوناچقم . چناق قلعه بوغازینه ایسته دیک کز قدر طورپیل دوکه بیلیرسکز . فقط قره دکز بوغازینه طورپیل دوکه بیکز . یالکز طورپیل دوکمش کی شاماندره لری قویکز و بوتون بحر یونه قره دکز بوغازینک طورپیل ایله ستر ایدلیدکی ، بناءً علیه قلاغوز آلمق سزین بوغازی کچمک ممنوع بولوندیغی اعلان ایدیکز . روسلر بالطبع سزک طورپیل دوکه دیک کزری بیلیمیه جکلری ایچین بوغازی زورلامغه جسارت ایده مزلر . عیفی مانوره ۷۱ - ۱۸۷۰ سنه سنده آلمانلر طرفندن تطبیق اولونمش و شمال دکزی ساحله طورپیل دوکولدیکی اعلان ایدلشدی . حالبوکه حقیقته هیچ برطورپیل دوکوله مشدی . بو اعلانک ویردیکی جسارت سزلکدن طولانی مذکور دکز ساحله هیچ برفرانسیز کمییسی یا قلاشه مامشدی . اکر سز قره دکز بوغازینه طورپیل دوکه جتک اولورسه کز بو طورپیللردن بریسی آقیتینک شدتندن طولانی یزندن قویایلیر و طوغریجه خلیجه قدر کیره بیلیر . اوراده برتجار ویا یولجی کمیسيله مصادمه ایدرک بر فلا کته سبب اولورسه حقه کزده اوروپا افکار عمومیه سنجه عظیم مسؤلیتی داعی اولور . »

امیراله ایقظا تندن دولانی متشکر قالدیغی ؛ فقط بویه برمانورمک هر زمان ایچین موفقیتله تطبیق امکانی متصور اولامیه جفی ، قره دکز بوغازی شمال دکزی ساحله مقیس اولمایوب برکره دشمن سفائی هر هانکی برسبیله خبر آلارق بوغازی زور لایه جق اولورلر سه بوندن تلافیسی غیر ممکن ضرر لر نولد ایده بیله جکینی سویله دم . اوزمانکی وضعیت ایجاباتندن اولارق آمیرال بونی بر فکر اغفالکارانه ایله می سویله دی یوقسه قناعت فیه سی بویولده می ایدی ؟ بونی بوراده تدقیق ایتیه حکم . هر حالده چناق قلعه ایچین بویه برتکلیفه بولونماش اولمسنه وانکایز دو تمانک بالخاصه چناق قلعه ایله علاقه دار اولماسنه نظر آتوتکلیفی صرف بر قناعت فیه یه عطف ایتیه آمیرالک ناموسنه اولان اعتادتم سوقیه ده موافق تلقی ایدرم .

استانبوله کلن ارمسترونغ - ویکتورس وکیللریله مذاکراتمک ایکنجی قسمی اشبو شرکتلره صوک سیستم بر دره تنوط ایله ایکی کشاف سفینه می و آلتی طورپیدو وایکی تحت البحر سپارشی تشکیل ایدیوردی . بزم متخصصین بحریه ایله آمیرال لیموسک بوتون مطالبنی ایتوا ایدمک وجهله شرکتلر طرفندن تنظیم اولونان پلانلر ، شرطنامه و مقاوله نامه لر تدقیق ایدیلرک طرفینجه امضا و سپارش اجرا اولوندی .

بوندن بشقه اسکی کمیلیمز ایچین تعلیم و احتیاط جیخانلری دخی سپارش ایدلمشدی .
درتنوطه «فالح» اسمی مناسب کورولدی . وانشاآنه نظارته قروت قیودانی حمدی بک
تعین ایدلدی .

سلطان عثمانك ايلك و صوك سرعت تجربهلريله طوپ تجربهلرينك زمان اجراسی
صورت قطعيده تعین اولوندى .

بوتون بوفعالبتدن آکلاشیلیرکه بزدونمازى آز برزمانده یونان دونماسنه فائق
بر حاله وضع ایتکی بوتون موجودیتله ارزو ایدیوردق . بو آرزوی تأخیر ایده بیله جک
نه قدر موانع وارسه کافه سنی بر طرف ایتکه صوك درجه لرده جهد و اقدام کوستیریوردم .
اوصرده فرانسرلرده بزم ایچون کی انشا ایتکی ارزو ایدیورلردی . استانبوله دعوت
ایتدیکم شانتیه نورمان وکیلرله بالذا کره مذکور شرکته آلتی مخرب سپارش
ایتدیکم کی قروزو فابریقه سنه ده ایکی تحت البحر سپارش ایتدم . فالح زرهلیسی
یکرمی ایکی آیده تسلیم ایدیله بیله جکی کی کرک انکلتريه کرک فرانسه یه سپارش
ایتدیکمز دیگر کمیلیمزك انشا آتی ده بوکا یقین زمانلرده ختامه ایره جکدی .
سلطان عثمان درتنوطی ۹۱۴ سنه سی نهایتلرینه دوغرو ، رشادیه درتنوطی ایسه
۹۱۵ سنه سی اوائلنده تسلیم ایدیله جکنه کوره ۱۹۱۶ واسطنده اوچ درتنوط ،
ایکی کشف سفینه سی لاقلا اون ایکی ده سترویه و درت تحت البحر دن مرکب یکی
برفیلو ایله اسکی سفینه لیمزدن مرکب برایکنجی خط فیلسنه مالک اوله جق و هر
حاله یونان دونماسنه قات قات فائق اوله جقدق . یکی سفائتمزی اداره ایده بیله جک عثمانلی
مرتباتنک یتشدیرلمی ایچون آمیرال لیموس ایله متادیا چالیشه رق غایت واسع
بر تعلیم و تربیه پروغرامی حاضر لامشقد . فقط هرشیئدن اول سفائن قدیمه مزك
بر آن اول تعمیر و برای تعلیم دکره چقمهلری ایجاب ایدیوردی . اوصرده
ایسه باشلامش اولان انکلیر مدیر عمومینك باشلوجه مشغولیتی بوتشکیل ایدیوردی .
نهایت ۹۱۴ سنه سی تموزینك ۲۲ بجی کونی مسعودیه ، بارباروس ، طورغو دایله اسکی
بو طرلیمزدن مرکب دونمازى کو پرلردن چیقاره بیلمش و آمیرال لیموس قومانداسیله
آطهلر اوکنه کوندره رك تعلیم و تربیه یه ابتدار ایتدیرمشدم . بزم ، بو حالی مساعیمز
قازیشینده دوشونمکه باشلامش اولان یونانلردخی دونمالرینك تقویه سی اسبابنه
توسل ایتشلر و ایکی سنه ده تسلیم ایدلمك اوزره فرانسه یه برده تنوط سپارش ایتدکری کی
آلمان فابریقه لرندن ده مجدد آلتی ده سترویه صائون آلمشردی . یکیدن انشا ایدیله جک
اولان بو کمیلر بزم ایچین برته که تشکیل ایتهدیکی کی تموز نهایتلرینه دوغرو بزه تسلیم
ایدیلهرك اغستوس نهایتلرینه دوغرو استانبوله کله بیله جک اولان سلطان عثمانك ورودی
موجود یونان دونماسی اوزرینه فائقتمزی تربید ایدمه جک ، آلتی بدی آی صو کرا

رشادیه نك ورودى بوفائقى دهاتقوبه ايله يهك ايدى. فاتح زرهلىسى ايسه فرانسه يه
سپارش ايدىلن يونان دره تنوطنه تقابل ايدرك فائقى ينه بز تأمین ایده جكدك .
يوانليلر بوحساباتى پك كوزل ياپيور ، سلطان عثمانك سالماً استانبوله ورودينه
مانع اولمق اچين هر درلو وسائطه مراجعتى بيله دوشنيورلردى .

۱۹۱۴ سنه سى مایس اواسطنده ذات حضرت پادشاهی به عرض تعظیات وسیله سیله
استانبوله كمش اولان «غوبن» ك بوزيارتنه مقابل انكليزلرده بحرسفید انكليز فيلوسى
قوماندان آم ال دوبهركى حزيان اواسطنده « اينفلسييل » زرهلىسى ايله استانبوله
كوندر مشلردى . كرك بحريه نظارتنه ياپديغى زيارت رسميه اناسننه كرك متعدد
وسيله لرله ديكر اجتماعلر بمزده آميرال سلطان عثمانى سالماً استانبوله كتير مك اچين
تدابير مخصوصه اتخاذ ايدوب اتمه ديكمزى مصر آ صوريوردى وديوردى كه :

« سلطان عثمانك عثانلى صولربنه كمشى يوانليلرى صوك درجه تدهيش ايدىيور .
وبومنفور نتيجه نك تحفته مانع اولمق اچين هر درلو واسطه به مراجعتى ارزوايدىيورلر .
بنم آلدیغم معلومانه كوره انكلترده كى ده صوك تجربه لرنى يامزدن اول برطاقم
فدايلر واسطه سيله كى ن تخريب ايتديره مزلرسه عثمانلى صولربنه كلك اوزره يوله
چيقديغى صيره ده جبل الطارق جهتلرنده برونان تحت البحرى واسطه سيله باطيرمغه
تثبت ايدجكلر وبوكاده موفق اولمازلرسه كمينك يونان صولرندن حين مرورنده
بوتون يونان دونانماسيله كى به هجوم ايتكى بيله كوزه آلدیره جقلىر . سزه توصيه
ايدزم . كمينكزى برتهلكه دن قورتارمق اچين صوك درجه لرده متيقظ بولونك . »
آميرال بووصاياسنده او قدر اصرار ايدىيوردى كه بوندن مقصدى نى تدهيش
ايدرك كمينك انشآتى ختامه ارسه بيله رشاديه نك ختام انشآتى بلكه مك اوزره
استانبوله كمشه سندن صرف نظر ايتمكلكى تأمین ایده بيلمك اولديغى شمدى ظن ايدىيورم .
او زمان بووصايانى صرف برقابليت خالصانه به عطف ايتش وتديرلر يك اتخاذنه
پك زياده ماهر داور اتمقلىغى تأمین اچين تهلكه نك بويوكلكنى نظر مده تزديد ايتك
ايستيور فكلرنده بولونمش ايدم .

كرك انكلتره و يونانستانده بولونان مأمورلر بمزدن آلدیغمز خبرلره كرك آميرال ك
بووصاياسنه نظراً سلطان عثمانك انكلتره دن استانبوله قدر سياحتى ائساننده سلامتى
تأمین ايدجك تدابير اتخاذ ايتك فى الحقيقه الزمى . آميرال ليمپوس ايله بالما كره
آغستوس ابتدلرنده دونانك بحر سفیده كوندرلى و سلطان عثمانه كريد آچيقلرنده
ملاقى اولماسى قرار كير اولدى .

سلطان عثمانك جبل الطارق دن اعتباراً هانكى خط سیرى تعقيب ایده جكنه دونمايى
هانكى عرض و طول دائره لرى اوزرنده بولاجغنه دائر دونما قوماندانى صفيه آميرال

طرفندن قلمه آلتان محرم بر امرنامه یی فرانسه دو تناسی مانوره لرنده بولونقی اوزره فرانسه یه واقع اولان سیاحتیم تناسنده بالذات کورتورمش وانکلترون دین بارسه جلب ایتیش اولدیغم رؤف بکه ویرمش ایدم . فقط مع التأسف اغستوسک ایلک کونلرنده دره تنوطمز انکلتزه حکومتی طرفندن ضبط ایدلدی . بوکوزل کمی به عثمانی سنجاغی طاشیمق شرفی نصیب اولمادی .

فرانسه - تورکیه مقارنتی

بالقان محاربه سندن سوکرا تورکیه نك داخله و خارجاً دوچار اولدینی غوائلدن تخلیصی ایله تقویه سنی وهیت دولیه آره سنده آرتیق موقع مخصوصی حاجی اولسنی تأمین ایچین یکانه چاره شمدی به قدر تعقیب ایدیلان تدافعی سیاست یرینه فوال برسیاست اقامه سی اوله جغنی تقدیر ایتیش اولان اتحاد و ترقینک داخلی و خارجی سیاست دولت حقنده تثبیت ایتدیکی اساساتدن بالاده مجمللاً بحث ایتیش ایدم . بوسیاست فعاله دولتك حرب عمومی به دخولی انتاج ایتیش اولمقله بوبحثك مبادیسنده بوخطوط اساسیه یی بردها ذکر ایتدیکی مناسب کوردم . سیاست داخلیه نقطه نظرندن حل اولونه جق الك مهم مسئله شمیدیکی تعبیری وجهله دولتی ترکیب ایدن عناصر مختلفه دن اقلیتلرک تعیین حقوقی و آنلرله اکثریت آره سنده مخادنت ومودتك تأمین حصولی ایدی . عربلرله بالاده تفصیلاً عرض ایتدیکم اساسات دائره سنده برصورت تسویه قرارلاشدیرلش و کرچه بوصورت تسویه بوتون عرب پولیتقه جیلرینی ممنون ایدمه مش ايسه ده هر حالده خالص مسلمان حسیاتله متحسین اولان عظیم عرب کتله سنجه کافی تلقی ایدلمشدی . بولغارلرله عناصر مسئله سنه أبدی برصورت حل بولنش وحدود عثمانیه داخلنده آرتیق بولغاردن اثر قالمامشدی .

فقط يك شمارق برطور طاقینمش وقرالنه اون اوچنچی قسطنطین نامی ویره جك قدر بیزانس امپراطورلغی قورمش اولان یونانلرله بهمه حال پك قریب بر آتیده بر مجادله قطعی به کیریشه جکمز هیهچ شبهه اولمادیغندن بومجادله ائناسنده داخلده کی روملر طرفندن برکونا اخاتنه معروض قالماملغمز ایچین اولجه عرض ایتدیکم وجهله آیدین ولایتی روملرله ما کدونیا اهالی اسلامیه سنك مبادله سنه ابتدار ایدلش وبرطرفندن آوردو ودونماتك اصلاح وتقویه سنه ، برطرفندنه خارجی اتفاقلر تأمیننه باشلامش ایدی . عناصر مسائلنده الكهمی ارمنی مسئله سی ایدی . قارلریمی بوتون موجودیتله تأمین ایتك ایسترمکه بومسئله یی ازمنیلرک سعادت وممنونیتی موجب اوله جق صورتده تسویه ایتك اتحاد و ترقی فرقه سی ارکانك الك زیاده آرزو ایتدیکی خصوصاتدن بری ایدی . بن بونی

اثبات وتفصیل ایتمکه مقتدرم . فقط بویك مهم مسئله یی آیریحجه بر بخشده تفصیل ایتمکی دها مناسب تلقی ایدیورم .

ارمنی اصلاحاتنك طرزوشكافی قرارلاشدیرمق ایچون دول معظمه باش ترجمانلرندن ترکیب ایدن یکی کوی قومیسویننده روس باش ترجمانی دائماً اعظمی بر پروغرام تکلیف ایدیور المان باش ترجمانی ایسه اوکا مقابل اصغری بر تکلیف در میان ایدیوردی . بر طرفده فرانسه وانکلیر دیکر طرفده اوستریا وایتالیان باش ترجمانلری متوسط رولنی ایفا ایدیوردی . خلاصه قومیسون اوزون مدت اجتماعلردن صو کرا قطعی برقرار ویرهیهرك اعظمی واصغری پروغراملر حالده عائد اولدقلری سفارتلره تقدیم مقررانه مجبور اولدی . متعاقباًمذا کراته باب عالیده فقط یالکز روسیه و آلمانیا سفیرلرله صدراعظم پاشا آراسنده دوام اولونمش وسفرای سائر اعظمی واصغری پروغراملرک مدافعی اولان بویکی سفیر آراسنده تحصیل ایده جك استلافه موافقت ایده جکاری بیانیله ایشدن چکلمشلردی .

بوحادثه يك اعلا کوستیریوردی که بزم روسیه دن تمامیه آمین اولایلمک کلمز ایچین انکلتروفرانسه نك وباخصوص افکار عمومیه سنك دوستلغنی قزاقمقدن باشقه چاره مز یوقدر . آوروپاده بر حرب عمومی ظهور ایدجکنی وباخصوص آلمانیا نك بزم خاطریمز ایچین روسیه یه اعلان حرب ایده جکنی رؤیاده کورسه ك خیره یورمیه جقدق . بز دیوردق که وطنمرك دها ایلک کونلرنده بزى انکسار خیاله اوغرادان بوسنه هر سك الحاقی آلمانیا نك الكصادق متفق اولان اوستریا طرفندن یاپلدینی حالده آلمانیا نه یاپدی ؟ طرابلس غرب وبنغازی یه آپانسز تجاوز ایدن ایتالیا ؛ اوکا قارشى يك صادق کورونمسه بیله هر حالده آلمانیا نك متفق دکلمی ایدی ؟ آلمانلر بزدن اقتصاداً استفاده ایتك ایستلر وبو استفاده نك تهلكیه کیرمسنه قطعياً ممانعت ایدرلر . بودفعه ارمنی اصلاحاتی مسئله سنه مداخله لری ده منحصر آروس نفوذینك بغداد خطی جوارلرینه قدر اتساعنه مانع اولمق مقصدینه مبتنیندر . یوقسه بر تهلكه وقوعنده بزى قوتله صیانت ایتك آلمان سیاستك یانته بیله یاقلاشماز !

حتی تورکیه نك ترقی ایده بیلمسی ایچین محتاج اولدیغی پارایی تدارك خصوصنده بیله بزه یارديم ایده میه جکنی و بزم ایچین بو خصوصده یکانه چاره فرانسلرله خوش کچینهرك پارس پیافه سندن هر زمان ایچین پارا تدارکی امکانی محافظه ایتمکدن عبارت اولدیغنی آلمانلر آچیقندن آچیغه سویله مدیلرمی ؟

بو حاله کوره اولافرانسلرله ثانیاً انکلرلرله خوش کچینمک ومملکتده اصلاحات جدیه اجرا ایتك املنده اولدیغمز حقنده کندیلرینه قناعت قطعیه بخش ایتك وبو

صورتله بزی روسیه تجاوزندن وقایه ایتلرینی تأمین ایتک اگ اساسلی مقرر اتمز
جهل سندن بولنیوردی .

انکلتزه خارجیه نظارتیه حق پاشا آره سنده جریان ایدن مذاکرات واسطه سیله
انکلیزلره آرامزده موجود مسائل مختلف بهایی حل قطعی به ایصال ایتکی پک
پک آرزو ایدیوردم .

بصره کورفرزنده و عربستان شبه جزیره سنک اقسام جنوبیه سنده تورک انکلیز
مناطق نفوذینی تثبیت ایتدیکمز کی عدن جوارنده کی نواحی شعبه مسئله سنی انکلیزلرک
موجب ممنوعیتی اولاجق طرزده حل ایتکی قبول ایتدک . بغداد شمندوفرینک
بصره به دوغرو تمیدیدی دجله و فرات نهرنده سیر سفائن اجرایی مسائلنده دخی
انکلیز طلبلرینی اسعافدن کری طورمادق . الجزیره پترول منابعی تحریمی آیدین
شمندوفرینک تمیدیدیه بعض شعبه لر علاوه سی طرزون و صامسون لیمانلرینک انشایی
امتیازلرینی انکلیز شرکتلرینه ویردک . ودها بونک کی بر چوق انکلیز آمالی
تطمین ایتدک .

داخلیه نظارتینک تنسیق ، مأمورین داخلیه مزک اصلاحی ایچین داخلیه نظارتیه
بر انکلیز مفتش عمومی ایله برقاچ انکلیز داخلیه مفتشی تعیین ، کمراکریمزک اصلاحیه ده
سیر قروفرورده حواله ایلدک . و بر چوق انکلیز رسومات مفتشی جلب ایتکی قرار لاشدیردق .
بحریه مزک اصلاحی ایچین اولجه جلب ایتدیکمز انکلیز هیئت اصلاحیه سنه غایت
واسع بر ساحه مساعی بخش ایدرک بو هیئتدن اعظمی استفاده به باشلادق . حتی کنندسیله
پک زیاده حسن مناسبت تأسیس ایتدیکمز انکلیز سفیری سیر لوئی مالهت ، انکلیز
آمرالنک بکا قارشی پک زیاده متشکر اولدیغی و شمندی تورک دونماسنک ترقی سندن
امیدوار اولدیغی سویله مشدی .

ترسانه لریمزک اصلاحی انکلیز شرکتلرینه حواله ایتدک . بو شرکتلرک استانبولده کی
مجلس اداره لری ریاسته سیر آدام بلوق کی اوتهدن بری تورک — انکلیز دوستلغنک
مروجلرندن کچین بر ذاتی کچیردک .

انکلیز شرکتلریله بحریه نظارتی آراسنده عقد اولونان مقاله به نظارتجه حرفیاً
رعایت اولوندیغندن وایشلرک بر مجرای سالمه کیردیکندن بحثله سیر آدام بلوق دفعات
ایله بکا تشکر ایتمشدی .

نهایت ارمیلرله ساکن ولایتلریمزک امر اداره سنی انکلیز مأمورلرینه تودیع ایتک
ایسته دیکمز حالده روسیه طرفندن دوچار اولدیغی ممانعتدن طولای انکلتزه نك جواب
ردینه معروض قالدق . انکلتزه حکومتنک بو طرز حرکتی سیر لوئی مالهتک بیله پک
زیاده موجب حیرت وحدتی اولمشدی .

انكلیزلك سیاسی فرقه من حقنده کی عدم توجهی سفیر سابق سیر چهارار لاوئر زماننده باش ترجمان فیچ موریس ایله آتشمیلتر تیریلک یابدقلمی انترقیه لرله حمل ایتدی کمزدن سفیر جدید سیرلوئی مالته کلیر کلمز باخصوص محمود شوکت پاشا علیه یاپیلان سوء قصده بانفعل اشتراک ایتدکلی تدقیقات ایله ثابت اولان بواکی انترقیانک استانبولدن اوزاقلاشدیرلملری پرنس سعید حلیم پاشا آچیقندن آچیه سفیردن رجا ایتش و پک یقین برزمانده بو آرزونک تحصیلی کوره جکیزی مشارالیه وعد ایتشدی . فی الحقیقه برآی صوکرابو ایکی آدام مملکتیزدن دفع اولوب کیتدیله . و بزده پک نازک وجداً ناموسکار و خیرخواه بولدیغمز سیرلوئی مالته ایله پک صیق و صمیمی مناسبات شخصییه ادامهنه باشلادق .

بوتون بوتقویه مناسبات خصوصیه تشبثاتندن مقصدم انکلیزلك تورکلر حقنده کی سوء نظری ازاله ایتک و تورکیه نیک تقویه سنه معطوف اولوب صوک زمانلرده روسیه ایله عقد ایتدیکی ائتلافندن طولانی دوچار تبدل اولان عصر دیده انکلیز سیاستنه امکان اعاده بخش ایتک ممکن اولوب اولمادیغنی تجربه ایتک ایدی .

استانبولده سفیر ایله سفارتخانه یه منسوب ویا مستقل برچوق انکلیزلرله سبق ایدن بومساعیدن باشقه انکلیز - روس ائتلافنک شدید علیه دارلرندن اوکا مقابل انکلیز - تورک دوستلغی مروجلرندن سیر طوماس بارقه یله ودها سائر انکلیز رجال مهمه سیله مناسبات صمیمه پیداسندن کری دورمیوردق .

کرك حكومت عموماً كرك حكومتی تشكیل ایدن ذوات شخصاً انكلیزلرله رسمی وخصوصی مناسبات و معارفات تأسیسنه ساعی بولوندقلمی صروده فرانسزلرله ده مقارنت تأمیننه چالیشمقدن برآن خالی قالمیورلردی .

ذاتاً اوتهدنبری ژاندرمه مركز تنسیقی جنرال بومان اسمنده کی فرانسز جنرالنه تودیع اولنمشدی . بو جنرالک دائره صلاحیتی توسیع اولوندیغی کی اوزمانه قدر حدود تنسیقیه دن خارج بر اقدیرلمش اولان جبل لبنان ژاندارمه سنک تنسیقی بیله ؛ فرانسزلك موجب ممنونیتی اولور ملاحظه سیله ؛ بو جنرال حواله اولونمشدی . ممالک عثمانیه یوللرینک انشاسی بر فرانسز شرکته تفویض ایدلیکندن برچوق فرانسز مهندسی نافع نظارتی خدمته آلمش و بونلرک عددلرینک تزیدی بیله دوشونیلمشدی .

امور مالیه مركز اصلاحی ایچین اولجه قبول ایتدی کمز اصلاحات مالیه قومیسوننه ودها واسع بر صلاحیت و یردک و هیچ بر قانون مالیزک اشبو قومیسوندن کچمه دکجه مجلس مبعوثانه تقدیم ایدلمه سنه اعتنا ایتدک .

مالیه مأمورلری عزیزی دائمی بر تفتیش و مراقبه آلتنده بولوندیرمق و بوسایه ده مأمورین مومی الیهیم آراسنده حس وظیفه و مسئولیتک حکمران اولسنی تأمین ایتک

ایچین مأمورین مالیه مفتش عمومیلکنی موسیو ژولی اسمنده کی بفرانسزه تودیع ایتدک . اوزمان انکلیز ، فرانسز دوستلغی هر نه بهایه اولورسه اولسون قازانمغه سعی ایدیوردق و بوسی اوقدر عمومی ایدی که اگر امکان متصور اولسه یدی ؛ اعتماد اولونسون که به اردومزك تنسیق ایشی بیله بفرانسز هیئت اصلاحیه سنه تودیع ایتدکن چکینمیه جک ایدک . فقط بو بزم ایچین امکانسزدی . اولاً ؛ اوردو ضابطانمزدن بر چوقلری آلمانیا ده اکمال تحصیل ایتش متباقیسی ده کاملاً آلمان اصول حربنه توفیقاً تعلیم و تربیه ایدلشدی . متخصصلرجه انکار اولونمیه جق حقایقندرکه بر اردونك كرك تنسیقاتی و كرك تعلیم تربیه سی بر کره معین بر پرنسیب داخلنده اجرا ایدلیدی اونك قولای ، قولای و با خصوص محاذیر عظیمه یی موجب اولقسزین بشقه بر پرنسیبه توفیقاً تنسیقنه امکان یوقدر . ثانیاً ؛ محمود شوکت پاشا مرحوم زماننده بزه بر هیئت تنسیقیه کوندرملری آلمانلردن رسماً رجا اولونمش و اونلرده بو رجامزی قبول ایتدکلرینی تحریراً بیلدیرمشلردی . آتیلش اولان بو خطوه یی کری آلتق قطعاً جائز اولاماردی . اساساً بزم ایچین هیچ بر سوءنیت بسله مین بر حکومتی بزه فالحی یا پلملری مأمول اولان دیگر حکومتلری ممنون ایتک ایچین ضماً تحقیر ایتک ال جاهلانه و قیمت ناشناسانه بر حرکت عد اولونه بیلیردی . بناءً علیه اوردو حقه ندکی مقررانمزی تبدیل ایتکی هیچ دوشونمده ك و لیان فون ساندرس هیئت اصلاحیه سنك ورودندن صوکر ا ظهور ایدن کورولتیرده ده هیچ پاپوج بر اقادق .

استقراض مذاکراتی ائساننده فرانسزلرك طلب ایتدکلری بر چوق منافع مادیه یی قبول ایتدکده کی مقصدلریمزدن بری ده فرانسز افکار عمومیه سنی لهمزه قازانمقدن بشقه برشی دکدی .

مختلف پییده سفائن حربیه یه مالک اولمق اک بویوک محاذیر فنیه دن معدود اولدوغی حالده فرانسزلری ممنون ایتک ایچین هاوردستگاهلرینه آلتی مخرب و قروزو فابریقه سنه ایکی تحت البحر سپارش ایتدک .

فرانسز جبل طویلرینك قروپ جبللرینه فائقیتی الكماهر طوپچیلق متخصصلریمزدن حسن رضا پاشانك تدقیقاتیله تظاهر ایدنجه فرانسه یه بر چوق جبل طویلری سپارش ایتدک . بحریه طیاره مکتبی تأسیسی فرانسز متخصصلرینه حواله ایتیه یی قرارلاشدیردیغمز کجی فرانسز شرکتلریندن برینه اون ایکی دکز طیاره سی اصهارلادق .

نهایت فرانسه - تورکیه دوستلق جمعیتی نامیه استانبول وپارسله مقابل مرکز عمومیلری بولنان بر جمعیتك تشکیله دخی تشبث ایدرك بو تشبثده موفق اولدم . بوجمیت استانبولده بزم وپارسله خارجیه ناظر اسبقی موسیو قروپینك ریاستی آلتنده بولونا جقدی .

جمعیتک استانبول تشکیلاته عائد نظامنامه لر مؤسسین نامنی ویردیکم بر هیئت معرفتیه قلمه آندی . بوهیئنه فرانسز وتورکلردن پک چوق ذوات داخل بولنیوردی . جمعیت نظامنامه سی تنظیم وداخلیه نظارتیه اصولاً بیاننامه سی تقدیم ایدلا کدنصکره بک اوغلنده « اونیون فرانسه ز » سالوننده مراسم تأسیسیه سی اجرا ومختلف شعباتی ایچون لازم کان انتخابات اجرا اولوندی .

جمعیتک غایه تشکیلی اوقدر واسع ایدی که تشکیلات نظامنامه سی حقیه تعقیب وتطبیق اولنورسه براییک سنه ظرفنده فرانسز - تورک مناسباننده شایان ممنونیت برضلاح حصوله کلمه سی امکانسزدی .

مع هذا بوتون بوتشباتدن مقصدیمز حیاتی منفعتلیمزک استحصالنه تثبیت ایتدی کمز صروده فرانسز مطبوعات وافکار عمومیه سنک واونلره مستنداً فرانسز سیاستنک لهمزده انکشاف ایتسنی تأمیندن عبارت اولدیغی هرفرصتدن استفاده ایله سفیر موسیو بومپاره سوبله مکدن کری طورمازدم .

۱۹۱۴ سنه سی تموزی واسطنده ایدی ، نه کی بروسیله ایله اولدیغی تخطر ایتیه بورم . برکون موسیو بومپارایله سفارتخانه ده کوروشورکن دیدی که :

« سنزک فرانسز - تورک محادثی حقنده بوراده صرف ایتدی کمز مساعی نظردقی جلب ایتش اولدیغندن سنزکله دها یاقینندن طانیشمق وسزی فرانسز کتله سنه دها طانیتمدیرق ایچین فرانسز حکومتی سنزک فرانسه یی زیارت ایتیه کزی آرزو ایدیور . عجباً فرانسز دونماسنک تموز ظرفنده ایفاسی نیتنده بولوندیغی بحری مانوره لرده بولنق اوزره حکومت متبوعه م سزی دعوت ایده جک اولورسه ؛ بو حکومت عثمانیه جه ممنونیتله تلقی ایدیلیرمی ؟ بونی صدراعظم پاشادن استمزاج ایتک نیتنده ایسه مده اول امرده سنزک موافقتکزی آلمق ایسته دم . »

شاید صدراعظم پاشا موافقت ایدر ومساعده سنیه شرفتعلق بیوریلیرسه مع المنونیه کیده جکمی سوبله دم .

برقاج کون صوکر موسیو بومپار فرانسز حکومتک دعوتی رسماً باب عالی یه تبلیغ ایله مشدی

تام اوکونلرده معهود [سراپوه] جنایتی ده وقوعه کلمش بولنیوردی . پارسده نه یوله برلسان قوللا متلعغم لازم کله جکنی ، خارجیه ناظری ایله کوروشدیکم صروده نلردن بحث ایتک کلمک مناسب اولاجغنی صدراعظم پاشا حضر تلریله دیگر آرقداشلردن صوردم . « مسلك سیاسیمز سنزکده معلومکز اولدینی ایچین تظاهر ایده جک فرصتلردن بالاستفاده فرانسز دوستلغنه ویردیکمز اهمیتدن وعلی الخصوص بزم ایچین بر مسئله حیاتیه اولان آطه لر مسئله سنک بر حل قطعی یه اقرانی ایچین فرانسه

سیاستندن پک بویوک استفادہ لر بکلمہ مکدہ اولدیغمز دن بحث ایدرسکمز . بالخاصہ خارجیه ناظرینک نظر دقتی بونازک مسئلہ اوزرینه جلب ایتمکک چالیشیرسکمز . « دیدی . استانبولدن یاتمہ ایکی بحریہ ضابطی آلار ق حزیران نہایتندہ پارسہ متوجہاً حرکت و تموزک ایلک کونلرنده مواصلت ایتدم .

دها اولجہ پارسہ کلملرینی یازدیغم واصف و رؤف بک لری اورادہ بولدم . رؤف بک سلطان عثمانک سرعت و انداخت تجربہ لرینک اجراسی حقندہ بعض تعلیمات ویردیکم صرمدہ انکلیزلرده غریب برحالت روحیه مشاهدہ ایتمکدہ اولدوغنی و عادتاً سلطان عثمانک تأخیر ختام و تسلیمی ایچین هر کون بر بشقہ بہانہ ایجاد ایتمکدہ بولونقلرینی خبر ویردی . بوکا مقابل بزمده غایت متیقظ داورانہرق بر آن اول کمی بی تسلیمہ موفق اولمقلغمز لازمکله چکی جوانی ویردم . انشآت شرکتی کمینک اون درت طوپندن ایکینسک زمان معینہ قدر یرینہ قونیلہ مایہ جغنی سویلہ مش ایدی . مذکور ایکی طوپک بالا خرہ استانبولده یرلرینہ قونیلہ بیلہ جکنہ و بناءً علیہ تجربہ لریک ایکی طوپ نقصان اولار ق یا پیلیمسنہ موافق ایتدیکمہ دائر یازدیغم جوابی ده رؤف بک ویردرک و شفاهی برچوق تعلیمات دہا اعطا ایدرک کندیسینی انکلتریہ اعادہ ایتدم . و واصف بکی یاتمده آلیقویدم .

پارسده یالکز ایکی کون قالدقدنصو کرہ لیون و مارسیلیا طریقہ طولونہ عزیمت و اورادہ بکامنتظر اولان فرانسیز قوای بحریہ باش قوماندانی آمیرال « بوئودولاپریہر » ملاقی اولار ق قوماندان سفینہ سی اولان « آمیرال قوربہ » دندہ تنوطنہ را کب اولدم . اولطیف « قوت دازور » ده اوچ کون اوچ کیجہ دوام ایدن متعدد بحریہ مانورہ لرینک خاطرہ سنی ہیچ اونودامیہ جغم .

پک مرد واسکی بردک زجی اولان آمیرالک حقمده بسلہ دیکی مسافر پرورلک حقیقہ ہر درلو تخمینک فوقندہ ایدی .

اوچ کون صوکر ا دونما اخراج قوتنک قرمدہ اجرا ایتدیکی بر رسم کچیدی متعاقب آمیرال دن مساعده استحصال ایدرک شمند و فرلہ عودت ایتدک . درت ، بش کون دوام ایدن متعدد طوپ و تفنک فابریقہ لری ، تحت البحر ، انشآت دستکالہری زیارتلرندن صوکر ا پارسہ دوندک . ۱۴ تموزدن اول ہاور دستکالہرینی زیارت ایتکی ده اونوتمدہ ق .

موسیو ویویانی ایلہ خارجیه نظارتندہ ایکنجی ملاقاتمز اثناسندہ ایدی ، بردنبرہ برطور مہم طاقینہرق بکا دیدی کہ :

« پاشا حضر ت لری ! سزکله پک مہم مسائل اوزرینہ تعاطی افکار املندہ ايسہمده بو صرمدہ مجلس مبعوثاندہ جریان ایتمکدہ اولان مذاکرات بوتون فیکریی اوقدر

اشغال ایدیورکه بشقه بر زمین اوزرینه ممکن دکل کله میورم . رئیس جمهور ايله برابر روسیه به برسیاحت یاپمه من الزم . سوسیالیستلر بوکا مانع اولق ایچین سیاحت مصر فنه متعلق تکلیف قانونی رد ایتدیر مک ایستیورلر . بو وبوندن متولد نامتناهی تفرعات ! خارجیه نظارتی امور سیاسیه مدیری موسیو مارژوری به تعلیمات لازمه یی ویردم . سزکله بر موعده ملاقات قرار لاشدیر اراق اوزون اوزادی به کوروشمسنی رجا ایتدم کنیدیسی طرفندن مراجعت وقوع بوانجه اسعاف ایتمکزی رجا ایدرم .

آرزولریمک نهایت تحصیل ایتمک اوزره اولدیغی آکلامش وپک ممنون اولمشدم . نهایت موسیو مارژوری خارجیه نظارتی طرفندن مهماندارلغمه تعیین ایدلمش اولان امور شرقیه مدیری واسطه سیله بر موعده ملاقات طلب ایتدی . خارجیه نظارتنده کندی بوروسنده کوروشمک هر شیئدن اعلا اوله جنی جوابی ویردم . ومعین ساعتده موعده ملاقاته کیتدم .

موسیو مارژوری بنم فرانسر - تورک دوستلغی تقویه ایچین صرف ایتدیکم مساعینک بوتون فرانسه حکومتی وافکار عمومیه سنجه کمال شکران ايله کورولدیکنی وشمدی به قدر ایکی ملت وایکی حکومت آراسنده تحصیل ایدن سوء تفهملرک بوسایه ده بر طرف اولق امکانی بولنه بیله جکنی سویله مک باشلادی . بردن به لاقیر دینی کسه رک دیدمکه :

« دیرکتور افندی ! مساعده ایدرسه کز سوزی اوتیه بری به دولاشدیر مقدن زیاده دوغرو دن دوغرویه مقصده کله لم . بیلورسککز که عثمانلی ایمپراطور لنی مبادی تجاوزه اوغرامق یوزندن پک ضعیف دوشمش و صوک بالقان محاربه سندن مجالسز بر حالده حقیقه رق اوروپاده کی ملککنک هان کافه سنی ، اطه لرندن بر چوقلرینی ضایع ایتمشدر . شمدی بز بوضعیف در مانسز حکومتی تدای ایتمک ، اوکا یکی بر حیات ویرمک ایچین بوتون موجودیتمز له چالیشیورز . فقط بعض احوال وار که بزم تشبثات مداواتکارانه مز ی تأثیرسز براقیور . ایشته بو احوالی بر طرف ایتمک بزم بو کونکی اک مهم وظیفه مز ی تشکیل ایدیور .

یونانلیلر له آرا مزده منازع فیه اولان اطه لر مسئله سندن بحث ایتمک ایسته یورم . سز یونانلیلر حقنده کی محبتکمز واونلردن آتیا امید ایتدیکنز منافع دولایسیله یونانلیلری دائما صیانت ایتمکی موافق حکمت سیاست تلقی ایدیورسکمز . فقط موسیو مارژوری ، خریطه یی آچوب تدقیق ایده جک اولورسه کز کوره جکسکمز که بز بکون فرانسه یه بونانستاندن ده ا زیاده لازم اولاجغز .

اعضاسندن بولوندیغم حکومت عثمانیه دیورکه :
« فرانسر وانکلیز سیاستنک مقصدی مرکزی ایمپراطور لقلری برچلیک چنبر . ایچینه آلمقدز . بوچنبرک جنوب شرقی قسمندن ماعدا هر طرفی اتمام اولونمشدر .

بوصوك قسمك اتمام اولوناماسنه سبب توركيا ايله بولغارستاندر . اكر توركيا ائتلاف
مثله كيرسه بالقانلرده منفرد قالاجق اولان بولغارستان دخی بهمه حال بوقومبینه زونه
كيرمك مجبوریتنده قالیر

بناءً علیه بوجللك چنبرك اتمام ایدلمسنى ایستیورسه كز یونانستانله بزم آرامزده
آطه لمسئله سی ایچین برصورت تسویه بولو كز . متعاقباً بزى ده دائره اتفاقكزه
آلارق روسیه دن بکله دیکمز مدھش ضربه لره قارشى بزى صیانت ایدیکمز . پك
آزبرزمانده ترقیاتمزی تأمین ایدرك شرقده قوی برمفقہ مالک اولو كز !

بن ظن ایدیورم که سراپوه جنایتی بر دنیا حربی انتاج ایدجك ماهیتی حائزدر .
بویله زمانلرده بوکی تدایرك اتحادنده التزام سرعت شرطدر .

تکلیف هر درلو شبه وترددن آزاده ایدی : آطه لمسئله سی ایچون یونانلرله
آرامزده برصورت تسویه بولمق ، تورکيا ايله اتفاق ایدرك آلمانسیاه شرق یولنی
بوستون قاباقی .

موسیو مارژوری بر مدت دوشوند کدن صو کرا آطه لمسئله سنك حلی حقنده
نه کی برصورت تسویه تصور ایتدیکمزی صوردی . مثلاً؛ ایتالیا دن اعاده ایدیلجك
اولان « دوده قاندر » آطه لرینك ده علاوه سیله عموم حکومت عثمانیه حاکمیتی تحتنده
مختاریت اداره بخش ایتك ، بوتون وارداتی آطه لك عمرانه صرف ایتك ، اهالی
محلیه یی خدمت عسکریه دن معفو بولوندرمق وسائرہ کی برچوق منافع ویریله سیله جکنى
سویله دم .

نهایت دیدی که :

« آطه لمسئله سنك صورت حلی حقنده کی تکلیفاتکزی شایان تأمل کوریورم .
وبو اساسات دائره سنده مسئلنك حل قطعی به ایصال ایدیله سیله جکنى ظن ایدرم .
مرکزی ایمپراطورقلر ایچون تصور ایتدیکمز چلیك چنبری پك کوزل کشف
ایتمشکمز . فقط سزکله براتفاق ویا ائتلاف سیاسی یابه سیلمه مز ایچین متفقمزك بوکا
موافقت ایتسی لازمدرکه بونك قابل اولوب اولیه جفی شبهلی . مع هذا حکومت
عثمانیه نك بودفعه کی تکلیفی غایت صریح وبارز . رئیس جمهور ايله قاینه رئیسك
پترسبورغ زیارتلرنده بنده کندیلرینه رفاقت ایدجکم . مطالعاتکزی متفقلریمزه
ابلاغ ایدرم . اولرله مشترکاً ویره جکمز قرار اوزرینه سفیریمزه تعلیمات مقتضیه
ویریز . شیمدیلک مع التأسف فرانسه حکومتی هیچ برمنفرد تشبثده بولونه ماز .
جوابك باشند صاومه لنی پك آشکار کورونیوردی . پك اعلا آکلایوردم که
فرانسه بزم روسیه نك نچه سندن قورتولما مزه امکان موجود اولمادینی قناعتنده در .
وزره هر نه مقابلنده اولورسه اولسون معاونت ایتك ایسته میور . فرانسه سیاحتم ائناسنده

دائماً بکا رفاقت ایتش اولان دوستم موسیو ژورژ ره یمن اوکون آقشام اوزری، ملاقاتدن منون اولوب اولمادیغمی صور مشدی. بالطبع تفصیلات ویرمکدن اجتناب ایدرک: « بوقدر بویوک برانکسار خیاله اوغز ایاغمی هیچ امید ایتدزم .» دیدم .

۱۹۱۴ تموزینک ۱۸ نجی کونی پارسدن استانبوله عودت ایدرکن ژورژ ره یمن ترنده آله بر مجموعه ادبییه طوتوشدیردی .

اسمنی اونوتدیغم بوجمعه ده نام مستعار قوللانان بر فرانسز محرری تقریباً شویله دیوردی :

« جمال پاشا پارسه کلدی . بحر سفید دونتاسی مانوره لرنده بولوندی . رسمی و غیر رسمی محافل کنندیسنی آلقیشلادی . لژیون دونورله ده تلطف اولوندی . بونلرک همی پک اعلا . فقط جمال پاشانک هرشیدن زیاده سودیکی وطنی ایچون فرانسه حکومتی مادی اولارق نلر وعد ایتدی ؟ بزم بیلدیکمزه کوره جمال پاشا اک حرارتلی تورک وطنپرور لرنددر . شخصی معطوف آلقیشلردن هیچ بری بو وطنپروره مملکتی حقنده استحصال ایتک ایسته دیکی منافعدن صرف نظر ایتدیرمز . اگر جمال پاشا بودفعه کی زیارتندن مملکتی ایچون هیچ برشی استحصال ایتهدن عودت ایدیورسه استانبوله کیدر کیتمز فرانسه نک خوشنه کیتیمه جک تشبثاده بولونماسندن طولانی کندیسته داریلغه هیچ حقمز اولامز . »

فرانسز محرری نه قدر دوغری سوبله یوردی .

موسیو مارژوری ایله جریان ایدن مکالمه مزی و بوندن حاصل ایتدیکم تحساستی صدراعظم پاشا ایله دیگر آرقاداشلره ایضاح ایتدم .

آلمان - تورک اتفاتی

آلمان - تورک اتفاتی شمدییه قدر هر کسک ظن ایتدیکي کي حرب عمومی اثناسنده عقد اولونمادی .

کرچه امضا مسئله سی ۲ آغستوس ۱۹۱۴ ده واقع اولدی ایسه ده مذاکراته جرب عمومیدن اول باشلاندى .

مذاکراته نه زمان و کیمک تشبیه [Initiatif] باشلانیش اولدیغی تا معاهده نک امضا اولوندیغی کونه قدر بیلیمه یو دم . فرانسه دن عودت ایتدیکم کونلردن برنده ایدی طلعت بک بکا دیمشدی که :

« پاشا ! آلمانیا بزه شو وشو شرائط داخلنده بر اتفاق تکلیف ایتسه نه دیرسک

قبول ایدرمیسک ؟ ایسته کوردک که فرانسه دن خیر یوق . فرانسه اولادیغنه کوره آلمانیایی ده رد ایدرمیسک ؟ . »

درعقب جواب ویردم : « تورکیه یی منفرد وضعیتدن قورتاراجق اولان بویله بر اتفاقی درعقب قبول ایدرم . » دیدم .

۲۳ تموز کونی عید ملی مناسبتیه لوند چفتلکننده اجرا اولونان بویوک رسم کچیدده آلمان سفیری بارون فون وانکنهایم یانمه صوقولارق :

« نصل ، جمال پاشا ! بک آرز برزمانده آلمان ضابطانک استحصالنه موفق اولدقلری خارقه انکیز نتایجی کوردیکزمی ؟ ایسته سزه برتورک اوردوسی که دنیانک اک معظم اوردولردن تفریق ایدیه میه جک برظواهره مالک . بوتون آلمان ضابطانی تورک نفرنده کی قوه معنویه نک هردرلو تخمینک فوقنده اولدیغنی تصدیق ایتکده متفقدرلر . بویله بر اردویه مالک اولان بردولتک متفق اولقی اک بویوک موفقیتلردن عد اولونه بیلیر . »

ملتم واردوسی حقدده کی تقدیرانندن طولایی سفیره تشکر ایدرکن آلمان - تورک اتفاقنه عائد مذاکراتدن ذره قدر خیرم یوقدی .

برقاچ کون صوکرآ، ظن ایدیورم که جمعه کونی ایدی، آقشام اوزری شیشلیده کی اویمک اوکنده اوتوموبیله بینمک اوزره ایکن عثمان بک غازیونسک کوشه سندن انور پاشانک قوناغنه کیدن جادیه صاپان بر اوتوموبیل ایچنده انور پاشا ایله طلعت وخیل بکری کوردم . اوتوموبیل ماصلاق طرفندن کلیوردی . بونلرک بو وقت زه دن کله بیله جکلرینی دوشوندیم . صدراعظم پاشانک یکی کویده کی یالیسندن باشقه برردن کله مزلردی . آرقاداشلرک بدن کیزلی بعض مذاکره و تشبثلری اولدیغنه اثر فکریمه برشبهه دوشدی . اوزمانه قدر هیچ بویله برشبهه تولید ایده جک بر حاده قارشیسنده قالماشدم . کیده جکم یره کیدوب عودت ایتدکن صوکرآ انور پاشایه تلفون ایتدم . کچ وقت نه رده دن کلدکلرینی صوردم . بر آرز وقت کچیرمک ایچین صدراعظم پاشایه اوغرا دییی واوراده خلیل وطلعت بکلره تصادف ایدرک برلکده عودت ایتدکلری جوانی ویردی . فقط جوابک طرز تلفظندن ثم التدارک اولدییی ذهانی حاصل ایتدم . وشبهه لرم ده ا زیاده آرتدی . ایرتسی کون بحریه نظارتنده بولنیوردم . صدراعظم پاشانک یکی کویده کی یالیسنده برانجمن وکلا مجتمع اولدیغندن اورایه کلمکلکم رجا اولوندیغنی یاورم خبر ویردی . همان اوطوموبیله بینهرک شیشلی ، زنجیرلی قویو ، استیه طریقیله حرکت ایتدم .

آیاس آغا کوشکی حیرالنده بولوندیغم صروده او قدر شدید بریاغموره طوتلدم که روزکارک ویاغمورک شدندن اوتوموبیل ایله ایلرله مه نک امکانی قالماشدی . استانبول

افقی بوقدر شدید و بورالی یاغموری چوقدنبری کورمه مشدی. تکرار بحریه نظارتنه عودتله استمبوطه بینهرک یکی کویه کیتدم. صدر اعظم پاشانک یانه کیر کیرمن: « نروده قالدیکز حال پاشا؟ آرقاداشلر بکله دیلر، بکله دیلر شمدی کیتدیله. اوتوموبیل یله حرکت ایتدیکیزی بحریه نظارتدن خبر ویردکلی ایچین یوله بورا اتاسنده برقصایه اوغرا دیگزدن بیه قورقدق. هر نه حال ایسه مادامک کلدیکز، آرتق مراق ایده جک برشی قالمادی دیمکدر. شمدی سزه غایت ممنون اوله جغکیز بر حوادث وبره جکم. باقلم نه اولدیغی کشف ایده بیه جکمیسکر دیدی.

برآز دوشوندم. بالطبع برشی کشف ایده مدم ایسه ده شمدی به قدر کیزلش اولان اسراره واقف اوله جغمی آکلادم. « کچن کون بن یوقکن انور پاشا، طامت و خلیل بکلره قرارلاشیدیرلمش برشی اولسه کرک. فقط نه اولدیغی تخمین ایده میورم. » دیدم.

« آلمانیا حکومتی بزه اتفاق تکلیف ایتدی. بزه بونی منافع مملکته موافق تلقی ایتدیکمزدن بو کون اتقاقنامه یی سفیر وانکنهایم ایله برابر امضا ایتدک. نصل ممنون اولدیکزمی؟ » دیدی.

هیچ حاضر لاندیم بخرک اهمیتی قارشینده مهوت قالمشدم. « شرائطی نفع مملکته خادم ایسه شایان ممنونیت بر حادئه سیاسیه عد اولونا بیلیر. » دیدم. « حقوق متساویه اساسنه مستند وهر ایکی طرفک منافعی کافل، شمدی به قدر هیچ برعثمانلی حکومتک عقده موفق اوله مادیغی شکلده بر مقاوله! » دیدی و خصوصی قابینه سنه دوغرو یورومک باشلادی. برلکده کیردیکمز اوطه ده ماصه سنک اوکنه اوطوردی. کلیدی بر کوزدن بر قاچ ماده دن عبارت معاهده نامه یی چیقاردی. اوقودم، ایکی مستقل دولت آراسنده حقوق متساویه اساسنه مستند پک کوزل بر معاهده اتقاقیه اولدیغی کرردم.

« یا آوستریا؟ » دیدم. « آلمانیا ایله عقد ایتدیکمز معاهده نامه موادینی کندی حکومتک عیناً قبول ایتش اولدیغنه دائر سفیر پاللاویچنی ده آرقاداشلر بورادن کیتدکن بر قاچ دقیقه صوکر و سزک و رودیکزدن یارم ساعت اول بر مکتوب کتیردی. ایشته او مکتوب بوراده دیدی و کوستردی. « یا ایتالیا؟ » سؤالی ایراد ایتکدن کندی می آلامدم.

« هنوز آلمانیا حکومتی بزم اتفاق مثلث غروپنه داخل اوله جغمزه دئرا ایتالیا به برشی آچماش اولدیغندن اوندن شمیدیک بر خبر یوق. اولاً آلمانلر زمینی حاضر لایه جقلر صوکر ایتالیا نک دخی آوستریا کی بر وثیقه سیاسی ایله اتقاقیزی قبول ایده جکنه هیچ شبهه اتمیورز! » جوابی ویردی. اولدقجه اوزون بر مذاکره محتاج اولان

بوتشئی شمدی یه قدر نیچین صاقلادقلرینی صورمقدن منع نفس ایدهمدم ، بواشی بالذات کندیسسی اداره ایتدیکنی حتی قطعیت کسب ایدنجه یه قدر دیگر آرقداشلرده هیچ برشی آچمادیغنی واونلرکده آنجق بوکون خبردار اولدقلرینی ایما ایدر بعض سوزلر سویله دی . وعلاوه ایتدی :

« حتی جاوید بکک حالا خبری یوقدر . اونیده دعوت ایتدم . شمدی یوله در . بورابه کلنجه اولاده دیگر آرقداشلره وسزه اولدینی کبی معاهده نامه یی کوستره جکم . »
 بوتون وکلانک بواشدن خبری اولوب اولمادیغنی صوردم . « وکلا ایچنده بوتشبتک عظمتندن اورک رک بو مهم دولت سرتک وقتندن اول شیوعنی موجب اولایله جک تظاره نه سببته توسل ایدم جک ذوات بولندی ایچین کافه سنی خبردار ایتک ایسته مدم .
 یالکیز شیخ الاسلام افندی حضرتلرله خلیل وطاعت جاوید بکک وانور پاشا ایله سز واقفسکیز . دیگرلری واقف دکلدرلر . ابراهیم بکک شکری بکی طلعت بک خبردار ایدم جک ومتباقیسی بوسره آگاه اولمایه جقلدر معلوم یا بوقدر نازک برمسئله ده هر درلو تدابیر احتیاطیه یی اتخاذ ایتک بزم ایچین بروطفه در . بک ایما ، هر حقیقتی اوکرنیدیکیز حاله حالا مطالعه کزی سویله میورسکیز ! » دیدی .

« جناب حق مملکت حقنده نتایج نافعہ استحصائنه خادم ایتسون . الخیر فی ماقع ! »
 دیدم . بشقه هیچ برشی علاوه ایتدم . مع هذا جداً ک مهم بر حادثه تاریخیه دیمک اولان بویله بر معاهده انفاقیه یی عقده موفق اولدیغندن طولای صدر اعظم پاشایی تبریک ایتدی اونو تمامد .

حادثه نک بویوککی نی درین دوشونجه لره سوق ایدیوردی . دیه بیلیرم که اوکیجه صباحه قدر دوشوندم . وضعیت عمومی سیاسییه یی کوزیمک اوکنه کتیره رک بوکا نظراً دولت اختیار ایتسی انسب اولان خط حرکتک نه اولایله جکنی آراشدریوردم . چونکه ؛ شمدی یه خاطر وخیالمه کتیره دیکم بر حادثه قارشیسنده بولونیوردم .

هر درلو ظواهره نظراً بک قریب بر آتیده اتفاق وائتلاف هیئات دوله سی آرسته ده مصادمه مده شهیه ابتدار اولونعق محقق ، بویله بر زمانده اکر بز هیچ بر طرفدن باشی باغلی بولونماز ایسه ک منافع مز هانکی طرفله برلکده یورومکی ایجاب ایدر سه او طرفه میل ایتک امکاتی الله بولوندرمش اولوردق . حالبوکه بز دها شمدیدن قرارمزی ویرمش ، پارتیزی اختیار ایتمش . بناء علیه سربستی اجراءات الیزدن چقمش . باری اختیار ایتدیکمز باری منفعت ملیه مز ایچین موافقی ؛ بر آرز دها بکله مش اولسه ایدک طرف دیگرک ده نافع ، ده مؤثر تکلیفاتنه تابع اولامازی ایدک ؛ وبو تکلیفاتی قبول ایتک صورتیه نفع ملکه ده خادم بر ایش کورمش اولمزی ایدک ؟

شمدی یه قدر بزه دائماً فرانسه ایله خوش کچمنه یی توصیه ایدن ، ظاهری دوستلق

حسبائی ابدال ایلہ برابر فعلی و حقیقی هیچ بر معاونت کو سترمه مش اولان آلمانیا عجبا نهدن طولانی بوسره ده بزمه عقد اتفاق ایچین استعجال کوستردی؛ باخصوص اولیه بر معاهده که دولت علیه نی آلمانیا و اوستریا ایلہ مساوی حقوقه مالک تلقی ایدیور . بویله برفداکاراغه بویکی ایمپراطورلق نهدن طولانی راضی اولدی ؟ ایشته بو بر سورو سؤال ذهنی اشغال ایدیور ، بونلری ناصل حل ایده جگهی بیله میوردم . نهایت قرار قطعی می شو صورتله ویردم .

دنیا ده هیچ کیسه نك انکار ایده مییه جکی حقیقتلردندر که روسیه ، عثمانلی ایمپراطور لغنك خصم جانیدر و استانبولی آلمق اک باشلیجه املیدر . بوا ملدن روسیه یی واز کچیرمک امکانش زدر . چارلق ، برلین معاهده سی نتیجه سنده استانبوله صاحب اولامیه جغنی آکلایجه کوزینی هندستانه دیکدی . انکلیز سیاستنک انجه لکتری سایه سنده کندیسنه اویولک قیامتش اولدیغی کورونجه اقصای شرقه توجه ایتدی . پورت آرتوره قدر اوزاندیغی آیانی ژاپونلر طرفدن قیریلنجه آل قانلر ایچنده کری چکلدی . شمدی آرتیق عصر دیده کعبه آمالنه توجه ایتمکدن بشقه چاره نجات کورمه یور . وبوتون حرصیله ایکی بحق عصرلق شکارینه ، زواللی تورکیه یه صوک هجومی یامغه حاضر لانیور ، بولدیغی کندیسنه معارض اولمقدن زیاده بوندن صوکرا موافق بولنه جقلردر . قریم سفرنده کی احوال برلین قونفره سی انتاج ایدن احوال بوکون بالکلیه دیکشمدشدر .

مصره حاکم اولان انکلتزه ، بصره کورفزینه اقتصاداً نصب نکاه ایتمش اولان آلمانیا یی ، استانبوله و علی العموم آناتولی به کوز دیکمش اولان روسیه دن زیاده مضر عد ایدیور . بناء علیه مهزوپوتامیا (الجزیره) یه مقابل استانبولی روسیه اننه تسلیم ایتمکدن چکنمز . فرانسه ایسه سوریه دکندیسنه ممانعت ایدلمه مک شرطیله تورکیه نك تقسیمنه مخالفت ایده جکلردن دکلدرد . متفقلرینک تورکیه ده کی منافعیله کندی ارزولرینک توافق ایتدیکنی کورن روسیه ایچین تعقیب ایدیله جک اک اساسلی سیاست ممکن اولدیغی قدر تورکیه یی منفرد براقق و دائماً منفعتی انتاج ایده جک تدایره توسل ایتمکدن عبارت اولور . ایشته فرانسه ده موسیو مارژوریدن ده دوغروسی بالواسطه ویواینیدن آدیغم جواب ردک یکانه سبی بودر . وانکلتزه ایلہ فرانسه بزم حقمزده روسیه نك مقصد و ارزولر تی تطمین ایده جک خط حرکتدن باشقه برشی تعقیب ایده مزلر .

آلمانیا دن بر منفعت بکله مدیکمز ایچین روسیه یه قارشی برمسند و واسطه مدافعه تدارک ایتک اوزره مراجعت ایتدیکم فرانسه دن ایشته اک قطعی جواب ردی آلم . انکلتزه یه ، روسیه نك ارزولری خارجنده برحر کتده بولونامیه جغنی شرقی آناتولی ولایاتی ایچین ایسته دیکمز مأمورینی ویرمه مکله اثبات ایتدی . باخصوص عثمانلی

ایمپراطور لغنك حائز اولدینی (خلافت اسلامیه) عنوانی صوك سنه لرده كندیسنی بك زیاده قور قوتدیغندن بوا ایمپراطور لغنك سقوطی و خلافت اسلامیه نامنك انكلیز حاکمیتی آتئنده بولونان بر قطعه ده ساکن قدرتسز بر شخصه انتقالی کندیسی ایچین الك چوق آرزو ایدیله جك شیردندی . بو حقیقت نجه مجهول اولمادینی حالده روسیه طرفندن بر تجاوزده دوچار اولمامقلغمز ایچین انكلتره ایله فرانسه نك معاونتی تأمین مقصدیه فرانسه یه مراجعت ایدیشم منحصر آ بشقه بر چاره سلامت کورده مه مكدن انبعث ایدیوردی .

بن بویله محالات ایله اشتغال ایدوب دوریور كن دیمك آرقاداشلرم غایت مهم و صریح بر تکلیف قارشیسنده بولونمشلر : اتفاق مثلك غروپيله ، ده دو غروسی آلمانیا ایله اتفاق .

ترکیه بوندن بش آلتی آی اول منحصر آ بالقان سیاسی نقطه نظرندن وضعیت منفرددن قور تئق و بر هیئت متفقه حائنده جهانده کوزوكمك ایچون بونغار اتفاقندن بك بونوك امیدلر بکله مكدده ایکن اونی بیله شمدی یه قدر استحصاله موافق اوله مدیغمز بر صرده آلمانیا کی قوی الشکیمه بر ایمپراطورلق بزه حقوق متساویه اساسنه مستند بر اتفاق تکلیف ایدیور .

اگر بویله بر تکلیف قارشیسینده بالذات بن - که ائتلاف دولتلری هیئتنه متمایل بر سیاست تعقیب ایدیوردم - بولونمش اولسه ایدم رد ایتك قوتی کندمده کوره جکمی ایدم ؟ و باخصوص بویله بر جواب رد موافق کار و تحمل تلقی اولونه بیلیرمی ایدی ؟ غایت سالم و ساکن بر فکرله بردفعه دوشونلسین تورکیه یه قارشى ایکی هیئت دولیه نك وضعیتی نه در ؟

ائتلاف هیئت دولیه سندن انكلتره :
مصری بالکلیه تحت حاکمیتنه آلق . مه زوپتامیای محقق ، فلسطینی ممکنسه اله کچیرمك ، عموماً عربستان شبه جزیره سی اوزرنده بالکیز کندی نفوذینك جریاتی تأمین ایتك ایستور ؛
فرانسه :

سوریه یی بهمه حال اشغال ایتکی سنه لردن بری پروغرامنه قویمش ، الك جزئی فرستلردن استفاده ایله بوا مننی استحصال ایتك فیکرنه در ؛
روسیه :

دلیل ایسته میه جك قدر تورك دشمنی ؛
بونلرك هیچ بریسی عثمانلی ایمپراطورلغنك خیرینه معطوف اولسه كرك !
اتفاق هیئت دولیه سنه کئنجه :

اوستريا ايله ايتالياك آرتق توركيان ايسيتيه جكلى قالماش و بودولته ياپه بيله جكلى
الك صوك فئالقلرى ده ياپه رق اوندن آللرىنى چكمشلر . اولسه اولسه ايتاليا ائتلاف
هيئت دوليه سنك الملىنه قارشى بعض فكرلر بسايه بيلير [آنطاليه و فنيكه سواحلى كى].
آلمانيا ، هر كيم نه ديرسه ديسين توركيه نك قوتلى اولمىنى لك زياده ارزو ايدن
بردولتدر . آلمانيا نك منفعتى منحصر آ توركيه نك قوتلى بولمىسيه تأمين اولنه بيلير .
آلمانيا توركيه نى بر مستملكه كى آلينه كچيره مز . بوكا نه وضعيت جغرافيه ونه ده
آلمانيا نك وسايطى مساعددر . بناء عليه آلمانيا كنديسنه بر بازار داد وستد اولان
توركيانك ائتلاف دولتلى آراسنده تقسيم ايدلمه سنك لك بويوك مدافعيدر .

باخصوص توركيه اورتدن قالقدينى كون آلمانيا ائتلافك معهود جليك چنبرى
ايچنه قطعاً كيرمش اولور . اليوم كنديسى ايچون شرق جنوبى جهه سى آنجق توركيه
سايه سنده آچيقدر . بناء عليه بودمير چنبر ايچنده بوغولماق ايچين يكانه چاره توركيانك
پارچالامامه سنى تأميندن عبارتدر .

ايشته برىنى صرف آمال استيلاكارانه و ديكرى منفعت خصوصيه مستند نيات
حسنه بسله ين دولتلردن مركب ايكي هيئت اتفقيه دن ايكنجيسى بى حقوقده
ووظائفده كنديسنه مساوى عد ايدرك بزه اتفاق تكليف ايدىور ، بو اتفاق رد
اولونه بيليرمى ؟ بر كره بو اتفاق سايه سنده بالقان حكومات صغيره سندن هيچ برى
بعدما بر هيئت معظمه اتفقيه نك اعضا سندن اولان بردولتك امور داخله سى حقنده
كورولتى قوپارمغه جسارت ايدمه مز . وبزى راحت ييراقير .

ثانيا ؛ بر حرب عمومى به بر نتيجه و برمه مك ايچين هيئت ائتلافه نى تشكيل ايدن
دولتلرده بزه آل اوزاتامازلر . باخصوص المانيا نك بتون علماسى بتون ارباب خدمت
وصناعى توركيه نك ايستديكى شكلده توركيه به دخى خدمت ايدر . مملكه ت آرزمانده
بر طريق مسعود مدنيتيه كيرر . وينه بك آرزمان ظرفنده قايتولاسيون بلا سندن
استخلاصمز تأمين ايدلمش اولور .

كرچه بو اتفاق بى بر حرب عمومى ظهورنده ائتلاف هيئت دوليه سى علمينه حربه
داخل اولمغه مجبور طوبور ايسه ده اكر حرب عمومى دها بش اون سنه ايچين تأخر
ايدمك اولورسه بز بوغازلى وسواحل سائره نى او صورتله تحكيمه موفق اولور ،
اوردومزى اودرجه لرده تقويه ايدر ، مملكتمزى اودرجه لرده اعمار ايدركه آرتيق
بويله بر حرب آتيلمقدن هيچ چكمنه يز .

فقط يا حرب عمومى برايكى هفته ويا برايكى آي ظرفنده ظهور ايدىور بر رسه
بوكونكى ضعف حالمزده انكتره وروسيه و فرانسه به قارشى حربه داخل اولمق بزم
ايچين بك مضر اولمازمى ؟

عجبا آلمانیا حرب عمومینک پک یقین اولدیغنی نظر دقته آلاق بزمله علی العجله
اتفاقه قرار ویرمئن دکمیدر ؟

بونده هیچ شبهه یوق ! تورکیه کی عصر لردن بری بر عنصر ضعف و اختلاف
تلقی ایدلمش اولان بردولته حقوق متساویه اساسنه مستند و اتفاق مثک شرائط اتفا-
قیه سی دائره سنده بر اتفاق عقد ایتمک راضی اولمق ایچین آلمانیا کندی علیهنده کی
استحضار اتدن پک زیاده اور کمش اولمی وهر نوع تدایره مراجعتله تقویه موقع لزومی حس
ایتملی . یوقسه منحصر آنورکک آلاکوزی ، عثمانلی ایمر اطورینک خاطری ایچین تورکیه کی بر
یوکی اوموزلرینه تحمیل ایده جک ایشنی بیلیر بر حکومت تصور اولنه ماز . حرب عمومینک
پک قریب بر آتیده ظهوری بزم ایچین برسوء طالع عداولونه بیلیر ، فقط کار و ضرر موازنه
سندمه کارخانه سی پک طوافون کور و نه ن بوتشبدن کری چکلمک ملک و ملت ایچین هر حالده خیرلی
برایش اولماز . ایشته آرقداشلریمک یرنده اولسه یدم بویه دوشونور و طبقی اونلر کی دورانه رق
بو اتفاقی کمال شکران و انهماک ایله قبول ایدردم . مع هذا معاهده اتفاقیه بلکه بعض
قیود و شروط احتیاطیه درج ایتدیرمک چالیشیردم . مثلاً ؛ شاید حرب معاهده اتفاقیه نک
تاریخ و امضا تعاطیسندن اعتباراً ایکی سنه کچمزدن اول ظهور ایده جک اولورسه تورکیه
اتفاق مثک هیئت دولیه سنه قارشى لطفکار بیطرفلق وضعیتنی محافظه ایدرک یالکیز
اوردوسنک قسماً سفر برلکنى اعلان ، بوغازلردن سفائن تجاریه و حربیه نک مرور نی
منع ایتمک صورتیه معناً معاونت ایتمک مجبوریتنده فالاجنی و حرب عمومی ایکی سنه دن
زیاده دوام ایتدیکی تقدیرده بو ایکی سنه نک نهایتنده اتفاق دولتری لهنه حربیه اشتراک
ایده جکی و اگر حرب عمومی اتفاق عقدندن ایکی سنه عسکره ظهور ایدرسه تورکیه نک
شرائط اتفاقیه احکامنه در عقب تابع اوله جنی طر زنده بعض احکام قبول ایتدیرمک
ایستردم . فقط بونک آلمانیا طرفندن قبول ایدیلوب ایدلیه جکی بالطبع شمیدین
کسیدریم .

بوتون بومطالعائی درپیش ایتدکدن صوکر ا صدر اعظم پاشایه سو یوله دیکم « الله
خیری ایتسون » سوزینی دها بویوک بر قطعیت ایمان ایله تکرار وضعیت جدیدنی تقدیر
و قبول ایتدم .

بو ایضا حاتم حکومت عثمانیه نک آلمانیا ایله نه زمان و نه صورتله اتفاق ایتمش اولدیغنی
کوستردیکی جهته آمریقاسفیری مورغنتاو ایله روسیه سفارتی باش ترجاتی ماندلشتامک
استناد ایتدکری حواذلرک نه قدریا کلش و سوراق دیدی قودیلرینه مبتنی اولدیغنی کوستریر .

آور و پاده حرب عمومینک ظهوری و عثمانلی اوردوسنک سفر برلکی

وقتکه آوستریا نوطه سنه صربستان طرفندن ویریلن جوابک غیر کافی کور و لمه سندن

اوستريانك برقم سفر برلكنه مقابل روسيه ده عمومى سفر برلك اعلان ايتدى متعاقباً
آلمانيا و فرانسه دخى سفر برلكلارنى اعلان ايتديلر آرتق حرب عمومى يه داخل اولمق
اوزره اولديغى موزه هيچ شبهه قالمامشدى .

۱ - آغستوس - ۹۱۴ كونى آلمانيانك روسيه يه اعلان حرب ايتيميله باشلايان
حرب عمومى يه بزم دخى در عقب داخل اولماز دها مر كى قوروماش اولان معاهده
اتفاقيه مقتضاسندن ايدى . بز ، شرائط اتفاقيه موجبنجه حرب مسيبلارنى آرامق
صلاحيتى حائز دلكدك ، آلمانيا و اوستريانك بوتون قوتلريله حرب ايتمكه مجبور
اولدقلى بر محاربه دوليه بزمه بوتون قوتملرله اشتراك ايدمك .

فقط بن بزم حرب اشتراك كى ممكن اولدوغى قدر تأخر ايتمى بوتون موجوديتله
ايتيوردم . او كونلرده هان هر كچه پرنس سعيد حليم پاشانك يكي كويدكى ياليسنده
اجتماع ايدن مجلس وكلا ده - پرنسك رياستى آلتده انور پاشا ايله طلعت خليل و جاويد
بكر و غمليه بعضاده ابراهيم بكدن ترك ايدردى - نقطه نظريى ايضاح ايتدم . اول
اوردومزك سفر برلكنى تمام ايتمدن حرب عمومى يه داخل اولماز آلمانيا ايچين
برفانده يى تأمين ايتمه مكله برابر بزم ايچين اتخار اولوردى . چناق قلعه ده واستانبول ايله
روسيه حدودنده هيچ برقرىم بيله بولونمديغى بيلن انكلتره و فرانسلرله روسلر
بر طرفدن چناق قلعه ايله قده دكر بوغازينه و بر طرفدن ارضروم اوزرينه آنى بر هجوم
ترتيب ايدرلر و بريادن استانبولى اشغال ايدرك ديكر طرفنده ارضروم اوزرندن
سيواسه و آناطولينا كى كوكنه دوغرو ايلر ايله جك اولور لر سه عثمانلى اوردوسى
حربك صوكنه قدر سفر برلكنى تمام ايدمىز و دها ايلك كونلرده حكومت عثمانيه نك
موجوديته نهايت و يرلمش اولور . ايضاحتمى پك مصيب تلقى ايدن آرقاداشلر نقطه
نظر يمزك اصابتى آلمانيا سفيري نه ده قبول ايتدركلرندن مجلس وكلا جه بالمذا كره حكومت
عثمانيه نك حرب عمومى ائسانسندمى بى طرف قالا جغى و فقط بيطر فلغنه هر ايكي هيئت دوليه جه
تماماً رعائى تأمين ايچين اوردوسى حال سفر برى يه وضع ايدمك جگنى اعلانه قرار
ويدرك . و قرار يمزى در عقب اجرا ايتدك .

هيئت وكلا آراسنده آلمانيا ايله اتفاقزه و او كا قارشى تعهداتمزه واقف اولمايان
ذوات دخى اوردونك عمومى سفر برلكنك اعلاتى قاعده حزم و احتياطه موافق
تلقى ايتمشلردى .

سفر برلك اعلانندن ايكي ويا اوچ كون صوكرا بن بحريه نظارتى كى كان عهده ده
قلمق اوزره ايكنجى عثمانلى اوردوسى قوماندانلغى در عهده ايتمشم .

آغستوسك برنجى ويا ايكنجى كوني انكلتره بحريه نظارتى صوك تقسيطى يازم
ساعت اول و يرلمش اولان سلطان عثمانه عثمانلى بانديره سنك كشيده سسنه مانع اولمش

وگرك سلطان عثمانه وكر كسه رشاديه به آمبارغو وضع ايتش ايدى . بو ايم خبرى آلدېغم كون حس ايتديكم حزن والمى بوتون حياتمه اونو تفلغم امكان خار جنده در انكليز بحر سفيد قوماندانى اميرال سيردور و بهك استانبولى زيارتى ايتسانده كى وصاى خالصانه سى (!) ، آرسترونغك كمينك انشاآتى تأخير ايچين ايجاد ايتديكى بيك درلو بهانه لر تهمايه نظر مده پيداي صراحت ايتدى و بو كميلرى ضبط ايتمك انكليزلرك اوتنه نبرى مقصدى اولدينى بنجه تماماً تظاهر ايتدى . انكلتره حكومتى كچه كنديسى حال حربده ايكن كندى ترسانه لرنده در دست انشا اولان كميلره آمبارغو وضع ايتمك صلاحيتى حائز ايسده بودفعه بزم كميلره آمبارغو قويه جنى زمان انكلتره هنوز حال حربده دكلدى . حتى اوردو و دونماسنك بيله سفر برلكنى اعلان ايتمه مشدى . بو حادثه نك مناقشه مى اوزمان اوزون اوزادى به دوام ايتش وانكليزلرك خطاسى كندى ديپلوماتلرى طرفندن دخى تصديق ايدلش اولديغندن بونلرى بوراده ايضاحه لزوم كورميورم . مع هذا بو حادثه اوردو مزك عمومى سفر برلكنى اعلان ايتسنى محق كوستردى و عمومى سفر برلكمى بى لزوم كورن ائتلاف سفيراسنه قولايجه حواب ويرمكلكمى تأمين ايتدى . حتى آتيده عرض ايده حكيم طرزده مرمره به داخل اولان غوبن و بره سلاوك بودخولنه حكومت عثمانيه بى حقلى كوستردى .

غوبن و بره سلاوك چناق قلعه دن مرورى و استانبوله ورودى

توركيه نك آلمانيا ايله اتفاقنه آرزوق و اتف اولان و فقط حكومت عثمانيه نك شمدليك بى طرفلغى اعلان ايتش اولمى اسبابنه واقف اولمايان بعض آلمان ضابطانى و بالخاصه ليمان فون ساندركسك ياورلرى بعض ناخوش تظاهرا نه قيام ايده جك قدر مناسب سزلكلر كوستريورلر و حكومتك هان حربه كيرمه مه سنك يكانه مسبى بن اولديغى ظن ايدرك بكا قارشى ايچين ايچين بركين وعداوت بسليورلردى . بالطبع حقمده اوافق بر حرم سزلكه بيله جسارت ايده مدكلى ايچين بو حسى عداوتلرى بن هيچ آ كلاماز لقدن كليوردم .

بركون پرنس سعيد حليم پاشانك ياليسنده ريختيم اوزرنده بولنيوردق . روسيه دن كلان و برچوق فرانسز سفر برلرئى (Mobilisés) حامل اولان بفرانسز واپورى قره دكز بوغازئى - مرمره به دوغرو - مرور ايدسيوردى . ريختيم اوزرنده بولنن آلمان ضابطانى و سفارتخانه منسوبى آرسته نده واورك حامل اولدينى يولجى لردن بحث اولنيوردى . آرهلرنده بولومان ليمان پاشانك ياورلرندن برى بكا ايشيتد بره جك وجهله يوكسك سسله :

« ايشته عثمانلى بحريه ناظرى پاشا حضر نلرى بو واپورك چناق قلعه دن مرورى منع ايده جك اولور لر سه بزم غرب جبهه سنده كى آرقاداشلر بزم لاقول درت بيك فرانكسز نفر دن قور تولمش اولور لر . بو يك فائده لى تشبث آنجق بحريه ناظرى پاشا حضر نلرينك آلنده در . » ديمشدى .

بالطبع بن هيچ ايشتمه مز لكدن كلام . و واپور يولنه دوام ايتدى .
 ۸ اغستوس كوفى آلمان آتاشه ناوالى قايتن هومان بحريه نظار تنه كلدى . انكليز دونماسى طرفدن تعقيب ايدلمكده اولان آق دكر آلمان مفرزه بحريه سنك چناق قلعه يه دوغرو وچكيلمكده اولديغنى و آلدقلى معلومانه كوره غوبنك كومورى بولونما ديغندن بحريه نظار تنه عائد ده بولردن بش آلتى بيك طون كمورك كنديلرينه تعويضا و يرلمنى رجا ايتدى . همان تلفونله صدر اعظم وانور پاشا لرله طلعت بكك مطالعه لرينى صوردم . موافقت ايتكمك جوانى ويرديلر . دريجه ده پوسندن اومقدار كمورك اعطاسى امرينى ويردم و واپورك تحمیلنه ياردم ايتك اوزره بر بحريه عمله مفرزه سنى دريجه يه سوق ايتدم . واپور بش آلتى ساعت انجمنده تحمیل اولنه رق آطه لر دكرينه تحريك اولوندى .
 ۱۱ اغستوس كيجه سى ينه بر معتاد پرنسك ياليسنده اجتماعز مقرر دى . طلعت جاويد و خليل بك لرله بن دها اول كمشك . متعاقباً واصل اولان انور پاشا كنديسنه خاص اولان ساكن طوريله كوله رك « براو غلر دنيايه كلدى » ديدى . بالطبع بوندن برشى آكلامامشك . بزى چوق مراقده براقايه رق « غوبن ايله بره سلاو بوصباح چناق قلعه اوكنه كمش وانكليز دونماسى طرفدن تعقيب ايدلمكده اولديغندن بختله بوغازدن مرورينه مساعده ايدلمسى طلب ايتش . بر متفق دولته عائد سفائن حريه يى محق برتهلكدن وقايه ايجون بو طايه موافقت ايدلمسى امرينى ويردم . وكميلر شمدى بوغازك برى طرفنده بوغاز استحكاماتك تحت حايه سنده بولونيور لر . فقط بزده بونك نتيجه سى اوله رق بر مسئله سياسيه قارشيننده قالمش اولدق . بوكيجه بومسئله عائد بر قرار و برمك لازم كليور . » ديدى .

مسئله جدا يك نازكسى . طرفين مخاصميندن برينه منسوب ايكي سفينه حريه عثمانلى صولرينه التجا ايتمشدى . بى طرفلق قواعدينه توفيقاً بزم يا يكرمى درت ساعت طرفنده بوسفائن حريه يى قره صولر بزمى تركه اجبار و يا خود بوتون اساحه سندن تجريد ايده رك برليمانده اقامت ايتديرمكه مجبور ايدك . حال بوكه بز حقيقتده آلمانيانك متفق اولديغمن سفاين مذ كورمى دشمنه تسليم ايتكمكه مساوى اولان برنجى شقى اختيار ايده مزك . بومهم منافع مزه وهم وظائف مزه مخافدى . ايكنجى شقه ايسه آلمانرك ياناشا باجقلى محققدى . بو حاله يكرمى درت ساعت صوكر مؤتلفين بو حركتمزى Casus belli عدايدرك بزه اعلان حرب ايده بيليرلدى . كرچه ايركج

بو حاده وقوعه كله جك وبر حربه اشتراك ايدە جكدك . فقط اردومزك وضعيتى بو اشتراكك ممكن اولديغى قدر تأخيرنى آمردى .

او صرەدە فرانسز وانكليز سفيرلىرى كال تلاشله صدر اعظم پاشايى زيارته كديلر و آلمان سفائن حربه سنك بوكون چناق قلعه بوغازندن ايجرىيه داخل اولدقلىنى وحتى بر جوق فرانسزلى حامله دون صباح استانبول ليانندن حركت ايدن و چناق قلعه يه مواصلت ايتمش اولان مساژرى واپورىنى تحرى به جرات ايتدكلىنى ، بو حركتى حكومت سنيهك اعلان ايتديكى بيطر فلغه مغاير بولدقلىنى بيلدريدلر و كال شدتله پروتستو ايتديلر .

برايكى ساعت مذا كرده دن صوكرا كميلرك موقه ظاهراً تسليحانندن تجريدنى آلمانيا حكومتندن رجا ايتمه قرار وبردك . طلعت و خليل بكر انجمن و كلانك بو قرارىنى سفير وانكهايمه تبليغ ايتك اوزره طرايه دهكى سفارتخانه يه كيتديلر . بر ساعت صوكرا عودت ايدرك سفيرك بوكا قطعياً راضى اولمديغى و كرچه حكومت عثمانيهك بى طرفلق شكللى آلتنده شمديلك حربه دخولنك تأخيرنى اولجه قبول ايتمش رسده آلمان سفائن حربه سنك بو ضرورى التجاسى اوزرينه وضعيتك بالكليه تبدل ايتديكى قناعتنده بولونديغى و شايد بو حادته ائتلاف دولتريله حكومت عثمانيه آرمه سنده انقطاع مناسبات وحتى اعلان مخاصماتى انتاج ايدرسه بونى حادثاتك ضرر وزيان طبيعي سنه عطف ايدرك قبول ايتك مجبور يتنده بولنديغمزى افاده ايتديكى بيلدريدلر .

انور پاشا سفيرك بومطالعانه اشتراك ايدىيور و فقط بن هر نه اولورسه اولسون بوكا بر چاره تسويه بولارق شمديكى حالده حربه كيرمكدن توق ايتك مجبور يتنده اولديغمزى ادعا ايدىيوردم . صدر اعظم پاشا ايله جاويد بك دخى بنم فكر يمه اشتراك ايدىيورلردى . نهايت ايجمزدن بريسى شويله بر تدبير تكليف ايتدى :

« آلمانلر بوايكى كمى يي ده اول بزه صاتمى اولامازلر مى ؟ چناق قلعه يه كليشلىرى كميلرى بزه تسليم مقصدينه ابتدا ايتديريله مزى ؟ » ديدى .

هر كس كنش بر نفس آلدى . ايشى بر تسويه دوستانه يه ايصال ايدە جك بر زمين بولونمشدى . بر مدت صكرا سفير وانكهايمى پرنسك ياليسنه دعوت ايدرك بو تكليفى درميان ايتمه قرار وبردك . انور پاشانك باورلرندن برى سفارتخانه يه كوندرلدى . بر چاريك صوكرا سفير يالى يه كامشىدى . وقت كيجه ياريسى كچيوردى . صدر اعظم و طلعت بكله سفير اراسنده بر ساعت قدر حرارتلى بر مذا كرده دن صوكرا همان او كيجه بر لينله مخبره ايدرك صباحه قدر جواب موافقت استحصالى وعدى الندى . فقط بز بر ليندن بر جواب موافقت ورود اينجه يه قدر صدر اعظم پاشانك قوناغنى ترك ايتمه دك . نهايت صباحك ساعت درنده كميلرك توركيه يه صاتيلمىش اولديغى اعلان ايتمه صلاحيتدار

اولدیغمزه، شو قدرکه امیرال شوسونك عثمانلی خدمت عسکریه سنه قبول ایداسی شرط اولدیغنه دائر جواب موافقت کلدی .

بوصاتیش کیفیتی حقیقی دکل ظاهری ایدی . ایمپراطور حرب دونماسنه عائد سفائی انجی رایشتاغك مو فقیله صانه بیه جکندن بیع قطعینك حربدن سوکرا رایشتاغدن آلنه حق قراره تملیق ضروری اولدیغی سیدریلیوردی . بوصورتله شو ظواهرامکانی بولونمش اولدیغندن ایشك تفرعاتی بحریه نظارتجه اتمام اولونمق اوزره صباحك ساعت بشنده انجمن وكلا داغلدی . اوه عودتله برمدت او یودقدن صکره بحریه نظارتنه کیتدم وهان کوبن وبره سلاوك حكومت عثمانیه جه المانیان صاتین التمش ومذكور سفینه لرك دونکی کون چناق قلعه یه مواصالت ایتمش اولدقلرینه دائر غزته لره رسمی بریانه نامه ویردم . سلطان عثمانله رشادیه نك انکلیزلر طرفندن مصادره سنه مقابل ایشته شمدی دیگر ایکی کمی الده ایتمش اولدیغمزه دائر يك حرارتلی مقاله لر نشر ایتمه لرینی منتسبین مطبوعاتدن رجایتدم .

فقط ایشك انازك جهتی الان عثمانلی درنماسی قرماندانی صفتیه دونماده بولنان امیرال لیموس ایله انکلیز ضابطانی دونمادن کورواتوسرجه کری چکمکدی . ایرتسی کون امیرال دن برراپور آلام . بویه ایکی یکی سفینه آله ایتدیکندن طولانی حکومت عثمانیه یی تبریک ایدیور و کمیلر درعقب کندی قومانداسنه کوندرلکاری حاله دونمادن تفریق ایده جکی ضابطان و مرتبات سائره یی نهایت بر آی ظرفندن بوصوك سیستم کمیلری اداره یه مقتدر بر حاله کتیره بیه جکئی سویلیوردی . امیرالی دعوت ایدرك بوباده مذاکراته باشلادم . آلمان امیرالی ایله کمیلرک مرتباتی يك یورغون اولدقلرندن نه زمان کمیلری تخلیه ایده جکاری پك ده معلوم بولونمادیغندن شمیدیلک بو کمیلر دویریله جك مرتبات و ضابطانك لیستهلرینی تنظیم ایله اشتغال ایتلرینی رجایتدم . تصادفات حسنه دن اولارق درت بش کون صکرا امیرال دن قیصه بر مکتوب الدم . بومکتوبده دوغرو دن طوغرویه صدراعظم پاشایه انکلیزجه اولارق تقدیم ایتدیکی راپورک بر صورتی بکا کوندرمش اولدیغی سویلیوردی . راپوری ترجمه ایتدیردم . دونانما مازك واردومزك حالی ایلری سورهرک حکومت عثمانیه نك تطبی بی طرفلق محافظه ایتسی لازمکله جکئی ویکی کلن کمیلری اداره خصوصندما کتساب ملکه ایده بیلمک ایچین عثمانلی ضابطان و مرتباتنك لا اقل اوج بش سنه لک بر تعلیم و تربیه یه محتاج اولدقلرینی در میان ایدیوردی . هان امیراله بر جواب یازدم . کندیلی امور بحریه نك اصلاحنه مأمور اولمق اعتبارله طوغریدن طوغری به عثمانلی بحریه ناظرینك معینده بولندیغی و بناء علیه راپورلرینی آنجق بحریه ناظرینه تقدیم ایده بیه جکئی ، فقط راپورلرینك یالکیز اصلاحات بحریه یه انحصار ایتسی شرط اولوب قوای بحریه مازك

احوالندن بحث ايله طرز سياست حقنده حكومت عثمانيه ارائه طريقه صلاحيتدار اولديغنى بيلدirdم .

ايرتسى كون اميرالدين پك قيصره بر جواب كلدى .

« امر نامه كزدن وضعيت حقيقيهنى كشف ايتدم . بعدما ارائه بيوريلان خط حركتدن انحراف ايتمه جكمى عرض ايدرم . شو قدر واركه بوصروده پك زياده بورولمش اولديغمدن ؛ راحتسز لغندن طولاني طرايهده بر صيفيهده افامت ايتكمده بولونان قيزمك ياننده ؛ بر مدت استراحت ايتمكلكمه مساعده بورولسنى رجا ايدرم . » ديوردى .
رجاسنى اسعاف ايتديكمى ، انحق كنديسى دونانماده بولندينى حالده ديكر انكليز ضابطانيه چرخجى وسائر مكد دونماده بولونمى عثمانلى مرتبائيله اردلرنده اختلافات توليدينى انتاج ايدمبيله جكندن ضابطان مومى اليهانك ترسانهجه خصوصات سائردهه استخدام ايدمك اوزره دائره مجريه به اعزاملى ايجاب ايده جكنى بيلدirdم . ايرتسى كون امرم اجرا اوله رق دونماده انكليز ضابطان ومرتبانندن هيچ بر كمسه قلمادى .
بونى متعاقب اميرال شوسون پاشانك دونماى عثمانى برنجى قوماندانى عنوانيله خدمت سلطنت سنيه به داخل اولديغنه دائر اراده سنيه نشر اولوندى . بر قاچ كون صكراده « يافوز » و « مدلى » اسملىنى آلمش اولان كوبن وبره سلاواستانبول ليانته كلهر ك عثمانلى سنجاغنى كشيده وموده آچيقلرنده ديرله ديلر . بر قاچ كون صوكر ا هكبهلى آطهده اجرا اولونان قايق ياريشلى وسيله سيله يافوز ومدلى نكهده داخل اولدينى عثمانلى دونماسى ارطغرل ياطيله ياريش محلى تشرىف بيورمش اولان ذات حضرت پادشاهينك حضورلرنده بر رسم كچيد اجرا ايتدى . او كونلر استانبولده خلقك نشئه وسرورى جدا تصور ك فوخته ايدى . حكومتك استحضارات حريه سندن هر كس امين بولنيور و المانيا ايله اوستريانك غلبه سنى ارزو ايتمين هيچ بر مسلمانانه تصادف ايدمليوردى .
خلقك تمايلات دوستانه سى المانلى جدا سوينديرييور ، انكليز ، فرانسز ، روسلى ايسه حدتلنديرد كجه حدتلنديرييوردى .

انكليز ، فرانسز وروس سفيرلريله بعض مذاكرات خصوصيه

كوبن وبره سلاوك مرمره به دخولندن صوكر ا بز بالطبع بوغازلى قيامشق .
بر ياندى بو معامله ينى بر طرفندنده بو ايكي المان سفينه حريه سنده لان المان مرتباتى بولونماسنك بى طرفلغه مغايرتسى ايلرى سوره زك انكليز و فرانسز سفيرلى رسمى وخصوصى ده مارشالر يانمقدن بر آن خالى قالميورلردى . اتفاقزدن بى خبر اولان ائتلاف سقراسى بو ايكي كمى و موجود بر جوق المان ضابطانى سايه سنده المانلر ك بى هممه حال

بر حربه سور و کلیه جکله‌ری ادعا ایدیسورلر و بزم بی طرفلغمز ایچین یکانه چاره بوکملرک المان مرتباندن تجریدی و المان هیئت‌الاحیه سیله مذکور مرتباتک المانیایه اعاده‌سندن عبارت اولدیغی سویلیورلردی . جدائی طرف اولسه ایدک بزم یابه جغمز ایش‌ده بوایدی . فقط بزم بی طرفلغمز منحصراً وقت قازانق ایچین اعلان ایتش ، حربه کیرمک ایچین اردونک سفر برلکینی اتمام ایتسه انتظار ایدیسوردق .

بوصره‌ده انجمن وکلاینه وقت قازانق فکر یله انکلز سیرلوئی ماله‌ته بم و فرانسر سفیری ایله جاوید بکک پک صبق برتماس محافظه ایتمک‌کیزه و اتفاقز حقنده کی شه‌لری در عقب ازاله‌یه ساعی بولونقلغمز قرار ویردی .

طرابیه‌ده اقامتکاهنده برکون آقشام اوزری کندیسیله کوروشورکن سیرلوئی ماله‌ت : « جمال پاشا ! حکومت عثمانیه بیطرفلغی حقیقتاً وصوکنه قدر محافظه ایچین نه کی منافع تأمیننه راضیدر ؟ » دیدی .

حکومت عثمانیه‌ک حقیقی بیطرفلغندن شبه ایتمه مکله برابر بوسؤالی صدراعظم پاشایه عرض ایتک مجبوریتنده اولدیغی بیلدیرم .

انکلز و فرانسرلرک دائره اتفاقنه کیرمک ایچین نه کی شرائط در میان ایتمه مزاججاب ایدم‌جکنه دائر صدراعظم پاشا ایله برقاچ ماده قراراشدیرمزق یازدق . بوماده‌لر ؛ بالعموم قایتولاسیونلرک الغاسی ، یونانلیرک غصب ایتدیکی آطه‌لرک اعادسی ، مصر مسئله‌سنگ حلی ، روسلر طرفندن امور داخلیه قطعاً مداخله ایدلماسی و شاید روسلر طرفندن برتجاوزه دوجا اولورسه قانکلز و فرانسرلر طرفندن بالفعل ممانعت اولونمسی و سائره کی برطاق شرائطدن عبارت ایدی که سیرلوئی ماله‌تک بولری لوندزه یه نقل ایتش اولدیغی زحربه داخل اولدقدن صوکر انشر اولونان انکلز ماوی کتایبده کی تلغرافنامه‌دن آکلادم . اوچ درت کون صوکر سیرلوئی ماله‌ت برر ؛ برر جواب ویرسوردی : قایتولاسیونلرک قسم عدلیسنگ الغاسی شمیدی موضوع بحث اولامازمش ، آنجق اقسام مایه‌سندن بعضیلرک شمدیدن الغاسه دیگر متفق‌لری راضی اولق شرطیه ، انکلتره موافقت ایدم‌بیلرمش ؛ یونانلیرله آرامزده کی آطه‌لر مسئله‌سنی زمانه تعلیق ایتک دهاموافق اولورمش ؛ مصر مسئله‌سنگ صورت حلنه شمدیدن یاناشمق تهلکلی اولاجغندن بونک حرب عمومیدن صوکرایه بر اقلمسی انسب ایتش ؛ روسلرک تورکیه شمدیلک برکونایت تجاوزلری اولما یوب اساساً حکومت عثمانیه‌ک تمامیت ملکیه‌سی دیگر دول مضیه مثللو انکلتره و فرانسه‌ک دخی تحت ضمانده بولوندیغندن بوجهتدن پک زیاده‌آمین اولمقلغمز لازم‌کلیرمش ؛ شو قدز وارکه اگر بز آرزو ایدرسه کوضمانی تقویه ایدم‌جک وجهله برسند سیاسی اعطاسنه حاضر بولنیورلرمش . آنجق بوتون بومنافعه مقابل بزده روس سفائنه قارشی بوغازلری هیچ برزمان وهیچ برهانه ایله قاپامامغه

مجبور اولمقلغمز و بونقطه مهمه حقهده کی روس آمالی تطمین ایتمکلکمز ایجاب ایدرمش . بزم هیئت ائتلافیه لهنه حربه کیرمکلکمزی قطعاً ایسته میورلر و بونی منفعتلرینه مغایر کوریورلرمش ؛ بزدن ایسته دکلری شی قطعی بی طرفلغمزک محافظه سی ، آلمان مرتباتیه هیئت اصلاحیه سنک آلمانیا به اعاده سی ، چناق قلعه بوغازینک سیروسفائنه درعقب کشادی ایله بعدما قطعاً قیادلیه جغنگ تعهد ایدلمسی ایش و بوکا مقابل تمامیت ملکیه مزک محفوظیتنه و مالی قایتولا سیروندیده تعدیلات اجراسنه دائر انکلتر فرانسه و روسیه باب عالی به بزمند ویره جکلرمش .

بجه جواب پک صریح ایدی . بزم کندیلرله برابر حربه کیرمکلکمزی ائتلاف هیئت دولیه سی ایسته میوردی . بونک سببی نه اولایلیر ؟ زیرا بزاوئرک متفق اولارق حربه کیره جک اولورسه روسیه نک کوز دیکدیکی استانبوله وضع بد امکانی اورته دن قالداجقدی . بوکا روسیه قطعاً راضی اولاماز و بنناء علیه فرانسز و انکلزلرده یاناشمازلردی ، مقصدلری صراحتاً شوادی :

« تورکیه بی شمذیلک بزه مضر اولاجق تدابیر اتخاذدن منع ایدلم . روسلر بو حرب عمومی اثناسنده بزمه تماسی غائب ایتمه سونلر . بو سایه ده بزحربی قازانه لم ؛ اوندن صوکر روسیه نک آرزوسنه توفیقاً استانبولی روسلره و یرمک و عربستان ایلترلنده اصلاحات طلبی نامی آلتنده مختاریتله تأسیس ایتمک و اونلری تحت حمایه و نظارت بزمه آلمق کوچ برشی دکلدر . »

بو ایضا حاتمذن آکلاشیلورکه ایلک اتفاق تکلیفم پارسهده ناصل ونه صورتله رده دوچار اولدیه انکلز قانالیله یادیغم ایکنجی اتفاق تکلیفی ده عیناً و صورتله رد ایدلدی . انکلز و فرانسز سیاستی تعقیب ایتمه مش اولدیغمزدن دولایی بزى حماقت ودها دوغروسى جنایتله اتهام ایدنلره صورارم ؛ بزى ایسته مین دولترلله اتفاق نه صورتله ممکن اولایلیردی که بزمه اتفاق ایتش اولالم ؟ دینلیورکه بی طرفلغمزی محافظه دها اول اولوردی . بوغازلری سیروسفائنه سربست بولوندریق شرطیله دکمی ؟ او حالده روسیه بو حرب عمومیدن او یله بویوک برظفرله چیقاجق ایدی که حتی حربک نهایتی بیه بکله میهرک استانبولک و شرقی آناتولینک اشغالنه امکان بولاجقدی .

« هم بوغازلری قپایلم هم ده بی طرفلغمزی محافظه ایدلم . » دینله جک اولورسه بوکا نه عهداً حقمز واردی ، نده انکلز و روسلر مساعده ایدرلردی . فعلی تضییقات او قدر چابوق باشلاردی که بالنهايه « حربک صوکنه قدر بوغازلری و استانبولی تحت اشغال بزمه بولوندرم ده بعدالحرب بینه سزه اعاده ایدرز . » طر بزمه ادعالر باش کوستیرر و بالفعل اجرا ایدرلردی . خلاصه بزم ایچین ایکی چاره نجات واردی : یا ، انکلز و فرانسزلره متفقاً مرکزی امپراطورلقلر علیه نه حرب ایدرک بو سایه ده روسلرک

بزه قارشی بردها تجاوز ایدمه ملرینی تأمین ایتمک یا خود مرکزی ایمپراطور لقلرله متفق اوله رق روسلرک شدید بر مغلوبته دوچار اولسنه چالیشمق. فرانسز و انکلیز لر اتفاقری رد ایدرک بزی دشمن جانمک خیر و منفعتنه بوغازلری آچیق بولوندیرمق شرطیله بی طرفلغه دعوت ایدیورلردی . مرکزی ایمپراطور لقلرایسه خصم مزی آزه بیله جک بر قدرت مهیه ارائه ایتمکله برابر بزی خصم مزیک مستفید اولامه جنی تداییر اتحادینه مجبور ایدم جک وجهله دائره اتفاقنه آلیورلردی . بو سایه ده بلکه خصم مزیک اضمحلالی مأمول . یالکیز براحتال وارکه شاید مرکزی ایمپراطور لقلر مغلوب اولورلرسه بزم ایچین پک وخیم بر عاقبت محقق . او یله آما شاید ائتلاف دولترینک ایستدکلری طرزده بوغازلری آچیق بولوندیرمق شرطیله بی طرف قالا جق اولورسه ق خصم مزیک غالبیت قطعیه سی و بالتیجه بزم حیاتمه نهایت ویرلمه سی ده غیر وقابل رد و جرح حقایقندن .

بناء علیه کیم نه دیرسه دیسون روسیه نک غالبیتی نتیجه سنده بلامدافعه ذلیل و حقیر روس و انکلیز و فرانسز ظلم و قهری آلتنه دوشمکدنسه مرد و جسور ملتله یاقیشیر بر قهرمانقله قاننک الکسوک دامله سنه قدر چارپیشه رق نتیجه ده یا غالبیت قطعیه ن احرار ایلله ابدیاً قورتلق و یا خود « بوتون وارم الیدن کیندی برناموس مستتنا » دیمکه حق قازانه رق شهامت و ناموسکارقله باشلایان پرشان و شرف بر تاریخ ملی به ینه شهامت و ناموسکارقله نهایت ویرمک بجه اولادر . بویالکیز بجه دکل مملکتک اکثریت عظیمه سنجه ده اولاکورولدیک ایچین درت سنه دوام ایدن حربمز اثناسنده چناق قلعه مدافعه سی ، سلمان پاک مدافعه سی ، کوه الاماره محاصره سی ، نجره مدافعه لری ، مدینه مدافعه سی کی الکبیروک ملتربک بیله تاریخ مخفرتلرینی تزیین ایدم بیله جک بجه خوارق حادثات یارائمه موفق اولدق . بالطبع بو مطالعاتم مدافعه ناموس ایچون بذل حیاتی الزم عد ایدن فداکاران و ناموسکاران ملت عاؤدر . حیاتلرینی اوچ بش کون ده ادا مه ایدم بیلمک ایچین هر درلو ذلت و مسکفته تحمل ایتمکدن چکنمه ن عجزه و بی چارکان بوسوزلریمک قیمتی تقدیر ایدم مزلر . سوء طالع سوقیله شمیدی اوغرا دیغمز وضعیت آلمه بی مال بولمش مغربی کی فرصت اتحاد ایدرک « ایشته بی طرف قالسه ابدک هم اوقدر آدم اولمزدی همده بو فلا کته اوغرامازدق » دیمک صورتیله برده فرط کیاست ابرازینه قیام ایدرلر . اولره قارشی ویره جکمز جواب « مدافعه ایدرک اولمکله بلامدافعه اولمک ارمسنده کی فرقی تقدیر ایتمه یئرله سوزیمز یوق ! » دیمکدن عبارتدر .

انکلیز و فرانسز سفیر لریله بو طرزده جریان ایدن تماسلریمز آره سننده بعض کولونج محاوره لریمزه اولمشدی .

برکون سیرلوی مالهت ایلله قنوشورکن انورپاشانک آلمانلر طرفندن تماماً قازانمش

اولديغنه آمين اولديغنى و پك يقين برزمانده آلمان ضابطلرى وبالخاصه كوبن وبره-سلاو واسطه سيله اعلان حربى ايجاب ايدمك بروجعه احداث ايدمك جكلرينى سويله مشدى . قابينه ده بى طرفلق فكرينك غاب اولديغى و بناء عليه هيچ بر تهنگه بولونمادىغى طرزنده جواب ويرى ركن ديدىكه :

« خير ، جمال پاشا ، آلدانورسكيز . بن امينم كه بو آلمانلر مقصدلرينه نائل اولاق ايچين برضربه حكومت يامقمدن بيله چكمنزلر . مثلاً سزى حبس ايدرلر ودها كم بيلير نلر ياپارلر . »

پك ساده دلانه بولديغم بو سوزلره قارشى ينه برطرز ساده دلانده جواب ويرمش اولمق ايچين كولهرك ديدمكه :

« اويله برشى حس ايتديكم آنده اتخاذ ايدمك تدبيرى بن چوقدن دوشوندم . اوزمان بحريه ناظرى صفتيله چناق قلعه بى انكليز و فرانسزدونماسنه آچار ، حال اختلالده بولونان دونمانك تاديني اوكا حواله ايدرم . »

پك شايان حيرتدركه اوزكى انكليز ديللوماتى بو سوزلر يمه ايناندى . اوقدركه بو معناسز محاوره بى خارجيه نظارتنه نقل ايتمش اولديغى بالاخره ماوى كتابدن اوكرندم . روس تورونجى كتابنك ۴۰ نومرولى وثيقه سى ۳۱ آغستوس تاريخندن اعتبار آ ايكي هفته ظرفنده آلمان مرتباتى غوبن وبره-سلاو سفينه لرندن اخراج ايدمك چكمه دائر سفير موسيو دو كيرسه تامينات حتى ناموسم اوزرينه سوز ويرمش اولديغى سويليورسده موسيو دو كيرس اكر يالان سويله ميورسه مطلقا آمرينه خوش كورونمك ايچين بو تعميرى قوللانمشدر ديمك ايستيورم .

حرب عمومى يه صورت دخولمز

بويون بوظواهرك يانسنده ديكر بر چوق حقيقى مساعى واردى . انجق وكلانك هر كچه كى اجتماعنده آلمان-عثمانلى معاهده اتفاقيه سنك متممى ازلق اوزره برچوق شيلر قرارلاشديريليوردى . بونلرك تصديقتى آلمانلردن طلب ادييورددق .

بزم لك زياده آرزو ايتديكمز شى بولغارلركده بزمه برلكده حرب عمومى يه داخل اولمسنى تامين ايتمكدى . امضاي هايون ايله موشخ عثمانلى - آلمان معاهده اتفاقيه نسخه سى قراركه عموميه آلمانيا امپراطورينه توديع ايدليكى زمان بوتفاقدن طرفين ايچين پك بويوك ين وخير اميد ايتمكدى اولديغى سويلين مشاراليهك بشوش برچهره ايله :

« شمدي سزه كوزل برحوادث ويريم . بولغار قرالنك بمله متفق اولديغنه دائر

اولان مکتوبی بو صباح جبمه قویدم . « دیمش اولدیغنی برلین سفیریمز محمود مختار پاشا سضر تلری یازمشلردی .

بوخبر بزم ایچون جداً موجب ممنونیتدی . زیرا بش لئی آی اول بزمه قرار-
لاشدر دقلری مذاکرات اتفاقیه ده دائر بولغارلردن حرف واحد اییدیلمور و بو حرب
عمومیده ائتلاف دولتلیله توحید مساعییه قرار ویرلرله بزم ایچون پک بویوک
برنلاکت انتاج ایده بیله جک لرینه شبهه ایدیلموردی . فقط حرب عمومینک ظهورندن
بری بر ایکی ای کچدیکی حالده الان بولغارلرده بر اثر حرکت کورولمه مکده اولسی
بولغارلرک بزم کی آلمانلری ده آلداتمش اولدقلری ظنی تولید ایتمه که باشلامشدی .

پک صیق کوروشمکده اولدیغمز بولغار سفیری موسیو طوشف نتیجه قطعیه
حقنده امنیت بخش بر قناعت حاصل ایتهدکجه بولغار ستانک حربه داخل اولسی
دوغرو اولمایجفی نظریه سنی مدافعه ایدیور و بول نظریه خارجه حقیقمقدن توقی ایدیوردی .
کرچه آلمانلر بدایه بزم سفر برلکمزی اتمام ایدنجهیه قدر محافظه بی طرفی ایدرک
حرب عمومی به ممکن اولدیغنی قدر کچ داخل اولماز ره راضی اولمشلر ایدیسه ده
بالاخره دوچار اولدقلری مارن مغلوبیتی اوزرینه فرانسه به تجاوز ایدن اوردولرینی
بر پارچه کری چکه رک تعرضدن مدافعه به کچمه که مجبور اولملری و روس اردولرینک
بر طرفدن شرقی پروسیایی آلت اوست ایدرک مظفرانه ایلرله که باشلاملری و بینه روس
اوردولرینک فالجیانی ایتلا ایتمی وضعیتلرینی بالکلیه تبدیل ایتمش اولدیغندن بر طرفدن
مهم بر مقدار روس قوتلرینی قافقاسیا داخلنده و دیگر طرفدن ینه مهم بر انکلیز قوتی
مصرده توقیف ایده بیله چک اولان بزم ، حربه دخولمزی آرتیق قطعاً ایسته مکده باشلامشلردی .
سفیرک معاهده اتفاقیه بی ایلری سورهرک هر کون کرک صدراعظم پاشا نزدنده کرک
بزلر نزدنده اجرا ایتدیکی تشبثات کرکی کی صیقلاشمشدی . اوصرده اوردو مزدخی
سفر برلکنی اکال ایتش و بوتون قول اردولر داخلنده بولون دقلری اوردو قوماند-
نلرینک امر ایده جک لری استقامتده حرکت ایده بیله چک بر حال انتظامه کیرمشلردی .
قطعات متماذیاً تعلیم و تربیه ایله اشتغال ایتدکلری کی هان هر کون استانبول واسکدار
جهتلرنده فرقه و قول اردو مانورلری اجرا ایدلمکده باشلامشدی .

انور پاشانک قوماندان هیئتلرینی کنجلاشدیرمک صورتیه موقع تطبیقه قویدوغی
اصلاحات عسکریه نیک جداً مصیب بر تدبیر اولدیغنی تمامیه تظا هر ایدیور و بویوک جزء
تاملرک سوق الجیش و تعبیه قواعدینه واقف کنج قوماندانلر ائنده حرکت قابلیتی
احراز ایلدکلری کوریلدوردی .

آلمانلر بونتیجه بی کوردکجه آله بو قدر منتظم بر قوه عسکریه وارکن بونلری

هآن موقع استفاده به قیام بود آلمان و آوسترالیلرک مغلوبیتنه اوزاقدن سیرجی قالمق قطعاً جائز اولامیه جنئی سویلیورلردی .

بوراده اوفق براسطراد یاقلمغمه مساعده بیورولسون ، اوکونلرده استانبوله هر آغزده برسوز دوران ایدیوردی .

انور پاشا آلمانلره اتفاق ایدرک روسیه به اعلان حرب ایتمه من خصو-نده اصرار ایدیورمش ؛ بن ایسه بی طرفلقدن قطعاً چیقماق فکرنده ایمش ، مناقشه من اوقبر ایلرله مش که حتی مجلس وکلاده انور پاشا بکا قارشی طبانجه چکمش و فقط بن اوندن اول داورانه رق کندینی آیاغندن یارالامش . الک غیری بویالانک سفیر مورغنتاؤکیله خاطراته کیرمش اولمیدر . قوجه سفیر !... محضاً دیدی قودیلرینه مستند مطالبات شخصیه سنی بر کرده بو حقیقتلری اوقودقدن صکره کوزدن کچیریرسه عجباً یوزی قیزارماه چقیمدر ؟

بن کندیسنه خبر وبرهیم که کرک عبدالحمیدک اداره کیفیه سنه نهایت ویرمک ایچین اختلاجی کبی چالیشدیغمز زمانلرده کرک اختلالدن صوکرکی مساعیمز ائناسنده ونهایت ناظر صفتیه تتریک همت ایلدیکمز صره لرده نه انور پاشا ، نه طلعت پاشا نه بن ونده دیکر رفقای مساعیمز دن هیچ بری دکل یکدیکریمزه قارشی طبانجه چکمک حتی عزت نفسمزی رنجیده ایدمک اوفاق بر معامله ده بیله بولنما مشزدر . بز سفیر مورغنتاؤک اینانیدی و بشقه لرخی ده ایناندرمق ایسته دیکی کبی قراقلرلدن کلمش انسانلر دکمز . کیمز عسکری دارالفنونلرنده اکمال تحصیل ایتمش ، رچوقلریمز تورکیا و آوروپا دارالفنونلرندن اجازتنامه آلمش اولدیغمز و حتی سفیرک ادعا ایتدیکی کبی هیچ بر زمان پوسته موزعی اولماش اولان طلعت پاشا بیله منتظم بر تحصیل ابتدائی و تالی کوردکن صوکرک سالانیک حقوق فاکولته سندن اجازتنامه آلمش اولدیغندن بزدن آپاشلره خاص اولان حرکاتک صدورینه امکان یوقدر .

فی الحقیقه اوردومزک سفر برلکنی حربه داخل اولما مزه مانع کبی کوسترمک امکانی آرتیق قالمامشدی . اوزمان پاره مسئله سی ایلری سورولدی . کرچه قایتولا-سیونلر بقانون موقتله الغا ایدلمش ایسه ده بوندن هآن استفاده امکانی یوقدی . بر طرفدن کومروک وارداتی عادتاً ربع درجه سنه ایتمش ، اعشار وارداتی ده کاملاً اوردویه تخصیص اولونمشدی .

حکومتک فرانسه دن استقراض ایتدیکی پاره نک ایلک تقسیطی آنحق سنه نهایتنه

قدر مصارف عادی دولتی یا قاپاتابیلیر ، یا قاپاته مازدی . بناء علیه پاره مسئله سنک لزوم حلی ده آلمانلره تکلیف ایدلی .

تشرین اولک اون برنجی کونی طرابیه ده کی سفارتخانه ده برخصوصی اوکله طعامنه مدعو اولدیغمه دائر وانکنهایم دن بر دعوت نامه آلم . سفارتخانه یه کلدیکم زمان صدراعظم پاشا طلعت و خلیل بکلری و انور پاشایی ده اوراده بولدم . اوصرده آلمایا سفارتی مستشارلغنه تعیین ایدلمش اولان فون کولمان ده موجود ایدی .

یمکن صوکر ا سفیرک دارالمساعیسه چکلک . پاره حقه ده کی تکلیفاتم زکده آلمایا طرفندن قبول ایدلمش اولدیغنی وانکنهایم بشوش برچهره ایله سویلوز و برطرفندن ده « آرتق بوندن صوکر ا باشقه برمانع ایجاد ایتمه » معناسنی اشرا ب ایدر طرزده یوزیمه باقیوردی . اوکون سفارتخانه ده بر معاهده اتفاقیه امضا ایتمش اولدیغمزه و سائر یه دائر کسب قطعیت ایتمش اولان قناعت عمومیه بالکلیه خلاف حقیقتدر . اولجه عرض ایتدیکم وجهله ذاتاً معاهده اتفاقیه حرب عمومینک اعلانی صرملنده عقد ایدلمش اولدیغندن بوکون بوکا دائر یاییله جق بر ایش یوقدی .

ایرتسی کون انعقاد ایدن انجمن وکلاده وضعیت عمومیه اوزون اوزادی یه مناقشه و تدقیق اولندی . انجمنده باشلیجه ایکی تکلیف تظاهر ایدیوردی .

۱ — همان حرب عمومی یه داخل اولمق ؛

۲ — ده ا آلتی آی محافظه بیطرفی ایتمک لکمز لزومنه آلمانلری اقناع ایچون خلیل بک ایله ارکان حربیه عمومیه رئیس ثانینی حافظ حق بی آلمان قرارگاه عمومیسنه کوندرمک .

بوایکنجی فکری جاوید بک مدافعه ایدیور برنجی فیکرده نظار سائر متفق بولنیورلردی . صدراعظم پاشا ایلك دفعه اوله زق متردد برطور طاقینمشدی . او صرده انور پاشا غوبه ن ایله بره سلاوک قره دکیزه چیقه لارینی منع ایتمکده آرتق دوام ایده میه چکنی ، زرا آمیرالک غایت محق بر جوق اسباب عسکریه سردایتمکده بولندیغنی در میان ایتدی . فقط بوایکی سفینه نک دیگر عثمانلی سفائی ایله برابر قره دکیزه چیقه ماسی محقق بزم حربیه دخولمزی انتاج ایده بیلیردی . بر کره ائتلاف دولتلری غوبه ن بره سلاو سفینه لرینک عثمانلی سفینه سی اولدقلرینی قبول ایتمه کلرینی و بناء علیه عثمانلی بایراغنی و عثمانلی مرتباتی حامل اوله رق دخی بوغازلردن چیقه جق اولورلرایسه در عقب دشمن معامله سی کوره جکلرینی آچیقندن آچیغه اخطار ایتشلردی .

بناء علیه روس دونماسنک دخی غوبه ن بره سلاوی فنا بروضعیده یا قالیه جق اولورسه در عقب هجومدن کبری دورمایه جفی محققدی .

هرهانیکی بر ملاحظه مبنی اوله رق روس دوئمناسی غوین وبره سلاوه هجوم ایتمه سه یله بزم حربیه داخل اولمقلغمزی پک زیاده آرزو ایتمکده بولن ان آمیرال سوشون بالذات روس دوئمناسنه ویا روس لیمانلرینه هجوم ایتک صورتیله بزی حربیه سور و کلیه بیلیدی .

خلیل وحافظ حق بکلرک بر آن اول برلینه کوندریله لرینه و دونمیه عائد مسئله نك باش قوماندانلق وکالتنك تحت مسؤلیته ترك ایدلمه سنه فقط حربیه میدان ویردجک احوال دن تامامیه توقی ایدلمک قرار ویرلدی .

آمرال سوشونک قره دکزده دشمن دوئمناسیله کندی بیننده تشرین اولک یکریمی طقوزنجی کونی جریان ایدن احواله دائر ویردیکی راپور موجبجه اک اول روسلر طرفدن تشبث ایدلایکی قبول ایتک مجبوریتنده بولندیغمز اجرا آت بحربه نتیجه سنده روسلر و بالتیجه انکلیزلرله فرانسزلر حکومت عثمانیه اعلان حرب ایتدیلر .

• •

عثمانی دوئمناسنک قره دکزده روس دوئمناسی طرفدن دوچار تجاوز اولماسی اوزرینه دوئمناس طرفدن اوده سا ، سیواستوپول ، نه تودوسیا و سائر کبی لیمانلره و روس سفائن حربیه و تجاریه سنه تجاوزانده بولونلینی حوادی استانبوله کلیر کلمز صدراعظم سعید حلیم پاشاده غایت غریب برحالت روحیه مشاهده ایدیلدی . مشارالیه کویا آلمانلر بزی حربیه سور و کلیه جکلرندن کندیلری بومسؤولیته قطعاً اشتراک ایتک ایسته مز لر مش . او کونلر بایرام اولمق مناسبتیله یالکیز یالیده اجتماع ایدیوردق . سعید حلیم پاشا دوئمناسک بوتجاوزی حربیه سببیت ویردجک اولورسه محقق صورتده استعفا ایدم جکینی سویلیوردی . آلمانلره عقد ایتدی کمز اتقاقی کندیلری امضا ایتمش و ونک تولید ایتدیکی هر نوع مجبوریتلره توسل ضروری اولدینی حقنده برقاچ کون اول ویریلن قراره کندیلریده اشتراک ایتمش اولدق لری حالده بو احوالک نتایج طبیعیه سنندن اولان بر حادثه نك ظهوری اوزرینه استعفا ایدم جکلرینی در میان ایتملری قطعاً غیر قابل تجویز اولدینی جدی رلسان لایقله مشارالیه افاده اولندی . بو افادانک غیر قابل رد و جرح منطق قارشو سننده بر جواب شافی بولامایان پرنس نهایت نتیجه طبیعیه ی قبول ایتدی واستعفادن واز کچدی .

• •

روسیه و فرانسه و انکلیترنك حکومت عثمانیه اعلان مخاصات ایتدکلری کون مجلس وکلا باب عالیده صورت فوق العاده اجتماع ایتشدی . سعید حلیم پاشا آمرال سوشونک ویردیکی راپورده ذکر اولنان وقایعی تکرار ایدم رک روس دوئمناسنک قره

دگزرده بولنان سفائن حربیه عثمانیه به تجاوز ایتیمی اوزرینه دونمای هایونک دخی روس دونماسنی تعقیبه مجبور اولدیغنی و بالتیجه اوده سا و سیواستپول و سائر کبی روس لیمانلرند بولن سفائن حربیه و تجاریه به قارش استعمال سلاح ایتدیکنی و بونک نتیجه سی اوله رق اولا روسیه دولتنک و متعاقباً فرانسه و انکلتزه دولتریننک حکومت عثمانیه به اعلان مخاصمات ایتدک لرینی ، کر چه حکومت عثمانیه ادامه مناسبات و منع مخاصمات ایچون قره دکزرده مشترک تحقیقات اجراسیله اول امرده هانکی دونمانک تجاوز ایتدیکی تظاهر ایدرسه او دونما قومانداننک شخصاً مسئول ایدلمه سی تکلیف ایتش ایسه ده روسیه حکومتی طرفندن کمال شدتله رد اولندیغنی و بناء علیه حکومت عثمانیه نکه ده کندیسی روسیه و انکلتزه و فرانسه حکومتلریله حال حربده عد ایتمه که مجبور اولدیغنی و کیفیتک بامضبط عرض عتبه علما قلنمسی ضروری اولدیغنی بیان و بوکا نظر آ وکلانک فکر و مطالبه لرینی سربستجه بیان ایتد لرینی ده علاوه رجا ایتدی .

ا ک اول تلغراف ناظری اوسقان افندی سوزایسته یه رک : کندیسی اساس اعتباریله محاربه لریک علیه داری اولدیغندن حکومت عثمانیه نکه حربه داخل اولماسنی تصویب ایدن بر قرارنامه به وضع امضا ایده یه جکنی و بناء علیه نظارتدن استعفا به مجبور اولدیغنی و شوقدرکه شاید پوسته و تلغراف ناظرتی مدیریت عمومیه به قلب ایدیه جک اولورسه مدیر عمومی صفتی ایله ده بواشی ایفا ایده یه جکنی سویلدی .

متعاباً زراعت و تجارت ناظری سلیمان البستانی افندی سوز آله رق « صالح بین الملل » جمعیتی اعضا سندن اولماسی اعتباریله عموماً حربلرک علیه داری اولدیغندن کندیسیده مع الاصف استعفا به مجبور اولدیغنی بیان ایتدی .

نافعه ناظری چوروکصولی محمود پاشا قاینه ده ، حقنده اعتماد سزلق کورمکده اولدیغندن باحث برقچ سوزدن سوکرا مستغنی عد ایدلمه سی رجا ایتدی .

جاوید بک اوکون مجلس وکلاده بولنیوردی . فقط کندیسیده استعفا ایتمه که قرار ویردیکنی طلعت بک سویله مشدی . استعفا ایدن ناظر لر مجلس وکلای ترک ایتدیلر . متباقی ناظرلرکه صدراعظم سعید حلیم پاشا ، شیخ الاسلام خیری افندی ، حربیه ناظری انور پاشا ، داخلیه ناظری طلعت پاشا ، بن ، عدلیه ناظری ابراهیم بک ، معارف ناظری شکری بکدن عبارت ایدک ، عنایت صمدانییه ، امداد روحانیت پیغمبریه به و یاورى صالح شهربارییه کووه نهرک حال حربی قبول ضروی اولدیغنه دائر بر ضبطه تنظیم و عتبه شهربارییه تقدیم ایتدک .

برمدت سوکرا اجتماع ایدن محاسن معوثان و اعیان دخی حال حربی عظیم را کثرتیه تصویب و قاینه به بیان اعماد ایتش اولماسنه کوره حکومتک سیاست خارجییه سی مظهر تصویب اولمش دیمک اولور .

اثنلاف دولتريله حال حربى قبول ايتديكمزه دائر اولان مضبوطه يى تنظيم ايتديكمز
كون اسكدار جهتنده ايجاديه ايله چامليجه وارن كوى آراسنده برقول اردو مانوره سى
ياد بريورد . برطرفده آلمانىلى مير آلاى نيقولاى بكك قومانداسنده كى اوچنچى
فرقه وديكر طرفده مير آلاى محمود كامل بكك قومانداسنده كى بشنچى قول اردو
بولونيوردى . بركون وبركيجه دوام ايدرك نهايت صباحه قارشى فجر ايله برابر
اوچنچى فرقه طرفدن مدافعه ايديلن چامليجه تپه سنه اجرا قلنان هجوم ايله نهايت
بولان بومانوره يى متعاقب اردو قوماندانى صفتيله حر كاتى تنقيد ايجون چامليجه تپه سى
اوزرينه طولادىغم درت فرقه نك بالعموم ضابطانسه حال حرب خبرى ويرديكم زمان
شاهد اولديغم تظاهرات وطنپرورانه و آرزوى شديد مجادله يى هيچ برديقه كوزمك
او كندن كرتوره ميه جكم . بودرت فرقه نك افراد وضابطانیده افراد ملت عثمانیه دندى .
بونلرك اوزمانكى نشئه وسرورينى كورمه يوبده حرب عمومى يه داخل اولمغى ملت ايسته مدى
ديمكه جسارت ايتك اكر دنائتدن ايلرى كلميورسه خيانت ويا حماقتدن نشئت ايدسيور

پرنس عباس حليم پاشا نك نافع نظارتى و احمد نسي مى بكك زراعت نظارتيله
داخل اولديغى قابينه ده ماليه نظارتى وكالتى طاعت بك، پوسته وتاغراف نظارتى وكالتى
شكرى بك درعه ده ايدرك باشقه تعديلات اجرا اولمادى .

درديجى اردو قوماندانلغى

حال حربه دخولمزدن بش اون كون صو كرا انور پاشا بركون بنى قوناغنه دعوت
ايتمى . اوصرده آياغنده چيقان بر جباندن طولايى پاشا يانا قده ياتسيوردى . دعوتنه
هان ايجابت ايتدم . وضعيت عموميه حقنده بر قاچ كلمه تعاطيسندن صو كرا ديدى كه :
« عزيزم جمال پاشا ! سويش قنالى اوزرينه بر حر كت تعرضيه ترتيبى صورتيله
انكليز لرى مصرده اشغال ايتك وبوسايه ده غرب جبهه سنه سوق ايتمكه اولدقلى
بر جوق هند فرقه سنى مصرده آليقويمغه مجبور ايتمكه برابر چناق قاعه يه بر قوه اخراجيه
سوقلرينه مانع اولمق ايسه تيوردم . بونكچون بر ايكي آيدن برى سوريه ده بعض
استحضاراتده بولونيوردم . مير آلاى مرسينلى جمال بك قومانداسنده كى سكزنچى
قول اردويى بو وظيفه يه تخصيص ايتدم . آلمانلر بويه بر حر كتك اجرا سنه - و لك درجه ده
اهميت عطف ايتدكلرندن هيئت اصلاحيه مأمور اركان حربيه قائممقامى فون قره س
بكي ده منحصر آقان سفرى استحضاراتيله مشغول اولمق اوزره سكزنچى قول اردو

ارکان حربیه ریاسته تعیین و شامه اعزام ایتدم . بر طرفدنده بدویلردن قوه معاونه وجوده کتیرمک وظیفه سیله یاورم سواری بیکیاشیسی ممتاز بکی ، اعیاندن عبدالرحمن بک و تدقیق مؤلفات شرعیه مجلس رئیسی شیخ اسعد شقیر افندی و دهاساا عرب اکابرینی سوریه کوندردم . دردنجی اردو قوماندانی فریق ذکی پاشا حضر تتری یالکز سوریه و فلسطینک مدافعه سیله و سکنزنجی قول اردو قوماندانی میر آلائی جمال بک کندی قول اردو سنک سفر رلکنی اتمام و قبال سفرینی احضار ایله مشغول اوله جقدی . فقط ذکی پاشا حضر تتری دکل بوسفری اجرا ایتمک ، سوریه نک برحتمل دشمن اخراجنه قارشی تأمین مدافعه سی ایچون بورادن باشقه قوتلر کوندریله سنی طلب ایتمکه باشلادی . سوریه دن آلدیغمز خبرلر اوراده احوالک بک قاریشیق اولدیغنی و عرب اختلاجیلرینک اجرای فعالیت به باشلادیغنی کوستریبور . بناء علیه دوشونوردمکه ذات عالیکز بر فداکارلق اختیار بیورسه کزده دردنجی اردو قوماندانلغنی در عهده ایتسه کز ، هم قبال سفرینی احضار واجرا ، همد سوریه ده اسایش وامنیت داخلیه نی تأمین بیورسه کز ، بیله هم ، تکلیفه جسارت ایده می می ؟

همان جواب ویردم :

« بنم قابلیت اجرایه مک نروده وطن ایچون دهامفید والزم اولدیغنه قناعت حاصل ایدر سه کز اورایه کیدوب ایفای وظیفه ایتمک بنم ایچون الک مقدس وظیفه در . بناء علیه تکلیف ایتدیککز دردنجی اردو قوماندانلغنی کمال شکران و انهماک ایله قبول ایدر و بر ایکی کون ظرفنده محل مأموریت به حرکت ایدرم . »

جوابدن صولک درجه ممنون اولان انور پاشا ایله قونوشدقدن واردو قوماندانلرینک قانوناً حائز اولدقلری سربستی به تماماً صاحب اولمق و بحریه نظارتی کماکان عهده مده بولونه رق غیایمده وکالتی کندیلی در عهده ایتمک و نظارت امورینک تنسیق و اصلاحاته متعلق مسائلده بنم رأی و موافقم استحصال ایدمکجه برشیء یاپیلماق اساسلرینی قرار لاشدیردقندصورا آیریلدم ، وهان مکتب حربیه ده کی ایکنجی اردو قرارگاهنه کیدرک باش قوماندانلق وکالتنک امریله اردو قرارگاهندن رئیس ایله برنجی ، ایکنجی و اوچنجی شعبه مدیرلری ودها بعض ضابطانی مستصحباً دردنجی اردو قوماندانلغنی در عهده ایتمک اوزره شامه حرکت ایده جکمدن کمال سرعتله استحضاراته ابتدار اولماسی امرینی ارکان حربیه رئیسی میر آلائی فون فرائقه ن برغه ویردم . درت بش کرن ظرفنده استحضاراتمی اکمال ایده رک تشرین تانینک یکر می برنجی کونی حیدر پاشا استاسیونندن سوریه به متوجهاً حرکت ایتدم .

استاسیوندن حرکتدن اول تشیعه کمش اولان ذواتدن بری ملتک بندن بیوک خدمتلر بکله دیکنه وک یاقین برزمانده ظفر خبرینه منتظر بولندیغنه دائر مؤثر برنطق

ایراد ایتدی . بالطبع بـو نطقه مقابله ایتک لازم کلدی . وظیفه مک علویتنی فقط مشکلات فوق العاده سنی مدرک اوله رق حرکت ایتدیکمه و بکا تودیع اولنان وظیفه ایجاب اتندن اوله رق بن ومعیتمه ویریلن قهرمانلر قتاله یاپه جغمز هجومده موفق اولامیه رق جسدلر منی قتاله دوکه جک اولور سهق آرقه ده قالان وطنپرورلرک قتالی جسدلر منی اوزرندن کچه رک اسلامک مال صریحی اولان مصری انکلیز متسلطلرینک لندن قورتارمالری ایجاب ایده جکینه دائر بر مقابله ده بولندم . شیمدی خبر آلیورم که مخالفین کرامدن برچوقلری اوزمانکی سوزلریمی اشهاد ایده رک :

« جمال پاشا سوریه دن نه یوزله عودت ایتدی ؟ هانیا یا انکلیزلری مصر دن طرد ایدجک یا خود اوله جکدی ؟ نه دن اولمه دی ؟ » کی علیهمده برچوق سفسطه لر ایراد ایدیورلر مش . آتیده حکایه ایده جکم حرکاتدن استدلال ایده بیلیرلر که بن قتال سفر نه اولمه مک ایچون هیچ بر تدبیره مراجعت ایتهمده . فقط جناب حقک اولدورمک ایسته ریکی قولنی کیمسه اولدوره من . بن ده اولمه دم . کیم بیلیر سلامت وطن اوغر نه بعدما توسل ایتکدن کری طور میه جغم برچوق مجادلات اشناسنده دهانه کی فلاکت و عتابلره معروض قالمق ایچون یاشیه جغم . فقط بوذوات کرام نه ایسته یورلردی ؟ اوزمان اوچم غفیره قارشنی :

« افندیلر بن انکلیزلری مصر دن طرد ایتک وظیفه سیله سوریه کیدیورم آما بزم وسائطمز بو وظیفه یی ایفایه کافی دکلدیر . بناءً علیه بن هیچ بر شیئه موفق اولامیه رق ملول و محزون استانبوله دونه جکم . سزده شیمدی اوفلاکت کونلر نه انتظار آ بوراده کوز یاشلاری دوکمکله مشغول اولنکیز . نه یاپم مقدر بویله ایمش ! » دیمکلکیمی ایسته یورلردی . خیر ، افندیلر ! ینه آتیاً اثبات ایده جکم که عالم اسلامه الک عفو اولماز ضربه یی ایندیر مش اولان شریف حسینک خروج اخلتکارانه سی اولماسه ایدی بن انکلیزلری فعلاً مصر دن طرد و دفع ایده مز سهم بیله فلسطین و سوریه داخلنه بر آدیم آتالری نه مساعده ایتمز و یوز بیکلرجه انکلیز اردوسنی مصر ده تثبیه موفق اولوردم .

شریفک اخاتی بونتیجه مسعوده دن بزی محروم ایتدی و عرب - تورک ایکی قرده ش مسلمان ملتی بر بندن تفریق ایده رک برنجیسنی انکلیز و فرانسزلرک یداسارته آتدیفی کی ایکنجیسنی ده خونخوار دشمنلریله امیدسز بر مجادله یه کیرشمکه مجبور ایتدی . قریباً بو حقایقی بوتون وسائطی ایله اثبات ایده جکم .

استانبول دن حرکت مز دن اتوز آتی ساعت صورک قانونیه مواصلت ایتشدک . والی عزمی بکک همیتله قونییه اهاالیسنک پک حرارتلی استقبالنه مظهر اولدم . بو وسیله دن بالاستفاده

مولانا جلال الدين رومی حضرت تليزنيك مرقد مباركليزني زيارت ايتدم . اوسره ده ولدچاي افندي حضرت تليزله معارفه پيدا ايتدم . كنديلري بر كوكلكي مفرزه سيله مصر سفرينه اشتراك ايدم . جك اولورلر ايسه حضرت مولاناك روحايتندن اردومك مستفيد اوله جغني سوق كلام ايله سويله مشدم . في الحقيقه بنم حر كتمدن بر مدت صو كرا مشاراليه ، مولوي كوكلكي طابوري ناميله بر قوه عسكريه ترتيب و سوريه كه مشلرديكه ولدچاي حضرت تليزنيك بوفدا كارلقلري جدا تقديره سزادر . مشاراليه بوسفر يوزندن بر جكر پارسي ، سنده لجه برابر ياشاديغي حرمني غائب ايتمش و كنديسي صحتجه پك زياده مضطرب اولمش بولنديغي حالده اوزون مدت سوريه ده بكارفاقتدن كري طور مامش ومعينه آلايني تورك كنجلرندن ، اردو ، خصوصات مختلفه ده پك چوق خدمتلا كور مشدر .

..

تورك غزته جيلزنيك اك ناموسكارلرندن اولديغه بوتون موجوديته قانع اولديغم احمد راسم بكده استانبولدن بمله برابر حر كت ايتمش و برجي قنال سفرينيك اثناي اجرا سينده قرارگاهك ايكنجي قدمه سنده بئالسيه به قدر كلديكي كي اوندن صو كرا ده بر مدت قرارگاه ايله برابر قدسده قالمش واختيار ايتديكم سوريه سياستي حقنده اوزمانلر « اردونك سياستي » نامي آلنده پك مهم مقاله لر يازمشدى . رفاقتلرندن دائما ذوق ونشه دويديغم بو ذاتي بوراده ذكر ايتمدن كچه ميه جكم . بالقان محاربه سندن صو كرا سلانيك باش شهبندرلكني شايان تقدير بر همت و حمايته ايفا ايتمش اولان مصري فؤاد سليم بك افندي ايله داخله نظارتي مأمورلرندن مصري دوققور فؤاد بك دخي كوكلكي اوله رق قرارگاهه التحاق ايتشلردي . فؤاد سليم بك قرارگاهك مصر اموري شعبه سي وظيفه سي طبق بر موظف ضابطي كي بيوك بر حس اطاعت و وظيفه پروري ايله ايفا ايتمش و اردو كنديسندن پك مهم استفاده لرده بولنمشدر . عائله جه ظهور ايدن معذرت كنديسي قرارگاهي تركه مجبور ايتديكي زمان جدا بيوك بر حزن و تاثير دويمش ايدم . بالاخره سلطنت سنيهك اسويچره سفارتي بيوك بر كياستله ايفا ايتمش اولان مشاراليه فؤاد سليم بك افنديله كذا اردويه مهم معاونتلا اراز ايتمش اولان دوققور فؤاد بكي دائما بر حس شكران ايله ياد و تحظر ايده جكم .

..

قونيه دن صو كرا مواصلايتديكمز (بوزاتي) ده هيچ دورما يارق اوتومويلرله (طرسوس) حر كت و اورادن شمندوفرله اطنيه مواصلايتك . درت ، بش سنه اول واليك ايتديكم بو ولايت مركزنده اهالي طرفندن پك بيوك بر نشئه

و سرور ايله قبول ايديلدم . كجه ي اوراده كچيردك . بر هفته دن برى ياغان ياغمور لر
آطنه اوواسنى چامور درياسى حالنه قويمشدى . حالبوكه اوزمان آطنه ايله حلب
آراسنده كى شمندوفر آنجا ق طوپراق قلعه استاسيونه قدر كمش و اورادن اوتسى
انشا ايدلمه مشدى .

كرچه اسكندرون — طوپراق قلعه خطى انشا آتى اتمام اولونمش ايسه ده ياغان
ياغمور لر درت يول خذالرنده خطك برچوق اقسامى بوزمش اولديغندن اسكندرون
ايله مواصلا منقطع اولمشدى .

بناء عليه شمندوفرله طوپراق قلعه يه ويا مصطفى بك استاسيونه قدر كيمك واوراده
اوتوموبيللى تره ندى ايندوروب ممكن اولور ايسه اوتوموبيلله اولامازسه آتله اسكندرونه
واوردان حلبه كيمكى قرارلاشدير دم . و صبا حلين بك ايركن آطنه دن چيقدم .
اوردونك آناطولى ايله يكانه طريق مواصلاسى اولان بوزاتى — طرسوس يولنده
بك چوق بوزوققلر اولديغنى كورديكمدن بونلرك كمال سرعتله تعميرنى و بعض بك
ديك اولان يوللرك واريانلرله تحفيفى والى ولايت اسماعيل حقى بكدن رجائيشدم .
آطنه دن حر كتن برايكى ساعت صوكرا مواصلا ايتديكمز مصطفى بك استاسيوندىن
اوتوموبيللرله حيوانلرى تره ندى ايندير دك . موجود ايكي اوتوموبيله بئنه رك هنوز
اون بش ، يكرمى خطوه مسافه قطع ايدرايمه ز اوتوموبيللر كاملاً چاموره سايلانديلر .
بوصورتله يوله دوام امكانى اولماديغى آكلار آكلاماز آتليمره بئنه رك و اوتوموبيللرك
ماندارله چاموردن چيقاريوب اسكندرون استقامتمده بى تعقيب ايتديرلمه سنى ياورم
يوزباشى صلاح الدين أفندى يه امر ايدهر ك حر كت ايتدك .

اوج درت ساعت صوكرا درت يوله كلك . درت يول اسكندرون كورفى
ساحلنده بويوك ومهم بر كويدر . كنديسنه بك يقين ديكر بش آلتى كويك اورته سنده
وهان كاملاً ارنميرلرله مسكون اولوب پورتقال باغچه لرله مشوردر . آطنه ولايتنه
تابع عمرانيه قضاسنك مركزى اولان بوكويه ديكر بش كويك اورته سنه مصادف
واسع بر آچيقلقده بر منتظم قصبه تأسيسى و قيله آطنه واليسى بولنديغم زمان تصور
ايتمش وقصبه نك پلاتنى آلمان مهندسلىرله تنظيم ايتدير مشدم . فقط بر نتيجيه ايصال
ايدمه دن ولايتدن انفصال ايتديكم ايچين بو تشبشتمده ديكر بر چوقلرى كجى دها
جين حالنده ايكن ئولمشدى . خلاصه ، ۱۹۱۰ و ۱۹۱۱ سنه لرنده برچوق دفعه لر
كمش اولديغم و كنديلرينه بك بويوك معاونت لرده بولنديغم بوكوى أهالىسى نى برجم
غفير ايله استقبال ايتديلر . بزه بر پارچه يمك ييديرمك ايچين بك زياده اصرار ايدن
اشرافى محزون ايتك ايستمه ديكمدن غروب شمسه قدر اوراده قالد . اجرا ايتديكم
تحقيقات اوزرينه درت يول استاسيوندىن بر عادى دره زينه ايله حر كت ايدهر ك

اولورایسم یکی ساعتده اسکندرونه مواصلت ایده جکمی و حالبوکه آتله آنجا آتی ساعتده واریله جکمی آکلادیغمدن آرکان حربیه رئیسلیله برابر دره زینه یه بینه رک اسکندرونه کیتیمی ترجیح ایتدم .

بوزوق بر خط اوزرنده ایکی اوچ دفعه ئولوم تهله کی کچیره رک دشمن سفائنک دولاشدینی بر ساحلک تام کنارنده یاغموور آتنده دره زینه ایله احرا ایتدیکم اوسیاختی قطعاً اونونامام . شدید بر فیرطینه دن صوکر اگاه ویکاه صیریلان بولوطلر آلتندن چیقان قرق غریب بر صورتده آیدینلادیغی ده کزده اوزاقدن بر دشمن سفینه سی ، بر نقطه کورونیور و بو منظره قلمده کی حرارتی برقات داها تشدید ایدیوردی .

أوت ، امین اولیکزکه خصم لیمزک نه قدر قوتلی و عنود اولدیغی بیلمه یوردکادم . فقط محافظه حیات ایچین باشقا چاره بولامادیغمدن طولانی کندیلریله چار وناچار چاریشمغه مجبور اولدیغمز بو دشمنلرک کسر قدرتی ایچین هیچ بر واسطه یی اهل اتمیه جکمه یمن ایتشدم . وایشته بر طرفدن بومیشاق درونی تخطر ، دیگر طرفدن شیمدی یه قدر مصادف اولدیغم مواصله مشکلاتی درپش ایده رک درعهده ایتدیکم یوکک پک آغیر اولدیغی تقدیر ایدیور و بوسبیله مرارت قابیم آرتیوردی .

خلاصه بعضاً اون بش ، یکریمی متره طولنده قسمی برالابه استناد ایتمکسزین معلق دوران و بعضاً صولر ایچنده بوزمن ده میرلر اوزرنده دره زینه ایله ایکی ، اوچ ساعت ، سیاحت ایده رک اسکندرونه مواصلت ایتدک . دیگر آرکان حربیه ضابطانی آنجا بزدن دورت ، بش ساعت صوکر اکله بیلملریدی . اوکیجه یی اسکندرونده کچیردک .

اجرا ایتدیکمز تحقیقاته نظر آ اسکندرون — حلب شوشه سنک حال حاضری اوطومویل مرورینه مساعد دکلدی . حلب وحوالیسنی ودها طوغریسی بوتون شمالی سوریه ایله اورفا ، دیاربکر موصل طرفلرینی بحر سفیدک الهمهم اسکله سی اولان اسکندرونه ربط ایدن بو یکانه یولک بیله اوطومویل مرورینه مساعد اولمیه جق برحاله بیراقله سی جدآ آغلانه جق اهل و تسپیدن باشقه برشی دکلدی .

بغداد ولایتدن عودت ایتدیکم صیره ده آراهه ایله کچدیکم بو یولک طرف طرف تعمیراته باشلانیدیغی کوربشدم . بوتعمیرات طرق عمومیه شرکئی طرفندن اجرا ایدیلیوردی . ۱۹۱۲ اغستوسندن بری ایکی سنه یی متجاوز بر زمان ظرفنده بونک اتمام تعمیراتی هر حالده ممکن اوله بیلیردی . مشروطیت دکل آ ، مقدسیت اداره یی کتیره سک بوروقراسیدن قوزولمدقجه هیچ برایش پایلمه سی امکانی اولمایان دوائر دولتک ایجاد ایتدیکی بیک دورلو مشکلات بو تعمیراته مانع اولمشدی .

اصل غیری تعمیر ایدلم دیرکن اسکیدن موجود بولنان افساسی ده بالکله بوزملریدی .

چونکه موجود شوشه نك بوتون طاشلرني چيقارمشلر ويكيدن تدارك اولنان طاشلرله برابر يولاك ايكي طرفنه شربدكي ايتسيف ايتمشلردى . بوايكي ييغينك اورته سنده طوپراق چوقور ايسه ياغان ياغمورلردن طولاي كاملا طولارق عادتاً بر قنال شكلنى اكتساب ايتشدى . ايشته ۱۹۱۴ سنه سى تشرين ثاينسده اوزرندن او طومويل ايله كچمكه موفق اولامديغم اسكندرون . حلب شوشه سيده بو حالده ايدى . بالاجبوريه بر كيجه بيلانده قالمق و ايرتسى كون قسماً عربيه و قسماً آت ايله سياحت ايتمك صورتيله قاطميه قدر يولمزه دوام ايتدك . قاطمه استاسيونى بغداد شمندوفر خطنك حلبدن اول ايكنجى استاسيونيدر . حلب - اسكندرون شوشه سنك اك اول بغداد خطنه التصاق ايتديكي نقطه اولق اعتباريله بوراده بر منزل نقطه سى تأيس اولنشدى . فقط عربيه ايله استاسيونك اللى متره مسافه سنه قدر كمش اولديغمز حالده استاسيونه قدر تعقيب ايتمك ممكن اولاماديغى والى متره مسافه نى كيجه زيفىر كى بر قارا كلقدن نفرلرك صرتنده استاسيونه كيتمك مجبور يتنده قالديغمزى سويله يه جك اولور سى هم وظيفه دارانك درجه فعاليت و همتنى تقدير ايد بيليرسكز .

او آنده بالقان سفرى ائناسنده كى قرق كليسا - ادرنه و قرق كليسا - پيكار حصار - ويزه - سراى شوشه سى كوزومك اوكنه كلدى ، او شوشه لركده ايكي طرفنه بويله شريد كى قرمه طاشلر ييقلمش و اورته سنه دولان ياغمور صولرندن طولاي شوشه بر آرق شكلنى آلمشدى .

يارنى ! او شوشه اوزرندن يورويه مدكلرى ايچون تارلالره صايغمه مجبور اولان باطاريه لر منزله مهمات و ارزاق عسكريه مركز چامورلره صاپلانوب قالديغى مناظر سفيه و مهيجه سى ايكي سنه دن برى حالا كوزمك او كندن كيتمزكن شيمدى بنم قومانداسنه مأمور اولديغم اردونك مدخللرنده عين حالى كورمك نه قدر اسف انگيز ايدى . « ايشته ، ديدم ، بنم اردومى مادر وطنه ايدن يكانه خطمه مواصله . بوكا نظر آ سنك يابه جق چوق ايشلرك وار . تدابير عاديّه ايله بوايشلرك كورولمسنه امكان يوق . اك شديد مرحمتسز و زراكتسز طمارلركى آياغه قالديرمليسك ، اك يوكسك موقعلرى اشغال ايدنلرده بيله اولسه ، تصادف ايدم جكك تنبلك و اهالكارلغه قارشو اك شديد ضربه لركى اينديرمكدن چكينه مليسك ! »

اردومك منطقه سنده تنبلكدن اثر بر قايه جغمه دليل اولق و اهالكارلرك اوغرايه . جقلى معامله يه بر مثال تشكيل ايتمك اوزره بر اى استقبال كمش اولان ذوات آره سنده كى وظيفه دارانه خيلى چيقشدم . و نهايت بر ساعتك بر دمير يول سياحتندن صوكرا حلبه مواصلت ايتدك . حلب ، سفر برلكنى موصل و حواليسنده اكال ايتمش اولان اون برنجى قول اردونك افرادى ، و قسم متباقيسى عرب اولق اوزره اكثيرت عظيمه سى

کرد ایدی . قول اردونك بر فرقه سی حلبده دیگر فرقه سی حماده اقامه اولنش بولنیوردی . حلبده ایکی اوج کون قاهره قطعاتی تفتیش ایتدم ، فخری بکک جدأ خارق العاده دنبله بیلجک درجهده ابدال ایتدیکی مساعیه رغماً هان بوتون آلائی و طابور قوماندانلریله کوچوک رتبه لی ضابطان دن قسم اعظمک عثمانلی اردوسنک مزیتاً و عرفاناً ایکنجی ، اوچنجی درجه ضابطان دن اولملری حسینله کرک فرقه کرک قول اردونك مستقل قطعاتی پکده شایان ممنونیت بر حالده دکلدی . بر سفر بر قول اردوده بولنشی لازم کن بوتون مالزمه و اشیا کمال ایدلمه مش واکمالی امیددی ده قلامش ایدی . چونکه قول اردونك سفر برک منطقه سی اولان موصل و حوالیسنده اساساً بر قول اردویی تجهیز ایدم بیلجک مالزمه بی بوله بیلیمک امکانشردی .

حلب - اسکندرون شوسه سنک تعمیر یله برابر اصلاحیه دن قاطبه استاسیوننه قدر یکی بریول انشا ایدلمسی والیسندن رجا ایدرک حماده کی فرقه بی تفتیش ایتک اوزره اورایه کیتدم . حماده کی فرقهده حلبده کی فرقه دن فرقی دکلدی . مقصدم شامه وارمزدن اول بوتون سوریه نك اقسام شمالیه سی بر کره سریعاً کورمک و بواقسام حقنده بر فکر عمومی حاصل ایتمکدی . حادن صو کرا حص طریقله طرابلس شامه کیدرک اوراسی ده کوردکن صو کرا عینی کونده حصه عودت و کیجه بی اوراده کچیردم . و صبا حلین ریاق طریقله شامه حرکت و مواصلت ایتدم . بوتون کچیردیکم شهر لرده اهالی طرفندن فوق العاده تظاهرات و ظنپورانه ابراز اولنیور و عثمانلی لغه کمال مربوطیت اظهار ایدیلیوردی . پک اعلا کورویور و آکلا یوردم که اولادعربک قسم کلیسی خلافت اسلامیه نك بو استخلاص حربنده جدی فداکارلق ابرازندن کری دورمایه جقدی . بو حالت روحیه دن استفاده ایتک ، وجدانلری دوشمانه صاتمش اولان خائنلرک تسویلاتندن باروت قدر قابل اشتعال بو محیطی قورومق نم ایچون بروطفه ایدی .

شامه تاریخ مواصلتم اولان ۱۹۱۴ سنه سی کانون اولی ابتدا سنندن سوریه دن بالکلیه مفارقم تاریخی اولان ۱۹۱۷ سنه سی کانون اولی ابتدا سنه قدر تام اوج سنه دوام ایدن سوریه مأموریم اثنا سننده اردویه ، اداره مملکته ، سوریه و علی العموم عربستان سیاست داخلیه سنه ، اختلاف تسکینه ، اعاشیه ، اعمار ملکه عائد متنوع خصوصات ایله اشتغال ایتمش اولدیغدن بواچ سنه نك وقایع و حادثاتی روزنامه طرزنده کونی کونه یازمقدن ایسه هربری آرزوق یکدیگرینه مربوط و بربرینک سبب تولدی اولقله برابر هربری آری آری مباحث کبی تلقی ایدیلجک اولان بو حادثاتی متفرق بختلرده حکایه ایتکی خاطر ایتک ده سہولتله تعقیب ایدیله بیلمی ایچون موافق تلقی ایتدم . مع هذا مقصدم بر تاریخ حرب یازمق دکل بروشقه سیاسیہ نشر ایتک اولدیغدن اردونك حرکات و اجرا آتته متعلق خصوصاتی بی لزوم تفصیلدن اجتناب ایدرک یالکز خطوط عمومیه سنندن بحث ایدم جکم . اردو قرارگاهی دردنجی

اردونك حرڪات حربيہ سنہ متعلق حرب جريدہ لڙي غايت منتظم برصورتہ ترتيب وارڪان حربيہ عموميہ به تقديم ايتش اولديغدن بالاخرہ بونلرہ مراجعتلہ برتاريخ حرب يازمسي پك قيمتلي ارڪان حربيہ رئيس اولان ميرآلای فوآد بڪدن رجا ايده جگم .

برنجي قتال سفری استحضاراتی

شامہ مواصلت ايتديکم کون رياقدہ استقبالمہ کلمش اولان سکزنجی قول اردو قوماندانی مرسينلی جمال پاشا قول اردوسنک مأمور اولديغی قتال سفرينک طرز اجراسی حقندہ کی حرڪات حربيہ لایحہ سويلہ اوزمانہ قدر ياپيلمش و آتيا ياپيلہ حق اولان ايشلرہ متعلق امرلر، جدوللر و خريطہ لک برصورتی حاوی بيوک بردوسيہ يي بکا و برمشدی . ارڪان حربيہ رئيسی فون قرمدہ عینی دوسيہ نك آلمانجہ نسخہ لڙي ارڪان حربيہ رئيس فون فراقہ نبرغہ توديع ايتشدی . شامہ « داماسکوس پالاس » اوتلندہ تأسيس ايتديکم قرارکاھمہ کيرر کيرمزايلاک ايشم بودوسيہ يي کمال دقتلہ تدقيق و مطالعہ ايتک اولدی .

سکزنجی اردونك تکليف ايتديکی سفر پلانی خلاصہ شويلہ ايدي :
قول اردونك موجود اوچ فرقہ سندن يالکز يکرمی بشنجی فرقہ ايلہ ديکر ايکی فرقہ دن دوشيرمہ صورتيلہ آئينہ حق افراد وضابطاندن مرکب بر آلايی قتال سفرينہ تخصیص ايتک، استانبولدن بالحاصہ مصر سفری ايچون کوندريلہ جگ اولان سکزنجی واوتجی فرقہ لڙی اردو قوماندانلغنک تنسيب ايده جکی شکلده قسمأ قتال سفرينہ وقسمأ کريلرک محافظہ سنہ حصر ايتک، فقط ہر حالده قتال سفرينہ قوت تخصیص ايتمہ مک . بوفکر عمومی حرڪات حربيہ نك جريان ايده جکی سيناجولنک احوال طبعہ سنہ نظر آپک موافقدی .

بن سوريہ به کلديکم ضرمدہ وضعيت عموميہ شويلہ بر حالده ايدي :
بيکباشی ممتاز بک قوماندانندہ کی عربان کوکالی مفرزہ سی « العريشی » اشغال ايتش واورايہ يرلشمشدی . تشکيلات مخصوصہ به مربوط کوکليردن مرکب بر مفرزہ دہ از ميرلی اشرف بک قومانداسيلہ سيناجولنک همان مرکز بہ مصادف قلعة النخلی اشغال ايتش بولنوردی .

عقبہ دہ قائم مقام موسی کاظم بک قومانداسيلہ بر نظاميہ مفرزہ سی بولنيور و بئرا السبعده يکرمی يدنجی فرقہ به منسوب بر آلاي چولده کی قوتلرک استنادی تشکيل ايدیوردی . يکرمی بشنجی فرقہ کاملاً شامہ بولنيور و فرقہ قوماندانی ارڪان حربيہ قائم مقامی علی فوآد بکک] بالاخرہ حرب عمومی اثناسندہ فرقہ و قول اردو قوماندانلقرندہ

خدمات مبرورہ سی سبق ایتش و میرلوالغہ ترفیع ایدلمش اولان اسماعیل فاضل پاشا زاده علی فواد پاشا [قومانداسی آلتندہ مہادی تعلیملرلہ اشتغال ایدیوردی . سکزنجی قول اردو سینا چولنک وضعیتنی نظر دقہ آلہرق اردویہ وداہا طوغریسی قوۂ سفریہ قنالہ طوغری حرکت امری ویرلمزدن اول چول داخلندہ کریدن ایلری یہ طوغری منزل تشکیلاتی یاقق الزم اولدیغنی پک کوزل تقدیر ایتش وچول منزل مفتشلیکی نامی آلتندہ برہفتشلک احداث ایدہرک بونک باشنہ یکرمی اوچنچی فرقہ قوماندانی ارکان حریبہ قائمقامی بہجت بکی کچیرمشدی . کرک برنجی قنال سفری اثناسندہ کرک اوندن صوکرہ ایکنچی سفرك استحضاراتیلہ اشتغال اولندیغنی اثنادہ بوتون چولہدہ شایان تقدیر خدمات مبرورہ سی کورولمش اولان بہجت بکی ہر زمان ایچون حرمتلہ یاد ایدہجکم .

بو چول منزل مفتشی چول داخلندہ بئالسبعدن قنال اوزرندہ کی اسماعلیہ وضع اولنہ جق برخطک اوزرینہ تصادف ایتک وہر بری یکدیگرکندن تقریباً یکری بش و نہایت اوتوز کیلومتہ مسافہدہ بولنقی اوزرہ منزل نقطہلری انتخاب ایتک وہر بر منزل نقطہسندہ صو تدارک ایتک واورالہ کوندریلہ جک ارزاقی بئالسبعدہ احضار ایدہرک ویریلہ جک امری متعاقب بونلری منزل نقطہلرینہ کوندرمک ، ہر بر منزل نقطہسندہ برر خستہ خانہ تأسیس ایتک و خلاصہ بوخط اصلی اوزندہ منزل تأسیساتی وجودہ کتیرمک ایچون استحضارات ایلہ اشتغال ایدہجکدی . بوندن باشقہ قلعہ النخل والعریش نقطہلری دخی برر اساس منزل قوماندانلی نقطہسی اتخاذ اولونہرق اورالردہ اجتماع و قنالہ تحریک ایدیلہ جک اولان جانبدار قوتلرینک ہر نوع ارزاق و ذخائرینک بورالردن سوقی مقرر دی .

سکزنجی قول اردو قوۂ سفریہ قسم کلینک بئالسبعدہ اجتماع ایدہرک وادی العریش ابن جفجافہ استقامت عمومیہ سیلہ اسماعلیہ اوزرینہ حرکت ایتسنی یعنی ساحلدن ممکن اولدیغنی قدر ارزاق اولسنی والعریش ایلہ قلعہ النخلدن حرکت ایدہجک ایکنچی درجہ قوتلرلہ قسم کلینک جناحینک تأمینی تکلیف ایدیوردی . بوتکلیف پک موافقدی . بزم اساس منزل خطمز دکزدن اوقدر ارزاق اولمالی ایدیکہ انکلیزلر دوتالرینک آتشلریلہ بومنز نقطہلرینی تخریب و آپانسز اجرا ایدہیلہ جکلری پک اہمیتسز دہبارکالرلہ بومنز لری بوسبوتون محو ایدہمہ ملی ایدیلر .

بوکونکی فکر عمومیہ کورہ فون قرہس بالذات اجرا ایتدیکی براستکشاف نتیجہسندہ بئالسبع ، الخلاصہ ، الحفیر ، وادی العریش ، ابن ، برنجی الجز جفجافہ ایکنچی الجزای منزل نقطہسی اولہرق انتخاب ایتش و بورادہ آرتہ زین قویولری آچدیرمغہ اوکمز دہ کی کانون اول وکانون ثانی آیلرندہ یاغاجق یاغفور صولرینک بیریکہلرینی تأمین

ایده جک وجهه بندلر انشا ایتدیرمکه الحاصل بر منزل ایچون لزومی اوله جق هر بر درلو مالزمنه نك بورالراده حضارینه توسل ایتشدی .
سکزننجی قول اردو دیوردی که :

افراد ضابطان ایچون نظامی مواد اعاشه نك چولده نقلی و قنال اوکنه قدر ایضالی ممکن اوله میه جغندن « چول تعینی » نامی ویردی کمز بر مواد اعاشه لیسته سنك قبولی لازمدر .

بو لیسته موجبجه افراد و ضابطانه چولده ویریه جک مواد اعاشه نك ثقل عمومیه سی بر کیلویی کچمیه جک ایدی . انواعی ایسه پکمداد ، خورما و زیتوندن عبارتدر . بالعموم افراد و ضابطان کونده یالکیز بر ماطره صو صرف ایده جکلردی . بو حسابا کوره یکر می بشننجی و اوننجی فرقه لرله بعض کولکی قطاعنك قناله قدر حرکتی ایچون مختلف قطعاتك کوچوک و بیوک آغر لقلرندن ماعدا منحصر آرزاق و صو قافله لری وجوده کتیرمک اوزره اون بریک، دومیه احتیاج اولدینی غایت جدی حسابات نتیجه سنده میدان چیقاریلشدی .

بوتون بو وسائطه مالک اولدقدن صو کراده قوه سفریه قنال اوکنه کندکدن اعظمی درت کون ظرفنده یا قنالی مرور ایده رک قارشی ظرفنده کی انکلیز قوتلری نی طرد و قوتله قناله یرلشمی و یا خود کریسی کرییه عودت ایتلی ایدی . زیرا قناله الی کیلومتره مسافده کائن ایکنجی الحرا نقطه سنده کی طاتلی صو بیریکنتیسی قوه سفریه نی آنجق اون کون اداره یه کافی اولوب اوراده کی صویک ختامندن صو کرا قوه سفریه قنال اوکنده صوسز قاله جق و مشهور بی اسرائیل فلاکتندن دهها مدهش بر فلاکت ایچنده محو و پریشان اوله جقدی .

قوه سفریه نك کاملاً بئال سبعة اجتماع ایدرک اورادن اعتیاراً هپ بردن قنال اوزرینه یورومسی امکانی ده موجود دکلدی . زیرا بو مجتمع قوتك ارزاق و صوینی دوه لرله تشکیل اولان منزل قوللرینك بر کونده نقل ایتسه سنه امکان یوقدی . اوحالده طابور لرله بطریقه لر برر کونلك فاصله لرله یکدیگری نی تعقیب ایدرک چول داخلنده یوروش یا به جق و قناله یکر می بش اوتوز کیلو متره مسافده کائن بر نقطه ده قوه سفریه صوک تجمعی اکل ایدرک اوندن صو کرا قنالك انتخاب ایدیه جک نقطه لرینه هجوم جبری اجرا ایدیه جکدی .

سکزننجی قول اردونك تکلیفه نظراً ایکی قدمیه آریله جق اولان قوه سفریه نك بروجه آتی قوتلردن ترکیب ایتمه سی ایجاب ایدزدی .

برنجی قدمه :

یکرمی بشننجی نظامیه فرقه سی ؛ یکرمی اوچننجی و یکرمی یدننجی فرقه لردن

دوشېر مه صورتیه تشکېل اولنښ برآلای بش سریع آتشیلی ححرا بطریه سی ایکی سریع آتشیلی جبل ، براون بش سساتیمتره مک سریع آتشیلی اوبوس بطریه سی بر سواری آلای ، دزت هجین سوار بولوکی ، مقدار لری بیک پشیوزه واران کوکلی عربان آتدیلری بر آنده اوچ طابوری نقل ایده بیهلج قابلیت حائر کوپروجی پونتلری ، آلی استحکام بولوکی ، تللی تلغراف مفرزه لری وسیار خسته خانه لرله ، صیه بولوکلری وسائر جمعاً اون ایکی بیک آتیزوز قرق ایکی نفر ، دو قوزیوز آتیش سکز بیکر ، ۳۲۸ ماندا .

ایکنجی قدمه :

طوبجیسی و سواری بولوکی وسائر قطعات معاونه سیه اونجی نظامیه فرقه سی . شامه مواصلتمدن صوکره باش قوماندانلق وکالتندن آلدیغم بر تلغرافنامه حجاز فرقه عسکریه سی دخی دردنجی اردو قوماندانلقنک امری آلتنه قویمش وبوقولی دخی قنال سفرینه اشتراک ایتدیرمک اوزره سوریه یه جلب ایتمک ویا محنده براقق شقلرینک اختیارنده بی سربست بیراقش اولدیغندن آله بیهلجکی نظامیه و کوکلی قطعاتی مستصحباً معانه کامسنی والی وقوماندان میر آلای وهیب بکه یازمشدم .

ایشته وهیب بکک کتیره بیهلجکی قوت دخی قوه سفریه نک ایکنجی قدمه سینه علاوه اولونه جقدی . بالاده عرض ایتدیکم اون بریک دوه یالکزیکرمی بشنجی وایکنجی فرقه لرله اولنرک نظام حربنه داخل قطعاته مخصوص اولوب حجاز فرقه سندن قوه سفریه یه التحاق ایده جک قوت ایچون لزومی اولان دوه لر حجازدن برابرجه کتیره بیهلجکی . انکلیرلرک رسمی راپورلری برنجی قنال سفری اثناسنده کی قوتیزی قرق بیک نفر راده سنده کوستریورسده اونجی فرقه دخی داخل اولمق اوزره بوقوت قطعاً یکرمی بش بیک تجاوز ایتموردی . قوه سفریه نک برنجی قدمه سی سکزنجی قول اردو قوماندانی جمال پاشانک امری آلتنده بولونه جق وایکنجی قدمه اردو قوماندانلقنه مربوط اوله جقدی .

ایشته شامه کلدیکم زمان اردونک چول وفلسطین وسوریه داخلنده کی وضعیتی یوندن عبارت بولونیور و قنال سفری ایچونده سکزنجی قول اردو قوماندانی بالاده کی خصوصاتی تکلیف ایدیوردی . اردو مرکزی اولان شامدن تشکیل اولونه جق برعمومی منزل مفتشی بو اوزون منزل خطلرینک اداره سینه مقتدر اوله میه جغندن بالخاصه فلسطین داخلنده کی وساطتی ادخار واردویه سوق ایله اشتغال ایتمک اوزره قدسده دخی بر مستقل منزل مفتش کی احداثی سکزنجی قول اردونک جمله تکلیفاتندن ایدی .

بوتکلیفاتی پک جزئی تعدیلات ایله کاملاً قبول ایتمشدم .

آنحق سکزنجی قول اردو سفرك اجرا ایدیه بیلسمی ایچون باشلیجه محتاج اولدیغی دوهلرک تدارکنه شیمیدییه قدر موفق اولامادیغنی و تدارکی امکاتنی ده کورمیدیکنی کمال تأثرله علاوه و بیان ایدیور و یکی اردو قوماندانک نظر دقتی بالخاصه بونقطهیه جلب ایدیوردی. قول اردو قوه سفریه نك محتاج اولدیغی اون بریک دوهلرک اوچ آیده آنحق ایکی بیک قدر دوهلرک ایده بیلمش و بویخصوصه هر طرفدن نامتناهی مانعتر قارشو سنده قالمش ایدی .

سوریه و حجاز کی یوزبیکلره و بلکه ملیونلره دوهلرک موجود بولندیغی بر ساحه داخلنده اون اوزبش بیک دوهلرک ناصل اولوبده تدارک اولونه مادیغنه تعجب ایدنلر چوق بولنور ظن ایدرم . اودواته شیمیدین خبر ویرهیمکه اونلرک ظن ایتدکلی کی دکلدر . چونکه هر کوردیکمز دوه یوک طاشماز و یوک طاشیه بیلجک دوهلرک مقداری اویله یوزبیکلره بالغ اولماز . دردنجی اردونک تاریخ حربی یازلدیغی زمان بوتون تفصیلاتیه ذکر ایدیه جک اولان بومباحثی لزومندن فضله تشریح ایتک ایسته میورم . یالکمز شو قدر شیء سوله مک ایسته میورمکه بر آئی ظرفنده احتیاطیه برابر اون درت بیک دوهی تدارک ایدنجیه قدر چکدیکم مشقتک درجه سنی بن بیلیم . مع هذا نتیجه ده موقیت بنده قالدی و سکزنجی قول اردونک سفر پلاننده تثبیت ایتدیک دوهلر وقت معینده اتمام اولونه بیلدی . بوضرعه تا ابن السعودک نجد طرفلرندن ده دوه کتیرتمش اولدیغنی سولهیه جک اولور سهیم مشکلاتک درجه سی آکلاشلمش اولور ظن ایدرم .

سینا چولنده یایمق ایسته دیکمز بومشکل حرکات عسکریه نك یکانه مستند الیهی صومستله سی ایدی بوجولی یا غمور موسمنک خارجنده دکل قوه عمومیه سی یکر می بش بیک تجاوز ایدیه جک اولان بوقوه سفریه ایله قطع ایتک، حتی بیک نفرلک مفرزمی بیله سوق ایتک امکاتی یوقدی . چولک یا غمور موسمی ایسه کانون اول و کانون ثانی آیلرندن عبارت اولدیغندن یا حرکتی بوا یکی آئی ظرفنده اجرا و یا خود تا ایرتسی سنه نك عینی آیلرینه قدر تأخیر ایتک ضروری ایدی .

سفرك همه حال اوسنه ظرفنده اجرا ایدلمسنی قرارگاه عمومی شدتله طلب ایدیوردی . بناء علیه سکزنجی قول اردو قوماندانیه ارکان حربیه رئیسک تکلیفاتی عیناً قبول ایدرک وسائط اجراییه یی اعداد ایله حرکتی اجرا ایتک قرار ویردم .

کانون اولک ثلث اخیری اثناسنده قوه سفریه نك برنجی قدمه سنی بئر السبع طرفلرندن اجتماع ایتدیرمکه باشلادم . کانون ثانی ابتدالرنده جبل لبنانک زخله قصبه سنده تجمععی ا کمال ایتش اولان اونجی فرقه یی محلنده تقیش ایتدکن و طوغریدن طوغرییه اردو قرارگاهنه مربوط اولان مذکور فرقه قوماندانه قدس و بئر السبع اوزرینه زمان

و صورت حرکتی حقیقه ایجاب ایدن تعلیماتی ویرد کردن سوکرا کانون ثانی ابتدایانده اردو قرارگاهی قدسه نقل ایتدم .

اوصرمده شریف امیر حسین پاشا ایله مخبره باشلامش و امیرک مخدوم لرندن بریسنی برقوه معاونه ایله حجاز فرقه سی قوماندانه ترفیق ایتمه سی و حتی بالذات کندیسنک قوماندانی درعهده ایدرک اردویه التحاق ایلسنی رجا ایتشدم .

ایلك تلغرافه غایت نارکانه جواب ویرمش اولان شریف حسین مخدوم لرندن علی بکی حجاز والیدی وهیب بك رفاقیله تحریک ایدجکینی بیلدیرمش ایدی .

فی الحقیقه شریف علی ، وهیب بك قوتیله مکدن حرکت ایتدی . فقط مدینه یه کلیرکمز باباسندن آلدینی امر موجبجه مدینه دن ایلری وهیب بکه رفاقت ایتیه جکینی سویله یه رکه مدینه ده قالمش و محافظ بصری پاشانک ایشنه مداخله یه باشلامش ایدی . تثبیت اولنان سفر پلانی موجبجه قوه سفریه نك برنجی قدمه سی کانون ثانینک اون دردنجی کونی قناله متوجهاً حرکت ایتدی . اردو قرارگاهی دخی کانون ثانینک اون بشنجی کونی بئرالسبعی ترک ایدرک قسم کلی بی تعقیماً ایلروله مک باشلادی .

پیشدارک بئرالسبعدن حرکتدن اعتباراً تقریباً یکرمنجی کونک نهایتنده برنجی قدمه نك مرکز قولی قناله اون برکیلومترو مسافه ده کائن برنقطه ده کاملاً اجتماع ایتش و العریشدن اعتباراً قاطیه استقامتنه ایلروله مکده بولنان صاغ جناح قولی ده اول قطره قارشوسنه وعقبه دن قلعه النخله کلمش اولان صول جناح قولی ده عینی زمانده سویش مواجهه سنه مواصلت ایتش بولنیورلردی . ایکنجی قدمه یی تشکیل ایدن اونجی فرقه نك ایلك قطعانی ایکنجی اخیراً نقطه سنه یتشمش ، مکدن مدینه یه قدر بورویه رکه واورادن معانه قدر شمندفرله کلمش اولان وهیب بك قومانداسنده کی حجاز قوه سفریه سی ده قلعه النخله مواصلت ایتش ایدی .

بوبرنجی قنال سفرینی اجرا ایتش اولان عثمانلی قوتی تشکیل ایدن ضابطان و افرادک ابراز ایتدیکی مساعی وفدا کارلق جدأ هر دورلو تقدیرلره سزادر . بیک دورلو محرومیتلره قاتلانهرق طوپلرینی و باخصوص قنالی مرور ایچون یکانه واسطه لری اولان کوپرچی قایق لرینی بالذات جر ایدرک اوچوز کیلو متره نك برقوم دریایی ایچنده نقل ایتمه چالیشمق ایلروله بن بوقهرمانلری کمال تعظیم ایله یاد ایتک بنم ایچون اک مقدس بروطفه در . عرب و تورک عنصر لرندن مرکب اولان اردوده اکرین برحس برادرانه حکم فرما اولور و هرکس دیکرینک یوکنی تخفیف ایچون کندیسنی فدا ایتمکدن چکنمیوردی . عربلرک قسم کلینسک مقام خلافته قارشواک درین برحس مربوطیتله باغلی اولدقلرینه بو برنجی قنال سفری اک علوی برمثالدر . کاملاً عربلردن ترکیب ایدن یکرمی بشنجی فرقه ایله بوتون منزل تشکیلاتی وظیفه لرینی جدأ جانسپارانه

ایفا ابتدیلر . بو وحدت حس واملی آتیا دوچار تفرقه ایتیش اولان شریف حسین حقنده کی غیض و کینم هیچ بر شیئله تسکین اولونه مایه حقدیر .

تام مهتاب زمانه تصادف ایدن بوسفر اثناسنده یورویشلر عموماً کیجه وقتی اجرا ایدلش اولدیغندن قمرک صولغون ضاسیله نیم منور پایانسز چولک اورتیسنده ایلری، دائماً ایلری آتیمغه چالیشان طابورلرک آرسندن یوکسه لن « آل یایراق قاهره اوزرنده یوکسلین ! » ترانه سی قلبی حزن ایله مزوج برامید ظفرله دولدیریوردی .

باش قومانداسدن الک صوک نفرینه قدر یالکیز آلتی یوزاللای غرام پکسباد و بر مقدار خورمالیله زیتوندن باشقه برشی یه مهن، ممکن اولدیغی قدر آرزو ایچمک ایچون جبر نفس ایدن بو اردو امین اولیکز که پک بویوک امیدلرله ایلروله یوردی . هر کسده قنالك مطلقاً کچیله جکی وقارشو ساحلده یرلشیله جکی و بو صرده مصر وطنپرورلرینکده اختلال ایدرک انکلیزلرک قناله کی وسائط مدافعه سنک مکملیتی اعتباریله بوسفرک ظفرله نهایت بوله جغه بن احتمال ویرمه مکله برابر بوتون قوه سفریه یه بر ایمان و وفقیقیت بخش ایتمک ایچون هر کیجه یول بونجه تصادف ایتدیکم قطعه پک قریب اولان ظفردن، بوظفرک علویتندن بحث ایدیوردیم .

نهایت قوه سفریه نک قوه اصلیه سیله صاغ وصول جناح قوتلری بالاده عرض ایتدیکم منطقه ده تجمعلری اکیال ایتدکن صو کرا (۲۰ - ۲۱ کتون ثانی ۲ - ۳ شباط) کیجه سی مرکز قولیله اسماعیلیه بر باصقین تعرضی اجرا ایدلسنه قرار ویردم : و صاغ جناح قوتی قنطریه ، صول جناح قوتی ده سویشه عینی زمانه بر نمایش باصقینی اجرا ایده جکلردی .

کیجه قارا کانی باصار باصماز بوتون هجوم قوللری قنال اوزرنده کندیلرینه تخصیص اولنان مرور نقطه لرینه طوغری تقریه باشلادیلر و نهایت فجر دن پک آز زمان اول مرور حرکتیه ابتدار ایدلای . بوتون امیدم انکلیزلری غافل اولایه رق هیچ اولمزنه ایلک حمله ده بش آلتی بیک نفرلک بر قوتله اسماعیلیه نک جنوبنده کی قنال اقسامی آله ایتمک و متعاقباً اوتجی فرقه یی ده امرار ایدرک اون ایکی بیک نفر دن عبارت بر قوتله قنالك قارشو ساحلنده یرلشمک و ممکن اولورسه اسماعیلیه یی آله ایدرک غربه ، شماله و جنوبه قارشو ساحلنده مدافعه موضعلری ایله شهری درت بش کون ایچون آله بولوندرمغه و بو مدت ظرفنده سکزنجی فرقه نک ایلری یوریشنی تسریع ایدرک اسماعیلیه کی قوتی اون کون ظرفنده یکر می بیک وایدریسنه ابلاغ ایتمک معطوف ایدی .

اوصر ده مصر وطنپرورلری ده بو عثمانلی اردوسنک اسماعیلیه یی ضبط ایتیش اولمسندن جسارت آله رق عموماً اختلاله تشبث ایده جک اولورلرسه ایشه هیچ امید ایدلمین بر زمانه الک ابتدائی وسائط و پک جزئی بر قوتله مصرک استخلاصی میسر اولمش اولوردی . اردو قراکهنک دشمن حقنده استحصال ایتدیک معلومات دشمنک

مسئولیت‌رینه تشریک ایتمک فکر به جلب ایتمدم. اردو قوماندانی صفیه امرایده جکم حرکاتک بوتون مسئولیت‌لری کنیدمدن باشقه کیسه ک تحمل ایتمسه مساعدده ایدمم. سزی دعوت ایتمکدن مقصدم برنجی خطده بولان قطعاتک احوال عمومیه سنی ووسائط موجوده‌نک درجه قابلیت آ کلامق ایدی. ویردیکیز ایضاحات ایله ا کلامک که آرتق برشی یا بمق امکانی قالمامشدر. دها برکون قنال اوکنده قالمق حقیقه قوه سفرینه‌نک کاملاً محو اولسنی انتاج ایدم جکدر. بوقوه سفریه حکومت عثمانیه‌نک سوریه و فلسطینی عندالاقضا مدافعه ایچون تخصیص ایدم بیله جکی قوتلرک مقدار اعظمیسی تشکیل ایدر. بوقوتی هر درلو تهلهکدن وقایه ایتمک و اونک قدرتندن حربک صوکنه قدر اعظمی استفاده لر تأمیننه چالیشمق نم ایچون دها بیوک بروطفه در. بناء علیه بوکون آقشامه قدر موقعلری سزی محافظه ایدم رک دشمنله طویجی دوللوسنه دوام ایتمک وقار اقلق باصار باصار قطعاتی دون آقشام ترک ایتدک لری اردوگاه موقعلرینه قدر کری چکمک و اورادن صوکر ایواش یواش بئراسیمه قدر عودت ایتمک نجبه مرجحدر. فون فرانقه نبرغ یک شیمدی بواساس داخلنده اردو امرینی یازیکیز!« دیدم. اتخاذ ایتدیکم قرارک منطق و ایجابات حاله درجه مطابقتی تقدیر ایدمن جمال پاشا ایله فون قره‌س و فون فرانقه نبرغ تمامیه مطمئن ایدیلر.

تام اوصرده کویا اردو مدیراننک مهم برشی مذاکره ایتمکده اولدوقلرینی آ کلامش کی دشمن کوچو جک غرو پمزک اوکنه، آرقه‌سنه، صاغنه، صولنه مرمیلرینی دوشورمهک باشلادی. سزی تبدیل موضعه مجبور ایتدی. نهایت علی فوآد بکک علی العجله قلمه آلدیغی امری امضا ایتدم و جمال پاشا ایله فون قره‌س بکینه برنجی خطه کیتدیلر. بزده آقشامه قدر اردو قرارگاهنده انتظار ایتدک.

عدم موفقیتک قطعات اوزرنده پک فنا برسوء تأثیر حاصل ایتمه سنی تأمین ایچون بعض تدابیره مراجعت ایتمک الزم ایدی. اونک اوزرینه براردو امری نشر ایدرک بالعموم قطعاتک وظیفه‌لرینی پک ناموسکارانه و جیتپورانه ایضا ایتش اولدوقلرینی و بو دفعه کی حرکتز ایله مقصد قنال علیه برکشف تعرضی اجرا ایتمک و دشمنک وسائط موجوده سنک ماهیتی و بو وسائطه قارشى قنالی جداً ضبط ایدم بیلمک ایچون بزم نه کی وسائطه مالک اولماز ایجاب ایدم جکی آ کلامقدن عبارت اولدیغی و بو مقصدی تمامیه استحصال ایتدیکمزى و بناء علیه آرتق پهوده تلفات ویرمکدن ایسه وسائط مکمله تدارک ایتمک اوزره معصومیه دونک اولادلیغی و بو حاله کوره عزیمت ائساننده ابراز اولنان فداکارلغک عودت ائساننده خی عیناً کوسترله رک مالز مه مزدن الک اهمیت سزینک بیله ضیاعنه میدان ویرمه مک مقتضای ناموس اولدیغی بیان ایتدم.

۱۵ کانون ثانی - ۹۱۵ ده - قناله متوجهاً بئراسیمه ترک ایتش اولان اردوگاه

تام بر آي صو كرا ۱۵ - شباط - ۱۹۱۵ ده بتركار بر السبعه عودت ايتشدی .
 قنال ايله بر السبعه تقريباً مساوی مسافه نه بولنان اين نقطه سندن قناله قدر هيچ
 بر منزله هنوز تلغراف خطي تمديد ايديله مه مش اولديغندن قرارگاه عمومی بر هفته مدته
 بندن هيچ بر خبر آلاماش و پك زياده مراق ايجنده قالمشدي . و مع التأسف بر
 مناسبترينك و يرديكی بريالان حوادثي صحيح ظن ايدمن و چول داخنده تلغراف
 خطوطي تأسيس ايله مشغول اولان اردو تلغراف مديرينك بلا لزوم تلاش واستعجالي
 نتیجه سي اوله رق اسماعيليه نك ضبط ايدليكي حوادثي تا استانبوله قدر انتقال ايتمش
 اولديغندن متعاقباً واصل اولار عكس حوادثك پك فنا تأثير حصوله كتيرديكی
 اكلامشدم . مع هذا مقصد اصلينك كشف تعرضیدن عبارت اولديغه وسائره دائر
 اردو قرارگاهنك هر طرفه كوندرديكی تعميم ازاله تأثراته خيلي يارديم ايتشدی .

حقيقي سويله مك لازم كليرسه بو برنجي قنال سفريني اجرا ايتديكمز زمان هيچ
 كيمسه قنالك نه صورته مروري قابل اوله جغني بيلمیوردي . بويله بر كشف تعرضيه
 جداً محتاج ايدك . همه حال هجوم جبري ايله كچلمسي ضروري اولان قنالي مرورايچون
 نه كي وسائط ايستر ؟ دشمن سفائن حربه سنك كوزي او كنده بو مرور حركتي
 قابل اجرا ميدر ؟ هيچ اولمزسه شرق ساحلنده قوتله يرلشوب اوزون منزلي طوپلرله
 قنالدن نقليه و تجار سفائنك مروريني منع ايتك ممكن اولمازي ؟ بزم ايچون اك نافع
 بر صورتده اختيار اولونه جق پلان بو دكميدر ؟

ايسته بو مختلف سؤالره جواب ويره بيلمك ايچون بو كشف تعرضي جداً
 ضروري ایدی . بو سايله ده هم احوال لاييقيه اكلاشدي همده انكليز لر چناق
 قلعه تعرضي بزم بو تشبهنك نتايجنه انتظاراً تأخير ايتديلر و بوندن بشقده ده هيچ بر
 زمان ايكیوز الله بيك نفر دن آز قوت بولوندير مامغه مجبور اولديلر . بو مطالعات
 تماماً اظهار ايدركه برنجي قنال سفری كندي سندن منتظر اولان مقاصدي تماماً تأمين
 ايتمش و بناء عليه صرف اولنان امكربوشنه كيتمه مشدر . قنال او كندن كری چكيلي كن
 اردو قرارگاهنده حركات شعبه سي مديري بيكباشي علي فوآد بكه اصل قنال سفرينك
 اجراسي ايچون نه كي قوتلر و نه جنس طوپچي مالزمه سيلاه سائر مالزمه فينيه محتاج
 اولديغنزده دائر بر ديره كتيّف و يردم و بو اساس داخنده بر مفصل زاپور حاضر لامسني
 امر ايتدم . قطعاتك آرقه سني آلمق فكريله اين نقطه سنده اقامت ايتديكم درت بش كون
 ظرفنده علي فوآد بك لايحه سني اتمام ايتدی . ارکان حربه رئيسيله بر لكده بردها
 تدقيق ايدرك مطابق قالدقن صو كرا بكا توديع ايتديلر . وفاق تفك تعديلات ايله تصديق
 ايتديكم بولايجه بي شيمدی ياننده اولماديني ايچون بورايه درج ايدمه ديكمن طولاني
 نه قدر متأثرم . اكر اوني درج ايدمه بيلمش اولسه يدم بو كشف تعرضیدن نه مهم

استفاده را ایتش اولدیغمیزی انکلیز ارکان حربیه سی پک کوزل آکلار وقهرمان اسیرلریمیزی قاهره سوقاقلر نده تشهیر ایتک وئشرا ایتدیکی راپورده رسمی برلسانه یاقیشایه جق الفاظ عامیانه ایله اردوین تزییفه قالدشمق کی بیایغیلرده بولندیفی ایچون بلکه حیا ایدردی . فقط انشاالله استانبوله عودت ایدرسم اثریمک بوتون بونقصانلرینی اتمامه جالیشه جغم .

برنجی قنال سفری ائساننده کی ضایعاتمز بروجه آتیدر :

ضابطان : ۱۴ شهید ، ۱۵ یارملی ، ۱۵ غائب

افراد : ۱۷۴ شهید ، ۳۶۶ یارملی ، ۷۱۲ غائب

انکلیزلر رسمی راپورلر نده بزم ضایعاتمز بروجه آتی کوستریورلر :

۱۰۰۰ شهید ، ۲۰۰۰ یارملی ، ۱۵۰ اسیر

حقیقی ضایعاتمزله انکلیزلرک ادعاری قارشولاشدیریلنجه انکلیز راپورینک واقعه عدم مطابقتی تظاهر ایدر .

چول قوماندانلی

قنالدن عودت ایدرکن بوندن سوکرا چولده نهلر یاللق لازم کله جکنی تمامیه تثبیت ایتش اولدیغم کی چولک نه صورتله اشغالی ایجاب ایده جکنی ده دوشونمشدیم . وقطعی قنال سفری ایچون چولده یاپیله جق ایشلر منحصراً منزل تشکیلاتندن عبارت ایدی . منزل نقطه لر نده کی تشکیلات نه قدر مکمل اولورسه اولسون ارملر نده امنیتلی طرق اتصالیه اولمادقجه بوتشکیلاتک ادامه سنه و قنال اوکنده مهم بر اردونک اوزون مدد توقف ایتسنه امکان بولونامایه جغندن برالسبعدن اعتباراً اساعلییه طوغری چول داخلنده هر نوع عربیه و اوتوموبیللرک مرورینه مساعد و منزل نقطه لرینی یکدیگرینه ربط ایدر برشوسه انشاسی و بوشوسیه موازی وینه عینی استقامتده برده شمندوفر ایشندن باشقه هر منزل نقطه سنده صوقوبولری حفر ایتک ، خسته خانه ، آنبار و سائره کی منزل مبانیسی انشا ایتک ایجاب ایدردی . ایشته بوتون بوانشآت ایچون قرق اللی بیک عمله نك چولده استخدامی ضروری ایدی . فقط اگر بو عمله پوسته لری مدافعه سیز بیراقیله جق اولورسه سیار وجسور انکلیز سواری و هیئتی مفرزمه لری طرفندن هر زمان راحتسز ایدیه جکلری شهسز اولدیغندن چولی پک امین بر صورتده قوتله اشغال ایتک مقتضی ایدی . او حالده چولک مختلف نقطه لر نده اقامه ایدیه جک اولان بو مفرزمه لره قوماندانلی ایتک ، و طوغربدن طوغرییه اردو قرارگاهنه مربوط اولمق اوزره بر چول قوماندانلی احدائی لزومنه قرار ویردم و بو قوماندانلی فون قره س بکه تکلیف ایتدم .

قنال سفیرنی کنیدیسی ایچون برایدہ آل اتخاڈ وچولاک مشکلاتیہ مجادلہ ایتہنی کیبروک مدار تسلی تلقی ایتش اولان فون قرمس تکلفمی بلارزد قبول ایتدی. بوصورتہ چولده یکدیگریہ غیر مربوط ایکی تشکیلات وجودہ کتیرلدی کہ بریسی منحصرأ منزل مؤسساتنک و طررق اتصالیہنک انشاسنہ مأمور چول منزل مفتشلدی و دیگرى بوانشاآتی دشمن تجاوزاتندن وقایہ و آره صرہ قنالہ قدر کشف قوللری کوندر مرک دشمنک تشبثاتندن متادیا خبرلر استحصالنہ مأمور چول قوماندانلی ایدی.

چول قوماندانلغنک مرکزی شمیدیلک ایندہ بولونہ جق و باشلوجه مفرزلر این، العریش و قلعة النخل نقطہ لریہ اقامہ اولنہ جقدی. چول منزل مفتشلدی قرارکاهی دہ برالسبعده بولنہ جقدی. بو ترتیبانہ عائد اوامر و تعلیماتی دہ عائد اولان ذواتہ اعطا ایتدکن صوکرأ برالسبعہ و اورادن قدسہ عودت ایتدم. اوچ درت کون صوکرہ یکرمی بشنچی فرقہ ایلہ اوتخی فرقہ برالسبعده اجتماع ایتش اولدیغندن قطعاتمک هیچ بر فلا کتہ اوغرامقسزین چولی مرور و قنالہ قدر عزیمت و برحاربه ویردکن صوکرأ ینہ سالماً برالسبعہ عودت ایتش اولدقلرینی اثبات ایچون قدس اشرافندن برچوقلرینی برالسبعہ دعوت ایتدیکم کبی قدسده بولنان متفق و بی طرف دولتلر قونسولوسلرینی دہ دعوت ایدرک اولنرک مواجہہ سندنہ قطعانہ بر رسم کجید اجرا ایتدیردم. اوزمان هنوز حربہ داخل اولماش بولنان ایتالیا قونسولوسینی دہ موجود بولنیوردی.

کمال افتخارلہ سویلہ یہ بیلیرم کہ عمومیتلہ ایکی آی دوام ایدن بورنجی قنال سفیرندن عودت ایتش اولان قطعات چولده هیچ بردوکوتی ویرمہ مشدی. قنال اوکنده کی محاربه دہ شهید اولانلرلہ قنالی مرور ایدرک دشمن الہ اسیر دوشنلردن ماعدہ هیچ برنفر کریده قالماش و صوسزلقدن، آچلقدن مضطرب اولان هیچ بر فرد کورولمہ. مشدر. منزل قوللری وظیفہ لرینی او قدر جدیتلہ ایفا ایتشلردر کہ هیچ بر منزل قولنک نقطہ مطلوبیہ معین حرکت جدواندہ ارائہ اولنان ساعتدن صوکرأ داخل اولدیغی کورولمہ مشدر. الکمهی شودر کہ کافہ سی سوریہ لی، فلسطینی عرب افرادندن مرکب اولان بو منزل قوللری افرادندن همان هیچ برینک فرار ایتدیکی و یا خود براختہ تصدی ایلدیکی واقع اولما مشدر.

..

چولده قوماندا و منزل ایشلرینی بالادہ عرض ایتدیکم طرزده تنظیم کبی پک طولانی اولان اردو منطقہ سندنہ امر و قوماندا امورینی بروجه آتی تثبیت ایتش ایدم: قدس و عکا سنجاقلرینی احتوا ایدن فلسطین منطقہ سندنہ قدس منطقہ سی

قوماندانلی « نامی ویره رك بو قوماندانلغه سكزنجی قول اردو قوماندانی جمال پاشانی تعیین ایتدم .

غزه و بئرالسبع قضاری بونقطه دن خارج بولونه حق و چول منزل مفتشلسکینه تابع ارله جقلردی . بیروت و لایتک اقسام وسطیه و شمالیه سیله سوریه ، حلب و اطنه و لایتلرینک تشکیل ایتدیکی منطقه ده کی قطعات عسکریه قوماندانلی « دردنچی اردو قوماندان و کیلی « عنوانله اون اوچنجی قول اردو قوماندانی فخری پاشایه تودیع ایتدم . واردو قرارگاه قیسمده تأسیس ایدرک منحصر آیکینجی قتال سفری استحضار آتیه اشغاله قرار ویردم .

سکزنجی و اونجی فرقه لر طوغریدن طوغری به اردویه مربوط بولینورلردی . ایشته ۱۹۱۵ سنه سی شباطی نهایتلرند دردنچی اردونک وضعیت عمومیه سی بویله ایدی . ایکینجی قتال سفری ایچون محتاج اولدیغیز قطعات اصلیه و معاونه ایله هر نوع مالزیه و مهماتک جنس و مقدارینه دائر تنظیم ایتدیکم مفصل لایحه یی اردو ارکان حربیه رئیس فون فرانقه ن برغ بکه تودیع ایدرک استانبوله کوندردم . عثمانلی قرارگاه عمومیه سی لایحه می عیناً قبول ایتمش و فقط بومهم تشبث ایچون برچوق آلمان طوچجی قطعاتیه قطعات فنییه سی طلب ایتدکده اولدیغیدن آلمان قرارگاه عمومیه سی بو ایشه لایق اولدیگی اهمیتی عطف ایتهدی و ناحق یره پک چوق زمان ضیاعنه میدان ویردی .

اردو قرارگاهنی قیسمده تأسیس ایتدکن صوکرالک مهم اشغالاتم امیر مکه شریف حسین پاشا ایله ابن الرشید و ابن السعود کی امرای عربی بو حرب اثناسنده خلیفه اردولرینه اعظمی معاونت اراز ایتدک تشویق ایتک نقطه سنه معطوف ایدی . هر بریسی ایله مخبریه کیریشدم . بو مخبراتم اثناسنده بالخاصه شریف حسین پاشادن آلدیغم مکتوبلری نشر ایتدیکم زمان بو ذاتک نه قدر ایکی یوزلی اولدیگی بوتون جهان اسلامیت نظرند تظاه ایده جکدر . امیر ابن السعود کرچه طوغریدن طوغری به معاوننده بولنادی . چونکه انکلیزلره پک یقین اولدیغندن اوکا عظیم فوالقلمی دو قونده بیلردی . فقط اردویه دوه کوندرمک و باخصوص اورالره کلن انکلیز قوماندانلرینک سوریه به اخراجنه مساعدت ایتک کی پک قیمتی مظاهر تکر اراز ایتدی . امیر ابن الرشید ایسه سفرك تا نهایتنه قدر مقام خلافته قویاً مربوط ناموسسکار بر مسلمان اولدیغنی اثبات ایتدی . شریف حسینک یادقلمی ایسه بالآخره حکایه ایده جکم .

اوصرده بنغازی به کچمک اوزره استانبوله کلمش اولان انور پاشانک قاردرشی نوری بکی بیروندن برقاچاقچی قایقی ایله محل مقصودینه کوندردم . بورایه شونی ده علاوه ایتک ایسترمکه وهیب بک قومانداسیله مکدن کتیرتمش

اولدیغم قوت تا سویش یقینه ایلروله مش ایدی . عمومیتله عودته قرار ویردیکم زمان بو مفرزه نی دخی بتکرار معانه قدر کری چکدم ؛ و وهیب بك اوصرده ایکنجی اردو قوماندانلی ايله استانبوله کیتمش اولدیغندن مفرزه نی قائم مقام نجیب بك قومانداسیله ینه مکبه اعاده ایتش ایدم . بونی سویله مکدن مقصدم شریف حسینک اختلالی اوراده کی قوتی بلالزوم آلمش اولدیغمه حمل ایتدکرینی ایشتدیکم بعض بوش قافالیره جواب ویرمکدن عبارتدر .

اوصرده متفقین دوئمناسی چناق قلعه نی جبراً مروره تشب ایتش بر جوق ضایعات ايله پوسکور تلمشدی . اوزمان انور پاشایه یازدیغم بر تلغرافنامه ده دشمن دوئمناسنک چناق قلعه نی مرور ایتسنه قطعاً امکان اولمادیغنی حقنده کی قناعتی ایضاح ایتشدم . بوقناعتی ظن ایدرسه م طلعت بکده یازمشدم . بو اشعار اتدن مقصدم ارقداش لریمک قناعتلرینی تقویه ایدرک اولرک قوه معنویه لر یی تقویه فکریته مبتی ایدی . اوصرده امین ایدم که استانبوله هر کس دشمن دوئمناسنک افشامه صباحه سرای بروئنه مواصلت ایده جکی قناعتنده بولنیوردی . بلکه بوقناعت ارقداش لریمک ده ایمان و قناعتلرینی تزلزله کتیره بیلردی . بونک حاصل ایده جکی مضرت هر دورلو تخمینک فوقنده اولدیغندن وضیعت عمومیه نی خارچدن کورن و محاکمه ایدن بر ارقداش صفتیه کندیلرینه بوقناعتلریمی یازمشدم و انور پاشا بالاخره بکا دیمشدی که بو اشعار اتمک سی قناعتلرینه توافق ایتسه سی اعتباریله معنا حسن تأثیری اولمشدی .

دشمنک بوجری تعرضندن صوکر ا برده قره یه عسکر اخراجی صورتیه چناق قلعه یه شدید بر تجاوزده بولونمسی احتمالی موجود اولدیغندن استانبول حوارینده کافی درجه ده پیاده قوتی اجتماع ایتدیرمکه لزوم کوردیکنی و بناء علیه سکرنجی و اونجی فرقه لرک استانبوله کوندرلمسی انور پاشا رجا ایتشدی . درعقب نقطه نظرینی قبول ایدرک بو ایکی فرقه یی کری کوندردم .

متعاقباً دشمن کلیبولی شبه جزیره سنه عسکر اخراج ایدر ایتمز انور پاشا یکر می بشنجی فرقه نک دخی استانبوله کوندرلمسی ایسته دی . اونیده کوندردم . اون اوچنجی قول اردو نک فرقه لرندن برینی بغداده و دیگرینی ده بتلیس طرفلرینه کوندرمکلمکی طلب ایتدی . بوطلی ده اجرا ایتدم . اردو منطقه سی داخلنده نه قدر سریع آتشی طوب بطریقه سی و ماکنه لی تفنک موجود ایسه کافه سنک چناق قلعه یه کوندرلمسی امرینی ده ایفا ایتدم . و نهایت اوپله بر حاله کلدیمکه بوتون اردو داخلنده اطنه ، حلب سوریه ، لبنان ، فلسطین منطقه لرینه علی العموم چوله موجود بولنان قطعات اون ایکی طابوره الحصار ایتدی و بوتون اردو و منطقه سنده نه برتک سریع آتشی بطاریه ونه ده برتک ماکنه لی تفنک بولوکی قالمادی . بوراده ایکی طابور ، افرادی کاملاً

سوریه‌لی و فلسطینلی عربلردن عبارت بولونیور و تورک قطعہ‌سی اوله رق شامده بولنان کوکلی مولوی طابوری ایله اردو قرارگاهی ایچون دوبریجه کوکلیلرندن تشکیل ایتدیکم بریاده بلوکندن بشقه هیچ برشی بولونیوردی .

عربلرک اختلال اتمیه جکلی و ناسک اکثریتنک خائنه یوز ویرمه‌یه جکلی حقنمه‌کی قاعتمک درجه متانته بوندن دها بویوک بر دلیل ایسته‌من ظن ایدرم .

بوندن صوکر ۱۹۱۵ سنه‌سی نهایتنه قدر جریان ایدن اک مهم حادثات عسکریه ارمیلرک توسل ایتدکلی زیتون واورفه اختلالرینک منتظم قوه عسکریه سوقی وعلی الاصول تأدیندن عبارتدی . ۱۹۱۵ سنه‌سنه علی العموم اعمارات و تحکیمات سنه‌سی نامی ویرسه سزادر . آتیا ایضاح ایدم جکم وجهله کرک چولده و کرک مملکت داخلنده پک چوق یوللر و شمدو فرلر انشا اولونمش و چول منزل نقطه‌لری هر نوع تأسیساته مالک اوله رق میدان چیمه‌شلردی . بوندن بشقه هر درلو احتمالاته قارشى مرسین ، طوپراق قلعه ، دیرت یول ، اسکندرون سواخلنده تحکیمات اجرا اولندی کبی طرابلس شام ، بیروت ، حیف و یافیه قارشى پایله‌یه جک بر دشمن اخراج حرکتنه قارشو لبنان داخلنده و قارمل جبالیه کریلرنده و علی العموم فلسطین داخلنده دیرت بش خطدن عبارت تحکیمات وجوده کتیرلمشدی .

بالطبع استانبوله کوندیرلمش اولان فرقه‌لرک یرینه سوریه و فلسطین ، حلب و اطنه داخلنده برطاقم یکی فرقه‌لر تشکیل اولونمش و اونلرک تعلیم و تربیه‌لری ده اردونک باشلوجه اشتغالاتی صرهمه کچمشدی .

۱۹۱۵ سنه‌سی اغستوسنده عراق حرکات عسکریه‌سنک علمه‌زه جریان ایتمکده اولدیغی نظر دقه آلان انور پاشا اورانک اداره ملکیه و عسکریه‌سنی درعه‌ده ایتمکله‌کی بندن رجا ایتمشدی . اوصرمه سوریه و فلسطین داخلنده عرب اختلالچیلرینک تشبثات خفیه‌سی میدان چیمه‌ش و سوریه فلسطین اموری پک زیاده نزاکت کسب ایتمش اولدیغندن بوراسنی ترک ایدرسهم بوراده دها بیوک فناقلر ظهور ایتدی احتمالی اولدیغی ومع هذا بونقطه نظری قبول ایتیمزه بغداده حرکتیه حاضر اولدیغی جواباً بیلدیردم . مطالعاتی تصویب ایدن انور پاشا خطه عراقیه عموم قوماندانلغی مشیر غولتس پاشایه تکلیف ایتدی و مشارالیه طرفندن قبول ایدلمسی اوزرینه کندیسی اورایه کوندردی .

بالاده عرض ایتدیکم وجهله [۱۹۱۵] سنه‌سی علی العموم ایکنجی قنال سفری استحضاراتیه کچمشدی . مع هذا اردونک صرف ایتدیکی مساعی نسبتنده المان قرارگاه عمومیسنک بوسفره طائد استحضاراته پکده اهمیت عطف ایتمه‌دیکنی حس ایتدیکمندن بوخصوصده انور پاشانک لایق وجهله نظر دقتی جلب ایتمک ایچون

تشرین ثانی ظرفده استانبوله قدر برسیاحت اجرا ایتدم وایکی هفته قدر استانبوله قالدقدن صوکر ا تکرار شامه دوندم . بوسیاحتمدن پکده بیوک بر نتیجه استحصال ایدمه مشدم .

انکلیزلره فرانسزلر چناق قلعه بی تحلیه ایدرک کری چکدکدنصوکر ا آرتق استانبوله سربست قلمش اولان انورپاشای چوله یایدیغم استحضاراتی رأی العین کورمک اوزره سوریه دعوت ایتدم . مشارالیه ۱۹۱۶ شیطای ائساننده سوریه و فلسطین ایله سینا چولنده اوزون برسیاحت انکشافیه اجرا ایتدی و متعاقباً کندیسیه برابر مدینه منورمینی زیارت ایتدک . بوسیاحتمز ائساننده اوزمانلر اردو قرارگاهنده بولنان شریف فیصلده بزه رفاقت ایتشدی .

انورپاشا چول منزل تأسیساتدن فوق العاده ممنون اولمشدی . هر نه قدر قتالی کچهرک انکلیزلری مصر دن طرد ایتک ممکن اولسه بیله قتالک شرق ساحلنده قوتله یرلشمک و اوزون منزلی ضوپلر تعیه ایدرک قالدن سفائن تجاریه نیک مرور و عبوزنی منع ایتک قابل اوله جغه برلکده قرار ویردک .

او تاریخدرده بنم اک بویوک املم شریف حسینک پک آشکار بر صورتده کورونن تمایلات اختلالکارانه سنک کسب قطعت ایتمه سنه چالیشمدن و شریفی مخدوملرندن بری قومانداسیه فلسطینه بر قوه معاونه کوندرمکه اقناع ایتکدن عبارت ایدی . بواساسلر اوزرنده شریف فیصل ایله متمادی مذاکره بولنیور و بر طرفندنده شریف حسین ایله نازکانه مخابره لر ایدیوردم . آتیاً عرب اختلالنک مبحث مخصوصنده حکایه ایدم جکم وجهله بو اوزوجی مساعیدن هیچ برثره استحصال ایدمه دم و نهایت ۱۹۱۶ سنه سی حزیراننک ایکنجی کونی شریف حسینک اختلالی قارشوسنده قالدم . بو اختلال قتال سفرینه اساسلی برضربه ایندیرمشدی .

دها برنجی قتال سفرینک فردای اجرا سننده ۱۹۱۵ سنه سی مایسی ائساننده « مانچستر غورادیان » غزه سننده بر مقاله او قومشدم . بومقاله ده دنیلوردی که :

شرقی بحرسفید اردولری باش قوماندانی مصرده پک بیوک برسوق الحیش خطاسی ارتکاب ایدیور . بوخطا، مصری مدافعه ایتک ایچون سویش قتالی برصولی خندک کی تلقی ایتک و انکلیز قوای مدافعه سنی بو خندک کریسنده بولوندرمقدر . حالبوکه بزم ایچون مدافعه اولونه حق شی مصر دکل سویش قتالیدر مصرک بزجه اهمیتی سویش قتالنه غریبدن وقوع بولاجق بر تجاوزی منع ایدم جک برخط وسیعه اولسنده در مصرک وضعیتی قتاله نظراً شو صورتله تعین ایتدکدن صوکره قتالی شرقدن وقوع بوله حق بر تعرضه قارشو مدافعه ایچونده سینا شبه جزیره سنه و حتی فلسطینه اولان احتیاجمز تظاهر ایدر . بزم قوماندانلریمز و رؤسای اداره من شمده یه قدر

تورکری غایت عاجز و مصر اوزرینه تجاوزیه غیر مقتدر عدایدیورلردی . فقط بو قناعتلرینک نه قدر یا کلش اولدینی و کچن کانون ثانی اثناسنده اون بش یکر می بیک نفرلک برتورک قوتنک اوچوزاللی کیلومتره طولنده کی سینا چولنی بیوک بر انتظام ایله قطع ایدرک قنال اوکنه کلش و حتی پک ابتدائی وسائط ایله آلتی یوز نفری قنالک بری طرفنه کچیرمش اولمسیله ثبوت بولمشر .

تورک کرک شیمدی بزه خبر ویریلن حمالی استحضاراتی برایی سنهیه قدر پک مهم ثمرلر ویره بیله جکندن اوزمان تورکر شیمدیکی آلتی یوز نفر یرینه بلکه اون بیک حتی یکر می بیک نفرلک بر قوتی بر هجوم جبری ایله قنالک غرب ساحلنه کچیره رک اوراده قوتله یرلشمکه موفق اوله بیلورلر سه بزم قناله موصلاتمز اوزمان نه حاله کلش اولور ؟

حتی تورکر قنالک غرب ساحلنه کچمکه موفق اوله مسهلر بیله شرق ساحلنده قوتله یرلشهرک اوزون منزللی طوپلر تعبیه ایدرک قنال مواراتی منع ایده بیلرلرکه بونک تولید ایدیه جکی عظیم محاذیری عجبا بزم قوماندانلریز نه دن کورمک ایسته میورلر ؟ بناء علیه بزقنالک شرقه قارشی مدافعه سی ایچون مصر داخلنده قاله یی پک زیاده محذوری تلقی ایدیور و همه حال وسائط مدافعه مزک سینا شبه جزیره سنه نقل ایدمسی الزم عدایلوروز . بومقاله بنی صوک درجه لرده ایقاز ایتش و بوتون ۱۹۱۵ سنه سی طرفنده فلسطینک دکزدن بر تجاوزیه معروض قالسی احتماله قارشی (ده بار کانه) اک زیاده مساعد مواضعک تحکیماتیه اشتغاله سبب اولمشر .

بن پک اعلا حساب ایدیوردم که انکلیزلر فلسطین علیهنه قره دن بر حرکت تجاوزیه اجراسنه تشبث ایده بیلیمک ایچون بزصل فلسطین ایله قنال آرمنده منزل تأسیساتی یا مغه مجبور ایسه ک اونلرده قنال ایله فلسطین آرمنده عینی تأسیساتی وجوده کتیرمه و قنالی شمند و فرله فلسطینه ربط ایتمه مجبور ایدیلر . بوتون ۱۹۱۵ سنه سی طرفنده قنالک شرق ساحلنه هیچ برانکلیز قطعه سی کچمه مشدی . آرمنده سیار هجین سوار مفرزلری قناله الی آلتش کیلومتره مسافده کائن نقاطه قدر کلور و فقط بر قاق کون صوکر ا بتکرار قنالک قارشو ساحلنه کچورودی .

قطره و اساعلیهنه ک قارشو سنده و قنالک شرق ساحلنده اک اول کوریلان انکلیز کوپری باشی تحکیماتی ۱۹۱۶ سنه سی کانون ثانیسی نهایتده کورولمش ایدیکه شریف حسینک اختلال ایده جکنه دائر انکلیزلره یازدینی صوک مکتوبک تاریخیه توافق ایتمکده در . بوندن پک اعلا استدلال اولونه بیلرکه انکلیزلر شریف حسینک اختلالندن تماماً امین اولمادقجه قنالک شرق ساحلنه کچمکه و ده طوغریسی فلسطین علیهنه بر حرکت استیلا جویانه اجراسنه قرار ویرمه مش لردی . اونلر پک اعلا امین ایدیلرکه

شریفک اختلالی بزی خطه حجازیه ده بعض تدابیر تحفظیه اتخاذینسه مجبور ایدہ جک و سوریه و فلسطینہ تخصیص اولنان قوتلریمزک طاغیدلمسنی موجب اولہ جقدی . بوندن باشقہ شریف حسین یدیلہ عربانہ یاپہ جقلری تقدی معاونتلر عربانک بزم علیہمزه قیامنی تأمین ایدہ جک و بودہ بزم بالکلیہ ضعفمزی انتاج ایلہ یہ جکدی .

۱۹۱۶ سنہ سی نیساننک برنجی کونی ۳۰۰ نومرولی آلمان طیارہ بلوکی ایلمک فعلی معاونت اولوق اوزرہ بونی متعاقباً ۱۲ و ۱۵ نیسان تاریخلرندہ ۱۰،۵ سانتیمترہ لک ایکی آوستریا صحرا اوبوسی بطریہ سی دخی بئرالسبعہ کلدیلر . انکلیزلر طرفندن قنالک شرق ساحلندہ اجرا ایدلمکدہ اولاند کوپری باشی تحکیماییلہ شمندوفر و سائرہ انشا آتی بوتون تفرعاتیلہ کشف ایدہ بیلمکلمکمزہ بو طیارہ مفرزہ سنک بک زیادہ یاردیمی اولمشدر .

شریف حسینک اختلالی اوزرینہ فخری پاشایی مدینہ قوماندانلغنه تعیین ایتمش و اورادہ ۱۵ - ۱۶ طابور پیادہ و برخیلی جبل بطریہ سندن مرکب بر قوت تحشیدینہ مجبور اولمشدم . بوتون روحلہ حقندہ ابدی برحس حرمت و حیرت بسلہ مک مجبوریتندہ بولوندیغم فخری پاشا هر طرفدن کنیدیسنہ خصم عناصر و مؤثرات ایلہ محصور قالمش اولدینی حالده بوقوتلہ ۱۹۱۶ سنہ سی حزرانی ابتدا سندن ۱۹۱۸ سنہ سی کاؤن اولی نہایتنہ قدر تام ایکی بمق سنہ ظرفندہ جدآ خارقلر ابداع ایدرک او مبارک مرقدنجی بی انکلیز و فرانسز طوپخیلری و هر نوع صنوف معاونہ سیلہ تقویہ ایدلمش اولان قوتلی شریف حسین قطعانہ و عربان عاصیہ قارشى مدافعہ یہ موافق اولمشدی . حتی بوقوت ۱۹۱۷ سنہ سی تشرینلرندہ یالکزیش آلتی طابورہ انحصار ایتمش و اوسنہ نک کانون نایسندہ معانک شریف فیصل طرفندن ضبطندن صوکرہ مادر وطنلہ ہیپچ براتصالی قالماش اولدینی حالده دخی ینہ ثبات ایدرک متارکدن اوچ آی صوکرہ یہ قدر مدینہ یی یدہ حاستندہ محافظہ ایدہ بیلمش ایدی .

مدینہ ایلہ معان ارہ سندنکی شمندوفر خطنک محافظہ سنہ و مدینہ نک اردو ایلہ مواصلہ سننی تأمینہ مأمور اولان اوچ بش طابورق تورک قطعانک ابراز ایتدیکی شجاعت و متانت هر دلو تقدیرلرک فوقندہ در . مدینہ دن معانہ قدر امتداد ایدن بیک کیلو مترہ یی متجاوز بوخط اوزرندہ کی مدافعہ نک روحی تلقی ایتدیکم ذوات فخری پاشادن صوکرہ مدینہ محافظی پاشا و قتیله اشقودرہ قلعه سنک مدافعہ سندن تمز ایتمش ارکان عسکر یہ مزدن میرلوا جمال پاشا [عربلر بوذانه برای تفریق « جمال پاشا ثالث » یعنی « اوچنجی جمال پاشا » نامی ویرمشلردی] . میرآلای نجیب بک و بالاخرہ ارکان حربیہ قائممقامی کمال بک و سائرہ کی ذواتدر . بورآو وچ عسکر شریف حسین اولادلرینہ قان قوصودورمش و هر طرفدہ کی تشبیلرینی قانلی ضایعات ایلہ عقیم بیراقلغہ

موفق اولمشدر . اودر جهده که مکدن تامعانه قدر بوتون عربان حال اختلالده اولدینی و سواحل انکلیز و فرانسز مفرزله یله تقویه اولومش ، قطعات شریفیه ایله طوتولمش بولوندیغی حالده ۱۹۱۶ سنه سی حزرانندن ۱۹۱۷ کانون اولی نهایتده قدر مدینه نك سوریه ایله اتصالی دوچار انقطاع اولامش وتره نلر آز چوق انظام ایله کیدوب کلمکه موفق اولمشدر .

فقط بریاندن مدینه نك و برطرفدن مدینه دن معانه قدر اولان قطعاتك اعاشه سی جیخانه و سائر نك یتشدرلمسی ایچون حجاز جهته حصرایتدیکمز فدا کارلقلر بالطبع سینا و فلسطینه تخصیص ایتمکلکمز ایجاب ابدن فدا کارلغی یاری یاری یه تزیل ایتش و بناء علیه سینا جبهه مزك ایسته دیکمز قدر قوتلی اولماسنه مانع اولمشدر .

۱۹۱۶ سنه سی نیساننك یکرمنجی کونی فون قره س بکک ایکی طابور پیاده ، برجبل بطریه سی برکوکلی هجین سوار آلای ایله قاطبه استقامتنده یاپدینی بر باصقین حرکتی موفقیتیه نتیجه لشمش و برانکلیز سوار آلای قوماندانلری و تکمیل ضابطایه برابر کاملاً یداسار تمزه دو شمشدر که بوقعه قطعاتنك قوه معنویه سنی پک زیاده آرتیرمشدر . اوصیره لرده استانبولدن اوچنجی پیاده فرقه سی ایله بر مقدار آلمان ماکنه لی تفنك قطعاتی وایکی آوستریا جبل ابوبس بطریه سی دها سینا جبهه سنه التحاق ایتشدی . انکلیزلر بوائتاده قنطره ایلر وسنده کی برکوپری مواضعی ده ازیاده تحکیم ایتش وصول جناح لری دائماً دکره مستند اولمق اوزره « رومانی » قویولرینه و قاطبه یه قدر صنوف ثلثه دن مرکب مفرزله رینی ایلر لشمسدی . بوراده ده انکلیزلر اساسلی تحکیمات یاپیورلردی . قوه سفریه قوماندانلغی یکیدن در عهده ایتش اولان فون قره س قطعاتك بومئادی انتظار یوزندن آرتق اوصانمغه باشلامش اولدقلر پی در میان ایدرک رومانی علیه بر حرکت تعرضیه اجراسنی تکلیف ایتشدی .

فلسطینی مدافعه ایچون استناد ایده بیله جکمز یکانه قوت اولان قوه سفریه یی تهله که یه قویماق شرطیه بویه بر حرکت موافقت ایده جکمی جواباً بیلدیردم . بوایکنجی قنال سفرینه مأمور اولان قوت بروجه آتی ایدی :

اوچنجی پیاده فرقه سی (بهری اوچ طابورلی اوچ پیاده آلای ، بر سوار ی بلوک ، ایکی جبل بطریه سی ، راستحکام طابوری)

برماکنه لی تفنك طابوری (سکر بلوک)

۲ آوستریا ابوبس بطریه سی ؛

۱۰ سانتیمتره لک بر آلمان صحرا بطریه سی ؛

۱۵ سانتیمتره لک بر صحرا ابوبس بطریه سی ؛

۲ طیاره طوب طاقی

جمعاً ۱۰,۰۰۰ محارب .

۱۹۱۶ سنه سی تموزی نہایتندہ باشلايان بوحرکت قاطبہ ورومانی اوکنندہ قوۂ سفر بہ نک دوچار اولدییی عدم موفقیتلہ نتیجہ لندی . اوندن صو کرہ انکلیزر غایت جسم آتلی وھین سوار قطعاً تیلہ قوۂ سفریہ بی خطوہ خطوہ تعقیب ایدرک العریشہ قدر کری چکلمہ مزی انتساج ایتدی . نہایت ۱۶ کانون اولدہ العریشی دخی تخلیہ ایدرک اسکی فلسطین - سینا حدودی اوزرنده کائن خان یونسدن الحقیق خطنہ قدر چکلمہ مجبور اولدی .

انکلیزر شمعندوفرلری خارق العادہ برسرعتلہ انشا ایدیورلر وعادنا کوندہ ایکی کیلو مترہ نک تیور بولی وجودہ کتیریورلردی . نہایت شباط واسطندہ فلسطین جہہ سنی تقیشہ کلمش اولان اور پاشا وفون قرہس بکالہ بالما کرہ غزہ - تل الشریعہ - بئر السبع خطنک قطعی جہہ مدافعہ تشکیل ایتسنہ قرار ویردک . وقطعات موجودہ ایلہ بوخطک مدافعہ سنی فون قرہس بک تودیع ایتدک . برطرفدن حجاز اختلالی ، وبرطرفدن درزیلرلہ عربان سائر نک دائماً نظر دقتدہ طوتلسی لازمکن احوال مشکوکہ سی اردو قرارکھنی شامدن آبرلامغہ مجبور ایدیوردی .

برنجی غزہ مدافعہ سی

۱۵ مارت ۱۹۱۷ دن اعتبار آ غزہ - تل الشریعہ - بئر السبع خطنہ چکلمش اولان عثمانی قطعاتی آتیدہ کی قوتی حائر بولنیوردی :
غزہ دہ :

۲۷ نجی فرقیہ منسوب ۷۹ نجی واون آلتنجی فرقیہ منسوب ۱۲۵ نجی پیادہ آلایلریلہ ایکی آوستریا جبل ابوبوسی وایکی عثمانی سریع آتشی صحرا بطریہ سی و ۱۰ سائیمترہ نک آلمان اوزون صحرا طوط بطریہ سی ۱۵ سائیمترہ نک عثمانی ابوبوس بطریہ سی وایکی آلمان ویش آلتی تورک ماکنہ لی تفنک بولوکی ؛ جمعاً ، اوچ بیک بشیوز تفنک .
جماہ دہ :

اوچنجی پیادہ فرقیہ سی : [طقوز طاہور پیادہ ، آلتی سریع آتشی صحرا بطریہ سی ، درت ماکنہ لی تفنک بولوکی ، اون ویش سائیمترہ نک برسرع آتشی صحرا ابوبوس بطریہ] جمعاً بش بیک تفنک .

تل الشریعه ده :

یکرمی ایکنجی قول اردو قرارگاهیه اون آلتنجی فرقه نك ایکی پیاده آلائی
وفرقریه منسوب طوپیچیلر . جمعا ، بش بیک تفنك
بئالربع ده :

اوج آلائی اوچنجی سواری فرقه سی ؛ جمعا ، بشیوز قلنج
بونلردن بشقه الی اوچنجی فرقه نك ایکی آلائی رمله یه کلمش و بونك یالکیز بری
غزیه طوغری یوروش حالنده بولنیوردی .
جنرال مورده ۱۹۱۷ تشرین ثانیسنده نشرایتدیکی راپورنده برنجی غزه محاربه سی
ائناسنده کی عثمانلی قوتلرینک آتیده کی مقدارده بالغ اولدیغی یازیور :

غزیه ده :

اوچنجی پیاده فرقه سی ایله ایکنجی پیاده آلائی ؛ یکرمی درت ما کنه لی تفنك ؛
(۱۵۰) میلیمتره نك ایکی آلمان آغیر صحرا بطریه سیله ۱۰۵ میلیمتره نك اوج آوستریا
صحرا ابوس بطریه سی ؛ بش سریع آتشی صحرا بطاریه سی .
جمعا ؛ اون بیک تفنك .

تل الشریعه ده :

اون آلتنجی پیاده فرقه سی [جمعا آلتی بیک تفنك ، ۱۶ ما کنه لی تفنك ، درت
صحرا بطریه سی] و اوچنجی سواری فرقه سی [درت صحرا طوبی ، درت ابوس
ودرت ما کنه لی تفنك]
رملاه ده :

الی اوچنجی پیاده فرقه سی ؛

قدسده :

الی دردننجی و ۶۷ نجی پیاده فرقه لری .

حیفاده :

۲۷ نجی پیاده فرقه سی

شوراسنی غایت قطعی اوله رق بیان ایدم که انکلیزلر بوقوتلری آنحق کندی خیالخانه لرنده
تصور ایتمشلردر . اگر انکلیز جنرال نك عثمانلی قوتلری حقدده استحصال ایلدیکی
معلومات هب بوقیلدن ایسه وسائط استخباریه سنک کنیدیسی پک زیاده آلداتمش
اولدیغنه هیچ شبهه ایتسون . انکلیزلرک برنجی غزه هجومی کمال موفقیتله طرد ایتمش
اولان عثمانلی قوتلری بالاده عرض ایتدی کمز وجهله من حیث المجموع اون سکیز بیک
نفره آنحق بالغ اوله بیلوردی .

انکلیز اردوسی ایسه ینه جنرال مورده یک راپورینه نظر آقطعات آتیهدن ترکیب
ایدیوردی .

برنجی خط : [ایکی (O)]

جنرال سیر فیلیپ چه توود Sir Philip Chetwode قومانداسنده : آتلی انزاق فرقه سی [Anizac Mounted Division] ایله جومنری [Jeomanry] سواری فرقه سی و دیگر بر سواری فرقه سی ایله الی اوچنجی پیاده فرقه سندن و بر جوق ما کنه لی تفنک بلو کندن مرکب ایدی .

ایکنجی خط قوتلری ایسه هچین سوار فرقه سی ایله الی ایکنجی و دردنچی پیاده فرقه لرندن و بر جوق آغیر طو پچی بطریه لر یله ما کنه لی تفنک بلو کندن ترکب ایدیوردی .

بورقلره کوره انکلیز لر برنجی غزه محاربه سنده اوچ پیاده و اوچ سواری فرقه سی یله بر هچین سوار فرقه سنه مالک اولدقلری کی بحر آدوننارلی ده محاربه یه اشتراک ایدیوردی . کافه سی جنرال سیر شارل دوبل Sir Charles Dobell قومانداسنه تودیع ایدلمش اولان بو قوتله انکلیز شرقی بحر سفید قوای عسکریه سی باش قوماندانی جنرال مورده ی غزه - بئر السبع خطنه تعرض ایتکه قرار ویردی .

اون ایکی بیک تفنکدن عبارت اولان الی اوچنجی پیاده فرقه سی جبهه دن غزه یه تعرض ایتکه آنزاق و جومنری سواری فرقه لر یله دیگر بر سواری فرقه سی ده غزه یی شرقدن احاطه ایدرک غزه و حماهمه غروپلری آره سنه کیرمکه و نهایت غزه یی شمالدن دخی قوشانه رق نالکلیه منفرد بر افغه مأمور اولمشلردی .

۲۵/۲۶ مارت کیجه سی تعرضه مأمور اولان برنجی خط قوتی ایلری حرکته باشلادی . ۲۶ مارت صباح ساعت سکزدن اعتبار آده سواری قوتلری غزه یی تمامیه احاطه ایدرک شهرک هر طرفله مواصله سنی قطع ایتدی .

الی اوچنجی پیاده فرقه سنی متعاقب الی دردنچی فرقه نک برلوا سیله دیگر بر قاج آلا ی ده ا صباح ساعت اونده غزه اوزرینه سوق اولندیلر که بو صورتله غزه ده بولنان اوچ بیک بشیوز تفنکک عثمانلی قوتنه قارشی بر جوق پیاده و ایکی سواری فرقه سندن زیاده بر قوت کوندرلمش اولدی .

غزه بومهاجماته تورک و عرب افرادندن مرکب اولان غزه مدافع لرینک قهرمانلغی سایه سنده یکریمی درت ساعت مدتله مقاومت ایتدی .

بو قهرمانلر انکلیز فرقه لرینه قارشو غزه نک هر قاریش طو پراغی خطوه بخطوه مدافعه ایدرک و هر ته یی ایکی اوچ دفعه ضایع و استرداد ایله یه رک ثبات ایتدیلر . او کون اوکله دن صو کر احجامه دن حرکت ایدرک انکلیز لرک کر یلرینه طوغر وایلر و له یین اوچنجی پیاده فرقه منیرتسی کون انکلیز لر اوزرینده تأثیرینی کوستریر کوسترمنز انکلیز لرک بویوک بر عدم انتظام ایله رجعت ایتدک لرینی کورمکه موفق اولدی . تل الشریعه دن حرکت ایدن اون آلتنجی

فرقه ایله بئراسبعدن حرکت ایتیش اولان سواری فرقهسی ایسه بوتائیری تشدید ایتشدی . اطناب کلامدن اجتناباً اعطای تفصیلاتدن صرف نظر ایدیوروز . یالکیز شوراسنی ذکر ایتمه دن کچه مه یه جکیز که $\frac{26}{27}$ کیجه سی غزمه برچوق امداد قطعاتنک کلمش اولدیغنی انکلیز جنرالی رسمی راپورنده ایما ایدیورسه ده ۲۷ مارت صباحی انکلیز لر رجته باشلا نیجه یه قدر غزمه برتک نفریله داخل اولما مشدر .

برنجی غزه مدافعه سی عثمانلی تاریخ حماستنده پک مستثنا بر موقع احراز ایده جک بر حادثه جنکاوراندر . وایشته بو ر آووج قهرمانک او کونکی ثباتیدر که انکلیز لری بو خط اورنده ۲۷ مارت ۱۹۱۷ دن تشرین ثانی ۱۹۱۷ یه قدر سکیز آی توقفه ووجهیه طقوز پیاده وبرچوق سواری فرقه سی ایله ایکی هین سوار فرقه سی سو قه مجبور ایتمشدر .

غزه غروپی مدافعه سنک ال بیوک قهرمانی یوزیکرمی بشنجی پیاده آلائی قوماندانی بیکباشی خیری افندیدر . صوک درجه محویتکار اولان ظواهری هیچ برشی وعدایتمین بو کزیده انسان الک مشکل احوال ارسنده متانت وسکونت دمی محافظه ایدرک پیدر پی باشنه کچدیکی آلاک طابوریله « منظر تپه » نامیله شهرت بولان برتپه یی ایکی دفعه انکلیز لک لندن آلمش ، اوچنجی استردادنده بردها ترک ایتمه مشدر . بو هجوملر اثناسنده آلمان ماکنه لی تقنیک بلوکی قوماندانلرندن ملارم قوردیه Cordier دخی صوک درجه قهرمانلق کوستر مرک وفات ایتمش وعلی الخصوص آوستریا بطریه لری قوماندانی اولان بوزباشی شوالیه تروچقووسکی الک کزیده قهرمانلره لایق بر صورتده طوب باشنده وفات ایتمشدر .

انکلیز جنرالی موره ی رسمی راپورنده بزم ضایعاتمزی سکیز بیک یارملی وشهید اوله رق کوستریورسه ده غزه ده بولان عموم قومتمز حتی آشجی وخسته باقیجی وسایس کبی صفدن خارج افراد . بیله داخل حساب اولونسه ینه بومقداره بالغ اوله مایه جغندن جنرال موردیک بورقی زردن چیقارمش اولدیغنی بردورلو اکلایه میوردم . حقیقت حالده بزم ضایعاتمزی بوجه آتی ایدی :

ضابط : ۱۰ شهید ، ۱۲ یارملی ، ۱۴ غائب ،

افراد : ۲۷۶ شهید ، ۷۴۴ یارملی ، ۵۷۱ غائب ،

انکلیز لک ضایعاتی ایسه ینه کندی اعترافلرینه کوره درت بیک نفر دن عبارتدی . بوکا کوره غزه قهرمانلرندن هربری برانکلیز نفری اولدیر مشدر دیمک اولور .

۲۷ مارت آقشام اوزری شامدن حرکت ایدرک یکر می سکیز مارت صباحی تل الشریعه یه واورادن غزمه ککدم . محاربده قهرمانقلری کوریلان ضابطان وافرادی تلطف ایدرک قدسه عودت ایتدم . ایکی کون صوکر بزم جبهیه اون آلتنجی فرقه نک بعض اقسامی

داخل اولمشدى . انكيزلرك ۲۷ مارت آقشام پك پریشان بر حالده كندى سپرلرينه چكلمش اولملىرى انكيز افرادينك قوه معنويه لرينك بوزوقلغنه علامت عد ايدن فون قرهس اوچنچى واوون آلتنجى فرقه لرك بعض اقسامى ايله انكيزلرك يانلرينه بر تعرض اجراسنى تكليف ايتدى . موفقيت حالده بوندن استحصال ايديله چك منافع پك بويوك اولمقله برابر عدم موفقيت حالده آرتق فلسطين وسوزيه يي مدافعه ايديله چك بر قوت آلدله قالمايه چق وهر ايش حل ايدلمش اوله جقدى . بزوكى تهلكىلى تجربه طالع او يونلرندن ديكر جبهه لرمزده شيمدى به قدر پك چوق ضرر لر كورمش او يغمزدن شيمدى عىنى تجربه يي كندى جبهه مده تكرر ايتك هيچ ايسته ميوردم . بنم ايچون اوزمانه قدر غايه سينا چولى داخلنده قوه سفر يه يي بر تهلكيه قويما مقدى . چول ايله معمور نك فصل مشتركى اولان غزه - وبئر السبع جبهه سنه چكلكدن صوكره اتخاذ ايتديكم قرار ايسه بوجبه يي قطعياً نك ايتمه مك و عثمانلى قوتلرينك كافه سنى بر خط اوزرينه ييغهرق انكيزلرك بونى تجاوز ايديله يلمه سنه هر حالده مانع اولمقدى . بو خطك اك بويوك فائده سى صاغ جناحك دكزه وصول جناحك چوله مستند بولونه رق هر حالده چويرلمه سى امكانك بولونما سى ايدى . بوندن بشقه بو خط اليزده قالدقجه انكيزلر دائماً چول داخلنده قاله جق بزايسه آز چوق معموره صاييله بيلن يرلرده بولونه جقدق .

خلاصه غزه - بئر السبع خطى اليزده بولوندى قجه انكيز و عرب جبهه لرى آره سنده وحدت تأسيسى ده ممكن اوله مايه جقدى . بناء عليه بوجبه يي تهلكيه قوياييله چك حر كترلردن توقى ايتك اك عاقلانه بر سوق الجيش ايدى بومطالع يه مستنداً فون قرهسك تعرض تكليفى ردا ايتدم .

انكيزلرك اون بيش يكرمى كونه قدر ايكنچى بر غزه تعرضى دها اجرا ايديله چك لرينه هيچ شبهه يوقدى . بناء عليه كردن كان قوتلرله جبهه مزى تقويه ايدرك بوايكنچى تعرضى ده موفقيتله طرد و دفع ايتكه چالشمق بزم ايچون الزمى . صوك زمانده اليزه كچن قوتلرله غزه - تل الشريعه حمله سنى اوفق تفك فاصله لر مستثنا اولمق اوزره بر خط متصل حالنده تحكيم ايتمشك .

انكيزلر ايكنچى تعرضه بر حيله ايله باشلامق ايسته ديلىر . ۱۴ نيسان كونى تل الشريعه ده كى تلسر تلغرافى مركز يمز بر انكيز تلسر تلغرافى چالمشدى . بوشفره لى تلغراف نامه بزم تلغراف ضابطمزل ملازم ستيللر Stiller طرفندن حل اولوندى . انكيز شرق اردوسى قوماندانلى طرفندن فلسطين انكيز اردوسى قوماندانلغنه خطاباً يازلمش اولان بوامرده نيسانك ۱۷ كونى غزه يه بر تعرض اجرا اولونه جغى و فقط اصل تعرض قرهده ياپيلميه رق ۱۷ نيسان كيجه سى صباحه قارشى غزه نك كريسنده كى آسقالون موقعنه اخراج اولونه جق برياده فرقه سى طرفندن غزه نك كريلرينه توجه

اولونه جنى وايشته اوزمان جهه دن دخى تعرضه ابتدار ايدملك لازم كله جكى درميان ايديلووردى. اول امرده حقيقتندن شبه ايتمك ايسته مديكمز بو خبرك بزي احتياط عموميمزك موقعى تبديل ايتمه مجبور ايتمك مقصديه اختيار اولومش بر حيله دن عبارت اوله جغه قانع اولدق. وجهه ده كى قوتك ترتيبات عموميه سنه قطعياً دو قونمايه رق يالكز بر تدبير احتياطي اولمق اوزره يافه كريلزنده براقديغم براوفاق مفرزه ني آسقالون استقامته سوق ايتمكه ا كتفا ايتدم. برنجى غزه محاربه سندن ايكنجى غزه محاربه سنه قدر كيدران اولان يكرمى درت ساعت ظرفنده بزه التحاق ايدن قوت آنجق ۲۰۰۰ تنكه مالك اولان اوچنجى فرقه نك ايكي آلايى ايدى.

انكليز لر ايسه برنجى غزه محاربه سنه اشتراك ايتش اولان پياده وسوارى فرقه لر ينك قادرو نقصانلرينى اكال ايله برابر ايتش در دنجى پياده فرقه سنى دخى بوجهيه سوق ايتشلر و بناء درت پياده و درت سوارى فرقه سندن عبارت مهم بر قوت تحشيد ايتشلردى.

۱۷ نيسان صباحى باشلايان شديد انكليز تعرضى ينه غزه ايله اونك سول جناحنده كى اللى اوچنجى فرقه جهه سنه توجه اولومشدى. اوجهيه مصادف قوتك آلتى ايدى مثلى بر قوتله اجرا ايتدكلى بو هجوم ائناسنده انكليز لر سكز تانق استعمال ايتشلر وانكليز دو تمانسى ده محاربه يه اشتراك ايدرك غزه يى بر آتش و دمير ياغمورى ايجنده بو غمه چالشمشدى.

محاربه ۱۷ و ۱۸ و ۱۹ نيسان كونلرنده صوك درجه شديتيله دوام ايتش و انكليز لر جهه مزى يارمق ايجون بوتون قدر تلرينى صرف ايتمكدن كرى قالماملشردى. فقط تورك نفرينك شجاعتي انكليز ككنه فائق اولدغى بودفعه ده ثابت اولمش وانكليز لر همان همان هجوم ايتدكلى جهه ده كى تورك قوه مجموعه سنه مساوى مقداره ايدى يكي متجاوز مقتول و يارملى و يردكدن صوكرا ۱۹ نيسان آقشام اوزرى اسكى سپرلر كريسنه چكلمكه مجبور اولمشلردى. هجومه اشتراك ايدن سكز انكليز تانقندن اوچى جهه مز او كنده و حتى سپرلر يمز ايجنده قالمشدى. عثمانلى تاريخ حماستى تزيين ايدمك در جهه علوى اولان بو اوچ كونلك مدافعه نك تاريخى بويله ايكي سطرله حكايه ايديله جك شيلردن دكلدر. بو بابه كى تفصيلاتى بشقه فرستلر براقه رق بوايكنجى غزه مدافعه سنك نتايجندن بحث ايتمك ايسترم.

انكليز لر هيچ اميد ايتمكدكلى حالده يدكلى بوشديد ضربه نك تاثيرى آلتنده عادتاً آليقلاشمشلردى. هر زمان طوغرى حرب راپورلرى نشر ايتدكلى ايدم ايدن انكليز لر بودفعه حقيقتيه هيچ توافق ايتمه ين غايت مغلق افاده لى قيصه بر راپورله اكتفايه مجبور اولمشلردى. فقط چناق قلعه عدم موفقيته برده فلسطين عدم موفقيتنى علاوه

ایتمک انکلیز نفوذینک شرقده ابدیاً سقوطی قبول ایتمک دیمک اوله جغفی پک کوزل تقدیر ایدن انکلیزلر ۱۹۱۷ صوک بهار وقیش موسملری ائناسنده بهمه حال موفقیتمی بر هجوم دها یامق ایچون بوایلک بهار زیاز موسملری اگال تدابیر ایله امرار ایتمکه قرار ویردیلر و غزه اوکنده ایکی دفعه مغلوب ایدلمش اولان جنرال مورهی تبدیل ایدرک یرینه صوک درجه فعالیت و فوق العاده احتیاطکارلنی ایله غرب جبهه سنده تمیز ایتمش اولان انکلیز جنرالی « آلانی » یی تعیین واعزام ایتشلزدی . « جنرال آلانی » بوجهیه تعیین ایدلدیکی زمان هر تورك نفرینه مقابل لاقول درت انکلیز نفری تحشید ایتهدکجه عجمی تکرار ایتیه جکنی سوبله مشدی .

انکلیز کبر و عنادینک بوقراری و یره جکنه هیچ شبهه ایتیمور، فلسطین جبهه سنک صوک درجه تقویه و تحکیمی ایچون هر دورلو وسائطه مراجعتدن کری دور میوردیم . فلسطین جبهه سنه نه قدر قوت تخصیصی لازم کله جکنه و جبهه ده کی فرقه لری زمان زمان دیکشدریمک ایچون کریگره طوغری زمره قاچ فرقه اقامه ایتمک ایجاب ایده حکنه و هر درلو احتماله قارشی سوریه ده ویا حلبه ده نه قدر قوتلر بولوندریمق مقتضی کوزولدیکنه دائر قرارگاه عمومییه اوزون اوزادییه معروضاده بولونمشدم .

مایس نهایتلرینه طوغری باش قوماندانلق وکالتندن برتلغراف آلدیم . دیوردی که : « بغدادی استرداد ایچون قوه کافیه سوق ایتمک امکانتی تدقیق ایچون « جنرال فانقهاین » حلب اوزرندن موصل و فرات وادیسنه طوغری برسیاحت تتبعیه اجراسنه طرفدن مأمور ایدلمشدر . بو سیاحتده کی مقصدی ستر ایچون قدسه قدر کیدوب سزی زیارت ایتسنی ده کندیسنه توصیه ایتدم . حقنده تسهیلات ابرازینی و حسن قبولنی رجا ایدرم . »

فلسطین و سوریه صحنه لرنده ظهوری پک مشئوم حادثاته مصدر اولان جنرال فانقهاینک عثمانلی ایمپراطورلغنه نه بیوک فنالقلر یامیش اولدینی حقنده آتیا و یره جکم ایضاحات و درمیان ایده جکم مطالعات دها سهولتله آکلاشیله بیلیمک ایچون اول امرده ۱۹۱۷ مایسی ائناسنده عثمانلی حرب جبهه لرنده کی وضعیت عمومییه یی ایضاح ایتمکی مناسب کوردم .

قفقاس جبهه سی

۱۹۱۷ ابتدالرنده روسیه ده ظهور ایدن اختلال برطرفدن اوزنجان و طربزونه و دیگر طرفدن یتلیسک بری طرفلرینه قدر آناطولی شرقی و لابلریمیزی استیلا ایتمش اولان روس اردوسنک انتظامی بالکلیه اخلاص ایتمش و حتی نیشان طرفنده مصطفی کمال پاشا قومانداسنده کی ایکنجی اردو یتلیس و موش حوالیسنی روسلردن استردادده موفق

اولمشدی . بناءً عليه مذکور جبهه ده بولنان ايکنجی اردولردن دها مهم جبهه لر ایچون بعض فرقه لرك تقریق ایلمسی امکانی واردی .

عراق جبهه سی

کوة الاماره جبهه سنده مغلوب اولان اردومن نهایت بغدادی دخی ضایع ایتش وبر طرفدن کر کوکه ، دیگر طرفدن هیته قدر چکلمکه مجبور اولمشدی . بواردو ایچون جانلایمق وانکلیزلری عراقدن طرد ایتک امیدى قطعاً موجود اولماق له برابر انکلیزلرک ده بغداددن دها شماله وغرب شمالی یه طوغری حرکات جدیه اجرا ایتلری احتمالی پک یوقدی .

استانبول وازمیر حوالیسی

غرب جبهه سنده حرکاتک جداً کسب اهمیت ایتدیکی ، رومانیا لیلرک کلیاً دوچار فلاکت اولدقلری ، غزه اوکنده انکلیز اردوسنک ایکی دفعه مهم عدم موفقیتله اوغرادینی ، روس اردوسنده عظیم براختلاک ظهور ایتدیکی برصرده ائتلافیونک چناق قلعه ویا از میره « ده بارکان » یاهرق یکی برجه ده احداثه قیام ایده جکلری پک ده شایان قبول احتمالاتدن دکلدی . بناءً عليه استانبول وازمیر حوالی سنده کی قوتلردن دخی مهم جبهه لر ایچون استفاده امکانی واردی .

غالیچیا ، رومانیا وبولغار جبهه لرنده بولنان فرقه لریمک استردادى زمانى ده آرتق تمامیه کلمش عد اولونه بیلردی .

ایشته بن بواحوالی نظر دقنه آلهرق حکومت عثمانیه نك الك نازك و الك شایان اهمیت جبهه سی اولان فلسطین جبهه سنک غیر قابل ضبط بر صورتده تقویه سی ایچون قابل استفاده بوتون قوتلرک فلسطین ، مرکزی و شمالی سوریه یه سوق ایلمسی وبوعظیم قوتی اعاشه ایچون وسائط محلیه کافی اولمادیغندن شمال ولایتلردن یارديم اولومسی شدتله طلب ایتکده ایدم .

..

حزیران اثناسنده انور پاشا فلسطین جبهه سنی زیارت ایتدی . ترتیبات تدافیه دن پک زیاده ممنویت ابراز ایتکله برابر انکلیزلرک صاغ جناحی کریلرینه بر حرکت تعرضیه اجرایی حقنده کی فکرندن واز کچمه مشدی . نهایت دیدی که :

« بن بوصرمده بشقه برشیثله اشتغال ایدیوردم . اردو قوماندانلردن بعضلرینی حابه دعوت ایتدم . اولرله بواساسی استشاره ایتک ایستوردم . فکرم بغداد اوزرینه بر حرکت تعرضیه یایمق وبغدادی استرداد ایتکدر . ایکنجی اردو قوماندانی مصطفی کمال پاشانک قومانداسنده بریدنجی اردو تشکیل ایتک وبواردو ایله خلیل پاشا قومانداسنده کی

آلتنجی اردویی ییلدیرم غروپی عنوانی آلتندہ براردو غروپی قوماندانلک امرینہ و یروب بغداد اوزرینہ تحریک ایلک املندیم . هانکی جبهه لر دن هانکی فرقه نرک آلتنجی لازم کله جگنی فلان کاملاً تثبیت ایتدہ . ییلدیرم غروپی قوماندانلی ایچون دہ آلمانیا بزم جنرال فانتھانی ویردی . ظن ایدیورمکه بو وظیفه یی حسن ایفایده بیله جکدر ،

اول امرده بوکا قارشی هیچ سسمی چیقارمه دم و یک چوق دوشونمکه باشلادم . برقاج کون صوکره برلکده حلبه موصلتمزده قافقاس اردولری غروپی قوماندانی عزت پاشا ایله آلتنجی اردو قوماندانی خلیل پاشایی دہ اوراده بولوق . ایکنجی اردو قوماندانی مصطفی کمال پاشا دها اولجه شامه کلمش و فلسطین جبهه سنی بزمه برابر زیارت ایدرک برلکده حلبه عودت ایتمش ایدی . بودرت اردو قومانداننک باش قوماندان وکیلی ریاستندہ اجتماع ایتتی شیمدی یه قدر بزده کورولمش شیلردن دکلدی . بن بالطبع فلسطین جبهه سنک اهمیتندن و پاش قوماندانلق وکالتنک هرشیدن زیاده بو جبهه یی تقویه ایدمکه اسبابه توسل ایتتی لزومندن بحث ایتدیم و بغداد سفری اجراسندن ایسه حلبه بر مهم قوت اجتماع ایتدیریلهرک بو قوتک احتیاج حس اولندیغی آندہ ایستہ نیلن طرفه سوق ایدیله بیله جگنی سوبله دم .

ویدیمکه : « اگر حلبه بویله براردو اجتماع ایتدیریله جک اولورسه شاید روسلرایکنجی اردو جبهه سنی تضییق ایدرلرسه اوریاه معاونت اوله جنی کبی انکلیزلر بغداددن فرات ویا دجله بونجه ایلرلیککه توسل ایدرلرسه اونلره قارشی مقابله ممکن اولور . هله اک زیاده قورقدیغمز بر » آطنه دہ بارکاتی « فکرینی ائتلاف دولترینه بالکلیه ترک ایتدیرمش اولورز . بوسوک بهار ایچون غزه جبهه سنه بر هجوم حاضرلی یابدقلیرینه هیچ شبهه ایتدیمک انکلیزلر حلبه بویله براردونک هراحتاله منتظر آ موجود اولدیغنی کورورلرسه بوتعرضدن بلکهده صرف نظره مجبور اولورلر . خلاصه بغداد حرکتی تهلیکلی کوریورم . »

باش قوماندان وکیلی کمال جدیتله جواب ویردی :

« قرارگاه عمومی بو بغداد حرکتیه قرار ویردی . آلمانیا دن اک مقتدر برجنرال آلدی . بوندن باشقه سبکبار وکزیده آلتی آلمان طابورندن و بر چوق ماکنه لی تفنک وسائرہ قطعاتندن مرکب بر آلمان فرقه سنی ایله بعض آلمان طوپیچی بطریه لرینک معاونتیه تأمین ایتدی . بناء علیه بو حرکتدن صرف نظر ایتنه ک امکانی یوقدر . »

متعاقباً عزت پاشا سوز آلهرق هیچ اولمزسه بفرقه نک اولسون حلبه هر درلو احتمالہ قارشی بر اقدیرلمسنی تکلیف ایتدی ایسه دہ اوده جواب رد آلدی .

بالکمز بغداد حرکتی ایچون اوزمانه قدر دوشونولن فکر طابورلری حلبدن

صوکرآ تکر تکر فرات بویندن آشانی دوغری ایندیره رک رمادیه حذارنده اجتماع ایندیرمکدن عبارت اولدینی حالده عزت پاشانک و بنم درمیان ایندیکمز محاذیر شایان قبول کوروله رک اولاحلبه طرابلس آره سنده اجتماع ایندکدن صوکرآ طوپلیجه سوق فکری اساس اعتباریله شایان التفات تلقی ایدلدی .

حرب عمومی به داخل اولدیغمز زماندنبری سوق الحیشجه اختیار اولنان خطالری کوزیمک اوکندن کچیریوردم . اولاقارصی ضبط ایتک فکریله ۱۹۱۴ کانون اولنده یاپیلان صاری قامش تعرضی قافقاس اردومزک کاملاً محوینه سبب اولمش و بردها عینی قدرت و قوتی حائر اوله رق تشکیل ایدیه مه مش اولان بواردو ارضرومی مدافعه یه مقتدر اوله مه یه رق اومهم موقعک روسلارینه کچمسنی انتاج ایتیش ایدی . بالاخره دشمنک جنناق قلعه دن چکلمه سنی متعاقب توسل اولنان ارضروم استردادی حرکتی - که دیار بکر ویتلیس طرفلرنده اجتماع ایندیریلن ایکنجی اردو ایله ارزنجان ایلر یسینده بولنان اوچنجی اردو طرفندن اجرا اولنش ایدی - هیچ بر فائده یی مفید اولما مقوله برابر ارزنجانک دخی سقوطنی و دشمنک سیواس ایله ارزنجان آراسنه قدر ایلر یلسنی موجب اولمشدی .

کوة الامارده کی انکلیز اردوسنک اسارتندن صوکرآ عراق اردوسندن برقسمنک آلینه رق ایرانده فتوحات اجرا سنه مأمور ایدلمسی نتیجه ده بغدادک سقوطنه سبب اولمشدی . ایشته شیمدی ده قدس و علی العموم فلسطین تهلکده ایکن صوکه قوتلریمزک بغداد استردادینه تخصیص اولونمسی قدس و فلسطین و بلکه بوتون سوریه نک دشمن استیلا سنه معروض قالمسی موجب اوله حقدی .

بواحوالات بردها هت فنیه قطعیتیه کوزا وکنده دورورکن بوبغداد تجاوزی فکرینک ناصل اولوب ده قرارگاه عمومیده دو غمش اولدیغنه بر دورلو عقل ایردیره میوردم .

بو حلب اجتماعی هیچ اونوتما یا یغم و اوکون دها بیوک شدت و قطعیتیه اصرار ایتده یکمکن طولانی کنیدی عفو ایدمه به حکم . مدت مأموریتیم ائناسنده استعفا می ایجاب ایتدیره جک بر ایکی حادثه ظهور ایتیش ایسه بو حلب اجتماعی شبهه سز بونلرک اک مهمی ایدی . واوزمان استعفا می دوشونمده دم دکل ، بونی دوشونمش اولدیغمه عزت پاشا شاهددر . باش قوماندان وکیلنک حلبدن انفکاکندن صوکرآ فلسطین جهه سنی برای زیارت دعوت ایتدیکم مشارالیه ایله بوبابده اوزون اوزادی به مداوله افکار ایتشدک .

دردنجی اردو منطقه سنک حائر اولدینی عسکری و سیاسی اهمیت فوق العاده حسیه بواک نازک زمان ائناسنده بورانک اداره سنی ترکه قیام ایتکلکم مملکت ایچون دها بیوک فلاکتی موجب اوله جفی مشارالیه اصرار ایله درمیان ایتیش و اووقت حقمده

پك بيوك التفاتلر بذل ايدەرك سوريه ي قطعياً بىراقامقلمى توصيه بيورمش ايدى .
فقط بيلميورم، استعفا نقطه سنده اصرار ايتمش واسه ايدم قرارگاه عمومى نك قرارى
تبديل ايتديره بيلمى ايدم، يوقسه بواصرارى نازره ويا حادثات محتمله يه قارشى اندیشه
مسئوليت عطف ايدرك نى فدا و فكرلرى تعقيبده اصرار ايدلرمى ايدى؟ ايكنچى
احتمال ده ازياده وارد ايدى، ظن ايدىيوردم .

او آندن اعتبار آفرات نهري اوزرنده وبالحاصه طرابلسده بعض استحضاراتده بولونمغه
ورچوق صالار تداركنه مباشرت و طرابلسدن اعتباراً فرات بويجه منزل تاسيساتى
يا بلغه غيرت اولوندى . بالطبع بوتون بو استحضارات فلسطين جهه سنك ضررينه
واوكا حصر ايلمى الزم اولان وسائطك تنقيصى صورتيه ياپيلديوردى .
انكليزلك كوفى كونه تعقيب ايتديكم استحضاراتنه نظراً جدى وقريب برتهلكه
ايچنده بولونديغنه حقيقه قانع اولديغم فلسطين جهه سنه ده اواسع فداكارلقده
بولونق لازم كله جكنه دائر قرارگاه عمومى يه سبق ايدن اشعاراتك كفى درجده تاثير
ايتديكنى كورونجه بلكه برقاءده حاصل اولور ملاحظه سيله مدلل ومفصل بر ايكى
تلغرافامه ايله صدراعظم پاشايه مراجعت ايتشدم .

تلغرافلرىمك برنده : « شيمدى بغدادى قورتارلم ديه اوغراشيركن پك قريب
بر آقيده قدس ويا شامى قورتارمقله مشغول اوله جغمزدن چوق قورقيورم! » ديتشدم .
صدراعظم پاشادن جواباً آلدیغم تلغرافده : « بغدادك استردادى ايچون تشبثات
جديهده بولنمغه مجلس وكلاجه قرار و برلمش و صوك آلمانى سياحتم اثانسنده بوسفرى
اجرا ايتك اوزره جنرال فاقه پاشايك حكومت عثمانيه خدمتنه و برلمى طرفدن رجا
ايدلمش اولديغنه كوره شيمدى بوتشيك تأخيرى ايچون نيم مداخلهده بولنمغه امكان
يوقدر . فلسطين جهه سنه تخصيص ايتديك كز قوتلر مسئله سنه كلنجه بوده اوردو
قوماندانلردن بريله ناش قوماندان وكيلى آراسنده صرف فى ومسلكى براختلاف اولمى
اعتباريله بوايشه نيم قارىشمقلمعدن برقاءده تحصيل ايدە جكنى ظن ايتيورم ! » ديتلمشدى .
نهایت وضعيتى ده ازياده ايضاح ايتك وفلسطين جهه سنك معروض بولنديغى
تهلكه عظيمه يى بر كره ده اشفاهاً ايضاح ايتك اوزره آغستوس واسطنده استانبوله
كيتدم . مقصدم بيلديرم غروپنه تخصيص ايديلن قوتلرلك شام ايله حلب آراسنده اجتماع
ايتديريله سنى و حتى برقسمك فلسطينه كوندريلهرك هر دورلو احتمال قارشى سينا
جهه سنه كى قوتك احتياط عمومى سنى تشكيل ايلمى وبو سايلهده تشرى ثانى ويا كانون
اوله قدر انكليزلك بر هجوم قطعيسى واقع اولورسه فلسطين جهه سنك يارلمه سنك ازاله
اولونه يله جكنى وعكس حاله ايستىليرسه كانون ثايندن وشباطدن صوكر ا دخی بغداد

سفری بایله جگنی ممکن اولورسه ا کلاته بیلیمک و بو زمان طرفنده فرات منزل خطنک پک مکمل برصورتده تأسیس ایدلمش اوله جغنی اثبات ایتدی .

اوزمان « ییلدیرم غروپی قوماندانی مشیر فون فانقهاین پاشا » عنوانی آلمش اولان جنرال فانقهاین ايله اونک ارکان حربیه رئیس و بنم ارکان حربیه رئیسمله قرارگاه عمومی ارکان حربیه رئیس بر وزارت پاشا موجود بولوندی حالده انور پاشانک ریاستی آلتنده بر مجلس حرب عقد ایتدک . اول امرده انکلیز لک استحضاراته و اوکا قارشی بزم قوتلریزک حالته دائر ارکان حربیه رئیس میر آلائی علی فؤاد بک مفصل ایضاحات ویردی . بو وضعیت کوره نه قدر قوته ونه کی مالز مهیه محتاج اولدیغی ده بن ایضاح ایتدم و بناء علیه بغداد سفرندن صرف نظر ایدلمک عثمانلی منافعی مقتضاسندن اولدیغی درمیان ایلدم .

بونی متعاقب انور پاشا ايله فون فانقهاین آره سنده آلمانجه بر مکالمه باشلادی . بالطبع برشی آ کلامیوردم . یالکیز مکالمه بزم فلسطین جهه سنه عائد خریطه اوزرنده جریان ایتدکده اولمسنه نظراً و آره صره انکلیز جهه سنک کریلری اشارت ایدلمکده اولمسنه و بعض تعبیغات عسکریه نیک فرانسزجه اوله رق استعمال ایدلمسینه کوره یینه معهود فلسطین جهه سنده اجرایی بروقتلر تصور اولنه رق بنم اصرارم و مخالقم اوزرینه بالکلیه ترک ایدلمش اولدیغی ظن ایتدیکم حرکات تعرضیه دن بحث ایدلمکده اولدیغی آ کلامیوردم . بوفکرک اک شدید علمه داری شیمدی انور پاشا کورونیور و فانقهاین بویه بر حرکتک فوق العاده فائده لی اوله جغنی درمیان ایدیوردی .

بالاخره انور پاشا طرفندن ترجمه اولمنی سایه سنده آ کلامی شدم که فون فانقهاین انکلیز لر فلسطین جهه سنده موجود بولند قجه بغداد سفرینک اجرایی امکانی اولامیه جغنی حقیقتی تسلیم ایتمش و بناءً علیه ییلدیرم اردوسنه اول امرده انکلیز لر علیه شهید برضربه ایندییره رک اونلری قناله قدر طرد ایتک وظیفه سنک ویرلمی و اوندن سوکرا یواردونک بغداد اوزرینه کوندرلمی ایجاب ایده جگنی ادعا ایدیوروش . فلسطین جهه سنده بایله جق ایشه کلنجه خفیر ايله دکیز آره سندن طولاشیله رق انکلیز لرک کریلرینه تعرض ایتکدن عبارت ایش . انور پاشا بوکا اعتراض ایدیور و فلسطینه کی قوه حاضره نک مدافعه ایچون کافی اولدیغندن بحثله اورایه باشقه قوتلر تخصیصنه احتیاج کورمه دیکنی و بناءً علیه بغداد سفرندن صرف نظر ایده میه جگنی درمیان ایدیوردی . بن نه برینسک ونه ده دیگرینک فکرینه اشتراک ایدیوردم . اولا بغداد سفرینه بالکلیه معترضدم و بو سفره تخصیص ایدلکارندن طولای تموزدن بری حلبده اجتماع ایتدکده اولان فرقه لرک بر آن اول فلسطینه ایندییرمه یه رک آیلرجه زمان کچیرلمسنی پک مضر و صوک درجه وخیم تلقی ایدیوردم .

ثانياً، تکميل ييلديرم قوتلری تخصیص اولوندیفي حالده انکلیز استحضاراتنه آنجق مقابله ایدیه بیه جکمز قانع اولدیغم فلسطین جبهه سنده چولدن انکلیزلر اوزرینه بر تعرض اجراسنی جنایت عد ایدینوردم . انکلیزلر موضعلرینی ویا نلرینی او قدر مکمل بر صورتلده تحکیم ایتلردی که یوموضعلر اوزرینه بر تعرض ایدیه بیه ایچون بزم اردوده برتک نمونه سی بیه بولنیمان بیک درلو وسائط تعرضیه احتیاج واردی . تا نقلر ، اوزون منزلی آغیر طوبلر ، تل اور کولرینی تخریبه مخصوص آلات وادوات ، مخنق غارلر ، آلو ما کینه لری وغیرهم وغیرهم .

بوتعرضلرک عادتاً یوزده طقسان بش احتمال ایله عدم موفقیته اقتراستی متعاقب مقابل تعرضه کچه جک اولان انکلیزلر تعرض قوتلریمزک قسم اعظمی اسیر ایده . جکلرندن بوندن طولای قوه معنویه سی صوک درجه لرده بوزوله جق اولان مدافعه موضعلریمزه یابه جکلری تعرضده دخی موفق اوله رق فلسطین جبهه سنی بالکلیه تارومار ایده بیلرلردی .

حالبوکه قطعاً شبهه ایدیه بیه جک حقایقندن ایدی که فلسطین جبهه سنه طوقوز پیاده وایچ سواری فرقه سی ایله برچوق قطعات فیه بیغمش اولان انکلیزلر ۱۹۱۷ صوک بهاری اواسطنده ونهایت موسم شتاسنده جبهه مزه صوک و قطعی تعرضلرینی اجرا ایده جکلردی . وحتی بوتعرضلرینی بالکیز بردفعیه حصرا ایتیه برک طبق غرب جبهه لرنده نمونه لرنی کوردیکمز طرزده آیلرله دوام ایده جک برحرکت تعرضیه ابستدار ایله جکلردی . بناء علیه بزم ایچون اک عاقلانه تدبیر انکلیزلرله بیک عظیم ضایعانه مال اوله جق اولان بوبویوک تعرضلرک نتیجه سنده انتظار ایتک و عنایت حقله اونلری کاملاً طرد و دفعه موفق اولورسبه ق اوزمان کریده بواندیره جغمز تازه قوتلرله مغلوب انکلیز فرقلری اوزرینه قیصه مسافه لی بر مقابل تعرض اجرا ایتمکدن عبارت ایدی . بوترز حرکت بزه بیک بیوک فائده تأمس ایتزدی . فقط هر حالده فلسطین وسوریه نی عظیم برتهلرکدن وقایه ایده جک اک مدبرانه ودور اندیشانه برپلان اولوردی .

بم تکلیفمه کوره اتخاذ اولونه جق یکنه پلان شو ایدی :

- ۱ — بغداد سفرندن بوسوک بهار وقیش موسملرنده صرف نظر ایتک ،
- ۲ — بوتون ییلدیرم فرقلرینی فلسطین ، شام ، حما و حلبده اجتماع ایتدیرمک ،
- ۳ — انکلیز قوتلری تقویه اولوندقجه بوییلدیرم فرقلرینی پیدرپی فلسطینه ایندیرمک ،
- ۴ — فلسطین جبهه سنده ایککنجی خطده بولونه جق فرقلرک مقداری برنجی خطده کی فرقلر هراون بش کونده بر تبدیل ایدیه جک وجهله تثبیت ایتک ،
- ۵ — اوچنجی خط اوله رقه ده مهم بر احتیاط عمومی بولندیرمق ،
- ۶ — متعاقباً انکلیز تعرضلرینه بو وضعیتده انتظار ایدمک حکومت عثمانیه نک

یکانه قابل استفاده اردوسی اوله رق الدم قالمش اولان بواردونی قطعاً تهله که به صواقمق .
 بویه بر حرکت ایچون ییلدیرم غروپی قوماندانک قرارگاهیه برابر فلسطینه کیتمنه
 قطعاً لزوم و احتیاج یوقدی . اوچ سنه نی متجاوز بر زماندن بری بوجهده بولنش ، ایکی
 غزه مدافعه سنی بالذات محاربه خطنده اداره ایتش اولان فلسطین جهه سی قوماندانی
 فون قره س پاشا برنجی و ایکنجی خط فرقه لرینه قومانداندر و احتیاط عمومی
 فرقه لری طوغریدن طوغری به نیم امرمه تابع اوله رق اداره اولونوردی .

حالبوکه ییلدیرم غروپی فلسطینه اینه جک اولورسه مذکور غروپه منسوب اولان
 یدنجی اردو قرارگاهی ده مذکور جهه به اینه جک و قطعاً غیر قابل تقریق اولان فلسطین
 جهه سنی ایکی مستقل اردو جهه سنه تقریق ایتک لازم کله جکدی . باخصوص کافه سی
 اجتماع ایتدکن صوکر ا مقدازی اللی ، آلتش بیک سونکویه آنجق بالغ اوله بیله جک
 اولان برقوتی ایکی اردو ، سککز طقوز و بلکه اون قول اردو و ییلم قاج فرقه به
 آیرمق قدر کولونج برشی اوله مازدی . بوتون بواردو و قول اردو قرارگاه لرینی تشکیل
 ایدن کنج قیمتلی ضابطان فرقه لرده کی ضابط نقصانی اکال ایتک اوزره جهه به
 کوندرلمش اولورسه البت ده ا مفید ایش کورورلردی .

فقط مشیر فالغنه یان پاشانک مقصدی باشقه ایدی . مشارالیه اولا پک خفیف
 مشربانه بر صورتده قابل اجرا تلقی ایتدیکی بغداد تعرضک غیر ممکن اولدیغی شیمدی
 آنکلا بنجه کندیسنی پک کولونج بر موقعه دوشورمش اولدیغی کوردی . و بو وضعیت
 مشکله دن قورتولمق ایچون بر چاره دوشونیوردی . انور پاشانک فلسطین جهه سنده کی
 انکلیزله بر تعرض اجرا ایتک حقنده اوچ درت آی اول تصور ایتدکی فکری
 کندیسنی ایچون مدار خلاص تلقی ایتدی و انور پاشانک بالا خره نیم اصرارم
 اوزرینه ترک ایتدیکی بوفکری ایلری سورمه ک : « جمال پاشا بو حرکتی قابل اجرا
 کورمیور اما بن هم ممکن وهمده فائده لی تلقی ایدیورم ! » ادعاسه قیام ایتدی .
 اگر انور پاشانی اقناع ایدم ییلرسه کندینی وطننده کی دشمنلری نژدنده کوچوک
 دوشمکدن و بلکه ده تقاعده سوق اولونمقدن قورتاره بیله جکدی .

فقط انور پاشا نه فلسطین جهه سنه قوت سوق ایتکی و نه ده بغداد سفرندن
 واز کچمکی قبول ایتده دی و قرارنده ثبات ایتکده اولدینی بیانیله مجلس حربه نهایت
 ویردی . اساساً بر آبی متجاوز بر زماندن بری حلبده یدنجی اردویه منسوب بعض
 قطعات اجتماع ایتک باشلامش و یدنجی قول اردو قوماندانی مصطفی کمال پاشا قرارگاهی
 حلبده تأسیس ایتشدی . بو قوتلرک فلسطین جهه سی ایچون حیات درجه سنده الزم
 اولدیغنه ایمانم قدر قانع ایکن بونلرک بلا لزوم حلبده اوطور مقده اولدیغی کورمه ک
 نیم ایچون غیر قابل تحمل بر حادثه تشکیل ایدیوردی . بناءً علیه مجلس حربده

انور پاشا طرفندن اصرار ایله بیان ایدمش اولان مطالعه و قراره رغماً بوقوتلرک بلا افاقتہ وقت جنوبہ ایندرلمسنی تحریراً طلب ایتمکده دوام ایدیوردیم .

اوکونلرده بیلهم نهدن طولای آلمانیا ایمپراطوری طرفندن غرب جبههسنی زیارت ایتک اوزره بر دعوت مخصوصه آلدیم . آلمانیا سفارتی مستشاری قونت و الدبورغ - که اوصرده مصلحت کذارلق وظیفهسنی ایفا ایدیوردی - ایمپراطورک بودعوت مخصوصهسنی رسماً خارجیه نظارتنه ابلاغ ایتدیکی کبی بکاده ایمپراطور حضر تلرینک سلاملریله برابر تبلیغ اینمشدی . عینی کونده آوستریا ایمپراطوری حضر تلی طرفندن دخی آوستریا جبههسنی زیارت ایتک ایچون مدعو بولوندیغمه دائر آوستریا سفارتنک تبلیغاتی آلدیم . مساعدۀ سنیهنک استحصالنندن صوکره اولا آلمانیا به کیتدم . ویلهلمسها فنده دونمائی زیارت و اورادن « بایهرن » زرهلیسیله قوقسها فنده عزیمت ایتدکدن صوکره کیله کیتدم . پرنس هانری فون پرویزه حضر تلی طرفندن پک زیاده حسن قبوله مظهر اوله رق ترسانه لری وفه زبور غده کی مکتب بحریه بی کزدم . پرنس حضر تلیله برابر بر چوق تحت البحر تجربه لرنده بولندیم و اورادن هامبورغه و آسن دهم کی قروپ فابریقه سنه ده اوغراد قدن صوکره قروپچنا هده کی آلمان قرارگاه عمومیسنه کلدیم . قرارگاه عمومی به موصلت ایتدی کمز صباح آلمان قطعاتنک « ریغا » به داخل اولدینی خبرینک واصل اولدینی کوندی . قرارگاهده هرکس صوکره درجه نشئه لی ایدی . اوکون بکا کندی ایله « پولومریت » نشاتی اهدا ایتمش اولان ایمپراطور حضر تلی جدا بشوش و مسعود کورونیورلردی . فقط یالکز بن ظاهر آ نشئه لی وکولر یوزلی کورونمکه چالیشمقله برابر ایچمدن قان آغلا به جق قدر محزون و کدر لی ایدیم .

بو حزن و کدریمک سبی قروپچنا هه مواصلتمله برابر انور پاشادن آلدیغم برشیفره لی تلغرافنامه ایدی .

بو تلغرافنامه ده انور پاشا دیوردی که :

« فون فانقهاین ایله برقاچ دفعه دهامذاکره دن صوکره فلسطین جبهه سنه ده کی انکلیرلر علیه نه ییلدیرم غروپی تشکیل ایدن قوتلرله بر حرکت تعرضیه اجراسنه قرار ویردم . بو حرکتک اسباب اجراییه سنی تأین ایتک اوزره فون فانقهاینی فلسطینه کوندردیم . بو حاله کوره فلسطین جبهه سنک دخی مشارالیه ک قومانداسنه ویرلمسی ضروریدر . بناء علیه کندیسکی طرفندن ویریه جک اوامرک اجراسی لزومی فون قردهس پاشایه ابلاغ ایتکیزی رجا ایدرم . »

بو تلغرافنامه بنم ایچون الک الیم برضربه ایدی . آلمان جنرالی کندی مقصدینه نائل اولمش و بنم وطنمک نامتناهی ضرر کوره جکی منحوس بلانی قبول ایتدیرمشدی .

انور پاشایه عیناً شوتلغرافی یازدم :

« آلمانلرک باشنه بر وردون فلاکتی کتیرمش اولان جنرال فائقهاین بزم باشمزده بر فلسطین تعرضی بلاسی کتیره جکدر . »

باشمزده کله جک فلاکتیری نه قدر کوزل کشف ایتمش اولدیغمی بالاخره نه قدر الیم بر صورتده آکلادم . دوشمه مک ایسته دکجه ده آکلاشلماز تدبیرلره توسل ایدرک کندیسيله برابر کندی وطنداش لرینی و اولنرک متفقیریی ده اوچوروملره سور و کله یین بو ذات نجبه قدسک ، بوتون فلسطینک و تکمیل سوریه نک ضیاعنه یکانه سیدر . فائقهاینک یامقی ایسته دیکی بو حرکتک بوتون مضراتی اوکون مارشال هیندنبورغه و جنرال لوده ندورفه آکلاتمغه چالیشدم . مارشال هیندنبورغ بوقدر اوزاق مسافه دن بو حرکتک مضرت و فوائدی تقدیر ایتک مشکل اولمقله برابر حقم اوله جغنی ظن ایتدیکنی سوبله دی . جنرال لوده ندورفه عینی مطالعه یی در میان ایله برابر بعضاً دشمنی کندی ایسته دیکی طرفه دکل ، بزم ارزوایتدی کمز نقطه یه توجیه و هجومه مجبور ایتک ایچون آنک اوزرینه بر تعرض اجراسنک فائده لی اوله جغنی سوبله یرک بلکه جنرال فائقهاینک بو مطالعه یه مستنداً بر حرکت تعرضیه اجراسنه قرار ویرمش اوله جغنی فکرنده بولوندیغنی بیان ایلدی . مع هذا کندی طرفندن بر مداخله نک مضر اوله جغنی و استانبوله عودتمده انور پاشا ایله کوروشهرک مسئله یی حل ایتمکدن بشقه چاره اولمادیغی علاوه ایتدی .

قروپچنا خدن صوکره بروکه ، زه بروکه ، اوستاند طرفلرینی و قرارگاهی قورترمه بولنان دردنجی المان اردوسی جهه سنی دولاشدقدن صوکره برلینه و اورادده و یانه طریقله استانبوله عودت ایتدم .

استانبوله یکیدن مذاکره یه باشلادیغم انور پاشایی قرارندن واز کچیرمکه مقتدر اوله مانجه استغفای نظر دقه آلدیم . تا معان حدالرینه قدر توسع ایتمش اولان عرب اختلالی در میان ایدرک اگر شیمدی سوریه دن انفکاک ایده جک اولورسه م بو اختلالک پک یقین بر زمانده شامه انتقال ایده جکینی و بو صورتله وطنک محقق بر فلاکته اوغرایه . جغنی در میان ایدرک بومضر نیتدن واز کچمکلکمی انور پاشا اصرار ایله رجا ایتدی . پاشانک در میان ایتدیکی محذور حقیقه وارد ایدی .

آنجق نیم شدید سیاستم سایه سنده اختلاله جسارت ایده مه یین درز یلرله معانک بری طرفنده کی بدویلر ، باخصوص شامده تأثیراتی کرکی کبی احساس ایتدیرمکه باشلامش اولان عرب اختلالجیلر در عقب قیام ایده ییلرلر و فلسطین اردوسنک اتصالاتی قطع و هر نوع وسائلط اعاشه سنی یغما ایده رک کاملاً دوچار اسارت اولسنی موجب اوله ییلرلردی .

بنم ایچون یکی بر فدا کارلغه قاتلانمقدن باشقه چاره قالمامشدی. سوریه و فلسطین داخلنده بنم وضعیتیم ایله جنرال فائقهینک وضعیتنی تمامیه تثبیت ایدم جک بر صورت تسویه قرار لاشدیرمغه مجبور اولدم. بو صورت تسویه کوره جنرال فائقهینک بیلدیریم اردولری غروپی قوماندانی عنوانیه و بو اردو غروپنه منسوب یدنجی اردو ایله فلسطین جبهه سنده انکلیزر علیهنه بر تعرض اجراسنه مأمور اوله جقدی. بالطبع او زمانه قدر بنم قوماندانه تابع اولان فون قرم ساشا قومانداسنده کی فلسطین جبهه سی قطعاتی ده بو تعرضک احضار و اجرا ابدلدیکی مدته منحصر قالمق اوزره موقه بیلدیریم غروپی قومانداننک امرینه ویریه جقدی. و کرک بیلدیریم غروپنه تابع اردولرک و کرک فلسطین جبهه سی قطعاتنک اعاشه و تجهیز و وساطتی بنم طرفدن اکیال اولونه. جقدی. جنرال فائقهینک سوریه و فلسطینک مقامات ملکیه سیله هیچ بر مناسبتده بولنایه جق و اداره ملکیه ایله یالکیز بن تماسده بولنه جقدم. شریعه نهرینک شرق ساحلنده کی عرب قطعاتنه قارشی اجرای حرکات ایدن قطعات بنم امریمه تابع اوله جق و یافندن اعتباراً شماله طوغری بوتون ساحل مدافعه سی و مملکتک امنیت داخلیه سی بکا تابع اوله جقدی. بو اعتبار ایله بنم عنوانم دخی «سوریه و غربی عربستان اردولری عموم قوماندانی» اوله جق و اردولر غروپی قوماندانلغنی صلاحیتی حائر بولنه جقدم. اکر جنرال فائقهینکده حسن نیت اولسه یدی بو صورت تسویه سوریه و فلسطینک قوماندان و اداره ایشلرلنده هیچ بر قارشیقلغنی انتاج ایتمز و هرشی اسکیمی کی جریان ایدردی.

بغداد سفری فکریه حلبده بوشی بوشنه برحق ایکی آی قدر وقت کچیرمش اولان فرقه لرک فلسطین جبهه سنه پک کچ داخل اولمش بولنلری محذور عظیمی هیچ بر شیدله قلافی ایدیه مه مکه برابر هیچ اولمازسه سوریه نک اوج سنه لک اداره داخلیه سنده هیچ بر تحول حصوله کمزدی.

فقط فون فائقهینک مقصدی بالکلیه بشقه ایدی: هر نه صورتله اولور سه اولسون بر کره فلسطینه داخل اولدقندن سوکرا بیک دورلو وساططه مراجعت ایدرک بنی چکلمکه مجبور ایتمک و سوریه داخلنده بنم مقامه قائم اولمق.

آلمان جبهه سندن استانبوله عودت ایتدیکم زمان یدنجی اردو قوماندانی مصطفی کمال پاشا ایله جنرال فون فائقهینک آره سی آچیلمش اولدیغنی خبر آلمشدم. اسبابی تدقیق ایدنجه مصطفی کمال پاشانک تمامیه حقلی اولدیغنی اکلادم.

مصطفی کمال پاشا اردو قوماندانلغنه عائد صلاحیتلرینی تمامیه محافظه ایتمک ایستور، حالبوکه فون فائقهینک حتی قول اردو قوماندانلرینه قارشی یله یا یله میه جق صورتده یدنجی اردو امورینه مداخله ایتمکه قالفیشیوردی. مثلاً مصطفی کمال پاشا کنن دیسنه تخصیص

ایندلش اولان منطقه داخلنده کی عربان امورینه طوغریدن طوغری به مداخله ایتمک ایسته ین فائقه پاشیه و کاسلاحتدار اولدیغنی و بوایشلر آنجق اردونک وظیفه و صلاحیتی داخلنده بولوندیغنی درمیان ایدیوردی . علی الخصوص فائقه پاشیه عربانک احوال روحیه لرله قطعاً قابل توفیق اولمایان بعض مذاکرات و اجر آتنک منافع وطنه درجه مضرتی تقدیر ایدن مصطفی کمال پاشا آلمان جنرالنک اقتداری خارجنده کی ایشلرله اشتغالنه قطعاً مانع اولمق ایستیور و بوباده اردو قوماندانلغنک کندیسنه بخش ایتدیکی صلاحیته استناد ایدیوردی .

ایشته تشرین اول او واسطنده استانبولدن حلبه کلدیکم زمان سوریه ده کی وضعیت عمومی به مرکزده ایدی . مصطفی کمال پاشا ایله اوصردده اوزون اوزادی به مذاکره لرده بولوندق . جنرال فائقه پاشیه مملکتک باشنه من طرفاء ال صوکه بر بلا اولمق اوزره خلق و ایجاد ایدلش اولدیغنه قرار ویردک . مصطفی کمال پاشا بوا آدمک معیتنده قطعاً خدمت ایدمه به جکی آکلایور ، بنده جنرال فائقه پاشیه سوریه ده بولوندیجه اوچ سنه ظرفنده اوراده تأسیس ایتدیکم نفوذک دوچار زوال اوله جغه و بوندن مملکت ایچون غیر قابل ازاله مضرتلر تکیون ایدمه جکنه قانع بولنیوردم . باری فلسطین جهه سنده کی حرکاتک اداره سنده ابراز اقتدار ایدمه جکنه امین اولسه ایدک ، دیگر قصورلرینی عفو ایدمه جکدک . فقط کرک بنه و کرک مصطفی کمال پاشا ایله سبق ایدن فی مذاکره لری اشناسنده او یله عقللره حیرت ویره جک فیکر و مطالعه لر درمیان ایدیوردی که بویکدیشله ال صوکه امیدکده زواله یوز طومقده اولدیغنی کوریوردق .

نهایت مصطفی کمال پاشا ایله جریان ایدن برایکی آجی مخبرودن صوکره مصطفی کمال پاشا اردو قوماندانلغندن استعفا ایتدی و استانبوله عودت ایتدی . کندیسندن صوکره نهمده همه حال استعفا ایدمه جکی و آنجق اوصردده سوریه به کله جکی بیلدرمش اولان انور پاشانک ورودینه انتظار ایتدیکی مصطفی کمال پاشایه سویلدم . قرارم پک قطعی ایدی . فقط متعاقباً شامه کلمش اولان انور پاشا او قدر رجا ایتدی ، بیروت ، سوریه و حلب و الیلری عزمی ، تحسین و بدری بکدر اودرجه ایله اوستمه دوشدیلر که ده بر مدت ایچون سوریه یی ترک ایتمه مکه مجبور اولدم . مصطفی کمال پاشا بو حرکتمدن طولانی بکا کو جنمشدی . فط بالاخره کندیسنی اقتاع ایتدم که اوزمانکی وضعیت نی صوکه بر فدا کارلغه ده اچار ایشدی . مع هذا بر آی صوکره قدسک منحصراً فائقه پاشیه خطایی یوزندن ناحق یره سقوطی آرتق بنده امکان مقاومت بر اقادای و استانبوله عودتی موجب اولدی .

تشرین اولک نهایتلرینه طوغری ایدی ، دشمن غزه جهه سنی متماًدیاً بومباردمان ایتمه ک باشلامشدی . کویا دشمندن اول داورانوبده چول داخلندن دولاشرق

انكيزلرك كريلرينه بر هجوم توجيه ايدمك اولان فائقهين جنابلري هنوز يوز اللي ايكي يوز ضابطدن مركب عظمتلي قراركاهيله جلبده بولنيوردی .

دها اول فلسطين جههسته سوق ايدلمش اولسهلر ایدی ، شیمدییه قدر فریح فخور یرلرینه واصل اولمش و جههین طایه رق دشمنه شدتله مقاومته حاضر لائمش بولونهجق اولان فرقهلر جلبدن اعتباراً یافه واورادن ناصرءاوزرندن غزمیه دوغری قرمدن یورویوش یاقمقله مشغول ایدیلر . پک حزئی بر قسمی شمدو فرله هنوز یرلرینه واصل اولمش بولنیوردی . نهایت مشیر پاشا حضر تلی جههیه عزیمته قرار ویره بیلدیلر ودر عقب یوله حقیقیدیلر . فون قرمسک بیک درلوا اعتراضاته رغماً جههدهکی احتیاطلرك موقعلرینی آلت اوست ایتک صورتیه ترتیبات تدافعیه یی برباد ایتدیلر وخلیل الرحمن صر تلرندن تل الشریعه استقامتنه وغزم جهههسنی یارمش اولان انكيزلرك كريلرینه تعرض ایدمك ديهرك عسكرك قوه معنویهسنی بالکلیه بوزدیلر و برکت ورسین که ایکی اوچ سنه دن بری اوجههده بولونهرق هر طرفنی قاریش قاریش طائمش اولان قوماندانلرك سکونت دملری ونم دها اولجه رجعت خطلری اوزرنده احضار ایتدیردیکم مدافعه موضعلری سایه سنده اوراده طول کرم ایله یافه آره سنده و طاغلق اقسامدهده خلیل الرحمن ایله قدس آره سنده دشمنی توقیف ایدم بیلدیلر . بزم ایچون حیات ممات درجه سنده حائز اهمیت اولان غزه - بئر السبع جهههسنک بو صورت فجیعدهده دوچار ضیاع اولمه سنک یکانه مسبب مسئولی کندیسى اولدینی حالده مشیر فون فائقهین درت سنه دن بری عثمانلی اردوسنه پک بیوک خدمتله ایفا ایتمش وباخصوص فلسطين جهههسنده خارقهلر ایجاد ایتمش اولان قرمس پاشایه اسناد خطا ایتمکدن و اردومزك اك كزیده امراسندن اولدیغی بنی حیرتله الفایده جک قهرمانلق و تدابیر مصیبه سیله اثبات ایتمش ارکان حربیه میر آلائی رآفت بکی جباتله اتمامدن چکینمدهدی .

رآفت بك بزم ضابطمزلر اولماسی اعتباریه بن کندیسى محافظه ایتدم . فقط زواللی قرمس پاشا بونجه فداکارلقلرینک صوك مكافاتی اوله رق فائقهینک اتهاماتی آلتنده جههدهکی قوماندانلقدن عزل اولوندی وفاقهینک قرارکهنده کندیسنه اعاشه امورنده معاونته مأمور ایدلدى . مع هذا كرك بنم اشعاراتم و كرك فون فرمسك غایت مدلل و مفصل راپورى فائقهینک خطالرینی میدانه چیقارمق ایچون کافی ایدی .

او صرمده انور پاشا علی العجله استانبولدن سوریه یه کلمش و فلسطين جهههسنه قدر برسیاحت اجرا ایتمش ایدی . شامدن مروری اثناسنده فائقهینک غیر قابل عفو تعبیه خطالرینی برر برر کندیسنه تعداد ایدمك بو ذاتک بزى جدی بر فلا کته سور وکله یه یکه کنى و احوال حاضرده داخلنده فون قرمس بوجهه دن چکلمکدن ایسه

فانقهاینك چكلمه سنی وفون قرمس پاشانك محلنده ابقاسنی ویاخود هیچ اولماز ایسه فانقهاینك رینه ییلدیرم غروپی قوماندانلغنه مصطفی کمال پاشانك کوندریله سنی رجا ایتدم . برآرملق بونك قبولنه امکان اولمادیغنی و آلمانلر طرفندن معاونت مادییه مظهر اولق ایچون بر آلمان جنرالنك فلسطین جبهه سی قوماندانلغنده بولماسی لازم كله جكنی سویله دی .

فانقهاین جبهه ده اوغرا دینی مغلوبیتی هیچ كندی اوزرینه آلمایه رقینه اوست برده دن آتیور و بنم ایشلریمه مدخله یه ییله جرأت ایده ییلوردی . اوقدركه نابلس متصرفزی تحقیر ایتكدن، والیلره آمرانه اشعاراتده بولنقدن بر دقیقه خالی قالمیوردی . طوغریدن طوغری به كندی قرارگاهنه مربوط اولق اوزره اوتده بریده تشكيل ایتدیكى آلمان منزل نقطه لری قوماندانلری فون فانقهایندن یوز بوله رق مأمورین ملكیه مزه وحتی ضابطامزه بد معامله رده بولنغه قیام ایتشلردی . خلاصه فانقهاینك وجودی سوریه نك اوزمانه قدر آلیش دینی احوال اداره یی بالكلیه آلت اوست ایده جك برشكل آلمشدی . بونلری كاملاً انور پاشایه حكایه ایدرك بو شرائط داخلنده بنم سوریه ده قالمقلممكن اوله میه جغنی، بنم تملادی مأموریتدن فائده رینه مضرت تكدون ایده جكنی آكلاتدم .

خلاصه دییوردمكه: «اكر سوریه ده سلامت اداره ایسترایسه كز یابن یافانقهاین! ایكیمزدن برینك بورادن نری آلمنی و تكمیل ایشلرك یالكلز بر قوماندا آلتنده توحیدی اقتضایدر . غزه - بئرالسبع جبهه سنك سقوطی اوزرینه فلسطین جبهه سی ایله معان حوالیسندكه عرب جبهه سی بر خط متصل حالنه كمشدر . هله یاقینده قدس دخی انكلیزلرك اُلنه كچه جك اولورسه بوايكی جبهه یی یكدیكردن تفریق ایتمه نك امکانی اولماز . او حالده فلسطین جبهه سنك بر قوماندایه و عرب جبهه سنك اوندن بالكلیه مستقل دیگر بر قوماندایه تابع طوتولماسی نه عقله نده فنه توافقی ایدر .

معان جبهه سنك دخی فانقهاینه اعطاسی حالنده بنم سوریه ده كی وظیفهم بر منزل مفتشلكی منزله سنه اینركه هر حالده اوچ سنه لك خدمتدن صوكر بو حقارتی بكاروا كورمزسكز . شاید فانقهاینی بورادن چكه جك اولورسه كز فلسطین جبهه سی قوماندانلغنی مصطفی کمال پاشایه و عرب جبهه سی قوماندانلغنی ده مرستیلی جمال پاشایه - عربلر برای تفریق بو عنوانی ویرمشلردی - تودیع ایده رم . بنده عمومك قومانداسنی درعه ده ایدرم . شاید بونك اجراسنه امکان یوقسه اوزمان بن غایت ماهرانه بر صورتده بدایتاً هیچ كیمسه یه سز دیرمیه رك بورادن كویا لمصلحه استانبوله كلیرم وبالاخره استعفا ایدرك بالكلیه چكلیرم . »

فانقهاینك قوماندان اسقاطی آلمان قرارگاه عمومیسيله اوزون اوزادی به بخابره یه

محتاج اولديغنى، مصطفى كمال پاشا ايسه استانبوله ورودنده زياده جه خسته لنش اولديغندن
 كنديسنك بر مدت ايچون جدى استراحته محتاج اولديغنى و اخيراً بيلم هانكى
 مأموريت رسميه ايله آلمانىايه كيتمش اولان ولى عهد سلطنتك رفاقتيله اوروپايه
 كوندرديكنى و بناء عليه فلسطين جبههسى قوماندانلغك كنديسنه ويريلهسى قابل
 اوله ميه جغنى و كندى فكر نجه نيم سوريه ده قالمقلم فوق العاده موجب فوائد ايسه ده
 بن مادامكه عكس مطالعه ده بولنيوردم، بعض كونا تداير مخصوصه اتخاذ ايتك شرطيه
 ايسته ديكم زمان استانبوله عودت ايد بيله جكمى و شوقدر كه امر و قومانداني كاملاً فائقهين
 در عهده ايتسه بيله امور ملكيه به مداخله سنه مساعدت ايتك و على الخصوص عربان ايله
 و على العموم عرب سياستيله اشتغائه مأذونيت و يرمك ايسته مه ديكندن بو خصوصاتك
 شيمدى به قدر طرز سياستى تماميله آكلامش اولان بر فاته توديبى لازم كله جكمى
 سوبله دى و متعاقباً استانبوله عودت ايتدى .

اوصره ده هنوز قدس سقوط ايتمه مشدى . قدسى مدافعه به مأمور اولان قول اردونك
 قوماندانى ميرلوا على فؤاد پاشادن آلدېغم معلومات خصوصيه به كوره جنرال فائقهين
 قدسك مدافعهسى طرفدارى دكلدى . فكر بجه بوندن بيوك خطا و عثمانلى سلطنت
 حقوقنه بوندن بارز اخانت تصور اولونه مازدى .

فائقهين بلده مقدسه نك مدافعهسى مقامات مباركه نك طوب مر ميلر يله خراب اولمىنى
 انتاج ايد بجه كندن بوكا قطعياً راضى اوله ميه جغنى بر مكالمه ائناسنده على فؤاد پاشايه
 سوبله مشدى . بوندن ده كولو نچ بر فكر اوله مازدى ، قدس شهرى صليبيون زماننده اول
 اسلاملر طرفندن صليبيونه قارشو وضو كره مؤخرأ بو وضو كره كيلر طرفندن صلاح الدين
 ايوبى به قارشو مدافعه ايد بيله مشمى ايدى ؟ اون برنجى و اون ايكنجى عصر ده قابل
 تجويز اولان برشى نصل اوليورده يكر منجى عصر ده جائز اوله ميوردى ؟ شايد قدسده كى
 مقامات مباركه نك خراب اولماماسى لازم كليورسه خريستيان اولان انكليز اردوسنك
 بوشهره تجاوزدن و شهر اوزرينه طوب انداختندن توقى ايتمهسى ايجاب ايدردى . هر حاله
 بز شهرك ايلروسنده مدافعهى اختيار ايد بجه كمز ايچون شهره ارباب ايد بجه اولان
 مر ميلر بزه دكل ، انكليز لره عائد اوله جقدى . بناء عليه بو مطالعاتدن بحث ايتمه يرك
 قدسك سوق الجيشجه حائر اولديغنى اهميت فوق العاده ينى ايضاح ايله بو موقعك دشمن
 الله دوشمه مى ايچون فوق العاده اعتنا ايدلمىنى و آلدېغم معلوماته كوره قدسده كى
 قوت پك جزئى اولديغندن اورانك هان بر فرقه قوتله تقويه سنى و طرفدن دخى بر حقوق
 محاذرينه رغباً عرب جبهه سندن تصرف اولنان بر سوارى آلاينك قدسى تقويه ايتك
 اوزره هان يوله چيقارلديغنى بر شفرملى تلغرافنامه ايله فائقهين پاشايه يازدم .

ويرديكى جوابده سوارى آلاينك كوندرلمسندن طولايى تشكر ايدسيور و حالاً

قدس قوتی شهرک مدافعه سی ایچون کافی کوردیکی سویلوردی. قدس الدن چقارسه
 قدس — عمان یولی دشمنه کشاد ایدیه حکندن غایت متشبث اولدیغی بالتجربه ثابت
 اولان دشمن سواریلرینک سریع وجسور برحرکتله عمانه قدر ایلروله یه جکئی و بو
 صورته عربلره قارشو معانده محاربه ایدن قوتلریمزک کاملاً محو اوله جغنی و اونی متعاقب
 عرب اختلالنک درزیرله و حورانه و بلدکده شامه انتقال ایدرک بوتون فلسطین
 اردوسنک منزل خطرینک تهلیکه یه کیره حکئی در میان و قدسه هیچ اولمزه شمیدیک
 بر ویا ایکی پیاده آلاینک و بر ایکی بطریقه آغیر طوینچینک کوندرلمسی بردها رجا
 ایتدم. بورجامه جواب بیله و یرمکه تنزل ایتمه دی و نهایت ۹ کانون اولده انکیلر
 نک یورغون اولان عسکریمزک غفلتندن بالاستفاده یادقلری. باصقین حرکتیه
 سیاست، سوق الحیش و حتی تعبیجه فوق العاده حائز اهمیت اولان اوموقی عادتاً
 بلامشکلات ضبط ایتدیلر. قدسی ترک ایدرک قدسله «ارمحه» ارمهنده کی صرتلرده
 طوتونه بیللمش اولان علی فؤادباشان اوصباح آلدیغم برتلغرافنامه ده بدبخت عثمانی
 قوماندانی بکاشویله یازیوردی:

« قدسک مدافعه سنه مأمور اولدیغم کوندنبری بونجه اصرار و تآکیدلریمه سنزک
 طرفکزدن بلا اشعار کوندرلمش اولان سواری آلایندن بشقه ییلدیرم غروبی
 قوماندانلغندن حتی رطابور بیله قوه امدادیه آلامادیغمدن قطعاً تبدیل ایدیه میهرک
 هفته لرحه برنجی خط سپرلرنده قالمغه مجبور اولان زواللی عسکریمزک دوچار اولدیغی
 فوق العاده یورغونلقدن استفاده ایدن انکیلرلر بوصباح بر باصقین حرکتیه او کوزل
 قدسی اشغال ایتدیلر. هر حالده بوسقوطک مسئولیتی کاملاً فائقه این پاشایه عائددر!»
 علی فؤاد پاشا جداً طوغری سویلوردی. فقط ارتق بنده ده تاب و طاقت
 قالمامشدی. او زمانه قدر استانبول سیاحتهمده کی حقیقی مقصدیمی ستر ایدمک
 تدابیری اکیمل اتمش اولدیغمدن فائقه اینلر و امثالی النده ایداً ضایع اوله جغنه او
 دقیقه دن اعتباراً قطعاً قانع اولدیغم فلسطین و سوریه یی بویله الم بر حال کشمکشده
 بر اققدن متولد حزن و الم تأثیریه ترمنده ایکی ساعتدن فضله هونکور هونکور
 آغلایه رق کانون اولک اون ایکنجی کونی استانبوله متوجهاً شامدن حرکت ایتدم.
 ینه تکرار ایدیورم که قدسک سقوطی مسئولیتی منحصر آفاقه این پاشایه راجعدر.
 قدسی تقویه ایچون النده کافی قوتی اولمادیغنی قطعاً ادعا ایده مز. زیرا قدس بر
 او کسوز چوجوق غریبکی ایه کندی ضعیف قوتنه ترک ایدیلدیکی صرمده فائقه این
 جنابلری طول کرمه طاغیر ارمهنده مقابل تعرضلر اجرایی صورته چوجوق
 اویونجانی طرزنده بعض حرکتلر یاپیور و یورغونلقدن جانی چیقمش اولان زواللی
 تورک عسکرینی ناحق یره اولدوریوردی. بزم او زمانکی وضعیتمز ایه قدسی

صول جناحز ایلروسنده بر نقطه استناد کبی قوتله طوتهرق طاغلرله دکنز آرهسنده قطعی و پک مستحکم بر خط مدافعه اشغال ایتمکی ومدافعه قطعیه حالنده قائمی استلزام ایدیوردی .

قدسی اوچ سنه دئیری بن پک کوزل تحکیم ایتمش و اوپک طاشلق اولان اراضی داخلنده لغملرله قایلاری تخریب ایدرک بر خطدن عبارت سپرلر و طوطچی موضعلری ایله محفوظ محللر وجوده کتیرمش ایدم . بویله بر موضع مستحکم صول جناحز منتهاسنده بولوندقجه دشمن بوموضع ارقه سنی ویره رک اصل اردونک طاغلق اقسامندن یانلرینی چوریمکه جرأت ایده مزدی . او حالده دائمی و قوتله دکنزه استناد ایتسی لازم کلن صاغ جناحز قارشنی توجیه ایده چکی تعرضلر غزه - بئالسیع جهه سنده اولدینی کبی اوزون مدت توقیف اولونه بیلیردی . قدسی اشغال ایتدکجه ده دشمن معان طرفلرنده کی غرب جهه سیله تعبیه جه توحید حرکاته مقتدر اوله مازدی . بوتون بوفوائد قدسک سقوطیله آلت اوست اولدی .

کرچه قدسک طرز سقوطی ، اصول تعبیه سنک سقامتی فائقه یانک بیلدیرم غروپی قوماندانلغندن قالدیرلسنی انتاج ایتمش و بنم استانبوله مواصلتمدن اون کون صوکره بومشئوم آدم دخنی استانبوله کلکش ایسه ده بو تدبیر هر حالده پک کچ قالمشدی .

هیچ لایق اولمادینی بر عاقبت فجیه یه دوچار اولان زواللی فلسطین جهه سی اوندن صوکره منحصر آ جواد پاشا ، مصطفی کمال پاشا ، فوزی پاشا ، علی فؤاد پاشا ، رأفت بک ، سابق ارکان حریبه رئیس علی فؤاد بک ، سواری میرالایی اسعد بک و سائره کبی تورکلکک مدار افتخاری اولان و هریری بو حرب عمومی اثناسنده عثمانلی امپراطورلغنک اعاده شرف و اقبالی اوغورنده خارقه لر ایجاد ایتمش بولنان تورک اوغلی تورک قوماندانلرک همت و جنکاورلکلری سایه سنده ده سکز طقوز آی عینی خطی محافظه و بر آرائق عمانه قدر ایلروله مش اولان انکلیر سواریسنی تار و مار ایتمکه موفق اولمش ایسه ده هر حالده غروپ قوماندانلغنی طرفندن بر حسن اداره یه مظهر اوله مامشدی . فائقه یانی استخلاف ایدن مشیر لیمان فون ساندره س پاشا کرچه خلوص نیت صاحبی بر ذات ایدیسه ده سوریه کبی غایت قاریشیق مسائل سیاسییه جلوه کاه اولان بردار الحرکاته باش قوماندانلق ایفا ایده بیله جک بر تجربه محلیه صاحب اولمادیغندن بالخاصه اعاشه مسائلنده قطعاً موفق اولامیوردی . ۱۹۱۸ سنه سی ابتدالرنده سوریه ایشلرینک فوق العاده بوزوق کیتمکه اولدیغندن بحشله بیلدیریم اردولری غروپی قوماندانلغنی ایله اورایه عودتمی انور پاشا بندن رجا ایتمشدی . کرچه احوالک درجه فوق العاده بوزولمش اولمسندن طولانی بنمده ایش یاپه بیلملککم امکانی قالماش ایسه ده پاشانک بورجاسنی ده قبول ایتدم . مع هذا بوقرار هنوز قطعیت

کسب ایتهدن ۱۸ ایلولده انکلیزلر بیوک برسواری قوتیه عثمانلی جبهه سنک اووا قسمنی یارمش و غروب قرارگاه عمومیسنک خبری اولمادن تا ناصریه قدر ایلوله مش اولدقلرندن علی العجله قرارگاهدن فرار ایدن غروب قوماندانلی ايله اردو قوماندانلقری آره سنده کونلرجه اتصال قلامش ونهات اردولرک پریشان بر حالده عکا - درعاخطنه چکلمسنی انتاج ایتش ایدی . صوکره خبر آلدکم لیان پاشا امروا جبهه سنی پک ضعیف برفرقیه خواله ایتک و بونک کریسنده هیچ بر احتیاط بر اقامق و تکمیل قوتلری طاعلق اقسامه چکمک کی عظیم بر تعیه خطاسی ارتکاب ایتدیکندن انکلیزلر بو جرأتلی سواری مانوره سنه قرارویرمش و غروب قوماندانلی قرارگاه عمومیسنی صباحه قارشنی قوناقلرنده کیجه لک انتاریسیله باصدیرمشدر .

۱۸ ایلولده نابلس اوکنده دوچار اولدیغمز بو مغلوبیت نتیجه سنده بوتون سوریه عربلری اعلان عصیان ایتش و مصطفی کال پاشانک صوکره غیرت و مهمتلیله چکیلمکه چالیشان زواللی اردو نهات ۲۷ تشرین اولده حلبی دخی تخلیه یه مجبور اولمشدر . ۳۰ تشرین اولده عثمانلی حکومتی دول ائتلافیه ايله عقد متارکه ایتدی .

بن ادعا ایدیورمکه اولا ، بغداد استردادی فکری طوغماسه ایدی ده ، بوتون قابل استفاده قوتلر فلسطین جبهه سنه تخصیص اولونسه ایدی ، ثانیاً فائقنه این فلسطین اردوسنک باشنه کچمه ایدی ، ثالثاً فائقنه این بونجه تعیه خطالری ارتکاب ایتسه ایدی ، غزه - بئر السبع جبهه سی سنه لرجه التزده قالیر و بناء علیه متارکه زماننده سوریه و فلسطین عثمانلی ایمراطورلغنک تحت اشغالنده بولنوردی . عکسی ادعاده بولونانلرله فی مناقشه یه هر زمان حاضر م .

عرب اختلالی

شامه مواصلنده سوریه والیدی خلوصی بک بنمله غایت مهم مسائل اوزرینه مذاکرانده بولنق ایسته دیکنی سویله مشدی . هان اوکیجه دائره حکومتده برلشدک . فرانسر قونسو سخانه سندن مصادره ایدلمش اولان پک مهم وثائق رسمیه یی بکاتودیع ایتدی . بو وثائقدن قسم کلیسی شامک و بیروتک و دهها سائر شهرلرک اسلام اکابرینی اتهام ایتکده اولدیغندن بونلر اوزرینه هان تعقیبات اجرایی لازم کلوب کلمه یه جکنی کسدرمه مش اولدیغنی و قرار ویرمک ایچون بنم مواصلتمه انتظار ایتدیکنی سویله دی . وثائق مذکوره عرب اختلالچیلرینک فرانسر حمایه سی آلتنده و عاداتا فرانسه حکومتک ترتیبات و تشویقاتیه چالیشمقده اولدیغنی هیچ برشبه و ترده محل برافقسنزین اثبات ایدیوردی . فقط بو خائسلر علیه درعقب تعقیبات قانونیه

اجراسنه باشلامق تأمیننه چالیشدیغمز توحید حرکات اسلامیه غایه سنی تهلکه یه القا ایدمه یلیردی . دشمنلریمز بوتعقیبات قانونیه اطرافنده او قدر شدید بر پرواغاندا اجراسنه توسل ایدرلردی که بزمه تماسلرینی غائب ایتیش اولان مصرکی، هندستان کی، جزایر وفاس کی اسلام مملکتلری تورک لک برحس انتقام و یا خود توران عناصرینک تأمین تحکمی مقصدیه اکا بر عربی احیایه قیام ایتدکری نظریه سنه قانع اولمه یلیرلر ایدی . حالبوکه منحصر آ عالم اسلامک اسارت اجنبیه دن تخلیصی مقصدیه توسل ایتدیگمز بو مجاهده عظیمه ائناسنده بوتون اسلام مملکتلرینک توحید مساعیسی الزم ایدی .

بناء علیه بو وثائق شمذیلک پک کیزلی طوتمق ایجاب ایدمه چکنه قرار ویردک . یالکز بنم شامه ورودمدن اول بعلبکی نخله مطران پاشایه عائد وثیقه مهمه یی دیوان حرب عربی یه تودیع ایتیش و دیوان حرب مرقوم علیهنده تعقیباته باشلامش اولدیغندن بو محاکمه یه دوام ایدمک ضروری ایدی . دیوان حرب نخله مطران پاشا حقه ده مؤبد کورک جزاسی حکم ایتشدی . بالاخره بن قدسه کیتدکدن سوکره سوریه والیسی خلوصی بک نخله پاشانک شامده قالمسی محذورن غیرسالم تلقی ایدرک دیار بکره نقلی امرینی استانبولدن استحصا ایتیش ونخله پاشا والی مشارالیهک امریه تحت الحفظ دیار بکره سوق ایدیلیرکن جرابلس طرفلرنده لیلأ فراره تشبث ایتدیگندن محافظه سنه مأمور ژاندارمه لر طرفندن میتأ الله ایدلیکنی خلوصی بک یازمشدی .

شام فرانسز قونسولوسخانه سنده بولنان وثائق مجلس مبعوثان رئیس ثانسی امیر عبدالقادر زاده امیر علی پاشای ، برادری امیر عمری ، سابق شام مبعوث شفیق المؤیدبکی ، اعیانن عبدالحمید زهراوی افندی یی، درزی شیخ المشایخی یحیی الاطرش، ملکیه مفتشلرندن عبدالوهاب الانکلیزی و شکر العسلی ، شام مبعوث رشدی بک الشمعینی والحاصل بک مهم اشرف و اکابر عربی بلاتردد اتهامه کافی دلائل و اماراتی حائز بولوندیغی حالده ، بلکه بو حرب عمومینک جهان اسلام ایچون حیات و ممات مجادله سی اولدیغنه قانع اولمشلر درده ماضیده کی نیات و افعال جانیه لرندن ندامت کتیر مشلر در ، ملاحظه سنده بولونهرق حق لرنده قطعاً برشی یاپیلما سنه بیوک برخلوص نیته قرار ویرمشم .

عرب لک لسانلرینه و بعض کونا مساعدات داخلیه مظهریتلرینه ذاتاً اوتنه دنبری مخالف اولما دیغمدن عرب اختلاجلیلرینک رؤسا سندن اولدیغنی خاطر اتمک باش طرفنده عرض ایتدیگم عبدالکریم الحلیلی زدیمه جلب و کن دیسنه فوق العاده بذل الثقات ایتمه باشلادم . اونک واسطه سیله عرب اختلاجلیلرینک آتش لیلرندن دو قور عبدالرحمن شهندری و پارس عرب قونغرهنک باشلیجه مرتبلرندن المفید غزنه سی صاحب عبدالغنی العریسی یی و مشهور المقتبس غزنه سی صاحبی محمد کردعلی یی و سائر

اکابر اختلالیونی اطرافه طولیلام. بونلره حکومتک نقاط نظرینی و بوحرب عمومیدن ظفرله چقیقه جق اولورسه عالم اسلامک اسارت اجنبیه دن کاملاً قورتلسی امکانی استحصال اولونه جغنی آکلاتدم. کافه سی بلا اعتراض افاداشی تصدیق و نقاط نظریمی تصویب ایتدیلر و بوحرب عمومی ائناسنده سوریه و فلسطین عربلرینک بوتون موجودیتلرله حکومتهمه مطبع و منقادقاله جقلرینی و هیچ برمشکلات ایقاع ایتهمیه جکلرینی دینلری و ناموسلری اوزرینه یمین ایدرک تأمین ایتکه باشلادیلر .

عینی زمانده عبدالکریم الخلیلدن باشلاویه رق بوکون بوسوزم یابانه عرب اختلالجیلری وضعیت مالیه لرینک پک بوزوق اولدیغندن ، پاره یه اشد احتیاجلرندن بحث ایتکه باشلادیلر . کرک عبدالکریم الخلیله و کرک محمد کردعلی و دوقتور عبدالرحمن شهبندر و باخصوص عبدالغنی العریسی یه اولدقجه مهم پاره لر ویردم . بوندن صوکره بوذوات بنم الک حقیر بندکانمدن اولدقلرینی و بنم تأمین موفقیتم ایچون اللرندن نه طیرسه بلا افاته وقت یابه جقلرینی سوبله مککه باشلادیلر .

اوصره ده مملکتی اولان حصه کلمش اولان مشهور اخلاقسزلردن دوقتور عزت الجندی بی شامه جلب ایتدم . مرقومک سوریه ده بولنمسی جدا تهلمکلی عدایدیوردم . زیرا دها اولدن نه قدر فساد اخلاق صاحبی اولدیغنی بیلدیکم بو آدم حقنده آله ایتدیکم و ثائق کندیسینک انکیز پاره سندن باشقه ایتالیان پاره سیله ده انخای مختلفه عربیه ده ایقاع اختلاله ساعی اولدیغنی او کرئمشدم . « سوریه مسئله سی » نامی آلتنده درنجی اردو قوماندانلغم ائناسنده نشر ایتدیکم قیرمزی کتابده مندرج و ثائق آتی یه عیناً درج ایدیورم :

فرانسز سفیرینک شام قونسالوسنه مکتونی

بک اوغلی ۲۷ کانون ثانی

اوکله دن صوکره ساعت ۲

ورودی ۲۸ کانون ثانی [اوکله یی]

فرانسز قونسالوسی

شفره حلی

« ۳ » نومرولو تلغرافکزک جوابیدر :

شبهه سزکه اتحاد و ترقی فرقه سینک تکرار حکومته عودت ایتسی عرب اهالی آره سنده بو بوک برهیجان حصوله کتیرمکدن فارغ اوله مازدی . اتحاد و ترقی فرقه سی مقدما کندی حکومتی ائناسنده دولت عثمانیه نک تورکشدریلمسه بو بوک برشدتله چالیشمش ایدی . کامل پاشا قاینه سی ایسه برعدم مرکزیت اداریه مقصدینه معطوف برطاقم

اصلاحاتی امید ایتدیرمشدی . فقط عرب متحیزانی طرفدن نزدیکزده وقوعبولان
تثبتات وتبلغاتک قیمت حقیقه سنی تقدیر ایتک ایچون ۱۹۰۸ سنه سندن بری سکوته
محکوم اولان اشبو عرب متحیزانک الیوم بولوندقلری وضعیتیه نظر دفته آلمق لازم
کلیر . فی الحقیقه الیوم منفالزندن عودت ایتیش ویا اولجه دوچار اولدقلری احتیاط مجبوریدن
چیقمش اولان بوعرب متحیزانک صوک آیلر اثناسنده اتحاد وترقی قومیتیه سی علینه
برعکس العمل حاصل ایده جک برسیاستله فعالانه برصورتده مشغول اولدقلرینی نظر
دفته آلمق لازم کلیر . امیر عمر واسطه سیله سزه مراجعت ایدن انسانلر هرشیدن زیاده
کندی شخصی امتیازلرینی دوشونن انسانلر اولدقلرینی اظن ایتک ایسته یورم . مع هذاینه
بونلری محبتله دیکه ملیسکیز . اشبو سوریه لی مسلمان وخریستیانلرک بزم خرخواه لغزمه
اعتماد ایده بیله جکلرینی بیلملری حائز اهمیتدر . فقط فوق العاده اعتنا ایتلیسکیز که کندی لری نه
قارشى کوستردیککیز علاقه دارلق اونلری بر احتیاط سز لقدم بولونمغه تشویق ایتمه سون .
دول معظمه نک آوروپای ترکی به متعلق مسائلک تسویه سی ایچون بودرجه بویوک مشکلات
ایچنده بولوندقلری صرمده آسیای ترکی مسئله سنک دخی موضوع بحث اولمسی موافق
دکلدر . بناء علیه سزه مراجعت ایدن مسلمان و عرب متحیزانی ایله فوق العاده صمیمی
برتماس محافظه ایتمکله برابر سوریه لیلرک اشبو آسیای ترکی مسئله سنک کشادینه سبیت
ویره جک بر تشبثده بولونملرینه مانع اولقلغکیز لازمدر . زیر ابویله بروقه بزم حکومتتمزک
ومتفقلمزک سیاستی حکومتتمزک آرزوسی ومتفقلمزک رضاسی اولقسزین یکی بر مجرایه
سوق ایده بیلور . اگر حادثات بعض مهم رجالک سزک قونسولوسخانه کزده التجا ایتلرینی
ایجاب ایتدیرر ایشه اونلری قبول ایدیکیز . واکر مأمورین حکومت طلب ایدرلر سه
اونلری تسلیمدن امتناع ایدیکیز وکیفیتی سفارته بیلدیردیککیز جوانی ویریگز . »

۴ کانون ثانی ۱۹۱۳

شامه مواصلق : ۴ کانون ثانی ۹۱۳ [۹،۴۵ دن سوکره]

» ۱۱ نومرولو تلغرافکیزه جواب :

۱۴ تموز تاریخی توزیعاته توفیقاً عبدالقادر عائله سنه (۳۹۴۰) فرائق وریکیز
امضا

» یومپار »

فرانسه پروپاگاندا سی نهایت درجده واسع ومرتب شکلدرده پایلمقدمه ایدی .
المفید صاحبی « عبدالغنی العربی » افاده سنده دیورکه :

» سیرالدين غورستک عودتی متعاقب [سیرالدين غورستک انکتره نک مصر مأمور سیاسی ایدی]

فرانسه مالیه ناظری موسیو قایو سوریه یه کادی. لبنانده پک بویوک احتفال کوردی. حتی فرانسه غزته لرنده اسم و مکان ذکر ایدلمکسزین سویلندی بی نشر اولونان برنطقده (بز خلاصه سی فرانسه زدن بکلرز!) دیشدر.

مولای حفیظک سیاحتکده فرانسه پرو باغاندا سنک اساسلی بر تشبئی اولدیغنی شوایکی وثیقه بزه اثبات ایتدی.

سفارتخانه ۹۲

۱۶ آغستوس ۱۹۱۳

قسم سیاسی ۷۲

خلاصه سی :

« مولای حفیظ » ک اتحاد اسلام حقنده فکری

و فرانسه یه مربوطیت حقنده بیاناتی

« ذات عالیکزک ۱۱ آغستوس و بنم ۱۵ تاریخی تلغرافه استناداً عرض ایدرم که فرانسه یی شهرتدن دوشورمک ایچون » مولای حفیظ » ک مروزدن استفاده ایتمک ایسته یین سوریه لی اتحاد اسلام و انکلیز طرفدارلری آرزو ایتدکاری نتیجه یی آلدی ایتمکه موفق اولامه دیلر .

« مولای حفیظ » بیروتدن شامه کیتمکده ایکن « بعلبک » ه اوغرایه رق استاسیونده پک چوق ذوات طرفندن استقبال اولنمشدر . « بعلبک » ده بولندیغنی مدت طرفنده سابق سلطان هیچ کیمسه نک تصور ایدیه میه جکی بر طرزده اداره کلام ایتشدر . اتحاد اسلام حقنده کی بر مباحثه کسب وسعت ایتمکده اولدیغنی ائانده « مولای حفیظ » صوغوق بر طورله :

— « بونلر هب خیال! .. فی الحقیقه عرب ملتلی عین دین ولسانه مالکدر . فقط یکو وجود بر ملت تشکیل ایده مزلر ، زیرا منسوب اولدقلری عرق ، اوزرنده یاشادقلری طور اراق بر دکدر . جیچکلر ، طاغلر ، اقلیملر ، منافع اقتصادی و سائر کبی شیئلر بشر کتله لی یکدی کیردن آیران آلمؤثر سیلدر . بواساب اوکنده عینیت دینه ولسانیه نک بر حکمی اوله ماز . صوکره ، کوچوک وضعیت ملتلی کندی کندیلرینی اداره ایده مزلر . یاشایه بیلمک ایچون بر بویوک دولته انتساب ایتمکه مجبور درلر . بر عرب ضرب مثلنک دیدیکی کبی : « بویوک بالیق کوچوک یوتار! » فرانسه بویوک و کوچوک بوتون ملتلی طرفندن اعتقادات و عنعنانه حرمتکار اوله رق طایینمشدر . انکلیزلره توجه اولمقله برابر ، بن محبتی فرانسه و فرانسلره ویرمشدر! » دیشدر .

قونسوس مولای حفیظك سیاحتی حقنדה ایکنجی بر مکتوب دها کوندر مشدر .
 بز آکلا یورز که اتحاد وترقی قایینه سنک عرب قومنی تورکلش دیره جکی حقنדה کی
 ادعالمک و پروپاغاندا لک منبئی ده فرافمز لر در .
 فرانسه سفارتی عمومی سفر برلک صرملرنده پروپاغاندا سنی دها اساسلی یامق ایچون
 بو غزته تأسیسی تشبثا سنده بولونمشدر . بونی اثبات ایده جک وثیقہ یی ده فرانسه قونسوس خانه سی
 اوراقی آرہ سنده بولویورز :

بلک و غلی : ۲۸ تشرین اول ۱۹۱۴

شام فرانز قونسوس نه

« ... شامده بر عرب غزته سی نشر استیره بیلیمیسکز ؟ بو غزته ایچون همان بر مدیر
 مسئول ایله بر اداره مأموری بوله بیلیمیسکز ؟ تخصیصات لازمه نه مقدار اوله جق ؟ ...
 بومپار »

بو تلغرافه قونسوسك ویرمش اولدینی جواب شودر :

شام ۳۰ تشرین اول ۱۹۱۴

استانبولده فرانسه سفیرینه ،

... هدف خصوصیه انکلتره در دها کچنلرده اسمسز اوله رق انتشار ایدن بر صره
 رساله مک موضوعی انکلتره ایدی . ۲۴ تشرین اول تاریخی تلغرافکز اوزرینه متعدد
 دفعه کوردیکم انکلتز قونسوسی ، (زخاه) ده خفیاً طبع ایتدیره جکی رساله لرله بونلره
 مقابله ایتمک ایسته دیکنی سوبله دی .

اصلاحات جریانی اثناسنده بوراده پک عواملا شمش اولان انکلتره مک دوچار هجوم
 اولسنه تعجب ایدلمز . بو خلافت عربیه تمایلندن استفاده ایچون انکلتره طرفندن اجرا
 اولونان فضله تضیقک تأثیریدر .

بواشاده تورکلر بعض پروپاغاندا جیلر صاتون آلاق شرقده پک اهمیتی اولان
 (اتحاد اسلام) غزته جیلکنه اجرای فعالیت ایتدیریورلر .

دوغریدن دوغریوه بزه قارشو واقع اولاجق هجوملره قارشو کندیمری مدافعه
 خصوصنده ذات عالیکزه یاقینده جواب ویره جکم . ۲۱ تشرین اول تاریخی تلغرافده
 بحث اولونان عرب غزته سنه کلنجه بو غزته ، همان قیاسیلماسی ایچون بزی غایت محترزانه
 مدافعه ایده بیله جک (بوبله اولمس مر جحدر) . رساله لر طبع ایتدیروب کیزلیجه توزیع
 ایتدیرمک چاره سنده مر اجعت فکریمه کوره پک موافقدر . شاید بورساله اصولی
 موافق کورورایسه کنز مصارف ایچون شهری ۱۵۰ الی ۲۰۰ فرانقلق تخصیصا مک قبولی
 ذات عالیکزدن رجا ایدرم . »

المزده کی وثائق صوك سنه لرده فرانسز - انگلیز قابتك شد تلندیكنه دلالت ایتكده در .
انكلتره دولتك پروپاغاندا سی وسائر سی حقنده انگلیز اوراق رسنیه سی بولونما قله برابر
فرانسز اوراق بونقطه بی اولدقجه تنوبر ایتشد .

سیف الدین خطیب دیورکه :

« برچوق غزته لر عثمانلی حسیات وافكارنی دولت علیه دن انفكاك برامر واقع
اوله جنی اوزرینه حاضر لامقده ایدیلر .

اللامر کزیه جیلری حمایه ایدن انگلیز مشروطیتك اعلانندن صكره مكه امارتندن
عزل اولنان شریف علی پاشایله شیخ رشید رضایی خلافتك توركلرده قلماسی ایچون
پروپاغاندا یا بمق اوزره هندستانه کوندرمشلردی . بومسئله بی مصر و آمریقا غزته لر
یازمشلردی . »

المفید صاحی سیرالدين غورستك سوریه نك انكلتره لهنه ممالك عثمانیه دن آیرماق ایچون
پروپاغاندا یا بمق اوزره سوریه یه کوندرلدیكنی سویله مشدر . فقط فرانسزلر بومساعی بی
دها اساسلی برصودته بیلدیریورلر :

« شام فرانسز قونسلوسخانه سی

فرانسز جمهوریتی

شا : ۳ شباط ۱۹۱۳

استانبولده

فرانسز سفیری موسیو « بومپار » جنابلرینه

سابق بصره مبعوثی « سید طالب » ك شیخ المبارك ایله برلشه رك عصیان بایراغی
چكدیكى ، عراق وكویت حوالیسنی انگلیز حمایه سی آلتنه قویدقلری حقنده بوتون
سوریه ده اونبش كوندن بری برشایعه دوران ایتكده در . نوركیك اوروپاده باتمق
اوزره بولندیغی ائنده آسیاده ده دوچار هجوم اولدیغی كورن عرب ایمپراطورلنی
طرفدارلری دها شیمیدین رؤیالریك قوه دن فعله چیقه جغنی تصورایدیورلر . سید
طالب « حقنده کی بوحوادثی مصرایله عراق آره سنده دوه تجارت پاپان وسنه نك بو
آیلرنده بورایه كن تجارتلرك كتیردكلری غن ایدرم . شونی ده ذات عاكزه عرض ایله كسب
شرف ایدرم كه ، بودوماك آلتنده کی آتشك - شاید واریسه - بك اوراق اولدیغنه
قانعم . نته كم ، حكومتك بورادن بصریه عسكروطوب كوندردیكى حقنده کی (أمیر طاهر) ده
داخل اولدینی حالده برطاطا اشخاص طرفدن اشاعه ایدیلن حوادث ده یاكشدر . اويله
دوشونیورم كه ، انگلیز حمایه سی آلتنده یكیدن شكلی ایده جك « هارون الرشید » ایمپراطور لغی
عربلرك كوزینه بارلاق كوسترمك ایچون انگلیزلر ومصر لیلر طرفدن ترتیب ایدلمش
برمانوره قارشیسنده بولنیورز .

اتحاد و ترقی قابینه سی بوانترقیه لره قارشو بی حرکت قالمدی .
عربستانی ، عراقی و عجم کورفزینک متباقی قالان سواحلی ده آلدیده رک مصر ایله
هندستانی یکدیگرینه برلشدریمک ایچون صرف مساعی ایدن اشخاصک برعضوی اولان
(مقطم) ک سوریه به دخولنی منع ایتدی .

بوتون بوشایعلر تکذیب اولندی . (بیروت) ده منتشر (اتحاد عثمانی) غرته سنک
دونکی نسخه سنده تصادف اولنان برپارچه :

«ملکته عودت ایتک اوزره پورت سعیده کمی بکله مکده اولان رشید رجب افندی به ،
مخدومی «سید طالب» ک استقلال بایراغنی چکدیکی حقنده کی حوادثلرک دوغری اولوب
اولدینی (مؤید) طرفندن صورلمش و مخدومیه تعاطی ایتدکری تلغرافلرک مألنه نظراً
بوشایعلرک قطعاً یا کلش اولدینی تبین ایتشد . »

بریتانیا حکومتی مأمورلرینک بوخصوصه نه قدزشدلی تأثیراتده بولنغه باشلاقلرینی
کوسترن شو وثیقه ده فرانسز خارجه نظارتنک اندیشه سی تماماً کوریورز :

محمد مر

پارس — ۵ جزیران

خارجیه نظارتندن

شام فرانسز قونسلوسی موسیو « اوتاوی » به

آسیای ترکیده اجرای فعالیت ایدن بعض انکلیز مأمورلری حقنده تونس فرانسز
عموم مصلحتکدارلغندن کوندریلن نوطک برصورتی ذات عالیکزه تقدیم ایدیورم .
اوراقلک محرمیتنه فوق العاده اعتنا ایتمه کزی رجا ایدرم .

مسائل سیاسیه و تجاریه مدبری وسفیر مرخصنک امریه

ناظر نامه

پ . دومارژهری

تونس — ۲۸ مایس ۱۹۱۳

خلاصه سی :

شرقه انکلیز سیاستی

استانبول ، بیروت و مدینه ده اقامت ایتمکده اولان برلی تونسلیلردن تونس حکومتنه
کوندریلن مکتوبلرده انکلتره حکومتی تمثیل ایدن بعض اشخاصک مدینه ده و مکده

اشراف ورؤسای دین ایله تماس ایدرک قبله اسلام ایله انکلتزه آرهنده برمناسبت دوستانه تأمیننه صرف مساعی ایتدکری بیلدیریلور .

بومکتوبلرک بیروندن کلنلرندن بریتانیا حکومتی مأمورلرینک شام ازمیرو بیروتده انکلین نفوذینی مظفر ایتک ایچون پک چوق اوغراشدقلری آ کلاشیلور وانکلین پارلمنتوسنه منسوب بعض اعضا لارک مملکت واهالی بی تدقیق ایتک اوزره کله جک یاز اورتیه سنه دوغری آسیایه کلرینه انتظار اولنه ییلیر . بو یولتیقه جلرک توصیه سی اوزرینه درک مقصدی خلافت عربیه یی احیا اولان پارسده کی مسلمان وخریستیانلردن مرکب «جمعیت» وجوده کتیرلش اوله جق .

انکلین مطبوعات و دیپلومانلری طرفندن تشویق و لنان بوجمیت ، پروژهلرینک تطبیقی تسریع ایچون یقینده برعرب قونفره سی اجتماع ایتدیرمکه قرار ویرمش ایش .
والحاصل ، لوندرده بومقصده خادم برعرب غزته سی انتشار ایدمک ایش .

بو وثیقه لر پک اعلا کوستررکه یمده ، عسیرده ، حورانده ، بصره ده والاصل اتحادی عربیه نک هر هانکی طرفنده براختلال ظهور ایش ایسه بونلرک کافه سی انکلین ، فرانسر وایتالیا نپارمه سیله صانون آلمش ماهیتسز انسانلرک تشویقات و اغوا آتیه وقوع و لیش و بونک غایه سی منحصر آ عثمانلی ایمراطور لغنی بیک دورلو داخلی اختلاللر ایله ضعیف دوشوره زک چور و لک بر بنا کی برکون آپانسز چو کر چو کمز هر بر بار چه سی ایچون بر ر حق تملک ادعا ایدرک او بار چه لری یو تایلیمک امیددن عبارت بولونمشدر .
واقع اولان دعوت اوزرینه شامه کمش اولان عزت الجندی به حکومت عثمانیه نک تشبث ایتدیکی بو حرب عمومیده کی غایه یی ایضاح ایتدم و بو غایه اطرافنده بوتون امرای عربی طوپلامق اک برنجی املم اولدیغنی سوبله دم . بناء علیه کندیس یله حسن مناسبتده اولدیغنی بیلدیکم عسیر مدعی می سید ادریسه یازه جغم بر مکتوب مخصوصی کندیسنه کوتوروب کوتورمه چکنی صوردم . بالطبع هیچ شبهه سی موجب اولماق ایچون بالایه درج ایتدیکم وثیقه لرک آلیمه کچدیکندن بحث ایتدم . زیرا عکسی حالده بلکه اورکهرک بر معاد طریق حیل و فساد صاپه بیلیدی . ویردیکم خر جراحک زیاده لکی کوزینی دولیدر دیغندن در عقب تکلیفی قبول ایتدی . تصادفات حسنه دن اوله رق ایرتسی کونی صباحلین بیروندن اسکندریه به متی حرکت بر اسپانیول ویا ایتالیا ن واپوری بولندیغندن مذکور واپوره را کب اولمق و بر آفاق اول سید ادریسه مکتوبی ایصال ایتک اوزه کندیسنی اوکیجه بیروته کوندردم . اوزماندنبری پک آزانسانلرده کور و له یله جک درجه ده طینت ردیته صاحی اولان عزت الجندیدن بردها هیچ بر خبر آلامد ایسه ده سید ادریمی ده بو حرب عمومی اثناسنده عسیر سنجانی علیه بر

کون حرکات خصمانه ده بولونما دیغندن مکتوبک حسن تأثیری کورولدیکنی ظن ایدیورم .

..

شاهه ایلك كلديكم كونلر ائناسنده برياندن قنال سفری استحضاراتيله مشغول اولديغم کبی بر طرفدن ده بوتون بلاد عرییه ده برغلیان حمیت دینییه تولیدینه چالیشیوردم . عبدالکریم الحلیل ، دو قنور عبدالرحمن شهنبدّر و سائرّه کبی اختلا لیون عرب [که بونلره اصلاحیون نامی ویریلیوردی] واسطه سیله بر عمومی مسامره ادبیّه ترتیب ایتدیردم .

عربك شهامتّه ، عرب قومك عطش تعالی وترقیسنه عائد بر چوق نقطلر ویرلدی ، بك چوق قصیده لر انشاد اولندی . حتی وحدت آمال عربی ابلاغ ابدّه جك زمزمه لر ییله تغنی اولوندی . « نحن جندالله شبان البلاد » ردیفی عرب زمزمه و طنپورانه سی بولوندیغمز بنانك طامنی چو کرته جك بر شدتله یو کسلدی .

بونلرك كافه سنی تحسین و ترویج ایتدیكمی احساس ایتدیره جك اوضاعمه علاوه خاتمه مراسمده سوز آله رق اوزون بر نطق ایراد ایتدم . بونطقمه عربك لسانه ، لسان دینمز اولمق اعتباریله ، و قومنه هم دینمز بولونمق حسیله صوکه درجه حرمت و محبتمز اولدیغی و آمال عربیه نك تطمینی مقصدیله کچن سنه آتیلش اولان ایلك آدیك تعاقب ایده جکنه امین اولدیغی سوبله دکنه نصکرا دیدم که :

« افندیلر ، بزم فرقه مزك عربلر حقنده موقع تطبیقه قویمق ایستدیکی پروغرام و قدر واسعدرکه بونی سز تصور بیله ایده مزسکنز . مثلاً بن عرب و تورك ایکی قومك عینی خلیفه یه تابع مستقل ملت حالنده تأمین وحدتی ده مضر نورنردن دکلم . بوغایه یه وصول ایچون چوق چالیشمق ، آرامزده کی خائن دین و وطن مراییلری طرد و دفع ایتك و دشمن پاره سیله حرکت ایدن ادانینك ایچمزدّه موقع بولاماسنی تأمین ایتك ایجاب ایدر . سزه شوراسنی سوبله مك ایسترمکه استانبوله و توركلره مسكون اقسام ممالك اسلامیه ده بو کون کوردیککز توركلك جریانه قطعاً مخالف دکلدر . بك اعلا بیلیرسکنز که شیمدی یه قدر ممالك عثمانیه ده بولغارلق ، روملق ، ارمنیک جریانلری واردی . شیمدی ده بوکاعربلق جریانی علاوه اولوندی . تورك کندیسنی اونوتمش ، حتی ملیتی تلفظ ایتکدن اوتانیر اولمشدی . فکر ملی انحطاطی ، نهایت انقراض قطعی بی انتاج ایده بیلردی . بوندن اورکن تورك کنجلیکی شایان تقدیر برانتباه ایله قیام ایتدی . تورکه تورکلسکی و اونك فضائل نا محدوده سنی ا کلاتمق جهاد ملیسنی اعلان ایتدی . شاعرلری ، خطیبلری ، ادیبلری اطلاق اسان

ایتدیلر . ایکی اوج سندهنبری بوساحده، بذل مساعیه باشلادیلر . ایشته بوجریان خلافت عثمانیهك تکمله قواسنه یاردیم ایتدی . شیمدی کوردیککز اردومز وجوده کلدی . عادنا تصادفك بزه ویردیکی متفقرله برابر عصر دیدم دشمن دین علیهنه اعلان جهاددن چکنمه دی .

«شیمدی سزه تأمین ایدرمکه تورکلك جریانی عربلق جریانك قطع ایدشانی دکل، اونك برادری حتی لازم غیر مفارقیدر . تورک کنجی ، عربك ترقیسنی ، بوتون حقوق ملیه سنه صاحب اولمه سنی بوتون جانیله ایستر . تورک کنجك بوگونکی مساعیسی ، تورک ملتك حس ملیسنی او یانیدردق دمنسکرا ، تورکی اوقوتحق، تورکی چالیشقان یایمق ، تورکی اسارتدن قورتارمق ، تورکك صحتی اعاده ایتك ، تورکك نفوسنی تزید ایتك ، معموریت ورفاهنی آرتیرمق، خلاصه تورکی یکرمنجی عصرده یاشایان ملت لر آره سنده حق حیاته مالک برعنصر محترم ومبارك حالنده انظار طالع عرض ایتك نقاط مهمه سنه معطرفدر . تورک کنجی بواساسلری تثبیت ایتدی، بونلرک تأمین ایچون بیقیمایه رق اوصانمایه رق چالیشمغه عزم وعهد ایتدی . ایشته اونلردن بری اولمق اوزره اونلر لسانندن سبویلیورمکه سز ای عرب کنجكك کزیده مثللری ، سزده عینی غایه لرك تأمین ایچون چالیشیکز . عرب ایلارینك حرص استیلاسیله هر نوع فساد و حیلہ یی مباح کورن اجانبه صائمش اولان مخلوقلرک تزویراته اینانماییکز . کرک تورک کرکسه عرب کنجكکی سویله دیکم طرزده اوزرسنه چالیشکز . اوندن صکره اطرافکزه باقیکز، یکدیگریکزک قوجاغنه اوزمان آتیلکز و بردها آیرلامق عهد وميثاقيله «لحمك لحمی ، دمک دمی ، سرینك ماصدق اولکز .

بن تورک وعرب کنجكکنه خطاباً شونی سویله یورمکه ، بوايکی ملت بربرندن آیرلقلری آنده هرایکیسی ده محکوم زوالدر . اسلامک بوايکی رکن عظیمی اره سنده تگون اختلاف انقراض قدرت اسلامی تولید ایدر . ونهایت اسارت عمومیه اسلام غیر قابل اجتناب اولور .

« یازیقدر ، افندیلر ، تورانی ، قحطانی ، نعمانی کي هریری ابلیسانه برشیطنته دینزک ومبارک بوردیمزک خائ دشمنلری طرفندن ایجاد ایدلش برطاقم جریانلر سزلر اره سنده تولید اختلاف ایتسون . تورک وعرب یکدیگریکزی سویکز ، بربریکزه متقابلاً حرمت ایدیکزه عینی غایه یه معطوف خدماتکز متمر اولسون والا هرایکیکزی ایچونده فلاکت انقراض واسارت محققدر . »

بونطقم حاضرین اوزرنده فوق العاده حسن تأثیر حاصل ایتمش وایرتسی کون علمادن ، اشرافدن برچوق هیئت لر قاراکاهه کله رک عرض تشکرات ایتشلردی . هله اصلاحیونك ممنونیتنه حد وپایان یوقدی .

او کوندن سوکره شامده بوتون محلات اهالیسی طرفندن طوپلانه رق حکومته صداقتی متضمن نظر ویرلش و دشمن دین اولان انکلیز و فرانسز لره قارشى صوک درجه یه قدر مدافعه حقوق اسلامه سعی ایدیه جکی حقنده سنجاق آلتنده مصاحف شریفه ال باصه رق یمینلر ایدلش ایدی .

بر او کونلر شامده ، حلبده ، حماده ، حصده ، بیرونده ، حتی جبل لبنانده کوردیکم تظاهرات دینه یی کوزیمک اوکنه کتیری یورم برده بوگونکی نتایجی درپیش ایدیورم ده بونک مسیبی اولان شریف حسین ایله اولادینه لعنتلر ایتمکدن منع نفس ایده مدم .

• •

عرض وایضاح ایتدیکم وجهله سوریه ده تطبیق ایتمک ایسته دیکم سیاست عفو و آمان سیاستی اولدینی کبی بوتون بلاد عربیه ده بروحدت حسن وامل اوایندیرمق ایچون ده هر دورلو تدابیره مراجعت ایتشدم . مثلاً بصره وحوالیسی اشغال ایتش اولان انکلیزلر علیه نه تشکیلات مخصوصه نک عثمانجی طابوری و دیگر برایکی فرقه ایله برابر مأمور ایدلش اولان سلیمان عسکری بک مرحومه اعظمی معاوننده بولنلری حقنده بغداد والیکم اثناسنده کندیلرینه حسن مناسبتده بولوندیغم بغداد و کربلا و نجف اشرافندن و خطه عراقیه مشایخندن بعضیلرینه مکتوبلر یازدیغم کبی ابن السعود و ابن الرشیده دخی اشعارات مخصوصه ده بولوندم . ویمنده کی قطعاً منزله توحید مساعی ایتسی لزومنه دائر امام سیدیجی محیدالدین حضر ترینه ده بر مکتوب مخصوص کوندردم . بواصرای عربک کافه سندن مقام خلافت عظمی حقنده کال صداقت و مربوطیتی و دشمن دین علیه نه آجیلان بو حرب مقدسه بوتون بلاد عربک عینی حسیات دینه ایله متحسین اوله رق مجاهده یه اشتراک لزومی مصدق جوابلر آلدیم . حتی کندیسيله مخبره یه کیریشدیکم امیر مکه شریف حسین پاشادن دخی بعض مطولات ایله اغلاق ایدلش اولمقله برابر عینی حسن صداقتی مبشر مکتوبلر آلدیم .

عربلری عنون ایده جنک الک اساسلی تدبیر اونلردن تکالیف حربیه صورتیه برشی آلاماقدن و هر آینه حق مالک بدلی پشیناً تأدیه ایتمکدن عبارت بولوندیغی بیلدیکم ایچون شامه کلیر کلز هر طرفه ایلمک ویردیکم امر بعدما سوریه و فلسطیندن و علی العموم دردنجی اردو منطقه سندن تکالیف حربیه صورتیه سندم مقابلنده هیچ برشی تدارک اولونمایه رق اهالیدن کرک اعاشیه و کرک وسائل الباسیه و تجهیزیه دائر هر نه آلیزسه بدللرینک درعقب وپشیناً تأدیه ایدلمسندن عبارت اولدی . اوصرمده ممالک عثمانیه نک اقسام سائره سندن یالکیز برسند مقابلنده هر نوع ارزاق و ذخائر آلینوب دورور کن سوریه و فلسطین داخلنده پشین پاره ایله تدارک ایدلسی بویوک بر مساواتسزلق و بناء علیه

عدالتسرك ديمك اولديني حالده بوني نظردقته آلامدم وحتى اقسام سائر ممالك عثمانيه دخي عيني اصولك تطبيق دوائر مركزيه توصيه وتكليف ايتدم .

اصلاحيون حزبنه بلاترددك چوق امنيت واعتماد كوسترييوردم . حتى بعلبك وبقاع قضاالرينك جبل لبنانه الخاق طرفداري اولدقلريني وبونك ايچون قبلالحرب فرانسز قونسولوسنه يازيلان مضبطهيه وضع امضا ايتدكلاريني بيلديكم بعلبكلي «الحيدر» عائله سيله جبل لبنانك هرمل ناحيه سي دره بكلاري اولان حماده عائله سنك بعلبككه حص آره سنده رأس بعلبك دنيلان ايصسز براستاسيون جوارنده ترتيب ايتدكلاري برنمايش وطنپرورانهيه يانمده يالكز برياورم اولديني حالده سوريه واليسي خلوصي بلكه برابر كيتمكدن چكينه دم . بونمايشك مرتبي عبدالكريم الخليل اولديغندن بعلبك وجبل لبنانك متواليلري زونده عبدالكريمك تزويد نفوسي واهميتي ايچون كنديسنه كال اعتماد ايتكمي مناسب كورمشدم .

خلاصه قنال سفريني اداره ايچون سيناجولنه عزيمت ايدم جكم زمانه قدر سوريه ويبروت ولايتلري داخلدنه هرزبه كيتمش ايسه ماصلاحيون دائما يانمده بولونديردم واونلرده حقيقي وطنپرورلك وخليفهيه صداقت حسلاي اويانديرمق ايچون ديلك دوندكي قدر سويله مكدن كرى دورمامدم .

..

اوزمانلر سوريه ويبروتده حكم سوردهن قناعت عموميه جبل لبنان خريستيانلرينك اقشامه صباحه اختلال ايدم جكلرينه دائردى . هرطرفدن بكا توصيه اولنان شيعي لبنان امتيازاتسك الفاسي ولبنان اهالي خريستيانيه سنه برياننامه نشريله اللرنده بولنان سلاحلري حكومه تسليم ايتملارينك اعلاني ايدى . لبنانده اللهي بيك قدر اسلحه جديده اولديغنى هر كس ادعا ايدسيوردى . بونلرك هيچ برينه قولاق آصه ادم . بويله برمعامله سوريه وفلسطينك اهالي خريستيانيه سنى شهلره القا ايدم جك وحتى اختلال ايتكم امللري اولمسه بيله بونلري زورله اختلاله سوق ايدم جكدى . چونكه بن امين ايدم كه سلاح تحريسي ايچون هر كيمي مأمور ايدرسه م ايدم ، مطلقا اولرك تحريسي وسيله سيله زنكين لبنانليرك اوغرايه جقلري مادي ضرر وزيانك ايسه حد وحصاني اولمايه جقدى . بناء عليه لبنان اهاليسنه دخي برياننامه نشر ايدرك امتيازات قديمه لرينه كمالكان رعايت اولونه جغنى وكنديلرينك هيچ كيمسه طرفندن راحتسز ايدلمهيه جكنى اعلان ايتدم . بني زيارت ايچون ماروني بطريقي [مونسفور حويك] طرفندن كوندرلمش اولان اوج مطران بوياننامه ايله مارونيلرك على العموم ممنونيت واستراحت قليبهرليني موجب اولديغنى ، بولطفي الى الابد اونوتمايه جقلريني وكنديلرندن صداقتدن بشقه هيچ برحركت

کورمیه حکمی بیان ایتشلردی . بطریق افندینک مکتوبی ده عینی مآلده ایدی .
 یالکز جبل لبنان مارونیلرله درزیرلندن فرانسیز وانکلیرله صوگ درجه طرفدار
 اولدقلری و بناء علیه آتدن آلتله ایقاع فساد و تزویردن قطعاً فارغ اولمایه جقلری
 مصر آ بیان اولنان برقاچ ذاتی برتدیر احتیاطی اولق اوزره قمال سفرینک ختمنه
 قدر مسافرة قدسه دعوت ایتمکه راضی اولمشدم . بو ذواتک قدسده بولوندقلری مدتیجه
 بوتون مصارف اعاشه وسائر لری اردوجه تسویه ایتیش و ایسته دکلیری یرلرده سربستهجه
 اقامتلیرینه مساعدده ایلشدم .

بونلرک اسامیسی مأمورین دولت طرفندن دکل ، ینه سوریه و ییروتک اصلاحیونی
 ایله بعض جبل لبنان امراسی طرفندن تثبیت و تکلیف اولونمش ایدی . بالطبع اجرا
 ایتدیکم تحقیقات خفیه و افیدلرک پک صاعلام آیاق قابی اولما دقلرینی میدانه چیقارمشدی که
 شیمدی لبنانده فرانسیز حمایتی طلبی ایله وحدت عربیه اک بویوک ضربهلری ایندیر مکله
 اک زیاده مشغول اولانلرک بو اشخاص اولدقلرینی غزته حوادلرندن آکلادیقم
 ایچون اتخامده یانیلماش اولدیغمی تقدیر ایدیوردم .



آمریقا سفیری مورغه نئاو کتاب معهودنده بئم شخصمدن بی ادبانه برسانانه بحث
 ایدرکن سوریه خریستیانلری حقنده مظالم ارتکاب ایتیش اولدیغمی اوتانمهدن ذکر
 و بیاندن چکینه یور . بواقندییه غایت قیصه بر صورتده جواب ویرمش اولق ایچون
 « افندی ! یالان سویلیورسک ! » دیمکله اکتفا ایتمکه ممکن ایسهده هر حالده
 حقایق تاریخیه دن بحث ایتمکی مناسب کورویورم .

۱۹۱۵ سنه سی کانون ثانیسنک اوچونجی ویا دردنجی کونی قدسه کلدیکم صرمده
 زیارتمه کلن متفق و بیطرف قونسولوسلر بکا بر مطبوع کتاب کوستره رک بو کتابک
 مندرجاتندن طولانی بالعموم عناصر غیرمسلمه ارمسندده بویوک بر خوف و هیجان
 حکم فرما اولدیغی و هر کس اقشامه صباحه اسلاملر طرفندن خریستیانلر علیه
 برقتل عامه توسل ایدلمی احتمالندن اور کدیکنی بیان ایتشلردی . کتابی اوقوتم .
 حکومتجه اعلان اولنان جهاد فی سبیل الهه استناد ایدرک کفار علیه قتال هر مسلم
 ایچون فرض عین اولدیغی مفسر بر رساله اولدیغی آکلادم . فی الحقیقه بعض جاهللیری
 طریق صوابدن آیرمه بیله جک بر لسان ایله یازلمش اولان بو اثرک منع مضراتی ایچون
 در عقب بوتون سوریه اهلایسته خطاباً اوزون بر بیاننامه نشر ایتدم . بویاننامه لری
 تا اک اوافق کویلره وارنجه یه قدر کونده ره رک دیوارلره یاپیشدیرتم . خلاصه شویله
 دییوردم .

خليفة اسلام طرفندن اعلان اولنان جهاد اکبر دشمن دین و وطن اولان انکلیر،

فرانسزلر و روسلره معطوفدر . وحتی اونلرک سلاح بدست مجادله ده اولانلرینه عائددر .
بناءً علیه وطنلری ، منفعتلری والحاصل هر شیئلری بزمه مشترک اولان غیر مسلم
وطنداشلریمز علیهنه اک اوافق بر فکر تجاوز بسله یه چک اولان اهالی اسلامییه
اک شدید صورتده تجزیه ایده جکمه اعناد ایدیکر .

« سلطنت عثمانیه نك عاقبتی » عنوانلی اثر مشهورینك ۳۷۰ نجی صحیفه سندد بالاده
ذکر ایتدیکم عربجه کتابك متندن کمال اعتنا یله بحث ایتمش اولان معهود موسقوف
دیپلوماتی ماندلشتام عجبانه دن ط لایي بنم بیاننامه می ده ترجمه ایتك زحمتی اختیار
بیورماش ؟ کرک مورغتاوه و کرک ماندلشتامه اخطار ایدرمکه فی الحقیقه اگر
سوریه ده اسلاملر طرفندن خرستیانلر علیهنه حرب عمومینك ایستر بدایتنده ایستر
اواسط و اواخرنده بر تجاوز وقوع بولسنی آرزو ایتمش اولسه یدم بوندن قولای هیچ
برایش یا یمش اولمایه جقدم . اگر بوتون حرب عمومی ائناسنده خرستیانلرله یهودیلره
اسلاملر و درزبلر طرفندن هیچ بر تعرض وقوع بولماش ایسه بوصرف بنم هتم
ونم اتحاد ایتدیکم تداییر سایه سندد ممکن اولمشدر . ماندلشتام کرچه کتاب معهودنده
ارمنیلره قارشو صالیویرلش اولان کردلرک سوریه ده موجود بولنما سندن طولانی
سوریه خرستیانلرینك قتل عامدن قور تولدیغنی سویلیورسه ده هر حالده ماندلشتام
بوسوزینه کندیسیده اینانما مشدر ظن ایدرم . زیرا پك زنکین اولان جبل لبنان
وفلسطین خرستیانلرینك یاغما ایدیه بیله جکلری هانکی بدوی و یا مدنی سوریه لی یه
ازجق احساس ایتمش اولسه یدم بن هیچ زحمت چکمکسزین بوامل در عقب تحصیل
ایدردی . خیر افسدیلر سزه تکرار ایدرمکه بنم سوریه ده انسانلری ایسته یه رک
اولدورتمش اولدیغمه دائره هایکیکز کده کتابلر کزده سویله دیککسز سوزلرکاملا یالاندر .
بونی برکون کله جك آمریقالی ، انکلیز و فرانسز برچوق ناموسلی انسانلر امضالری
تحتنده یازاجقلری اثرلره اثبات ایده جکلردر . فقط عجبانه او زمان سزلرک یوزیکز
قزار جقمی ؟ هیچ ظن ایتمه یورم !

سوریه اسلاملر ده حکم سورده دیکر بر قناعتده بو حرب ائناسنده جبل دروزک
راحت دورمایه جنی قناعتی ایدی . مبعوثلردن ، علمادن ، اشرافدن حتی اصلاحیوندن
برچوقلری بهمه حال دروز علیهنه بر ضربه شدید اورمقلاغم لازم کله جکنی توصیه ده
متحد ایدیلر . حالبوکه بن بوقناعتده دکلمد . سوریه نك الاصلاحشور ، اک سهل الاشتغال
برقومی کندییه دشمن ایتکدنسه اونلرله بر زمین ائتلاف بوله رق کندیلردن تأمین
استفاده یه چالشمق نجبه اولا ایدی . بناءً علیه هر طرفدن آقین آقین شامه کله رک
مقام خلافت و سلطنت عظمایه صداقت و عبودیتلرینك عرضنی بندن رجا ایدن جماعات

وطوائف مختلفه رؤسای مثللو درزی مشایخنک دخی شامه کلعلری لزومنی والی ولایت واسطه سیله کندیله رینه ابلاغ ایتدیردم .

درزیلری کندی انترقه لرلی ایچون دائماً برآلت کی قولانمق مسلکنی طوتمش اولان امیر عبدالقادر اوغللری درعقب میدان چیقیدلر . اوصیره ده امیر علی پاشا امپراطورک دعوت مخصوصه سیله آلمانیا به کیتمدی . کندیسنه براییک انباغیله برابر درت یولده تصادف ایتشدیم . پدری امیر عبدالقادرک خاطرۀ کزبنه الان صادق اولان جزایر عربلرینی فرانسه علیه اختلاله دعوت ایتک و جزایره کیدوب اوراده فرانسزلرک باشنه بر بلا چیقارمق وظیفه سنی مع الشکران قبول ایده جکنی کندیسنه خاص اولان آغیر غلبه لیکلیکی ایله بکا آکلا تمشدی .

خی زیارته کلن امیر علی پاشانک اوغلی امیر سعید دها حرب عمومیدن اول بالقان محاربه سندن سوکرا فرانسلر علیه تشبث ایتدیکی مجاذلاتی مثبت عربجه بر اثریله المهاجر غزته تسنده نشر ایتدیکی مقاله لرلی کتیردی و کرک کندیسنک و کرک بتون عبدالقادر عالمه سنک دولت عثمانیه نکه اک صادق بنده لرلی اولدقلرینی و خلافت اسلامیه نکه اعاده شرف و شهامت نامنه قائلرینک صوک دامله سنه قدر چالیشمقدن مال و جان بتون ماملکلرینی فدا ایتمکدن چکینمه به جکلرینی و طائفه دروز . امیر عبدالقادر مرحومدن کوردکلری لطف و مروتک دائماً مننداری اولدقلری ایچون اونک اولاد و اخفادی حقنده دخی عینی مربوطیتی ابراز ایتدکلرینی و بناء علیه اکر بن آرزو ایده جک اولورسه م بتون مشایخ ورؤسای دروزی براییک کون ایچنده شامه کتیره بیله جکنی والا معلوم اولان وحشت طبعلری مقتضاسنجه طرفدن و یاطرف ولایتدن واقع اوله جق دعوته اجابته تردد ایده جکلرینی صایدی دوکدی . آله ایتدی کمز و ثائق ، امیر سعیدک موازنه عقلیه دن محروم بر دریدر اولقله برابر ، باباسی و عمومجه لرلیله عمومجه زاده لرینه نظراً عثمانلیغه دها زیاده مربوطیت کوستر مکده اولدیغنی اثبات ایدرمه یته اولدیغندن والی ولایت خلوصی بکک قناعتنه رغماً کندیسنی اداره ایتکی اوزمانکی سیاستمه موافق تلقی ایدیوردم . بناء علیه بر طرفدن ولایت معرفتیه رؤسای دروزی رسماً دعوت ایتدی کم کی بر طرفدن ده امیر سعیده بوبابده ابراز ایده جکی خدمانک مستوجب ممنونیت اوله جغنی سوبله مکدن کری دورمادم .

نهایت امیر سعیدک ادعاسنه نظراً بیک مشکلات ایله ، حقیقت حاله نظراً ، غایت بویوک بر سهولته رؤسای دروز شامه کلدیله . و اوچ بش کون قدر شامده قاله رق و برخیلی نمایشلر ده بولونه رق بر معناد « مال و جان و قان هر نه به مال کسه لر سیل دولت و ملتده جمله سنی فدا به حاضر و دولت علیه نکه محافظه شان و شرفی نامنه بتون تبعه عثمانیه نکه کافه سندن صادق » اولدقلرینی نامتناهی یمینلر و عهد میثاقلرله تأمین ایده رک چیقوب

کتدیله . حرب ایچون وطائفه دن بر فائده ماده کوره جکمی قطعاً امید ایتمیوردم . آنجق هر هانکی بروسيله ايله اولورسه اولسون بر قیام عمومی یه توسل ایده جک اولورلرسه نی پک زیاده مشغول ایده بيله جکلی ایچون کندیله رینی حسن اداره ایتمکی آرزو ایدیوردم . بعضیلرینک ظن ایتمکلی وحی مصر غزلرندن بعضیلرینک معهود ماندلشتمک کتابنه مندرج رایکی مقاله ده ادعا اولوندیغی وجهله بن لیمان مارونیلرینک اختلاندن قطعاً تحاشی ایتمه دم واونلرک توسل ایده بيله جکلی هر هانکی عصیان پک چابوق تسکین ایده جکمه قانع ایدم . فقط جبل دروزک اختلاندن جداً چکینیردم و بونک عدم وقوعی ایچون دائماً تدابیر اتخاذ ایتمه دم . بوتداییرمه اعظمی درجه ده موفق اوله رق تا صوک زمانه قدر دروزک حکومت عثمانیه یه قارشی صادق قالمیرینی تأمین ایده بیلدم .

مع هذا بر حسن تصادف اثری اوله رق اوصره ده دروزک اک نافذ واک حریص رؤساستدن یحیی الاطریش وفات ایتمش ویرینه اوغلی سلیم الاطریش قائم اولمشدی . یحیی الاطریش اجنبی انترقه لرینه آلت اوله رق دولت علمنه بر چوق دفعه لر اختلال ایتمش وکرک دروزدن کرکسه حکومت عسکرندن پک چوق بابایکیتلرک ناحق یره اولومنه سببت ویرمشدی . شام فرانسر قونسولوسخانه سندن الده ایدلمش اولان وثائقه نظراً یحیی الاطریش فرانسرلر طرفندن صاوتن آیینمش وحتی آئیده درج ایتمیکم ایکی وثیقیه نظراً مرقوم سوریه نک فرانسر طرفندن اشغاله تشبث ایدیله سی حالنده درزیر واسطه سيله فرانسه یه معاونت ایده جکمی وعد ایتمش اولدیغندن حکومت جمهوریه کندیسنه رسماً سلاح کوندزمش ایدی .

اگر حرب عمومی بدایتده بو آدم حلول اجل موعود بيله وفات ایتمه مش اولسه یدی او اثناده دولتک باشنه جداً پک بویوک غائله لر آجه سیلیدی . بالاده نشر ایتمیکمز وثیقه لر فرانسه نک تورکیه حقنده کی نیاتنه اک قاطع بر برهاندر ظن ایدرم (۱) حسن اوغلی سلیم الاطرش ایسه ساکن واولدقجه حسن اخلاق صاحبی برکنج اولدیغندن کندیسنه وطائفه دروزه قارشو کوستردیکم حسن معامله دن فوق العاده متشکر قالمش وتا نهایته قدر دولت حقنده حسن نیت ابرازندن کری دورما مشدر .

رؤسای دروز ایچنده خیر دولت ایچون صرف مساعی ایتمش پک چوق انسانلر واردی . اگر بو حرب عمومیدن غالبیله چیقمش اولسه ایدک ین امین ایدمکه دولت بردها درزی قیامی قارشوسنده قالمایه جقدی . دروزک احتیاجات اجتماعیه سنی اوقدر کوزل تدقیق ایتمش اونلرک تأمین رفاهنی کافل اوله بيله جک تدابیرک ماهیتی اودرجه لرده تعین ایتمش ایدمکه بردقت برده تطبیقاتنه توسل ایدر ایتمز علی العموم دروزک استجلاب ممنوبیتلری ممکن اوله جغه امین ایدم . نسیب و عبدالغفار الاطرش

بکاري رؤسای دروز آرمسندنه الك زياده ايشمه يارامش اولانلر ميانسنده ذكر ايتمهك
مجبورم .

هرکيم نهديرسه ديسون عرب اسلاملى اوزرنده علمای دينك نفوذى پك بويوكدر .
بونى پك اعلا بيلديكم ايچون برطرفدن اصلاحيون ناميله ياد اولنان بين الاهالى دينسزلكه
اتهام اولونهرق منفور كوزيلان اختلاجليرك امنيتلرينه نهقدر چالشمش ايسهم علمای
دينك ده تظمين قلبلرينه اودرجه لرده اعتنا ايلشدم . بوعلما آرمسندنه جدا محاسن اخلاقيه
ايله متصف ذوات فاضله واردى . انسان محاضره لرندن دائما متلذذ اولور وكنديلرينه
ياريم ساعتلى برتماس ناسك بونلر حقندهكى سبب مجلوبيتى ارايه كافي كابر .

شامدهكى شيخ بدرالدين افندى بوعلمای كزينه آرمسندنه الك كزيده عد
اولنوردى . متأخرين محدثينك عمدسى دنيله بيلهك قدر عالم اولان بوذات زهد
ونقوى ايله ده متحلى اولديغندن پك فقير برمنظره ارايه ايدن مدرسه جكنك
اوطه سندن هيچ چيقمز وكنديسى زيارته كنلرلى اوراجقده قبول ايدرك نصايح
علمانه سيله زائرى مستفيد ايتمهك چالشيرودى . كنديسيله كوروشديكم متعدد دفعه لرده
موجب كلال هيچ برسوزينى ايشتمه دم هر زمان بكا تلاوت وتفسير ايتديكى احاديث
نبويه اوزرنده ولايت عامه بولنان برمامور دولته اعلاى كلمه الله مكب بررئيس
المجاهدينك دستورالاعمالى اوله بيلهك احوال وينات محمدية دن عبارتدى :

هيچ بر كمسه نك زيارته كيمه مك ويالكز مدرسه سنه كنلرك زيارتلرينى قبول
ايتك حقندهكى اعتيادى خبر آلايغم مشاراليه شيخ بدرالدين افندي دن استجلاب
خيردما ايچون بالذات زيارتلرينه كيتدم وايكى ساعت دوام ايدن ر محاضره لطيفه دن
حقيقى برخط درونى ايله آيرلدم . اوزرنده اوقدر حسن تأثير حاصل ايتشم كه مشاراليه
ايرتسى كون هيچ كيمسه يه خبر ويرمه يرك سوقاغه چيقمش وطوغرىجه قرار كاهمه
ههرك بكا اعاده زيارت ايتشدى . بين الناس مظنه دن عد اولنان شيخ بدرالدين افنديك
بى زيارت ايچون اولته قدر كمش اولسى كتله عوام آرمسندنه پك بيوك تاثيرات
حسنه حصوله كيتردى وعوامك حقندهكى امنيت واعتمادى تقويه يه يارديم ايتدى .

علمای دمشق ميانسنده الك چوق خير ايله تخطر ايتديكم وبوتون حرب انسانسنده
كنديسندن اعظمى معاونتار كورديكيم بر ذات ده مفتى بلده شيخ ابو الحيد عايدى
افندى ايدى . مع هذا شام علماسيله دائما حسن مناسبتده بولندم و علمای حقيقه
ميانسنده خلافت عثمانيه اخاتى محسوس برذاته مصادف اولمام . اخلاق سفيله و رديه
اصحابندن اولدقلى حالده هر فصله صياقه علما آرمسندنه قارشمش اولانلرى بن
علمای حقيقه دن عد ايتيورم .

بیروت مفتیسی شیخ مصطفیٰ نجاد نقیب الاشرافی شیخ عبدالرحمن الہود ایلہ قدس و حلب خنی مفتیلرینی خلافت عثمانیہ نك الك صادق خادمیری و اسلامیتمہ تفرقہ فی موجب اولہ بیلہ جك اشخاصك الك حقیق معارضلری اولہ رق تعداد ایدہ بیلیرم . بو ذوات ایلہ امثالندن کوردیکم معاونتلی ہیچ اونودام وهر آتشی عثمانلی یه بو ذوات فاضلہ نك اسملرینی حرمتلہ یاد ایتلرینی توصیہ ایدہ بیلیرم . احوال حاضرہ داخلندہ نہ طرزده حرکت ایتمکده اولدقلرینی بیلہ میورم فقط شیمدی اختیار ایتدکاری خط حرکت جبر و تضییق آتندہ عد اولونہ بیلہ جکندن ہم حسیات سابقہ شکر کذارانہ می اخلاص ایدہ مز بحثی اوزاتمامق ایچون اسملرینی ذکر دن صرف نظر ایتدیکم علمای سائرہ دن استعفا ی قصور ایدہ رم . اولردن کوردیکم معاونت دیانت پرورانہ فی قطعاً اونوتم و انشاء وقت مرهونی حلولندہ کافہ سنک خدماتی انظار جهانہ عرض ایدہ جکمی وعد ایلرم .

برنجی قتال سفرندن عودت مدن صوکرہ دخی اصلاحیون حقندہ کی امنیت واعتمادی شائبہ دار ایدہ جك بر حادثہ وقوعہ کلمہ دی . حتی بونلرہ قارشو او درجہ لردہ آجیق بر سیاست قوللا نیوردم کہ قتال سفرندن عودت ایدن عرب و تورک قطعاتی صورت خصوصیہ ده زیارت ایدہ رک عسکرک قوہ مغنویہ لرینی تدقیق ایتلرینی عبدالکریم الخلیل و دو قنور عبدالرحمن الشہبندردن رجا ایتشدم .

بونلری قدسہ دعوت ایتدم و مهمجہ خراجراہلر ویرہ رک قطعات نزدینہ کوندردم . یکریمی کونی متجاز برمد . ظرفندہ بونلر بلا تفحص عرب قطعاتیہ برابر قالدیلر . او صرمدہ بن شامہ کیتمش بولنیوردم . عودت لرنده هر ایکسی ده عسکرک قوہ مغنویہ نك مکملیتندن و پک کوزل اعاشہ ایدلکده اولدقلرندن بحث ایتشلردی .

۱۹۱۵ سنہ می مایسنہ طوغری الیمہ کچن بعض مصر غزتہ لرنده اللہ مرکزیہ حزبنک حکومت عثمانیہ علیہنہ او قدر شدید مهاجماتی او قومشدم کہ آلقاقلک بو بو درک لرنہ انسانلرک ناصل دوشہ بیلہ جکلرینہ بر دورلو عقل ایردیرمہ مشدم .

سوریہ و بیروت اصلاحیون متحیزاننک دولتہ صداقت تظاہراتیلہ اولنلرک رؤسائی اولدقلری ادعا اولنان رفیق العظم وسائرہ کبی اشخاصک بو دنائت واهاتلرینہ نہ معنا ویریلہ بیلہ جکینی بو کون عبدالکریم الخلیلن صوردم . غایت متلاشی بر طور ایلہ بعض جوابلر ویرمکہ چالیشدی ایسده هر حالہ بو سوالمندن پک زیادہ اورکدیکي آشکار کورینیوردی . برایی کون صوکرہ زیارتہ کان عبدالکریم الخلیل اگر بن

مساعده ایدرسهم مصره کیده رک اوراده کی الا مرکزیه رؤسانی سوریه ده بنم
اختیار ایتدیکم سیاحت حقنده تنور ایده جکنی و بوضورتله اونلرک تعدیل و تبدیل
مسلك ایتلرینی تأمین ایلیه جکنی بیان ایتشدی .

اوزمانلر سوریه نك اك نازك و تهلكلی زمانی ایدی . انكلیزلر و فرانسلر
چنناق قلعه یه اخراج یامیشلر و هر کون هجوملرینی تکرار ایتمکده بولونمشلردی .
قرارگاه عمومینك طلبی اوزرینه سوریه ده بولنان سکنزنجی و اونجی فرقه لرله یکرمی
بشنجی فرقه یی و بالاخره بالعموم ماکنه لی تفنك بلوکلرینی و الحاصل چنناق قلعه
مدافعه سنده ایشه یارایه بیلجك بوتون وسائط حربیه یی استانبوله کوندرمشدم .
طوروسدن نامدینه یه قدر غایت واسع بر ساحه ده کرک داخلی امنیتک محافظه سی
و کرک هر هانکی بر دشمن خروجنه قارشی مملکتک مدافعه سی ایچون ایلده بر ایکی
عرب فرقه سیله بالکیز رتک تورک کوللی مولوی طابوری بولنیوردی . بناء علیه
اگر بر تشویق خارجی ایله داخلده بر عصیان ظهوره کله جك اولورسه تسکینی امکانی
فالماز و دولت بوتون خط عربیه یی ضایع ایده بیلردی . حتی شوراسنی ده سویله بیلیرم که
اگر انکلیزلر و یا فرانسلر سوریه نك هر هانکی بر نقطه سنه ، مثلاً بیروت و یا حیفایه
ایکی فرقه عسکر اخراج ایتمش اولسه لردی داخلدن معاونت کورمک شرطیه بزم
ایچون غایت تهلكلی اولوردی . فقط بن بوکتله عوام ایله اکثریت خواصک
حسبات صادقانه لرینه تماماً امین اولدیغم ایچون آسایش داخلینک محافظه سنی منحصرراً
عرب قطعاتنه تودیعدن و سواحلی همان بالکلیه آجیق راققدن ذره قدر
تحاشی ایتهدم .

بنم قناعتجه انکلیزلر سوریه و فلسطین اهالیسنك دولته صداقتلرندن ازاجق
شبهه ایتسه لردی بر اخراج حرکتی اجراسنه محقق صورته توسل ایدرلردی . فقط
اوزمان شریف حسینك تشبثات خائنانه سی هنوز یکی باشلامش و بوندن بن بیله
خبردار اولماشدم .

حقنده نه قدر اعتماد ابراز ایدرسهم ایدیم هر حالده پاره مقابلنده هر شیئی
پابه بیله جکنه امین اولدیغم عبدالکریم الحلیک بومصر سیاحتی تکلیفندن شبهه نیشدم .
چونکه اوصره ده ایتالیادخی اعلان حرب ایتدیکی و بناء علیه سوریه سواحلی ایله اقطار جهان
آرهنده هر دورلو مواصله منقطع اولدیقی حالده عبدالکریم الحلیک مصره نه واسطه ایله
ایله کیتمک ایسته دیکنی اکلایه میوردیم . بو نقطه یی ایضاح ایتسنی کندیسندن
طلب ایتدیکم زمان « بن هر حالده بر چاره سنی بولورم » دیمشدی . بو جواب بوتون
بوون شبهه لریمی آرتیرمش ایسه ده خارجاً هیچ بر رنک و یرمه مشدم . حزیران
نهایتلرینه طوغری ایدی . اردو قرارگاهنده « اردو مقتیسی » عنوانیه استخدام

ایتمکده اولدیغم اسعد الشفیر بر کون یانمه کلهرک سوریه ده بعض فساد امارانی کورولمکده اولدیغدن بحث ایتدی . فیکرینی آچیق سویله مسنی امر ایتدم . بیروت مبعوثی اولوب مملکتی اولان صیدا قضاسی داخلندکی کوینده اقامت ایتمکده بولنان کامل الاسعد بکی بر بهانه ایله قدسه جلب ایده جک اولورسم بعض حقایقه واقف اوله جغمی بیان ایتدی . همان کامل الاسعد بکه بر تلغراف یازدم . رایکی کون صو کرا برارنده دیکر بر ذات دها اولدیغی حالده قدسه کلدی . کامل الاسعد بک دیدی که : « افندم ! ذات عالیکیز بو اصلاحیونه قارشی بک بیوک اعتماد ابراز ایدیور وکندیلمی مملکتده سربست بیراقیورسکیز . فقط بن قورقورم که بونلر بواعتمادی سواستعمال ایدیورلر . الیوم سابق بیروت مبعوثی رضا بک الصلح ایله عبدالکریم الحلیل ، صیدا وصور طرفلرنده اختلال احضاراتیله مشغول بولنیورلر . ا کر همان درعقب تحقیقات اجراسنه توسل ایده جک اولورسه کزهر حقیقته واقف اوله جقسکیز . »

عرب اکابرینک بر ضعیف نقطه سی واردز : ایچلرندن برینه ازاجق فضله التفات کوستردیکزمی دیکرلری درعقب قیصانیرلر واونلر علیهنده اعمال فساد وتزویه باشلارلر . کامل الاسعد بکک بو افشا آتی بویله برحسه عطف ایتمک امکائی یوقدی . زیرا صیدا وصور متوالیرلی اوزرنده کی نفوذ معنویسی بیلدیکم کامل الاسعد بکی هیچ بر وقت عبدالکریم الحلیلدن دها آشاغی موقعده طوتمامشدم که مومی ایله بویله بر تزویه تشبث ایتمش اولسون . رضا بک الصلحی ایسه دائماً بر مفسد کی تلقی ایتدم وکندیسی حتی هیچ کورمک بیه ایسته مدم . بناء علیه تحقیقاته نه طرز وماهیته باشلامق ایجاب ایده جکی حقنده کامل الاسعد بکه استشاره ایتدکن صو کرا ایجاب ایدنله اوامر لازمه ویردم . اونیش کون دوام ایدن تحقیقات فی الحقیقه عبدالکریم الحلیل ایله رضا بک الصلحک صور و صیدا طرفلرنده تاقینات وترتیبات اختلالیه به توسل ایتمش اولدقلرینی میدانه چیقاردی . درعقب اونلرله دیکر علاقه دارانک توقیقلری امرینی ویردم . زیرا زمان غائب ایتمک جداً تهلمکلی ایدی .

متشبتلر محیطی بک کوزل انتخاب ایتمشردی . صور و صیدا حوالیسی سواحلك اک آز نظارت آلتنده بولوندیغی بر محل ایدی . اوقدرکه اورالرده حتی بر بلوک عسکر بیه بولونمیور ویا لکیز بر مقدار ژاندارمه ایله ترصد ایدیلیوردی .

بیروته عکاره سننده بوساحل قسمی هیچ بر طریق مواصله اوزرنده بولونمادیغندن کرک رؤسای مأمورین و کرک اردو ارکانی اورالره اوغرامازلردی . حتی بن بردفعه بیه او حوالی بی دولاشمغی دوشونمه مشدم . بناء علیه اختلاجیلر بو منطقه داخلنده راحت راحت چالیشه بیلدیورلر و بر کره افکار ناهی زهرله دکن و تمامیه احضار ایلدکن صو کرا دشمنله مشترکاً بنیت ایده جکلری بر کیجه اثناسنده قرهیه اخراج

اولونه جق بر دشمن قطعہ سنک معاونتیه کریلده کی طاغلق اراضی بی اشغال و شماله، شرقه، و جنوبه قارشی حال مدافعه به وضع ایدہ بیلرلردی .

عبدالکریم الحلیل ایله رضا بک الصلحت اعمال فساد ایله مشغول اولدقاری صرہ لرده حقیقه صیدا ایله صور آرہ سنده کی سوا حلدہ دشمن ترصد سفائنک جالب نظر دقت بعض تشبثانی ده وقوع بولمشدی . آرہ صرہ ترصد سفینه لرندن بلا لزوم قرہ به بش اون نفر اخراج اولونیور و بزم تلغراف خطلریمز مخرب ایدیلوردی . فقط هر دفعه سنده ساحل ژاندارمه لریمز بو قرہ به چقان دشمن نفرلری کمیارینه النجایه مجبور ایدیورلردی . خائسک تشبثات خفیہ سی میدانہ چیقار حقیقہ یار بو دشمن تشبثاتک ده مقصد و ماهیتی اکلا شلمش اولدی .

بو حقیقت تظاهر ایتدکن صوکرده اصلاحیونه اعتماد کوسترمک بوسبوتون صافدرونلق اوله جغه قانع اولدم و بوتون خائسار حقنده بلامرحت تعقیبات شدیده اجراسنه قرار ویرمشم .

تام اوصرمده ایدی که ارکان حریه مک استخبارات شعبه سی صورتی، آتی به دوج ایتدیکم غایت مهم بر وثیقه آلدہ ایتمشدی .

تحریرات عمومیہ : ۴۰۳

مصر القاهره فی ۲۷ رمضان ۳۳۲

فاضل محترم سعید افندی شکری حضر تلری

سلام و احترام . حرب عمومی ک دوام ایتدیکی شو وقتده وطنک اولادنن بکله دیکی معاونت هر زماندن زیاده در . حرب عمومی بر قیلم صیجراته رق باشی، قورونی یاقق و ترک ایله عربک حیاته اتصال پیدا ایلک اوزره در . اکثریتله احتمال ویرلمدیکی اوزره اگر دولت شو حربه اشتراک ایدہ جک اولورسه اندن سالم حقیقه به جق بلکده بو حرب اجلنک صوکی اوله جقدر . خصوصیه ائتلاف مثلث دولترینک غلبه سی تحقق ایدر و روسلرله مؤتلفلرک شرق مسئله سنی حله طمع لری کندیلرینی سوق ایلرسه .

بناء علیه ممالک عثمانیه نک معروض قاله جفی مخاطربه بلاعریه دخی معروضدر . مرکز قوا بلادعریه به اوزاق بولندیغندن ترکمر مدافعه بی کندی مملکتلرینه و مرکز سلطنتلرینه حصر ایتک مجبور ایتده قاله جق لری جهتله بلادعریه به مخاطره بلکده شدید اوله جقدر . بو بویه در استقلالمری زوالدن وقایه ایلیمه جک وساطتی شیمیدین دوشونمک بز عربلره فرضدر . مکمل برتشکیلاته و وطن واستقلالمره محبت صادقہ سی وغیرتی بولنان افرادہ مالک جمعیتمز سلام و وطن و اولادینک محافظه حیاتی ایچون اتخاذ تداییر ایله متفکر لرک باشنده بولسنی ، کندیبی ایچون الکقدس وظیفه بیلمشدر . بونک ایچون مواد آتی به سریعاً جواب ویرمکزی رجا ایلرز .

- ۱ — عند الحاجة بر حرکت عمومیہ یا بہ یلمک ایچون یانکزده کی قوت نہدر .
 - ۲ — بزہ معاوندہ بولتی و یا خود یانکزده بولندیر مق اوزرہ پارہ طویلامق امکانی وارمیدر ونہ مقدارہ قدر پارہ طویلامق ممکندر .
 - ۳ — معیشتلری تحت تأمینہ آلتق اوزرہ کندیلرینہ حرکات وطنیہ نک اداره سی تودیع ایدیلہ چک بر ویا بر قاچ فردہ یانکزده امین بر ملجا اولاجق یر وارمیدر .
 - ۴ — تعلیمات لازمیہ تیلق ایلک وتعیین ایدہ چکمز محلہ کیتمک اوزرہ شعبہ کزہ وکالت ایدہ چک معتمد بریسی کوندرمک سزجہ ممکنمیدر .
 - ۵ — سزجہ معتمد بریسی کوندرمک ممکن اولمزسہ تعلیمات لازمیہ اعطایتمک اوزرہ صورت مخصوصہ سزہ بریسنک کوندرلسنہ لزوم کوررمیسکمز .
- سریعاً جواب یر مرکزی رجا ایلدیکمز مواد ایشته یر نارد .
- چونکہ هر کچه چک دقیقه عربک حیاتندن کچمش اولیور؛ حیات وظیفہ مز اوغرندہ نفسی فدا ایدہ چک زمان حلول ایتشدیر . السلام علیکم .

ع

حاشیہ — بوندن بویله امضام سزہ بویله اولہ جقدر . فقط کوندیرہ جیککز مکتوبلرک ظرفندہ اسم صریح بر صورتدہ یازیله جق وبعده دیگر بر طرف ایچنہ قونیله رق اوزرینہ بروجه آتی آدہس یازیله جقدر .

● مصر القاهرہ — شارع الدواوین ●

مرحوم شریف یاشانک سرانی قارشوسنده شاملی خانک جامعشریفی خدمہ سندن

شیخ حق خلف

کندی الیله اجنبی پوستہ سنہ وضع ایلک اوزرہ مکتوبی سوا حلدہ معتمد کز اولان بر آدمہ کوندرمک لازم کلیور؛ اگر بومکن دکل ایسہ محلی پوستہ سیلہ کوندرمکدہ بآس یوقدر . بو وثیقہ یی اوقور اوقوماز بوتون وضعیت نظرمدہ تمامیلہ تنور ایتشدی . دیمک اولیورکہ عرب اختلاجیاری سوریه و فلسطین داخلندہ بر اختلال ایقاعی فکرندن قطعاً صرف نظر ایتشمیلردی . یالکز شوراسنی اکلایموردکم مصرده کی اللامر کزیه فرقه سی بویله بر اختلالہ قرار ویرمش اولدینی حالده اونلرک بورادہ کی ممثلری اولان عبدالکریم الخلیلر و سائرہ نهدن طولانی حرب عمومینک بدایتندہ حکومتہ بوقدر صداقت ابراز ایتشلردی ده شیمدی بو فکر لرندن واز کچهرک اختلال ترتیباتسنہ مباشرت ایتشلردی . کرک اوزمان وکرک شریف حسینک اختلالندن وحتی قهرمان سوریه اردومزک مغلوبیتیلہ سوریه و فلسطین بالکلیہ الیزدن چیققدن صوکر ایلہ بو اسرار آلود حادثہ یی بردورلو کشف ایدہ مه مش ایدم . آنحق بو خاطر اتمی یازمغه باشلادیغم شو صرم لردہ بوندن بر ایکی آی اول تان غزته سنک نشر ایتدیکی بعض وثائق سیاسیہ بونک اسباب و لدنیاتی تماماً اکلایہ یلمکلمکمه خادم اولدیلر .

عبدالكريم الخليلك صور وصيداده ترتيبات اختلاليه ايله مشغول اولديني زمان ۱۹۱۵ سنه سی حزينانه مصادفدر . شريف حسينك مقام خلافت عليهه اختلال ايچون انكليز لره مخابرهه كيريشديكي تاريخ ده نام بوزمانه تصادف ايدييور .
 نان غزنه سنك ۱۸ ايلول ۱۹۱۹ تاريخي نسخهنسندكي مقاله يي عنا درج ايدييور :

عربلر وائتلاف دولتلىرى

بزوكون محاربه ائناسنده حجاز قرالى امير فيصلك پدرى ايله انكليز مأمورى آرسنده وقوع بولان مذاكرات حقنده بعض يكي خبرلر ويره بيله جك موقعه ميز .
 انكلتره حكومتيله شيمديكي حجاز قرالى حسين شريف مكه آرسنده شريك صورت تقسيمى حقنده تثبيت ايديلن صلح شرائطى ۲ تموز ۱۹۱۵ دن كانون ثانى ۱۹۱۶ يه قدر تعاطى اولنان سكر مکتوبله ايضاح ايديله بيلير .

۱ — ۱۹۱۵ تموزنده شريف مكه انكليز حكومتنه معاونت عسكريه سنى تكليف ايله بوكا قارشى عربستان شالیده مرسين و آطنه يي احتوا ايدن و ۳۷ نجى عرض دائره سندن ايران حدودينه قدر امتداد ايدن ساحه ك مختاريتنى طلب ايدييور .
 شرقده ايران حدودى بونجه بصره كورفزينه قدر ؛ جنوبده ، عدن دن ماعدا ، بحر محيط هندى ونهايت غربده بحر احمر و بحر سفيد مرسينه قدر حدودى تثبيت ايتلى ايدى .

۲ — ۱۹۱۵ سنه سی ۳۰ آغستوسنده قاهره انكليز قوميسرى سيرهنرى ماقاهون تثبيت حدود زمانسك هنوز حلول ايتهديكنى بيان ايله مهم جواب ويريوردى .

۳ — ۱۸ تشرين اولنده خارجيه نظارتنه سيرهنرى ماقاهون طرفندن تقديم اولنان ۹ ايلول تاريخي مکتوبده ، شريفك هان تثبيت حدود مذاكراتنه ابتدار ايتمكده اصرار ايتديكنى يازييور . عيني زمانده سيرهنرى ماقاهون شريفك مصر ممثلندن آلدیني آتيده كي بياننامه يي تقديم ايدييوردي :

« صرف عربلره مسكون اولان حلب ، حا ، حص و شام منطقه لر ينك فرانسزلر طرفندن اشغالى عربلرك قيامنه سيديت ويره جكدرد . فقط بومناطقدن ماعدا شمال غربيده تنظيم حدوددن صوگرا ، عربلر شريف مكه ك تكليف ايتديكي حدودى قبول ايدم جكدردى . »

۴ — ۲۴ تشرین اول ۱۹۱۵ ده سیرهنری ماقاهون حکومت متبوعه سمنك امری اوزرینه شریفه شو مآلده نوطه ویرمشدی :

« مرسین واسکندزون منطقه لرله شام، حص، حما، حلب شهرلرینك غریبنده کی سوریه اراضینك عرب اکثریتی حاوی اولما دقلری جهتله بومنطقه لرك نظر تدقیقه آلنان تنظیم حدودن خارج طوتولماسی لازمدر . بالاده ذکر اولنان تحدیداتدن ماعدا عرب رؤسایسه آره مزده مقرر اولان ائتلافده اصرار ایدیله یه جك اولورسه حدودلرك شكلنه موافقت ایدیوروز . بیوك بریتانیانك فرانسز منافعی رنجیده ایتیه جك بر صورتده سربستی حائز اولان اراضینك بر قسمنده حکومت متبوعه مدن آتیده ذکر ایده جكم تأمینانی ویرمه مآذونم :

« بیوك بریتانیا بالاده ذکر اولنان تحدیدات ایله شریف مکه طرفندن کوستریلن منطقه لرده عربلرك مختاریتی و حدودلرینی طایفه و کندیلرینه یاردم ایتمه کة حاضردر » .

۵ — شریفك ۵ تشرین ثانی ۱۹۱۵ ده ویردیکی جوابده مرسین و آطنه نك ذکر اولنان منطقه دن اخراجنه موافقت ایتدیکنی و فقط دیگر منطقه لرك وبالخاصه بیرونك مختاریتنده اصرار ایتدیکنی یازیوردی .

۶ — ۱۳ کانون اولده سیرهنری ماقاهون شریفك آطنه و مرسیندن صرف نظر ایتدیکندن خبردار ایدلیکنی بیلدیریوردی .

۷ — ۱ کانون ثانی ۱۹۱۶ ده شریف فرانسز — انکلیز ائتلافنه حلل کتیرمه مك ایچون حال حربده بولون دقجه جبل لبنانده کی حقوقدن صرف نظر ایتدیکنی و فقط محاربه نك ختامنده بوحقوقی تکرار طاب ایده جكمی بیلدیریوردی .

۸ — ۳۰ کانون ثانی ۱۹۱۶ ده سیرهنری ماقاهون انکلیز — فرانسز اتفاقنده نفاق ظهورینك اوکنه کچمک ایسته یین شریفك آرزوسندن خبردار اولدیغی کندیسنه فرانسز — انکلیز اتفاقنك محاربه دن صوکراده بردوام قاله جغنی بیان ایدیوردی . بوزماندن اعتباراً شریف ایله بیوك بریتانیا آره سنده کی صلح شرائطنه دائر اولان تحریرات ، معاهدات و تعاطی افکار کسلیوردی .

بو اوراقدن آکلاشیلدیغنه کوره :

اولاً : ۲۵ تشرین اول ۱۹۱۵ تاریخی ، بیوك بریتانیانك شریف ایله اولان منفرد اتفاقی حاوی مکتوبده ، انکلیز حکومتی ۱۹۱۶ مایس تاریخی فرانسز — انکلیز ائتلافنه مغایر هیچ بر تعهداته تابع اولمق ایسته میوردی .

ثانیاً : ۱۹۱۶ معاهداتی حاضرلامق ایچون موسیو ژورژنی قو ایله لوندره آره سنده کی مذاکراتدن صوکرایا بیوك بریتانیا شریفه قارشی هیچ بریکی تعهدات

در عهد ائمه مشرور . مثللك ايلك مذاكراتی حقیقه ۲۳ تشرین ثانی ۱۹۱۵ ده وقوع بولدی . ۱۹۱۶ كانون ثانیسنده تعاطی اولئان سوك ایکی مکتوب ۲۴ تشرین اولده قرال حسینیه قارسی در عهد اولئان تعهدانه هیچ برشی علاوه ایلموردی .
 بو مقاله دن صراحة آکلاشیلیورکه شریف حسین ده ۱۹۱۵ سنه سی ابتدالرنده اختلاله قطعاً قرار ویرمش و مذکور سنه نك توزنده انکلتزه حکومتنه رسماً مراجعت ایدرك مرسین و آطنه دن موصله ایصال ایدن خطك جنوبنده کی اقسام ممالکده ساکن عربلرک بر حکومت مستقنه اوله رق تشکیلنه موافقت ایلدیکی حالده متبوع مفعمی اولان خلیفه اعظم اسلام علیهنه عصیان ایده جکنی مکتوب مخصوص ایله بیلدیرمشدی .

آنحق شیمدی واقف اولایلدیکم بو حقیقته ۱۹۱۵ سنه سی حزرانی نهایتده کشف ایتدیکم اختلال تشبثاتی قارشولاشدیرنجه عبدالکریم الخلیل و سائرده اوزمان شریف مکه طرفدن امر لازمه اعطا ایلنش اولدیغنی بو اوامر اوزرینه اختلالجیلرک ترتیبات اولیه اتخاذه باشلادقلرینی آکلامق ممکن اولور .
 بن هیچ بر زمان شریف مکه نك خلوص نیتنه قانع اولماقله برابر خلافت اسلامیه نك سعادت ویا فلاکت ابدیه نك موضوع صحنه اولدیغنی بویه بر حرب عمومی ائناسنده آمال شخصیه سی تطمین ایچون بوتون عالم اسلامی ربه اسارتلرینه المق ایستین دولترلره اتفاق ایدرك خلافت علیهنه عصیان ایده جکنی و مملکتک هر طرفندن فتنه و فساد آتشلری ایقاد ایله یه جکنی قطعاً امید ایتزد . (۱۹۱۴) كانون اولی ائناسنده کندیسيله باشلامش اولدیغم غایت نازکانه و تعظیمکارانه مخابرات آلآن دوام ایدیور و (۱۹۱۵) سنه سی قیش موسمه تشبث ایدیه جك اولان ایکنجی قنال سفرینه حجازدن کوندره جکی بر قوه عسکریه ایله اشتراك ایده جکنی قویاً تأمین ایلوردی .
 رفیق العظم کی ، شیخ رشید رضا کی ، عبدالکریم الخلیل کی پاره ایچون هرذنائتی ارتکاب ایده جك ظننده بولونان ادانینک انکلز ویا فرانسلر طرفندن صاتون آلینه یله جکلرینه نه قدر قانع ایسم شریف حسین کی یاشنی ، یاشنی آلمش ، بر آیاغنی چقوره آتمش بر اختیارک نه قدر حریص شان و انفراد اولوزسه اولسون ، نتیجه سی کرک عربلر و کرک بوتون عالم اسلام ایچین بر اسارت محقه دن بشقه برشی تأمین ائمه جك اولان بر حرکت قیام ایده جکنه احتمال ویرمک ایسته میوردم .

کرچه اوصرمده آلمانیه عودت ایتمک اوزره بیک مشکلات ایله عسیر ساحلنه چیقمش اولان (نه مدن) قراوزوری مرتباتنک حجازطو پراغندن حین مرورنده جدیه یقین بریده عربان طرفندن دوچار اولدیغنی تجاوزک شریف حینک تشویق و ترتیبه واقع اولدیغنه امین ایدیسمده بونی ارض حجازه غیرمسلملرک یاقلاشدیرلما می حقه ده کی

مخفوظیتی فیکرینک عربانه تأمینى ظواهرى آلتنده انکلیزله خوش کورونمک مقصدیله
 یاپیش اولدیغنه ذاهب اولمشدم . چونکه اوصرده انکلیز بوتون سواحل عثمانیه
 آبلوقه ایتیش اولدقلری حالده یالکز سواحل حجازیهی سربست برافشدر و عرب
 زنبوقلرینک مصر لیمانلرینه سربستجه کیدرک هر نوع ارزاق و ذخائر تدارک ایتلرینه
 مساعده ایتشلدی . بنده بوندن عادتاً ممنون اولیوردم . زیرا بو سایهده خطه
 حجازیهده ساکن عربان ایله بلدتین طیتین اهالی اصلیه و مجاورینی آچلقدن قورتیلور
 وحتی کندیسنى بیله بسله مکه مقتدر اولامایان سوریه دن ارض حجازه نقل ذخائر
 لزوم قالمیوردی . وبن ایله ظن ایدیوردم که انکلیز بو مساعده خصوصیهی هند
 وعلی العموم افریقا مسلمانلرینی ممنون اتمک مقصدیله یاپیورلر و شریف حسین ده
 انکلیزلری بو مساعده کارلقدن صرف نظر ایتمکه مجبور ایده بیله جک حرکتلره توسلدن
 حذر ایلدیوردی . (ثمدن) مرتبانه قارشى پایلان تجاوزک باشلوجه سائق انکلیزلری
 اغضاب ایتمهک املی اولسه کرک دییوردم . شمدی آکلایورم که بو مطاعانک کافه سی
 بر خیال خامدن عبارتیش و شریف حسین اک دنى مرأیله لایق بر شکله بنده
 حکومت مرکزیه نی ده وحتی خلیفه دیشانمزى ده اغفال ایدرک حکومت عثمانیه علمنه
 دشمنلریله اتفاقدن و بین الاسلام تفرقه و فساد ایقاعدن چکنمه مشدر .

عبدالکریم الخلیل ایله رفقاسنک محاکمه لری تموز و آغستوس آیلرنده دوام
 ایتیش و آغستوس نهایترنده ختام بولمشى . بو محاکمه نظرأ اختلاجیلرک مقاصد
 خائنانه سی تمامیه تظاهر ایتیش و تشبثات اختلالیهک وسعت و ماهیتی نبی جدأ تدهیش
 ایتشدی . اوصرده سوریهده بولونان قطعاتک جمله سی عرب قطعانندن عبارت اولدیغنه
 کوره اکر بونلر عصیان ایتدیر بیلجک اولورسه بوعصیانى تسکین ایده بیلیمک ایچین
 بنم آئیده هیچ بر واسطه بولونماجق ایدی . چناق قلعه محارباتی اولانجه شدتیه
 دوام ایتدیکندن دکل بر فرقه نک حتی بر طابورک بیله بو جبهه دن آریله زق سوریه ده
 کوندرلمسئه امکان یوقدی . بناء علیه هر نه شکله اولورسه اولسون امنیت داخلیهی
 تهلمکيه قویه بیلجک اک اوافق بر تشبثده بولونمق جرأتی کندیلرنده کوره بیلجک
 اولانلری تهرب ایچون محکوملر علمنه دیوان حریدن صادر اولان حکمارک درعقب
 تصدیق و اجراسى اوزمانکی وضعيته نظرأ موافق تلقی ایتشدم . اساساً بوکى احوال
 مشکله و فوق العاده اوزدو قوماندانلری بالاخره تصدیق عالییه اقتران ایتدیرلمک
 اوزره دیوان حربارک قرارلرینی تصدیق و اجرایه صلاحیتدار اولدقلرندن بومسئله ده
 بو صلاحیتده استفاده ایتک املنده بولوندیغى ده اولجه حربیه و داخلیه ناظرلرینه
 یازمش و جواب موافقتلرینی ده آلمشدم . دیوان حربک مضبوطه سنى او قودقدن واوردو
 مشاور عدلیسینک ده رأینی آلدقدن صکره حکمی تصدیق و ایرتسی کونی بیرونده اجرا

ایستدیردم. بومعامله شدیدہ (۱۹۱۵) سنہ سی آگستوس واسطندہ اجرا اولمشدی. اختلاجیلر حقندہ اک مرحمتس طرزہ حرکت ایدہ جکمی فعلاً اثبات ایدن بواجرات ہر طرفہ حسن تأثیر حاصل ایتش واختلاجیلری جدآ قورقوتمشدی .

عبدالکرم الخلیل اثنای محاکمہ سندنہ کندی علیہندہ بر جوق حقائق ثابت اولاجفی پک کوزل تخمین ایتش اولان المفید صاحبی عبدالغنی العریسی اورتہ دن غائب اولمشدی . بالآخرہ دیوان حرب طرفندن آراتش اولان مرقومک دیگر ایکی آرقداشیلہ برابر جبل دروز طرفلرینہ فرار ایتدیگری بالتحقیق آکلاشیلمش و فقط در دستلرینہ امکان بولنہ مامشدی .

نہایت اوچ درت آی صوکر ا عبدالغنی العریسی ایلہ ایکی آرقداشی روالہ عشائری شیخ المشایخی نوری شعلان طرفندن جوف حوالی سندنہ در دست ایدیلرک تحت الحفظ شامہ کوندر لیلرو بکا تسلیم اولونیلر . نوری شعلان بکایازدینی مکتوبندہ بن الاسلام ساعی بافساد اولان بوکی اشخاصک حکومتک پنچہ سندن قورقوتلمسی اسلام اچون محض فلاکت اولاجفی تقدیر ایتدیکندن اخیراً کندیسنہ التجا ایتش اولان بو آدمیری دوعروجہ بکا کوندرمش اولدیفی سویلہ وردی . شمدی بورادہ بون عالم اسلامہ خطاب ایدیورم :

« او قوبوب یازماسی بیلہ اولمایان بو بدوی شیخنک سلامت محاکمہ سنہ باقیکنز بردہ عینی تاریخندہ خلیفہ اسلام علیہنہ اک شنیع بر حرکت اختلالیہ حاضر لامقلہ مشغول اولان امیر مکہ شریف حسینک ردائت اخلاقیہ سنی کوریکز . انسان بوبلہ بر حقیقت قارشوسندنہ ناصل اولورده نفرت ولعنتدن کندیسنی منع ایدہ بیلر . »

شیخ نوری شعلان عبدالغنی العریسی بی حکومتہ تسلیم ایتدیکی زمان شریف حسین یالکیز انکیز لزلہ شرائط اتفاق مذاکرہ سیلہ اکتفا ایتمیوردی . بریاندن حکومتی آلداتمق وبر طرفندن سوریه دہ نلر اولوب ایتدیکنی آکلامق اوزرہ اوغلی شریف فصلی بنم زدیمہ کوندر مک دنائتیدہ ارتکاب ایدیوردی .

شریف فیصل ۱۹۱۵ ایلولندہ سوریه کلمش واورادن استانبولہ کیتمشدی . استانبولہ حضور خلیفہ یه قبول ایدلیدیکی زمان باباسنک وکندیسنک صداقت وعبودیتندن اولیلہ ذیلانہ بر لسان ایلہ بحث ایتمشدی کہ ذات شاهانہ بو بیاناتک حقیقتندن ذرہ قدر شبہ ایتہ مشدی . شریف فیصل عینی تأمیناتی بوتون ناظرلرہ ویردکدنصوکر سوریه یه عودت ایتمشدی . کندیسنی پک زیادہ اعزاز واکرام ایلہ قبول ایتدم . براق کون دوام ایدن مسافرتی اثناسندنہ باباسی طرفندن قتال سفرینہ اشتراک ایتک اوزرہ ۱۵۰۰ مجامدن مرکب بر کوهلی قطعہ سنی کندی قومانداسیلہ فلسطینہ کوندرلمسی قرار لاشدیردق . متعاقباً قدسی زیارت ایتش اولان شریف فیصل اردو قرارکاهنہ

منسوب بر چوق ضابطان حضورنده بر نطق ایراد ایتمش و پک یاقین بر زمانده بر قافله مجاهدین ایله کندیلیرینه التحاق ایدم جکشی واونلرله اوموز اوموزه دشمن دین علیهنه اولونجهیه قدر محاربه ایتمکدن فارغ اولیه جغنی جدی اولان بی دیشانمژک روح پاکنه یمین ایدمژک وعد ایله مشدی. دقت اولونسون که شریف فیصل بویلان یمیناری ایدرکن باباسی مکده انکلیزره و تاریخی مکتوبلرینی یازیور و خلافت اسلامیه علیهنه کشیدید تشبثانده بولنیوردی. بنم بالطبع اوزمان بوشناعتدن ذره قدر خبرم یوقدی. عبدالغنی العریسی نك استجواباتی بزى برچوق حقایق آلمیه آگاه ایتمش اولدیغندن آرتق حربك بدايتنده شام فرانسز قونسولوسخانه سندن آله ایدلمش اولان وثائقی موقع اجرایه وضعی زماننك کلمش اولدیغنه حکم ایتدم. و بویخصوصده بکا مساعده اولمسی حربیه وداخلیه ناظرلرندن رجا ایتدم. اوزون اوزادییه دوام ایدن محابراتمز نتیجه سنده استحصال مساعده ایتدم. استانبولک بوترددی و ثائفک تعلق ایتدیکی اشخاصك پک یوکسک موقعده بولمالرندن ایلری کلیوردی. حالبوکه نتیجه خائن دین ووطن اولان بر شخصك موقع اجتماعیه سی نه قدر یوکسک اولورسه اونك علیهنده کی تعقیباتك اودرجه شدید اولمسی ایجاب ایدر. چونکه بوکی اشخاصك تشبثات خانسانه سی هم داهما مضر نتایج تولید ایدر. و همده اونلرک افعالی جهله ویا نقصانی عقل محاکمه یه حمل اولونه ماز. بونلر قصداً و عمداً خائن اولمقدن باشقه بر شیء دکدرلر.

نهایت نقطه نظرک اصابتی حتمده ایکی مسئول ناظرله متفق قالدقدنصو کرا سنه لرذنبری عرب اصلاحاتی، عرب مختاریتی و عرب استقلالی نامنه بیك دورلو هذیانلره تشبث ایتمش اولان اشخاصك جمله سی حتمده تعقیبات قانونیه اجرا ایدمک اوزره بوتون وثائقی دیوان حرب عرफीیه تودیع ایتدم.

یالکز امیرعلی پاشایه عائد وثائقی استنشا ایتمکی مناسب کورمشم چونکه امیرعلینك ایکی برادری ایله بر برادر زاده سی فرانسزلرک سوریه پوتلیقه لرینه آلت اولمق صورتیه مسئله ده پک زیاده علاقهدار اولدقلرندن هیچ اولزسه بو عائله نك اکبر اولادی اولان علی پاشای صیانت ایتمک ایسته یوردم. علی پاشانك نه ماهیتده برانسان اولدیغنی وسنه لرذن بری نان نعمتیه پرورده اولدیغنی خلافت اسلامیه یه قارشى نه قدر ناکورلک کوستردیکی اثبات ایدن وثیقه لر دیوان حرب دوسیه لرنده محفوظدر.

عرب اختلاجیلرینك ایکسجی پارتیسنك اثنای محاکمه سنده دخی شریف حسینله دوستانه محابراتمز دوام ایدیوردی. نهایت کانون ثانییه طوغری شریف فیصل ۴۰ الی ۵۰ آتلی ایله نهایت مکدن شامه کلدی و قبال سفری ایچون موعود اولان ۱۵۰۰ مکه کولکلیسنه عائد مالزمه نك احضار ومکيه سوقی خصوصنده بکا معاونت

ایتمک اوزره شامده اردو قرارگاهنده قالدی . بوسیراده دیوان حرب عرفی تدقیقات و محاکماتنه کمال اعتنا ایله دوام اییدیوردی . شباطده انور پاشا دردنجی اردویی تفتیش ایتمک وسینا چولنده یاپیلان منزل تشکیلاتی کوزدن کچیرمک اوزره سوریه کلمش ایدی . هر طرفجه تفتیشاتی اکمال ایتیش اولان مشارالهی مدینه یه زیارتیه تشویق ایتدم . شریف فیصل دخی برابر مزده اولدیفی حالده برلکده مدینه یه کیتدک . اوراده بولندیغمز صیراده شریف حسین انور پاشا ایله بکا برر مرصع قیلنج ایله داها سائر بعض اشیا هدیه ایتشدی . جمله نیک معلومیدرکه بین العرب حسیات دوستانه نیک اک باهر دلیلی یکدیگر بنه قیلنج هدیه ایتمکدر . بناءً علیه بزه بوسورتله صیمی دوستلوق ابراز ایتدیکی صیراده کندیسسی بالاده درج ایتدیکم ۱ کانون ثانی ۱۹۱۶ تاریخی مکتوبله مقام خلافتیه فارشی عصیان ایچون انکلیزلره قطعی تسکلیفاتی احرا ایتمکده ایدی . بومثالیری هب شریف حسینک ردائت اخلاقیه سنه نمونه اولمق و شریف حسین اختلالی بنم سوریه اداره مه استناد ایدن بعض قیصه فیکرلی انسانلره بر جواب شافی ویرمک ایچون ایراد اییدیورم .

انور پاشانک استانبوله عودتندن سوکرا دخی محاکمه دوام اییدیوردی . بو صیراده شریف حسین ایلمک دفعه اوله رق یوزنده کی ماسک کی چیقارمشدی . استانبوله عودت ایدر ایتمز انور پاشا بکا شریف حسینک بر شیفره لی تلغرافنامه سنی کوندرمش ایدی . بو تلغرافنامه ده شریف حسین بعض سفسطه کارانه مقدمه لردن سوکرا خلاصه شوبله دییوردی :

« اکر بنم بوراده راحت اوطور مقلغمی ایستیورسه کز تبو کدن مکیه قدر امتداد ایدن خطه حجازیه ده بنم مختاریت اداره می قبول ایدیکز و امارتی اولاد اکبرمه قبول ایتمک شرطیه مادام الحیاه بکا تفویض ایدیکز . بوندن باشقه الیوم تحت محاکمه یه آلمش اولدیغکز بعض مخطی عرب اکابرینک قباحترلرینی عفو ایدرک سوریه وعراقه شامل اولمق اوزره بر عفو عمومی اعلان ایدیکز . »

بو تلغرافنامه نیک عبارته سی اوقدر مغلق یازیلشدیکه انور پاشا بکا نقل ایدر کن بوندن بر معنا چیقارامدیغنی ودلی صاحماسی تلقی ایله دیکنی سوبله مشدی .

او صیره ده شریف فیصلده - باباسندن آلدیفی تعلیماته مستند اوله حق - دیوان حرب متهملری حقنده رحم و مروت کوسترمک لکم ایچون بکا رجا ونیازلرده بولنیوردی .

انور پاشانک کوندردیکی تلغرافی آلیر آلماز شریف فیصلی جلب ایتدم . محاوره مزک طرز جریانته شاهد اولسی ایچون ارکان حربیه رئیس علی فؤاد بکی ده برابر بولندردم . بعض مقدمه لردن سوکرا شریف فیصله دیدم که :

« انور پاشا ايله برابر مدينه دن عودتمزدن سوگرا مدينه يه كلن برادر كز علي بك مدينه محافظتك ايشنه مداخله يه ، مدينه ده ا.ور امارت نامني ويريكي بر طاقم معاملاتك ردينه باشلانجه بن بوني علي بكك كنجاكنه تقدیر سزلكنه حمل ايتك ايسته يهرك بوكي احوال دن توقي و مجانبه ايتسي لزومني محافظ پاشا واسطه سيله كنديسنه اخطار ايتديركيم كي پدر كز دن ده آروجه استرحامانده بولنش ايدم .

بوندن اول سزكله سبق ايدن بر چوق محاوره لر مزده بر چوق فرمانلره مستند اولديغني بيان ايتديك كز حقوق امارتي صيانت ايجون بالذات كنندم صرف مساعي ايدم جكمي وا كر غصب ايدلمش برحق موجود ايسه اولك صاحبه اعاده سي ايجون هر كيم اولور سه اولسون مجادله دن اجتناب ايتيه جكمي سويله مشدم . بوني دفعاتله پدر كز ده يازدم وحتي بوندن طولاي حتمده برخيلي التفاتي حاوي تشكر تلغرافنامه لري ده آلام .

فقط سزكده تحت اعتراف كز ده دركه بالذات عائله كز ايجنده بعض ذوات پدر كزك خصميدر لر . بونلر استانبولده بولندقلري ايجون پدر كز حتمده هر كون بعضي روايتلر نقل ايتكدن و حكومت مركزيه نك شبه وانديشه لرني او يانديرمقدن كري طور ميور لر . احوالده سزك ايجون اك عاقلانه تدبير بو خصما كزك رواياتنه ماهيت صدق ويرهك احوال واقوال دن تامي عجائبدر . مع هذا شو تلغرافي او قور سه كز سزكده تحت تصديق كز ده اولان اصابت مطالعاتمه رغمأ پدر كزك نه قادار ياكش بر خط حركت اتخاذ ايتديكني وسياسي دشمنلرينه نه قدر واسع بر ساحه هجوم احضار ايتديكني آكلار سكر .

كالمهالكه تلغرافي او قويان شريف فيصل قارشيمده رنكدن رنكه كي ريوردي . نهايت كيدي كه :

« آه افندم ، بيلمز سكر ، نه قدر بيوك بر عذاب دروني حس ايديبورم . حقيقه بوتلغرافنامه نك يازيلماسي پك بيوك بر خطادر . سزي تأمين ايدرم كه پدرم بونلري برسوء نيت ايله يازماشدر . بيلمز سكر كه پدرم پك كوزل تور كجه بيلمز . بناء عليه بوتلغرافنامه پدرك عرجه ويريكي مالي آكلابه مايه رق قارمه قاريشيق ايتمش اولان بر تور كجه كاتبك محصول قريحه سي اولسه كر كدر . يوقسه الله محافظه ايتسين ، پدرم بويله بر فكرده بولونيرمي ؟ »

شريف فيصلك تلاشي جدا آرتيوردي . پدرينه بوكي تشبثان دن فراغت ايتسي ايجين رجاي حاوي بر مکتوب يازم جغني مصرأ وعد ايديبور ودها چوق تأمينات قطعيه ده بولونيبوردي . شريف فيصل ايله محاوره مزى متعاقب شريف حسينه بر شيفره يازدم وديدم كه :

« انور پاشایه یازدیغکز تلغرافی اوقودم . امارتک اولادیه اولارق سزه ویرلسنی ایسته یورسکیز و برقاج دین و ملت خائترینک مظهر عفو عالی اولملرینی ارزو ایدیورسکیز . ایکینچی آرزوکز سلامت عامیه متعلق برتشبثک بر شکل مضرده نتیجه لئمنی دیمک اولدینی ایچین غیرقابل قبولدر . خائتری عفو ایدن دولتی افکار عمومیه ضعف ایله اتهام ایدر و دیگر برچوقلرینک اخائنه یلتنمه لرینی و بالتیجه دینک و مملکتک ضرردیده اولسنی موجب اولور . حقارنده کی وثائق منظوریکز اولورسه بونلرک نه درجه لرده خائن اولدیلرینی سزده تقدیر بیوررسیکیز . امارتک اولادیه اولارق تقویضی مسئله سنه کئنجه : بوکا نهدن لزوم کورمکده اولدیغکزی آکلایا مامقله برابر زمان طلبک پکده حسن انتخاب ایدلمه مش اولدینی سویله مکلمه مساعدده بیوریکیز . بوتون قوای عقلیه وحسیه نیک بوجهان حربیله مشغول اولدینی برصرده ممالک عثمانیه نیک اک مهم و نازک نقطه سنده مقام امارتی اشغال ایدن بر ذات طرفندن اظهار ایدیلن صدای مطالبک قولاقلرده نه قدر ناخوش بر تأثیر بیراقه جفنی سز تقدیر ایدیکیز . بنم فکر محبوبه مطالب درمیانه حقکیز اولسه بیله بونی شمدی یامامالیسکیز . بوکون بوتون قوای ملیه نیک یالکیز بر نقطه یه معطوف اولسنی ایجاب ایدرکه اوده غلبه نهاییه نیک استحصالی غایه سیدر .

شمدی سزه شوراسنی عرض ایتک ایستهرم که حکومت حاضره قولنه صداقت شریطه سنندن بر دقیقه فارغ اولسه ده بوکونکی احوال مشکله آراسنده سزک طرفکزدن بر فئالق ایقاع ایدلمسه مانع اولمق مقصدیله سزه شمدیکی مطالبکزی کاملاً بخش ایتسه ، حربک غالبیته نتیجه لئمنسندن سوکرا سزک علیه کزه کمال شدتله حرکت ایتسنه کیم مانع اولایبیلر ؟

سلطان عبدالحمیدک اوسزی بیله قورقوش اولان استبداد شدیدی علیه بلا پروا قیام ایتکدن چکنمه مش اولان ذواتک تشکیل ایتدیکی شمدیکی حکومت خیر اسلامه معطوف بوکونکی مجادله و مجاهده سی ائساننده کندیسنه آز جوق مضرت ایقاعنه جرأت ایدنلری عفو ایتیه جکدر . فقط او مقدس غایه یه وصول ایچین کندیسنه فی سبیل الله معاونت ایدنلر حقنده ذات خلافتسمات افندیملرک مروت شاهانه لرینی استجلایدن کری دورمیه جقدر . »

بو مخبرانتک اثنای جریانده عالیه دیوان حربی حکمنی ویرمشدی . شریف فیصل بونلر حقنده استحصال عفو ایچین تمهیداً اوغراشوب دور بیوردی . همان هرکون بکا کلیور ولاقیردی آراسنده عفودن بحث ایدیوردی . اوزاقدن اوزاغه قولاغمه کلن حوادثلره کوره کندیسنی زیارته کلن اشرافه همشهریلرینی قورنارمق ایچین هیچ

بر تشبده بولونم دقلرندن، هیچ اولمازسه كلوب بكا رجا ايتدكلرندن طولاي جيقشير مش.
بر جمعه كوني غي شامه بر ساعت مسافده كائن «قابون» چيقتلكنه اوكله طعامنه دعوت
ايتشدي. بر قاچ ضابطمله برابر كيتدم. يكدن صوكرائنه عيني ققراني تكرر ايتدي.
محكوملارك درجه جرملرني بيلوب بيلمديكني صوردم. هیچ رشيدن خبري اولماديغي
مين ايله تأييد ايتدي. او حالده بوني اوكرنه چك اولورسه بوكون اولنرك عفورلرني
ايسته ديكي ايجون پك بيوك بر ندامت حس ايدجكني سويلدم.

حكم اعدامك اجر اسندن بركون اولينه شريف فيصلك اصرار و ابراميله حقنده
پك بوپوك بر حرمت و تعظيم بسله ديكم شيخ بدرالدين افندي بونلر حقنده رجاده
بولونمق ايجون قرار كاهه كلمشدي. جامع امويه خطيلرندن شيخ عبدالقادر الخطيب ده
بر ابردي. [شيخ عبدالقادر الخطيب قدر ساخته وقار و منافق بر شخصيته، دكل شامده بلكه
بوتون جهانده تصادف اولونماز. حضرت فخرو كائناتك لعنلر و نفرتلرله ياد ايتديكي
مدينه منافقلى بونك ياننده هیچ قاليرلر. يويله اولمغله برابر بر فكر مخصوص ايله
جزاسني تأخير ايتكي مناسب كوريوردم] اردو مفتيسي شيخ اسعد شقير افندي يي
ترجمان اوله رق دعوت ايتدم.

شيخ بدرالدين افندي كنديسنه خاص اولان تراكت اسلوبيله بيانانته باشلادی.
ديوان حربدن، اوراده كي محكوميندن و سائرهدن ذره قدر بحث ايتمه يرك صورت
عموميه ده سلامت اسلاميه و اوني تهلكيه قويا بيله چك تشبثات خائنه حقنده
بسط مطالعات ايدسيوردی. بر چوق آيات و حديث اوقوبوب تفسير ايتدكن
صوكر ايددي كه: [جناب حق بين الاسلام فتنه و فساد ايقاعنه ساعی بولونانلر ايجون
اوچ دورلو جزا توعيد ايدسيور: يا اعدام، يا ايكي قولنك كسيلمه سي و يا خود نفي
ابد! و جزالر عملك و فساد و فتنه نك توليد ايد بيله چكي مضراتك درجه سنه كوره حكم
اولنقي لازم كلير. بز شيمدي عالم اسلامك اك زياده تهلكيلى بر حربه داخل اولديني
بر زمانده يز. اكر بو زمانده اسلامك ضعفي موجب اوله بيله چك فساد و فتنه
توسل ايدنلر بولنيرسه اولردن داها مضر مخلوقلر بولونماز.

«فخر كائنات افنديز بيورويوركه: «خائنلر حقنده حاكم زدنده تشبثات
شفاعتكارانده بولنانلرده خائنلردر. زيرا بونلر بيله رك و بيلميرهك اتساع فساد
و فتنه خدمت ايتمش اولورلر. «بناء عليه جداً و حقيقة» اخائتلري ثابت اولانلر
ايجون شفاعتده بولنمقن هر مؤمن موحدك حذر ايتمه سي لازم كلير.]

شيخ كامل اتمام كلام ايدر ايتمز كوله رك شيخ اسعد و شيخ عبدالقادر الخطيبك
يوزينه باقدم و ديدم كه: «سز شيخ حضر تلرني بزم ديوان حزبك محكوم ايتديكي

خائىلر حقنده استشفاع ايجون بكا كتيرديكز . حالبوكه شيخ نيم ديوان حربك مضبطه سنى بر فتواى متين ايله تصديق و خائىلرى عفو ايتمه قطعاً مأذون اولما دىغمى لسان شرع شريف ايله بكا اخطار ايتدى . اويله دكلمى ، بدرالدين افندى حضرت تلىرى ؟ » ديدم . بشوش سپاسيله حاضرونه باقارق مقام تصديقه باشنى ساللادى . شيخ اسعد شقير :

« آمان يا شيخ سن بزي برباد ايتدك ، يتيردك . آرتق بوندن صوكر ا باشايه هيچ بر رجاده بولونمايز . سرك فتوا كزه كوره بزي ده خائى تلقى ايدرك ايه چككه قالقشير ! » طرزنده بر لطيفه ايله مكالمه حسن خاتمه و يرمشدى .

ايرتسى كون شام و ييروتده حكيم اعدام اجرا اولندى .

بعض ذوات ديورلر كه بو حكملرى اراده سنيه اقتران ايتديرمه دن اجرا ايتمه مى ايتيم .

اولا بوكا قانوناً صلاحيتيم واردى . ثانياً انحق بويله بر اجراآت ايله ديكر خائىلرى ترهيب ممكن اوله بيليردى . عربستانده شخصلرك و شخصيتلرك او قدر بيوك بر تاثيرى واردركه بعضاً بر قول اردونك ياپه ميه جنى برايشى يالكرز بر شخص ياپه بيلير .

نيم قدر جزئى وسائله مالك اولان بر قوماندانك سنه لردن برى انكليز و فرانسز پروپاگاندا ريله اخلاقى برباد ايدلمش بر محيطده نفوذ و قوت حكومتى ادامه ايده بيلمه سى ايجون عندالاقضا هر دورلو جزا و عفو نى هر كيم حقنده اولور سه اولسون ، حتى استانبوله صورمادن اجرايه قادر اولديغه قانع اولماسى لازم كلير . بن امين كه شريف حسينك اعلان استقلال ايتمش اولماسندن صوكر ا ، داه ۲ بحق سنه سوريه ده هيچ بر اختلاك ظهور ايتمه مش اولسى ۱۹۱۶ سنه سى نيساننده موقع اجرايه وضع ايدلمش اولان حكملردن ايلرى كمشدر . بوندن باشقه بو حكملرك بلا استيذان تصديق و اجرا سى خصوصه سنده ايكي ارقدا شمله تماماً مطابق قالمش ايدك كه بونلردن برى حربه و ديكرى داخله ناظرى ايدلير . وبالا خره اوراق حكيميه يى استانبوله كوندر ديكم زمان حربه نظارتى ديوان تميزى طرفندن لى التحقيق مجلس وكلا قراريله عرض عتبه عليا قلنهرق اردوجه موقع اجرايه وضع اولنان حكملر تصديق عاليله اقتران ايتديريلش و معاملات قانونيه اتمام اولنشدى .

ديكر بعض ذوات ده ديورلردى كه ، سوريه ده محاكمه و اعدام اولنان اشخاصك جرملرى ۱۹۱۳ سنه سى بدايتلرنده اعلان اولنان عفو عمومى قانونيله مظهر عفوعالى اولمشدر . بونلرك بالا خره عيى جرمدين طولاي محكمه و اعدام ايديله لرى مخالف قانوندر .

« سوریه مسئله سنك حقیقتی » عنوانی قیزمزی کتایده صراحة در میان ایتدیکم وجهله بواشخص عفو عمومیدن اولسکی جرملرینی اوندن صوکراده ادامه ایتدیرمشلردر. وکندیلرینك محکومیتلری ایشته بومؤخر جرملرندن ایلری کلمشدر. آنجق عفو عمومیدن اولسکی جرملرینه عائد وثائق غایت قوتلی اولدیغندن ماهیت اختای بتون مرارت وچیرکینلکی ایله کوسترمش اولمق ایچون دیوان حرب عرفی بو وثائقی تدقیق ونشر ایتمشدر. قیزمزی کتابك نشرندن صوکرادخی بو ادعای در میان ایتك حکومتك ایشنده مطلقا برخطا بولمق املنده اصرار ایتك ایسته مکدن باشقه برشیته حمل اولونه ماز .

حکملرك اجرا اولندیغی کون اردویه بریسانامه نشر ایدهرک و بویسانامه به محکوملرك هر برينك ثبوت جرمه مدار اولان وثائقدن بعضیلرینی درج ایتمش ایدم . برایکی ساعت صوکراد شریف فیصل زیارتمه کلدی . « اگر بوخائشلك جرملرینك بوقدر شنیع اولدیغی بیلسه ایدم ، جدمك روح پاکنه یمین ایدرمکه حقارنده شفاعت و مراجعتده بولمق ذکل ، هر برعضولرینك آری آری کسلیوب آتیمق صورتیه تشدید عقوبتلری رجاسنده بولونیردم . الله کافهسته لعنت ایتسین ، » دیمشدی . عینی کونده شام مبعوثی عظم زاده محمد پاشا دخی زیارتمه کلهرك : « مانله من افرادی میاننده بویه دنی مخلوقلرك یتشمش اولسی بی محالتك اك صوك درکله رینه القا ایدیور . عدالت الهیه بی اجرا ایتدیکز . الله ورسولی سزدن راضی اولسون ! » دیمشدی .

وقعه دن بر آی قدر صوکراد شریف حسینه یازدیغم تلغرافك جوابی کلدی . شریفك بوجوابی بنم تلغرافك کندی اوزرنده اولدقجه ناخوش برتأثیر حاصل ایتدیکنی کوستریوردی . عفو عمومی مسئله سی ایچون دولتك فائده داخلیه سی موجب اوله بیلیر مطالعه سیله ایلری سوردیکنی در میان ایتدکدن صوکراد مدینه محافظندن برچوق شکایتلرده بولنیور و خلفای عثمانیه نك کیندیسنه احسان ایلدیکی حقوقه تجاوز ایدلمسنه راضی اوله مایه جغی سویلیوردی .

اوصرده مدینه ده کی شریف علی بکك محافظ بصری پاشا علیه نه واقع اولان تجاوزاتی جدأ تحمك فوقه چیقوردی . بناء علیه هان شریف فیصلی دعوت ایدرك باباسنك بکا یازدیغی جوابی کوسترمکله برابر قارداشك بوکی تجاوزاتی تکرر ایده جك اولورسه کندیسنی قوه عسکریه استعمالیه منه توسل ایده جکی غایت تشدید برافاده ایله بیان ایتدم . ویدیکم که :

« فیصل بک افندی ، کرک پدریکزك صوك زمانلرده استعمالنه باشلادیغی لساندن وکرک برادریکز علی بکک مدینه ده کی افعالندن هیچ برشی آکلایامامغه باشلادم .

سزگله بوراده کی مناسبتمز غایت درست و دوستانه ایکن علی بکک مدینه ده کی افعالی نهیه حمل ایتک ممکن اوله بیلیر ؟ بریاندن قنال سفری ایچون بیک بشیوز تفرک کؤکللی قطعهنسک احضار یله مشغول اولیورسکیز . دولت سزه بوقدر پاره ویریور و کؤکللیرک تفتکلرینی مدینه یه کونده ریور . برطرفندن پدیرکز میلان انفراد اراؤه ایدن مطالب درمیاننه باشلایور و برادرکز علی بک مدینه ده پدیرکیزک اقوالیله متوافق افعال و اجر آته توسل ایلور . بن سزه غایت آچیق برلسان ایله سویله ملک ایسترم که اگر دوست ایسه ک اونک ایجاباتی تماماً اجرا ایدم . یوقسه مقصدیکیز بشقه ایسه رجا ایدرم ، سلاحلریکیزی الیکیز ، هان اعلان عصیان ایدیکیز . هیچ اولمزسه اوزمان شیمدیکی قوم دیارله نهایت ویرمش وایکی دشمن کی قارشنی قارشنی یه چیقمش اولورز . نتیجه ده جناب حق نه مراد ایتمش ایسه او اولور . اگر مقصدیکیز اختلال دکل ایسه برادریکیز علی بکک یازیکیز هان کلسون . بوراده نی زیارت ایتسون و محافظه تسلط ایتکدن آرتق واز کچسون ! »

شریف حسینک صوک مخبراتی بکا تماماً آکلاتمشدی که بو آدم اختلال ایچون بر فرصت ویر وسیله آریوردی . ایشته بوندن طولای شریف فیصله آچیق و صوک درجه شدید برلسان ایله بوسوزلری سویلشدم .

سوزلرم شریف فیصلک یوزنده بر دامله قان بیراقامشدی . آیاغه قالقهرق و صاغ آئی کؤکسنه قویهرق مهیج برصدا ایله دیدی که :

« آمان پاشا حضرتلری ! بویله شیلری بزه نصل اسناد ایده بیلیرسکیز . خلافت اسلامیه کک الصادق خادم لری اولمقله افتخار ایدن و رسول الله پیوسته اولان برعائتک افرادی نصل اولورده خائن اولور ؟ الله عشقنه تبدیل فکر و ذهاب ایدیکیز . نه بن ، نه پدرم ، نه ده قارده شلرم بو دولت و ملت خائن دکلز ! جمله من نان و نعمتی بیدیکیز خاندان دیشانک و اونک دولتک کوله لری ز . برادرمله حافظ بصری پاشا آراسنده کی اختلافاتی حل ایده جکمه و قرداشمی بورایه کتوروب اللریکیزی او پدیره جکمه اعتماد ایدیکیز ! »

بو محاوره مز اثناسنده اردوارکان حربیه رئیس علی فؤاد بکک ده حاضر بولنیوردی . شریف فیصل بنم یانمندن چیققدن صوکره ارکان حربیه رئیسکک او طه سنه کیتمش و اوراده آغلایه رق شیخ اسعد شقیر و علی فؤاد بکک بنم فوق العاده حدتلی اولدیغندن و قرداشنی توقیف ایله شامه کتوروب اعدام ایتدیرمککیم بیله مأمول اولدیغندن بکک بیوک براندیشه ایله بحث ایتکک باشلامش اولدیغنی بالاخره شیخ اسعد بکک سویله مشدی .

بو حادثات ۱۹۱۶ سنه سنک مایس بدایتلرنده جریان ایدیوردی . حالبوکه بالاده بحث اولنان تان غزته سنک مقاله سنه نظر آ شریف حسین دها ۱ کانون ثانی ۱۹۱۶ تاریخندن بری انکلیزلرله اتفاق ایتمش و اعلان عصیان ایچون مناسب بر فرصتک ظهورینه مترقب بولونمش ایدی . بن اگر اوزمانلر بو حقیقته واقف اولسه ایدم ،

شامده کی شریف فیصلی ده، مدینه ده کی شریف علی بی ده توقیف ایدر و حتی مکیه علی العجله برتورک فرقه سی کوندره رک شریف حسین ایله دیکر اولادینی یا قالا یه رق بواختلال مشئومی داما دوغمه دن بوغمش اولوردم. نه پاپه یم که الیده بودنیرک ثبوت جرملرینه مدار اولاجق هیچ بر وثیقه مادیه موجود دکلدی .

شریف حسین قتال سفرینه اشتراک ایچون کوندره جکینی وعد ایتمدیکی بیک بشیوز کولکلینک مصارفی اوله رق اولابندن آلتون اوله رق الی آلتش بیک لیرا قدر بر پاره آلمشدی . بونلره عائد تفنکر نیشان نهایتنه دوغری مدینه یه کلمش و اورادن مکیه سوقلری مقرر بولنش ایسه ده شریف حسینده مشهود اولان تحول لسان بنی احتیاطکار بولمغه دعوت ایتمش اولدیغندن تفنکرک سوقنده کی مشکلاتی ایلری سورهرک مجاهدینک مکهدن تفنکسر اوله رق حرکت ایتملرینی و مدینه یه مواصلتلرنده تفنکرک ویرلمسی مناسب اولاجغی کندیسنه یازمش و تفنکرکی مدینه ده بر اقدیر مش ایدم .

مایسک اواسطنده برکون شریف فیصل زیارتمه کله رک برادری علی بکک الیوم مدینه ده بولنان مجاهدین ایله سینا جهه سنده کی اردویه التحاق ایچون پدرندن امر آلدیغنی و بناء علیه اکر کندیسنه مساعده ایدرسه مدینه یه قدر کیدرک برادرینی آلوب قدسه کتیرمک ایسته دیکنی و بونک مجاهدین اوزرنده حسن تأثیری اوله جغنی سوبله مشدی . بن و مراجعتک بنم الیدن قاجق مقصدینه مبتنی اولدیغنی در عقب حس ایتمش اولقله برابر مادامکه برکره شریف حسین و اولادلری طرفندن آلدانلغه باشلامشدم، بو آلدانلغده نهایته قدر دوام ایتمکی ترجیح اییدیوردم . بر مدت دوشوندکن صوکره : « پک اعلا ، سزه اذن ویریورم . کیدیکز ، بنم نامه مجاهدینی مدینه دن استقبال ایدرک بورایه کتیریکز . بن مجاهدینک شمندوفرله ناصل سوق اولونه جقلرینه دائر ایجاب ایدن تعلیماتی مأمورین عائده سنه ویردم . معیتکزه شام علماسندن ر قاچ ذاتی دخی ترفیق ایده یم ده استقباله بر هیئت مخصوصه حالنده کیتمش اولوکز ! » دیم . سوزلریمی دیکلرکن شریف فیصلک کوزلری مسرت قیویلیجیملری صاحفه باشلامشدی . او آنده بوتون حقیقت نظرمدده تظاهر ایتدی . حتی ارکان حربیه رئیس علی فؤاد بکه : « پک یقین بر زمانده بر حجاز اختلالی قارشوسنده قاله جغمزه امین اولکز ؛ شریف فیصل بنم الیدن قورتولدیغندن طولای حس ایتدیکی مسرتی ستر ایتیه جک قدر متهیج اولدی .. » دیمشدم .

فکریمه علی فؤاد بک اشتراک اییدیور و فی الحقیقه چاره سزک قارشوسنده بشقه درلو حرکت ایتمک امکانی اولمادیغنی تصدیق اییدیوردی .

او صروده یمنده کی قطعاتک قادرو نقصانلرینی اکمال ایتک اوزره استانبولدن قطعه حالنده کوندرلش اولان ایکی اوچ بیک قدر اکمال افرادی مدینه یه مواصلت ایتمش

بولنیوردی . مدینه محافظانی اون بش کوندن بری بو قطعەنک سوقی ایچون لزومی اولان دوهلرک تدارکی ایله مشغولدی . بو تعلیم و تربیهلری پک مکمل اولمایان وهر بلوکنده انجق بر احتیاط ضابطی ایله ایکی مسلح نفر بولان بو غیر منتظم افرادک مدینه دن مکیه حرکتلری صرەسندە شریف حسینک ترتیباتیه یولده عربان طرفندن بر باصقینه اوغرایه جقلری روایتک مصرآ دوران ایتدیکنی محافظ بصری پاشا بکا یازمشدی .

اشعار اخیرە قدر بو قطعەنک مدینه ده ابقاسی و الیوم مدینه ده بولان طابورلرک ضابطانندن ده استفاده اولونهرق ، مکە مجاهدینی ایچون کوندریش اولان سلاحرله تسلیح ایدیلهرک ، تعلیم و تربیهلرینه اعتنا ایدلمسینی و شریف علینک جالب نظر دقت اولان اطوار اخیرەسنه کوره مدینه ده غایت متیقظ داورانیلهرق بر باصقینه معروض قالمقدن توقی اولونمسنی محافظ پاشایه یازدم . شریف فیصلک مدینه یه کملک اوزره بولوندیغنی ده علاوه ایتدم .

شریف فیصل رفاقته ویردیکم دیگر برقاچ ذات ایله برابر مدینه یه حرکت ایتدکدن سوکرا هر دورلو احتمالە قارشو برتدیر احتیاطی اولق اوزره معیتده کی قول اردو قوماندانلردن صلابت دینه سی و محبت وطنیه سی ایله مشهور فخری پاشانی ده مدینه یه کوندر مکە قرار ویردم . وضعیت حاضرہی ، بتون دوشوندکیریمی و شریف حسینک قریباً اختلال ایدہ جکی حقنہ کی شہلریمی فخری پاشایه سویله دم و مرقد بی زیارت مقصد ظاهر سیله مدینه یه قدر برسیاحت اجرا ایتسنی واوراده بر حادثہ ظهورہ کله جک اولورسه بصری پاشا ایله تداییر مانعہ اتحاد ایتسنی رجا ایتدم . مدینه محافظی بصری پاشا جسور ، ناموسلی ، حمتلی و مدینه عربلرینک احوال عمومیه سنی پک اعلا ا کلامش اولقلہ برابر محاربه لده اکتساب ممارسه ایتمه مش اولدیغندن احوال مشکله آره سنده بلکه تداییر شدیدہ اتخاذ ایدہ مز ، دیه دوشونیوردم .

بصری پاشا ایله فخری پاشایه بر تعلیمات خفیہ ویردم . بوتعلیمات موجبہ مدینه ده شریف زاده لرک بر حرکت فعلیہ اختلالیه سی کوریلہ جک اولورسه فخری پاشا درعقب قوماندانی در عہدہ ایدہ جک و بصری پاشا الکنز امور ملکیه ایله اشتغال ایله یه جک ایدی . هر ایکسی ده وطنلرینی جانندن سوهن بویکی ناموسلی تورک آره سنده بویله بر زمانده بر اختلاف ظهور ایتیه جکنه امین ایدم .

بو قوماندان تداییرندن بشقه بر احتمالە قارشو درعقب مدینه یه سوق اولنق اوزره شامده ایکی اوج طابور عسکرله بر ایکی جبل بطریه سنی آماده بولوندردم . بو قطعات زمره کیده جکلرینی بیلمیورلر و یالکنز ایلک امردن یارم ساعت سوکره شمندو فرہ یینه جک بر حالده حاضر بولونویورلردی .

خط قومیسری قائم مقام سلیمان شوکت بك هر نوع اسرار دولتی محافظه ایدم بك قدر كتوم وحسن اخلاق صاحبی بر ذات اولدیغندن اونك واسطه سیله بوقطعاتك شمعدوفر سوق «ایتینه ر» لرینی احضار ایتدیردم .

شریف فیصل مدینه یه کیتد کدن صو کرا بنمله بخابر ایدیور و شریف علی ده قریباً بنمله کوروشه جکندن طولانی حس ایتدیکی ممنونیتی بکا یازیوردی .

شریف حسین دردست سوق اولان مجاهدینه صرف اولتق اوزره دها بیلیم قاج بیك آلتونك کوندرلمسنی رجا ایتدیکندن اونك ده شریف علی یه تسلیمی مدینه محافظنه یازمشدم . ۱۹۱۶ کانون ثانیسنك برندن بری انکلیزلره متفق بولنان شریف حسین اختلا لندن برایکی کون اول ، ۱۹۱۶ سنه سی مایسی نهایتلرنده دولتک برچوق آلتوتی دها آلمقدن ، بوباره نی آله بیلیمک ایچونده یالان سوبله مکدن حیایتمه مشدی . حزیرانک ایکنجی کونی ییروته بولنیوردم . فخری پاشانک مدینه دن بی ماکنه باشنه ایسته دیکنی تلغراف مأمورلری خبر ویردیله . بر فلاکت خبری آله جغمه امین اوله رق تلغرافخانه یه کیتدم . فخری پاشا دیورکه :

« بورایه کلدیم کله ی شریف علی وفیصل بکلره غایت صمیمی مناسباتده بولنیوردم . حتی ایکی کون اول بی مجاهدین اردو کاهنه ک تأسیس اولندیغی حضرت حمزه یه دعوت ایتدیله . اوراده برلکده یمک یدک . مجاهدین بر چوق بدوی اویونلری اوینادیلر و قتال بوینده انکلیزلره ایندیره جکلری قهرمانجه ضربه لرك شدته دائر قصیده لر انشاد ایتدیله . دون کیجه ده علی وفیصل بکلرک قوناقلرنده مسافر ایدم . ایکی کونه قدر مجاهدینک ایلک قافله سی شمعدوفرله درپایه سوق اولونه جقدی . بوصباح غایت غریب برتحول قارشوسنده قالدم . صباحین هنوز کینمشدم . شریف علی بکک آدم لرندن بریسی بکا برقاج مکتوب کتیردی . مکتوبک بری بکا ، دیکرلری شریف حسین پاشا طرفندن سزه ، اوچنجیسی ینه مشارالیه طرفندن مقام صدارته یازلمش برر شفره ایدی . شفره لری شمدی کشیده ایتدیره جکم . علی بك بکا یازدیغی مکتوبده دیورکه : « پدرمدن آلدیغم امر موجبجه مجاهدینک فلسطینه سوقلری تاخر ایتشد . بناء علیه بوراده بیهوده یره وقت کچیرمکدنسه مجاهدین ایله برابر مکیه عودت ایتمه قرار ویردم . ذات عالیرلیله وداع ایتهدن حرکت ایتمه مجبور اولدیغندن طولانی چوق متأسفم . قصوریمی عفو ایدیکنز ! » شریف حسین پاشانک شفره لرینی بالطبع اوقویه مادم . درعقب مجاهدینک قرارگاهنه برکشف قولی کوندردم ، اردوگاهده هیچ کیمسه لر بولونیوردی . کرچه علی بك مکیه عودت ایتدیکنی بکا یازمش ایسه ده حکومت صادق اولان عربان مشایخنک ویردکلری معلوماته نظر آ معیننده کی قوتی اوچ قسمه آیرمش وهر برینی مختلف استقامتله

سوق ايتشدر . بو آقسام اولمازسه يارين همه حال شمندوفر خطنه برتجاوز اجرا ايدلسي وبوصورتله مدينه ايله سوريه آره سنده كي مواصله نك انقطاعي متعاقب تكميل قوتلريله مدينه يه تعرض وضبطه تشبث ايتهلري محقق ايمش .

بالطبع ويرديكيكز تعليمات موجبجه همان مدينه ده كي قطعاتك قومانداسني درعهده ايتدم . وشمديلك هر دورلو احتماله قارشي هر دورلو تدابير تدافيعيه يي اتخاذ ايتدم . بزي قوتلر براقامكزي رجا ايدرم .

مدينه ايجون احضار ايدلمش قوتلرلك درعقب يوله چيقارلمسني امر ايتديكي احوال حاضر مه كوره دهاقوته احتياج وارسه اشعار ايتمسي فخرى پاشايه بيلدير دكدن صوكر اشراف حسينك بكا ومقام صدارته يازديني شيفره لري حل ايتديره رك او قودم . شريف بكا يازديني تلغرافنامه دهده ، صدر اعظم پاشايه يازديني تلغرافنامه دهده : « بري غايت ملتفت وديكري پك خشين افاده لره مخبره ايدن ايكي رجل دولتك هانكيسنه اعتماد ايتك لازم كله . جكني كمديره مديكندن ، ايكي آي اول نور پاشايه يازديني تلغرافنامه دهده كي اشعار اتندن بر نتيجه استحصال ايدلنجه يه قدر حكومتله هر درلور رابطه يي قطع ايتكه مجبور اولديني ، سويليوردي . ملتفت ديدكي رجل دولت بن ايدم . خشين ديدكي ده انور پاشا ايدى . انور پاشا ، اوغلي شريف علي نك مدينه محافظنه قارشي اتخاذ ايتديكي مسلكك تعديل ايدلسي لزومه دائريكرمي كون قدر اول شريف حسين پاشايه بر تلغراف يازمش ايدى . آ كلاشيليوردي كه اعلان عصيان ايجون هيچ بروسيه الله ايدمه ين شريف حسين بوندن استفاده ايتك ايسته مشدى . بن كنديسنه يازديغم شيلري اويله بر اسلوب مزينه يازيوردمه كه بونلري او قوبوده بروسيه نزع چيقارمه نك امكاني يوقدى . انور پاشانك مکتوبنده هيچ برلفظ خشين بولنماقله بوابر تعبيرات تعظيمكارانه او قدر ابدال اولونما مشدى . ايشته شريف حسينك ايلك حمله ده استعمال ايتك مجبور بندنه قلديني سبب اختلال !

شريف فيصل مدينه يه كيدر كن هر دورلو احتماله قارشي اكر يالكز بنم واقف اولمقلغم لازم كلن بعض خصوصات حقنده بنمله مخبره ايتك ايسترسه استعمال ايدلك او زره كنديسنه بر شفره مفتاحي ويرمشم . اومفتاح ايله يازلمش بر شيفره ده اوندن آلد . بوشفره ده شريف فيصل عينا شويله دييوردي :

« انشاالله قريباً تشر فزده شفاهاً عرض ايدم جكم اسبابدن طولايي مجاهدينك سوريه يه تاخير سوقلري پدرم طرفندن امر اولوندى . شو صوك زمانلرده جريان ايدن احوال صوك درجه لرده تاثيراتي موجب اوليور . بونلر بر طرف اولما دقجه سزي كورمه كجابه ايتديكمدن بر مدت ايجون مكيه عزيمت ايدم جكمي عرض ايدرم افندمز . »

نهایت ايكي اوچ كون صوكره مدينه نك اقسام شاليه سنده خطه تجاوزله باشلايان عصيان شريف حسينك تشبثات جنايتكارانه سني اظهار ايتدى .

بودن صوکر کی حادثات صرف فاصیلرله عسکر آره سنده کی محارباته متعلق شیلر اولدیغندن خاطراته بونلری درج اتمک لزوم کورمیورم . حربک بدایتندن ۱۹۱۶ سنه سی حزرانک ایکنجی کونه قدر شریف حسین ایله جریان ایدن محارباتز کاملاً محفوظ اولدیغندن اونلری انشالله وطنه عودتمده آریجه نشر ایده جکم . یالکز اختلالی مشروع کوسترمک ایچون شریف حسینک نشر ایتدیکی براییک بیاننامه نك فرانسزجه ترجمه لرینی بودفعه ماندلشتمک کتابنده ده اوقودیغمدن بونلری تحلیل اتمکی خاطراتمک مقصد تحریری نقطه نظرندن موافق تلقی ایتدم . ماندلشتمک کتابک ۲۶۰ نجی صحیفه سنده فرانسزجه ترجمه سی مندرج اولان وعربجه اصلی الک منافقانه برادینک پک بلیغ بر نمونه سی بولنان ۲۵ شعبان ۱۳۳۴ (۲۷ حزران ۱۹۱۶) تاریخی ایلک بیاننامه سنده شریف حسین طرفندن تعداد اولنان اسباب اختلال بروجه آتی خلاصه اولونه بیلیر :

۱ — اتحاد وترقی فرقه سی موقع اقتداره کلدیکی کوندنبری [مشروطیتک تاریخ اعمده سی اولان ۱۹۰۸ تموزینک ۲۳ نجی کوندنبری دیمک ایستور] ملکیتی اوقدر فنا اداره ایتمش که دولت بر جوق اراضی ایله بوتون نفوذ وحیثیتی ده ضایع ایتمش .

۲ — بوسوء اداره یوزندن ظهوره کلمش اولان بر جوق محاربات خارجیه ائساننده اهالی ، بالخاصه خطه حجازیه اهالیسی اوقدر عظیم بر فقر وسفالته دوچار اولمشلر که اولرینک قاپولرینی بیله صاتمغه مجبور اولمشلر .

۳ — بونکله ده اکتفا ایتمه یه رک احکام اسلامییه رعایتدن صرف نظر ایتمشلر . مثلاً استانبولده حکومتک وشیخ الاسلامک کوزلری اوکنده انتشار ایدن « اجتهاد » اسمنده کی بر رساله موقوته فخر کائنات افندیز حقنده احترامات معاهده نك قبول ایتمه یه چکی برلسان استعمالنه جرأت ایتمش .

۴ — عینی مجموعه شریعت اسلامییه نك وراثته عائد بر فقره سی تبدیل ایتمک لازم کله چکنه دائر مطالعه در میانندن ده چکینه مش ومال موروته ارکک وقادین وارثلرک متساویاً اشتراکی لازم کله چکی اجتهادنده بولونمش .

۵ — حربی وسیله اتحاد ایده رک شام ، مدینه ویا مکه کی شهرلرده اقامت ایدن عسکرلرکده فک صیام ایده بیله چکلرینه دائر حکومت نشر قنوی ایتمش .

۶ — شریعت اسلامییه نك خلافته متعلق احکام منیفه سی تغییر ایدرک حقوق خلافتی تحدید ایتدیکی کی کندی باش مابینجیسیله خزینه خاصه ناظرینی بالذات انتخاب ایتمک صلاحیتی بیله ذات شاهانه دن نزع ایتمش .

۷ — نهایت یوزلرده کی ماسکله دوشه رک حکومتک انور پاشا ، جمال پاشا

وطلعت بکک ید انحصارنده اولدینی آکلاشلمش وبونلر دولتی ایسته دکلری کبی ادارهیه کندیلرینی مأذون عد ایدرلرمتش .

۸ — بونلرک الک بیوک مثالی اخیراً مکّه قاضیسنه استانبولدن کلن برامرنامه ایتمشکه بوامرنامه موجبجه قاضی یالکیز حضور محکمهده تحریر ایدیله جک و ثائق مدار استماع عد ایتمکه وعن الغیاب بین المسلمین تحریر و تعاطی اولونه جق و ثائق حکمنی طومغه مجبور ایدیلورمتش . وبوصورتله (سورة البکاره) نک حکمی قالدیرلمق ایسته نیورمتش .

۹ — دیگر برمثالی ده امیر عمرالجزایری ، امیر عارف الشهابی ، شفیق بک المؤید ، شکری بک العسلی ، عبد الوهاب [شریف هرنه دنسسه بوزانک « الانکازی » لقبی قولانمق ایسته میور] توفیق بک الباسط ، عبد الحمید الزهراوی ، عبد الغی العریسی ورفقاسی کبی ذوات معروفین برآنده اعدام ایتمش اولملری ایتمش .

۱۰ — یالکیز بونکله اکتفا ایتمه مشلر . بونلرک قادین ، چوجوق وارکک نه قدر اقربا و تعلقاتی وارسه کافه سنی تبعید ، و بوتون اموالی یاغما واملانکی ضبط و مصادره ایتمشلر .

۱۱ — برادر مکرملری امیر عبدالقادر الجزایری الحسنی نک قبریخی ده پامال ایتمشلر . ایشته شریف حسینک مبدأ تاریخ اختلالی اولان ۲ — حزیران — ۹۱۶ تاریخندن ۲۷ — حزیران — ۱۹۱۶ تاریخنه قدر یکرمی بش کون ظرفنده بیک مشکلات ایله تدارک ایده بیلدیکی اسباب اختلال .

شیمدی بوتون عالم اسلامک حسیات نجیّه بی طرفانه سنه مراجعت ایدبیورم . برنجیدن سکزننجییه قدر اولان مادهلر برحقیق مسلمانک ، شرافت ادما ایدن برذانک مقام خلافت اسلامیه علیهنه خروجی ایجاب ایده جک شیلر میدر ؟ چونکه شریف حسینک سبب خروج اوله رق تعداد ایتدیکی طقوزنجی اوتنجی و اون برنجی مادهلر حقیقت حالده شریف حسینک انکیزلرله اتفاق ایچون مخبریه باشلادینی تموز ۹۱۵ تاریخندن بک چوق صوکره واقع اولمش و بالخاصه شریف حسینک تشبثات اختلالیه سی نتیجه سی اوله رق دولتجه منافع عمومیّه اسلامیه بی صیانه اختیار ایدلمش تدابیر مانعه جلّه سندن بولنش اولملریله شریف حسینک بونلری سبب اختلال اوله رق تعداد ایتمکه حتی یوقدر .

مکّه مکرمهده منتشر « القبله » غزنه سنک ۱۹۱۷ سنه سی نسخه لرندن برنده شریف حسینک بر مکتوبنی کورمشم . الیوم زدمده بولندینی ایچون مع التأسف عیناً بورایه درج ایده مدیکم بومکتوبده شریف حسین امرای عربدن اسمنی ویرمدیکی بر ذاته خطاباً دییورکه :

« بز تحریر العرب امل مقدسنى امارت مكرمه يه تعيين ايدليكمز زماندنبرى تعقيب ايدىورز . بواملك حصولى ايچون امرای عربله آره مزده دائما برحسين موانت تاسيسنه چالشمقدن خالى قلمادق . عسير سفریمز اثناسندهكى افعالمر وتوركرك امير ابن السعود عليه تشويق ايتدكرى امير ابن الرشيدك حرکات تجاوز کارانه سنه مانع اولق اوزره اوغلمز عبدالله قومانداسيله سوق قوت ايديشمزم بومساعيمزك درجه سنى اظهاره كافيدر والى ... »

ايشته انطاق حق بوكا ديرلر . فى الحقيقه كندى اعترافى وجهله شريف حسين امارته تعيين ايدليكي كوندنبرى « خروج على السلطان » آمالى بسلوردى . بوتون حجاز والىلى اميرك بونيتى آ كلايور واستانبوله يازيوردى . هله وهيب پاشا بوخصوصده بك مصر بولنيوردى . لكن شريفك عزل وتبديل ايچون لاقلى ايكي فرقه نك مكه مكرمه يه كوندرمى لازم كله چكنى ايلرى سوردى كندن بالقان محاربه سندن صوكر ا عربلرله آ كلاشمى داخلى پوليقيقه سى ايچون ده ا موافق تلقى ايدن حكومت يكيدين برچوق قيل وقالى وسوء فهماتى موجب اولمى محتمل اولان بويه راديقال برقرار آلمقدن توقى ايله مشدى .

حرب عمومى يه داخل اولدقدن صوكر ا ايسه بالخاصه بن اميره بروسيه اختلاف واختلال ويرمه مك ايچون اوقدر صرف مساعى ايتدم كه بو مساعيمك درجه سى كندى سيله بر سنده دن زياده امتداد ايدن مخبر اتمى نشر ايتديكم زمان بالكليله تظاهر ايدم جكدر .

سوريه اشرافندن بعضيلرينك اعدامى شريف حسين بر كيره اوله رق كوستريور كرچه بواشخصاصك سبب اتهاملى ايچون وثائق « سوريه مسئله سنك حقيقى » اسمنده كى قرمزى كتابده نشر ايتمش ايسه مده بو وثاقدن بعضيلرى بورايده درج ايتمكى فائده لى تلقى ايتدم .

شام فرانز قونسولوخانه سى

۱۵ كانون اول ۱۹۱۳

خلاصه سى :

بعلبكدن « نخله مطران » پاشا حقنده

موسيو بومپار جنابلرينه

روم قوليك كليسا سنه مربوط وبعلبكك صاحب نفوذ اها ليسندن برى اولان « نخله مطران » پاشا كچن هفته اورته سنده نى ايكي كره زيات ايتدى . « نخله مطران » پاشا بوندن ايكي اوج سنه مقدم پارس عثمانلى سفارتى كاتبل كنده مستخدم ايتمش ؛ بومناسبتله

بزم سیاسی سیالیزدن بك چوغنی طانیور. پاشا «اتحاد و ترقی» جمعیتنه انسانی اولمقله برابر جمعیتله بك علاقه دار اولدیغنی بكا اعتراف ایتدی ؛ علاقه سزلنی اودرجه كه ، بنده كزه [اتحاد و ترقی جمعیتك سیاسی افلا سندن ، كنچ توركلرك خود بیلنكلرندن] بحث ایتدی .

پاشا آرقداشلردن برینك جهت عدلیه جه اولان ایشنی برای تسویه شامه عزیمتندن بالاستفاده نی زیارت ایتدی ، برابر بولندیغمز مدت ظرفنده موصورتله اداره كلام ایدیوردی :

— سبب زیارتیم ، لبنان وسوریه نك مستقبل حامیلرینی مستفید ایدمك بر مسئله حقنده (فرانسز رئیس حكومتك اعلان ایتدیكی كی) كوروشمكدر .
دوام ایله :

— حال مدافعه یه غیر صالحدر . بعلبك وبقاع وادیسی لبنانه الحاق ایتدیرمك قرار ویردك . اساساً بواراضی تقسیمات جغرافیه نقطه نظرندن لبنانه عأددرد . فقط مقصد مزنی تأمین ایچون فرانسز حكومتك حمایه سنه احتیاجز واردرد . مسلمان ، خریستیان بوخصوصده هممز متفقز ، ممانعت عثمانیه قارشوده طرز حركتمز مقرررد . بعلبك اهالیسبك بر قسعی بزم چته لریمزدرد ، وشهر غیر قابل توصیف بر موقعه مالك بولنمقده در : سوریه وداخله كیدن یوللرك اناختاری .

شیخ متوالی اسعد بك حیدر . مملكتمزك اك نفوذلی انسانی . « عبدالغنی الرفاعی » مسلمانلرك باشی وبن ، — تركیا ایسته سین ایسته مه سین — مملكتمزنی لبنانه الحاق ایتدیرمك قرار ویردك . لبنانه عائد مسائل ایله اشتغال ایدن موسیو (قوژه) ایله بوخصوصده كوروشمك اوزر بیروته كیتمكی آره مزده قرارلاشدیردق ؛ فقط بعلبك منطقه كز داخلنده اولدیغندن كرك اسعد بك و عبدالغنی وكرك نامه ، سزنی مسئله دن خبردار ایتمكی بروظیفه عد ایتدم .

« نخله مطران » پاشاك افاداتی او كنده بن غایت احتیاطلی داورانمقله برابر كندیسنه قارشو صوك درجه ملتقت بولندم . فقط مومی الیه بر ایتكنجی دفعه نی زیارته كلرك فرانسه قارشو یكیدن حسباتی دو كدی ، ومملكتی داخلنده هر هانكی برایش ایچون اولورایسه اولسون آمریه آماده بولندیغنی بیان ایتدی . »

بیروت فرانسه جنرال قونسولاتوسنك سفارت ونظارته مرسل

۱۸ مارت سنه ۹۱۳ تاریخلی ترجمه سیدر

عربیجه «الصلاح» غزنه سی مدیری موسیو زینیه طرفندن امضا صاحب لری نامه

اوله رق ویریلن بیاننامه یی فائده سیاسیسه سنه بناء لفاتقدیمه مجبوریت کوردیم. بویاننامه سوریه ایچون سوریه لی اصلاحچیلر قومیته سنک خریستیان اعضالرینک موافقتیه تنظیم ایدلشد. بوخصوصده نظارته برقاچ دفعه لر معروضاتده بولمیشدم. صاحب امضالری بونلرک الکایلری کلنلرندن در. بونلردن اووقات موسیو پیرطراد ایله اشبو قونسولاتو ترجانی موسیو توخی اورتودوقس، موسیو زینیه ایله اصحاب املاکدن ارقتس روم قاتولیک، اصحاب املاکدن موسیو هانی مارونی، دوکتور ثابت پروتستاندر. بونلرک هم مذهبلری نامنه ویردکلری مکتوبده سوریه خریستیانلرینک آرزولرینی و فرانسیه اولان رابطه لرینی بیلدیرمیشلردر.

بیروت : ۱۲ مارت ۱۹۱۳

ییرتده سوریه فرانسه قونسولوسی موسیو قوژه جنابلرینه

« جنرال قونسولوس افندی .

زیرده واضع الامضاء، بیروت ولایتی ایچون براصلاحات پروژه سی تنظیم ایتک اوزره بتون جماعتلر طرفندن انتخاب اولنان هیئت عمومیه نك اجراآت قومیته سی خریستیان اعضالری، فرانسیه عثمانلی خریستیانلرینک حامیسی و سوریه خریستیانلرینک وطن متخدی عدايتکلرندن مطالعات آتییه فرانسه نك سوریه قونسولوسنک نظر عاطفت کستریمه عرض ایله کسب شرف ایلرلر :

اولا : عثمانلی خریستیانلرینک وضعیتی ،

ثانیاً : اجراآت قومیته سی طرفندن تنظیم ایدیلن اصلاحات پروژه سی ،

ثالثاً : سوریه خریستیانلرینک آمال و مطالبی .

بومطالعانک فرانسز حکومتنه تبلیغی ایله اعمال تفوذ ایلسنی جنرال قونسولوسندن رجا ایدرلر .

عثمانلی خریستیانلرینک وضعیتی — ممالک عثمانیه ده کی خریستیانلرک وضعیتی

هرزمانده حزن و آجققیل ایدی . بووضعیت بالقان حربی و تورکلرک هزیمتی نتیجه سی اوله رق اولا ویرکولرک تزیدی ، ثانیاً مسلمان تعصبنک تشددی ، ثالثاً سوریه خریستیانلرینک مهاجرته تشویقلری صورتیه کسب وخامت انمکه باشلامشدر .

۱ — ویرکولرک تزیدی : تورک حکومتی اوروپاده غائب ایدیلن ولایتلره ترتب ایدن تکالیفی آسیا ولایتلرینه تحمیله توسل ایدم جکدر حتی شمیدین ایتمشدر. بناء علیه

تورك اداره سنك ویركولر ك طرح و جباتی خصوصنده کی طرف کیرلکنی ، جور و جفاسنی طایانلر بویکی یوکل بالخاصه خریستیان اهالی به تحمیل اولنه جغندن شبهه ایتمزلر .

۲ — مسلمان تعصبنك تشددی : مسلمان تعصبی تورك پولتیقه جیلرینك النده قیمتی و کناهدن مضمون برعاملدر . بونلر دکامیدرکه صوکل باقان حادثاتی اثناسنده بوتعصبدن جر منفعت ایتمشلردر . بوندن شو دوغرو نتیجه چیقار : بالقان حربی مسلمانلرجه رحرب دینی ، براهل صلب محاربه سی ، صلیمک هلاله ، خریستیانلرک اسلامیه قارشئ اتحادی اوله رق تلقی ایدیور . بونک ایچون مسلمانلر ، خریستیانلرک ممالک عثمانیه ده کی موجودیتلرینی ، انحطاط وانهمزآمک سبب اولی ظن ایدیورلر . مسلمان ذهنیتی ، عثمانلی خریستیانلرخی امپراطورلرک اوزرینه چوکن فلاکتک سبب اصلیمی دشمن اصلی اولارلق قبول ایدیور . خریستیانلر جور و جفایه و غدارلرک هر برصورتنه معروضدر . بو غدارلق مداخله اجنبیه یی دعوت ایدمک کی آچیق و آشکار اولیوب قیالی و مستور بر غدارلقدرکه بونکله تورك اداره سی احراز تقوق ایدرو قوائنک مساعد تفسیر اولسی کندیلرینه قیمتی بریار دیمجیدر .

۳ — سوریه خریستیانلرینک مهاجرته تشویق لری : بالقان حربنك ابتداسندن بری ماکدونیا و تراکیا مسلمانلردن بیوکل بر قسیمی سوریه و بیروته هجرت ایتمشلردر . چوغالغه یوز طونان بو حرکت طبعیدرکه قوت عمومی ايله تشجیع ایدلمشدر . بوندن شو نتیجه مهلکه چیقارکه خریستیانلرک ضررینه اوله رق سوریه ده کی خریستیانلرک مؤازنه سی قطع ایدلمش اولور . بونلر ذاتا دینلری اعتبارله آمر مطلق و صاحب کل اولدقلرندن عدلرینک ازینجی برصورتده ترایدی بو آمری آرندیره جقدر . سوریه خریستیانلری ذاتا شو وضعیتدن متأثر اوله رق بر چوقلری آمر یقایه هجرت ایتمشلردرکه احوال مذکورده ایکی باشلی بر هجرته سببیت ویرمشدر : مسلمانلرک سوریه ، سوریه خریستیانلرینک آمر یقایه هجرتلری ، نه قدر آز دوام ایدرسه ایتسون بو ، سوریه ده خریستیان عنصرینک قیصه بر مدت ظرفنده انقراضیدر .

اصلاحات پروژه سی — اوزمانلر رئیس وکلا بولونان موسیو پو آنتقارنك نطقنك ایرتسی کونی که بونطقنده اومتاز رجل حکومت تورکیای آسیا ایالتلرنده اصلاحات اجراسنه دعوت ایدیوردی ، تورك حکومتی کندی اختیارله ولایتلرنده اصلاحات اجراسنه آماده بولوندیغنی بیلدیرمش ووالیلری اهالی به اصلاحات پروژه سی تنظیم ایتدیرلمک دعوت ایلهمشدر . خریستیانلر تجربه ماضیه به بناء حکومتک صداقتنه ندرجه به قدر اعتماد جائز اوله جغنی بیلورلردی . بو اصلاحات پروژه سی ، کونک برنده اوروپاچه تورکیادن بعض اصلاحات احراسنه دائر واقع اوله جق تکلیفی لدی الحاحه عقیم بر اقدیرمغه یارایه جقدی . تورکیا کویا اهالی طرفندن تنظیم ایدیلن و حقیقت حالده

كندی طرفندن تلقین ایدیلان اصلاحات پروژەسندە قاچماق یوللاری بولەرق اوروپاچە طلب ایدیلان اصلاحاتی رد ایدەجك و بو مطالبك دوغریدن دوغری یە اهالیجە تنظیم ایدیلان اصلاحات پروژەسندە موجود اولمیدیغی ادعا سندنە بولنە جقدر . بونكلە برابر بیروت خریستیانلری مسلمانلرلە برابر اصلاحات پروژەسنگ تنظیمنە اشتراك ایتمكە موافقت ایتشدر . بونك ایکی سببی واردر : اولاً ؛ حكومت عثمانی یی قیمت حقیقەسی وارمش كبی كوسترمك ایستەدیكی پروژە مسئلەسندە شاشیرتمق . ثانیاً ؛ بو پروژە یە اقسام اداره نك هر برسی اوزرینە اوروپا قونترولی وضع ایتك اساسنی ادخال ایتك . برفعه بواساس بتون اعضالرجه قبول ایدیلنجه بتون اهالیجە اوروپانك یاردیمی اولمقجه تور كیاده اصلاحات اجراسنگ قابل اولمیدیغی صورتك غیر قابل رد و جرح اوله رق قبول ایدلمسی صورتیلە تأسس ایدە جكدر .

سوریە خریستیانلرینك آمال و مطالبی . — اصلاحات كرك اوروپانك یاردیمیلە و كرك یاردیمی اولمق سزین تطبیق ایدلیدیكی فرض اولنسه بیله بوجهت حل سوریە خریستیانلرینك حقیقی آرزوسنە تقابل ایتز . بونلر فسخ اولنە مز صورتدە فرانسه یە مربوط اولوب فرانسه نك دها و مدینتنگ حیرانی بولتدق لرینی هیچ بر زمان اونو تامایه جقدر در . بد محتلق كونلرنده کی شفقت و اهتمانك متتداریدرلر .

سوریە خریستیانلرینك بیوك املی سوریە نك فرانسه طرفندن ضبطیدر . بو بویله اولمق اوزره زیرده وضع الامضا اعضالر بیروت خریستیانلری نامنە حر كتنه سوریە نظامنامە سیاسیسینە موافق ككەجك امور حلك علی الدرجات مرجح اولان بروجه آتی صورتدە اوله جغنی اخطار ایدرلر .

- ۱ — سوریە نك فرانسزلر طرفندن ضبطی (استیلاسی)
 - ۲ — فرانسه نك فعلی حمایه و مراقبەسی آلتندە بیروت ولایتنە مختاریت كاملە ویرلمسی .
 - ۳ — هر ایکیسی ده فرانسه نك فعلی حمایه و مراقبەسی آلتندە اوله رق بیروتك لبنانه الحاقی . »
- امضال :

میشل توبنی یوسف هانی پیرطراد ایوب ثابت
رزق ام خلیل زینہ

[*] بو وثیقەلری دقتلە اوقویانلر عربلری حمایه پردەسی آلتندە فرانسه حكومتنگ سوریە یی اشتغال ایچون نه قدر بیوك مساعی صرف ایتدیكنی اكلامقده قطعياً مشكلات حكمرلر ظن ایدرم . انكلیزلك عراق ایچون ، فلسطین ایچون بسلە دكلری آمالی ،

[*] دیگر وثیقەلر كتابك نهایتنە ذیل اولنشددر .

رجا ایدرم ، حرب عمومیدن ا ل بیلمه یں کیمسه واز میدی ؟ بو انکیلز آماندن تجاھل ایچون انسانک یافا الحقیقه پینسز ویاخود وجدانی صائمشی اولمسی ایجاب ایدر . فرض محال اوله رق شریف حسین ، مقام خلافت علیه قیام ایچون انکیلزله مخبریه باشلادینی تموز سنه ۹۱۵ تاریخنده بوفرانسز آمانله واقف دکلدی ده انکیلزله کندیسنه مرسین و آطنه دن موصله قدر اولان خطک جنوبنده کی بوتون عربستان شبه جزیره سی اوزرینه قوریهلجی برسلطنت عظیمه عربیه وعد ایتدکیرندن وتورک سلطنتک انقراض قطعیسنه ایسه بالکلیه قانع اولدیغندن تورکک بیقلدینی آنده عربی قالدرمق صورتیه عالم اسلامه بر خدمت مبعجلده بولنق املیه اختلاله قرار ویرمشدی .

عبا سیر هنری ماقاهوک ۲۴ تشرین اول ۱۹۱۶ تاریخلی جوابنامه سی کندیسینی ایفاظ ایتمه کافی کلمه دیسه سوریه ده اجرا ایتدیردیکم اعداملری متعاقب نشر ایتدیکم وثیقه لر - که هربری فرانسز آمانلی اثبات ایچون یکدیگرلرندن بلیغ برر حجت قاطعه عد اولونه بیلرلر - نظر دقتی جلب ایتدیلر می ؟ ایشله مک اوزره اولدینی جنایتک بویوکلی اثبات ایچون دلائل کافی عد اولونه مادیلر می ؟ سیر هنری ماقاهون مذکور ۲۴ تشرین اول ۱۹۱۶ تاریخلی جوابنامه سنده لبنان یله سوریه نک بعض اقسام ساحلیه سنک پکده عرب عد اولونه مایه جغی باخصوص سوریه نک بعض اقسامی حقدده فرانسه نک در میان ایتدیکی مطالبی قبول ایتمه مک انکلتزه ایچون ممکن اولامایه جغی ده ا اوزمان بیان ایدیوردی که بوندن نه مقصد اولوندینی پک اعلا آ کلاشیله بیلیردی . عراقی تورک لک انندن آلدقن صو کرا انکیلز لک بونی عرب لره بخش واحسان ایده جکلرینه احتمال ویرمک ایسه منحصرأ بر حرص سلطنتدن ایلری کامیورسه بر عمای سیاسیدن بشقه بر شیه حمل اولونه ماز .

شریف فیصلک سوریه ده اردو قرار کاھنده بولوندینی زمان بونلری کاملاً کندیسنه سویله مش وعرب لک تورک لردن آیرلقلری کون انکیلز و فرانسز لک تحت اسارتنه دوشه جکلرینی و خلافت اسلامیه نک بالکلیه قدرندن ساقط اوله جغی آ کلامش ایدم .

ایشته شیمدی حرب عمومی بیتدی وانکیلز لر شریف حسینک اختلالی سایه سنده فلسطینده تورک اردوسنی تماماً مغلوب ایدرک سوریه وفلسطینی کاملاً اشغال ایتدیلر . باقلم ممالک اسلامیه نه منظره ارئه ایدیور ؟

خليفة اعظم عمر الفاروقك ملك اسلامه برهديه كزینی اولان قدس شریفك كائن اولدینی فلسطین قطعه سنی انکیلز لر ایدیا اللرنده بولوندی زرق اورا ده بریهودی حکومتی طاسلاغی وجوده کتیرمک ایستورلر . اسکی لبنان طرابلس شام ، و بیروت ، صیدا و صور شهر لره بعلبک و بقاع

قضالرينك علاوه سى صورتيله بويوك لبنان نامى و يرمك ايسته دكاري ساحيه فرانسولرى راشديريورلر. بوتون خطه عراقيه ده انكليزلر تصاحب ايدىيورلر. خطه حجازيه يي مستقل برحكومت طابق صورتيله بوعوميتدن آيىردقدن صوكره شام، حما، حص وحاب شهرلرني محتوى طولاني برساحه ده ينه فرانسز حمايه سى آلتنده برعرب امارتى وجوده كيتيرمك نيتنده بولنيورلرسده ده فرانسولر بوكاده راضى دكللر.

شريف حسينك اختلالندن استحصال ايتدكاري منافع عظيمه يه نه درجه يه قدر منتدار اولدقريني اثبات ايجون ايسه و قتيله كنديسى «بيوك امير» و «حامى عرب» وسائر كى عنوانلره توقير ايتمش اولان معهود «سوريه مركز قوميتيه سى» رئيسى شكري غانمك ۱۲ تشرين اول ۱۹۱۹ تاريخلى فيغاروده نشر ايتديكى باش مقاله يي زير عينا درج ايدىيورز. [*]

بومقاله دن آكلاشيلىوركه بركون حجاز قرالى شريف حسينك شام، حما حص و حلب شهرلى اوزرينه هيچ برحق تملك ادعاسى شايان التفات كورلميور وكنديسيله اوغلى فيصل الكعادى انسانلر منزله سنه اينديريلىور. وبرادر مكرم نامى ويرديكى امير عبدالقادر الجزايرى الحسنى نك خفيدى امير عبدالقادرى اخانه اولديرتمش اولمقله اتيام ايدىيور. برانكليز غزته سنده او قودينغم بر مقاله ايسه شريف حسينك الان انكليز پازمسيه مكده اداره امور ايتمكده اولديغى اعتراف ايدىيوركه خطه حجازيه نك معلوم اولان احوال ارضيه واقليميه سنه كوره بونك الى الابد بويله دوام ايدجكنه هيچ شبهه يوق.

بو حواله نظراً شريف حسينك اختلالى سايه سنده بركون «خادم الحرمين الشريفين» انكليز قرالى حشمتلو بشنجى ژورژدن بشقه كيسه دكلدر ظن ايدرم.

بك آشكار اوله رق كوريليوركه انكليزلر شريف فيصل شام، حما، حص و حلب شهرلندن تشكىل ايدجك اولان عرب حكومتنك اميرى نصب ايتمكله آتيا اورالرده وضع يد ايتمك چاره سنى آرايه جق وبو صورتله مرا كز عظيمه اسلاميه نك كافه سنى اللرينه كچيرمش اوله جقلردر.

ايسته شريف حسينك اختلالندن طولاني عالم اسلامك باشنه كمش اولان فلاكتلر ك منظره حقيقيه سى ! يكدىكرى عليه حكومات خريستيانيه ايله اتفاق ايدن اندلس رؤساي عربنك شوكت اسلاميه يه اينديردكاري ضربه، شريف حسينك خلافت اسلاميه يه اينديردىكى بوضربه يه نظراً بك خفيف قالير.

هله معاذالله «نعت تحتن القسطنطيه ...» حديث شريفيله خلافت اسلاميه ايجون برمر كز طبيعى اولديغى اشارت بيوريلان استانبولده اوروپايلرك شمدى تصور ايتدكاري كى «جمعيت اقوام» نامى ويريلان هيئت دوليه نك اداره سى آلتنه ويريله جك

اولورسه شریف حسینک اثر اخانتکارانه سی تکمیل ایتمش اولور .

« سز حرب عمومی به کیرمه مش اولسه ایدیکز بونتیجه لر ظهوره کمز دی ! »
 دیه جک اولانلره یسه « بز حرب کیرمه مش اولسه ایدک بونتیجه لرینه تحصیل ایده جکدی .
 زبرا فرانسز وانکلز وروسلرک آمال استیلا سی شمدی طوغمش دکل عصرلردن
 بری تعقیب ایدیله کلمکده بولنشدر . بناء علیه حرب عمومی دن غالبیتله چیقاجق
 اولان بواوچ دولت مسکین و عاجز انسانلرک مالی پایلاشیر کی بزم مملکت مز ی
 پایلاشه جقلردی . اوزمان ایسه بز « امانه اللهی بلامدافعه عاصیره ویرمش اولق ذلت
 وحقارتی قبول ایتمش اوله جقدق » جوانی ویریرز .

انشاء الله بورکر مصطفى کمال پاشانک اداره سی آلتنده توسل ایتدکری صوک
 حرکت ملیه لری سایه سنده کندی مملکت لرینی ، عظمتی استانبول لری وکوزل ازمیر لرله
 برابر قورتاره جقلر و بوحدود طبیعی داخلده ملت لرینک رفاهی ، مملکت دینک عمرانی
 کافل تداییره توسل ایده جکلردر . خاقان معظم لری ده ینه اقطار اسلامیه ده ساکن
 اهل اسلامک طلب واصرار لرله مقام خلافتی اشغال ایده جک ووبیع مسکونده ساکن
 اسلامک مرجع دینیسی اوله جقدق .

شریف حسینک اخانتنه قربان اولان اقطار عربیه اسلام لرینک مظهر استقلال
 وحریت اولملرینه ایسه بوتون قلمزله دعاخوان اوله جق واونلرک درد واملارینی
 کندی درد واملر کی تلقی ایدرک نشئه و سرور لرندن حظ دو یاجمز .

اعاشه

کرک اردونک وکرک اردو منطقه سی داخلنده بولنان اهلینک اعاشه سی ایچون
 اتخاذا ایتدیکم ندایردن خاطر اتمده هیچ بحث اتمک بیله ایسته مدیکم بومباحثی تعلقی
 حسینله دردنجی اردونک تاریخ حربنه درج ایتمکی ترجیح ایتدیکم حالد سوریه
 وبالحاصله لبنان اهالیسنی قصداً آچلقدن اولدورمش اولدیغمه دائر حرب ائساننده
 علیهمده برچوق یالان حوادثلر نشر ایداش وبالحاصله ماندلشتام ، کتابنک پک مهم
 برقصانی بوکا حصر ایتمش اولدیغندن اک نازک حسیاتمی رنجیده ایدن بو ترویقاتی
 رد وجرح ایچون بوراده بعض حقایق ذکر ایتمکی مناسب کوردم .

سوریه یه کلدیکم زمان ۱۹۱۴ سنه سی موسم حصادی کچمش مستحصالر فضله
 حاصلاتی قسماً تجاره صاتمش وقسماده انبارلرینه قویمشلردی . اعشار حاصلاتی
 ایسه کاملاً اردواحتیاجاته تخصیص اولونمشدی . اوسنه سوریه نیک برکتلی سنهلردن بری
 اولدینی ایچون کرک اردونک وکرک اهلینک احتیاجانه کافی ذخیره موجود
 بولنیوردی .

شو قدر واره که جبل لبنان ايله فلسطينک استحصالاتی، اها لیس اداره کافي اولمادیغندن بورالره حوران و حمص و حما طرفلرندن ذخیره نقلی اقتضا ایدیلوردی. معلومدرکه صلح زمانلرنده داخلدن اجرا ایدیله جک نقلیات مزارقی خارجدن لبنان و فلسطين سواحله اجرا اولنان نقلیات مزارفنه فائق اولدیغندن علی العاده سنه لرده سوریه نك بواقسامی خارجدن ادخال اولنان ذخائر ايله اعاشه اولنور. حوران، حمص، حما و حلب کبی استحصال مرا کزینک فضلّه حاصلاتی بالعکس اخراجاته تخصیص ایدیلوردی. حزب ائساننده ایسه ادخالات و اخراجات بالطبع ممکن اوله مایه جغندن جبل لبنان ايله فلسطينک اعاشه سی ایچون مرا کز استحصالیه دن برجوق ذخائرک بورالره نقلی ضروری کورونیلوردی.

استحصال مرا کزینک اکثریتی سوریه ولایتیه تابع بولنیوردی. جبل لبنان اها لیسنک قحطدن تحفظ ایچون اشبو مرا کزدن کلیلی ذخیره مبیاعات و سوقیاتیه باشلامش اولملری سوریه ولایتی داخلنده فیثاک یوکسلمه سنی انتاج اتمش و بوتون سوریه نك الک غلبه لک شهری اولان شامده اتمکک فیثائی یوکسلمش ایدی. آتیا بوفیثاک دهها زیاده ترقی ایدم جکنی نظر دقته آلان مجلس اداره ولایت ۱۹۱۵ سنه سی کانون تانیسنه طوغری سوریه ولایتندن جبل لبنان و فلسطينه ذخیره اخراجاتی منع ایتیمکه قرار ویرمشدی. بوقراردن اها لیسک، لبنان و قدس متصرفلریله بیروت ولایتنک شکایتی اوزرینه خبر آلدیم.

ولایتلرک امور اداره ملکیه لرینه مداخله یی آرزو ایتیمه دیکمدن یالکیز بوقرارک پک فنا نتیجه لر ویره بیله جکنی و دیگر والیر و متصرفلره برلشهرک نوکا برچاره حل بولونمه سنی سوریه ولایتندن رجاء ایتدم. فقط کورییوردیمکه قرارکاهک بولندیقی قدس سائجانی اها لیسنک احتیاجاتی کوندن کونه آرتیور و جبل لبنانده ایسه احتیاجات دها شدید بدرجه یه واصل اولیوردی.

اساساً اخراجات ممنوعیتندن پک زیاده فائده کورولمیوردی. زیر قاقاقچیلر غایت ماهرانه تدابیره مراجعت ایدمک حورانندن لبنان و کرک سمنجاغندن قدسه حبوبات قاقیره بیلورلردی بناء علیه بورالرده ذخیره مک مقداری آز اولماقله برابر قاقاق اشیا اولمق اعتباریه فیثائی یوکسک بولنیوردی فیثات یوکسکدی دییورسه م هر حالده کیلوسی ایکی اوچ غروشی مجاوز ایتمیوردی. بو عرض ایتدیکم احوال ۱۹۱۵ سنه سی ایلک بهارینه قدر بویله جه دوام ایتمشدی.

علی العموم فلسطينده موسم حصاد نیشان نهایتنده باشلار. بناء علیه بوموسمه فلسطينک ذخائر مؤحود، واهالی احتیاجاتی مبدولاً تدارک ایدمیلیر. فقط حاصلاتک مقدار عمومی اها لی محلیه یی اتحقیدی سکیز آی اداره ایدمیلیر و اوندن صوکر خارجدن جلب ایتک مجبوریتنده درلر.

سوریه ولایتک موسم حصادی ایسه آنجق تموز ابتداسندن باشلار . بناء علیه سوریه ولایتی مجلس ادارهسی ولایت موسم حصادینک حولته قدر ممنوعیتی رفع ایتمکده اصرار ایدیوردی .

تام یسان اواسطنده هیچده بکله ده دیکیز بر فلاکت عظاما قارشوسنده قالدق . بونون سوریهی اویله مدھش بر چکرکه استیلا ایتیش ایدی که مایس ویا حزیران نہایتندہ علی العموم - سوریه داخلندہ یاراقلری چکرکه لر طرفندن ینہ مش بر آغاچ وبر چوق محلرده هنوز باشا قلاماش اولان حبوبات چکرکه لرک معروض حرص اشتهاسی اولمشدی . بوفلاکت طبیعیه بوتون امیدلری آلت اوست ایتیش وبوسنه یی ناصل کچیره - بیلہ جکمری دوشونمکه باشلامشدق . حلب واطنه ولایتلری اعشاریلہ فضلہ حاصلاتی اوصیرده بشقہ اردولرک احتیاجاتنه تخصیص ایدلمش اولدیغندن بوتون دردنجی اردو ایله سوریه و بیروت ولایتلری وجیل لبنان و قدس سنجاقلری و فضلہ اولہرق مدینہ و حوالیسینک اعاشه سی سوریه نک داخلی استحصالانہ مفتقر قالمشدی . اگر چکرکه بلاسنہ معروض قلاماش اولسه ایدک اتخاذ اولونہ جق تداییر مخصوصہ سایه سنندہ استهلاک مرکز لری نمتادیاً بسلہ مک امکاتی بلکہ بولہ جقدق . فقط حاصلات عمومیه سنہ سابقہ نک آنجق نصفی تجاوز ایدہ بیلوردی .

استانبولک امری موجبنجہ اعشار ایله اعشارک بر فضلہ سی اردو اعاشه سنہ منحصردی . یعنی حاصلات عمریه نک ربی اردو یه عائد بولنوردی . ویردیکم امرلر موجبنجہ بو اردو استحقاقی هر طرفده اردو انبارلرینہ قونولمغه باشلادی . وایلول نہایتہ قدر بو معامله اکمال اولوندی .

بر اجتماع عقد ایتیش اولان والیرلہ متصرفلر ایسه حاصلات عمومیه نک بویوک شهرلرلہ لبنان لیر آره سنندہ نہ صورتلہ تقسیم ایدلمسی مناسب اولہ جفنه دائر مقررات مخصوصہ اتخاذ ایتیشلردی . اولاً سوریه ولایتندن حبوبات اخراجی ممنوعیتی رفع اولونمشدی . ثانیاً والیرلر یکدیگرہ معاونت اساسی دائرہ سنندہ متخذ تداییرہ رعایت ایدیورلردی . فقط اساساً ذخیرہ مقدارینک احتیاجات عمومیه یه نظر آ نقصان اولمسی بوندایردن منتظر فوایدی تأمینہ مانع اولیوردی .

۱۹۱۵ موسم شتاسی اٹانسنده اردو انبارلرندن کرک شام و کرک بیروت و قدس بلدیہ لرینہ و کرک جبل لبنان متصرفلغنه و بالخاصہ مارونی بطریقہ له بالعموم مارونی کالیسالرینہ پک چوق معاونتدرده بولوندم . فقط بالفعل اعاشه اموریلہ هنوز اردو اشتغال ایتیموردی .

۱۹۱۶ سنہ سنک موسم حصادینک تقریبہ یعنی مذکور سنہ نک مارتہ قدر احوال بو صورتلہ دوام ایتدی . اوسنہ اعاشه عمومیه ایشنه اردونک مداخله سی مناسب تلقی ایتدم . و عمومی برتداییر اتخاذ ایتک اوزره سوریه و بیروت و حلب واطنه

والیرله جبل لبنان و قدس متصرفلرینی قدسده اردو قرارگاهنه دعوت ایتدم .
شام ، بیروت ، قدس ، حلب ، و اطنه کی بیوک شهرلرله جبل لبنان سنجاغی هایلیمی
اعاشه سندن تأمین ایچون برسنه ظرفنده نه مقدار ذخیره احتیاج اولدیغنی تخمین
وبوکا اردونک احتیاجنی ده علاوه ایتدک . مستحصل ولایتلرک حاصلات عمومیه سنی ده
تخمین ایدرک اگر اعشار ایله اعشارک ایکی مثلی ذخائر هر طرفده پشین پاره ویریلرک
مبایعه ایدیلرک اولورسه بوندن استحصال ایدیلرک مقدارک احتیاجات عمومیه
کافی کله جکنی آکلادق .

حاصلات مذکورنک مبایعه سی ایچون معاشلی مأمورلر استخدام ایتک پک
زیاده مشکلاتی و بعض سؤ استعمالاتی موجب اوله جغندن هر سنجاغک حاصلاتی
اهلیدن دولته تهید اولونه جق مقطوع بر فیات مقابلنده مبایعه ایدرک هر دورلو
مصارفی کنیدلرینه عاقل اولق اوزره یوزده بر مقدارتمتع مقابلنده شمندور استاسیونلر نه
عسکری منزل انبارلرینه تسلیم ایتک اوزره متعهدلر تدارکنی مناسب کوردک . بواساس
داره سنده برقرارنامه تنظیم و امضا ایتدک . بوتون بومبایعات ایچون مقتضی پاره
اوانس اوله رق اردو بودجه سندن نسویه اوله جق وارده منزل انبارلری طرفندن
بالاده عرض اولنان بویوک شهرلرله جبل لبنان متصرفلرینه تسلیم اوله جق ذخائرک
بدلی ولایت و سنجاقلر طرفندن پشیماً تأدیه ایدیلرک جکدی هر سنجاغ داخلنده مبایعه
اولونه جق ذخائرک فیاتی مذکور سنجاغ مجلس اداره لرینک مضبوطلرله تخمین
ایتدیررک تثبیت ایلدک . بومعامله غایت واسع معاملات حسابیه به عرض احتیاج
ایتدیکندن بونک اردو قرارگاهنده آریجه بر بورویه تودیغنی مناسب توردم و بحریه
محاسبه مدیری توفیق بکی بومعاملاتی تدویر ایتک اوزره « اردو مالیه مشاوری » نامیه
اردو قرارگاهنه جلب ایتدم . اوصیراده استانبولده داخلیه ناظری طلعت بکک ریاستی
آلتنده بر اعاشه تشکیلات عمومیه سی یالیشدی . اردو منطقه سنده احاذایدیلن بوتدایر
عمومیه نی داها اولجه مالیه و داخلیه نظارتلرینه عرض ایتش اولدیغندن طلعت بک
سوریه منطقه سی ایچون بوتداییری موافق بولش و مبایعانه مدار اولق اوزره سوریه به
ایکی یوز اللی یک لیرالق بر رأس المال تخصیص ایلشی .

ایشته بر رأس المال وارده بودجه سندن بوکا علاوه ایتدیکم دیگر بر قاچ یوزینک
لیرا ایله ایشه باشلادق . قدس ، کرک ، حوران ، شام ، حما سنجاقلری حاصلاتنک
مبایعه سی ایچون محلی تجارلرینک اک متشبثلرندن متعهدلر تدارک ایدرک بونلرله غایت
واضح و واسع شرائط داخلنده عقد مقاوله ایتدک .

زمان حصادی پک ارکن باشلایان قدس سنجاغنده بواصول پک سهولت
وسرعتله تطبیق اولوندی و آتیا اردو انبارلرینه کیره جک ذخائرک پک کیتلی اوله جغنی

بیاید یکمیدن مذکور انبارلرده نه قدر احتیاط ذخیره وارسنه کافه سی شام و بیروت شهرلریله جبل لبنان اهالیسینک اعاشه سی ایچون صرف ایتمکدن چکنمه شدم . اوسنه ایچون هر شینک غایت یوانده کیده چکی واهالینک محتکرلرلرلندن قور توله رق راحت بر نفس آله جقلری دوشونیور و بوندن پک نمون اولیوردم . فقط سوء طالعک سوریه و بالخاصه جبل لبنان و بیروت و قدس اهالیسی ایچون نه کی شامتلر حاضر لامقده اولدیغنی بیلمیورمشم .

اولا شریف حسینک حزران ابتداسنده اعلان عصیان ایتمسی اوزرینه مدینه ایله حمان آرمسنده کرک خط بوینده و کرک بحر احمر ساحلنده بوانسان عربان مشایخنک عاصی طرفی التزام ایتمه لری ایچون مشایخ مرقومه نی شامه و قدسه دعوت ایتمش ایدم . یو مشایخنک معتزلرنده بولان عربان ایله برابر تأمین اعاشه لری ایچون نه قدر ذخیره محتاج اوله جقلری کندیلرندن صوردم هر یرسنه آیده قاج و اغون بغدادی کوندر مک لازم کله چکنی تثبیت ایدتم . بوندره انکلیزلر طرفندن قیه سی برغر و شه ذخیره توزیع ایدلمکه باشلامش اولدیغنی خبر آلدیغم ایچون بزم طرفزدن دخی او فیات اوزرندن ذخیره ویرلمسی و اوست طرفنک حزینه دولته تأدیه اولونمسی استانبوله تکلیف ایدمک استحصال موافقت ایدتم .

ثانیاً ، ینه بو اختلالک تسکینی و ممکن اولورسه مکه اوزرینه بر حرکت سریعه بایله رق شریف حسینک احساسی ایچون مدینه یه بعض قوتلر کوندر مکه باشلامش اولدیغمدن بو قوتلرک اعاشه سی ایچونده اورایه فضله ذخیره کوندر مکه مجبور اولمشم . عینی زمانده مدینه ایله مکه آرمسنده کی عربانی ده دشمن طرفنه کچمکدن محافظه ایچون مدینه اردو انبارلرندن اوجوز فیاتله ذخیره صادر مرفی مناسب کرردم . ایشته بو تدایر اردو انبارلرنده کی احتیاط ذخیره مقداری توکتمکه باشلامش اولدیغنی کی بریاندن ده مارتده تخمین ایتدیکم اردو احتیاجاتی ترید ایتمشدی .

۱۹۱۶ حزراننده برهفته مدته اُسْن غایت صیجاق بر شرق روزکاری حوران، حمص، حما و حلب حبوباتنه حس اولنور درجه ده سوء تأثیرات اجرا ایتمش اولدیغندن بو حادثه سهاویده استحصالات یکوئی تنقص ایتمشدی .

مع هذا مبیاعاتی متعهدلر حواله ایتمش اولدیغم کرک، حوران، شام و حما سنجاقلریله بیوک شهرلرک اعاشه لریله اردو انبارلری طرفندن معاونت ایدلمکده دوام اولتیوردی . تام اوصرمده سوریه اهالیسی ارمسنده عثمانلی اوراق نقدیه سنک قیمتدن تاری اولدیغنه دائر مشئوم بر پرواغاند باشلادی . وبونک نتیجه سی اوله رق اوراق تعهدیه تنک قیمتی کوندن کونه دوشمکه باشلادی . اهالی ، صانه جقلری ذخیره فیاتنک مسکوک آقچه ایله تأدیه سی متعهدلر دن طلب ایدیورلردی . بوکا ایسه بالطبع امکان یوقدی . مع هذا متعهدلرک مبیاعات و تسلیماتی کمال اهمیته دوام ایدیور و حلب سنجاغنده ایسه

بومبايعات والى مصطفى عبدالحق بكك همت وفعاليتى سايه سنده امانه اداره اولنيوردي .
 نهايت شريف فيصلك شاه . كنديسنه طرفدار ايدنديكي برقاچ خائلك تأثيريله
 حوران سنجاغلك برناحيه سنده ، حاصلاتي متعهدلره صائماق بهانه سيله موضعي برقيام
 باش كوستردى . مدينه سوق ايتك اوزره احضار ايتديكم فقط موقه بر فكر
 مخصوص ايله حوران سنجاغى مركزي اولان درعا استاسيوننده اجتماع ايتديديكم
 قوه عسكريه يي بوقيامك تسكينه مأمور ايتديكم كي قيامك اسباب خفيه سنى تدقيق
 ايتك اوزره سوريه واليسى تحسین بكك محل وقعه يه عزيمتى رجا ايتدم .

اوصرده سوريه يي يكي كلمش واحوال محليه يي وشريف حسينك اختلا لندن
 متولد طاشقيناقلرك درجه سنى هوز آ كلايه مامش اولان تحسین بك قيامك اسبابي
 اوله رق اوتكى بريكي طرفندن ايلرى سوريه ن ژاندارم لرك ظلم واعتسافى رواياتي
 ودها سائر ترويراني عين حقيقت اوله رق تلقى ايتش ومتعهدلر واسطه سيله ارزاق
 تداركندن حوران سنجاغلك استثا ايدلمنى وشام شهرينك اعاشه سنى كنديسى درعه ده
 ايدم جكنى تكليف ايتش اولديغندن ، آنياً وسيله قيل وقال اولماق وبرمسؤل والينك
 تكليفنى رد ايتمه مش اولمق ايجون مطالباتي قبول ايتدم . فقط حوران سنجاغى حاصلاتك
 مبايعه سنى ايجون متعهدا صولندن صرف نظر ايديلوب ده كرك وحماسنجاقلر نه بواصولى ابقا
 ايتك مساوات قاعده سنه مغاير اوله جغندن بعدما قدس مقرراتي احكامي كاملا منفسخ
 اولمق وجبل لبنان و بيروت اهالي سى اعاشه سيله اردو قطعاً اشتغال اتمه مك اوزره
 متعهدلره منعقد مقاولاتي فسخ ايتش اولديغنى جواباً بيلديردم .

ايسته بي چاره جبل و بيروت اهاليسنك ميدأ فلاكتي بودر .

اردو طرفندن اهالينك اعاشه سنه قاريشيلمايه جغنى وعلاقه دار واليلره متصرفلرك
 بر داها اجتماع ايدرك بويابده اتخاذا تداير ايتلري لازم كله جكنى تعميمأ اشعار ايدنجه
 والى ومتصرفلر طوپلانهرق بعض چاره لر دوشونديلر . سوريه واليسى شامك اعاشه سنى
 ايجون حوراندن وشام مركز سنجاغندن مبايعات ياپه جغنى ، بيروت وجبل لبنان ايجون
 حما سنجاغلك حصص قضاسنى سربست راقه جغنى وكرك سنجاغنى قدسه تخصيص
 ايدم جكنى وعد ايتمشدى . فقط احتكاره پك زياده منه مك اولان مستحصل سائجاقلر
 اهالي سى اردونك تصديق اوزر لرلر دن قالقنجه ذخيره لر ني كاملا صاقلامشلا وآلتون
 آقجه بش وحتى اون غروش آلامد قجه صائماغه باشلامشلردى . بيروت وجبل لبنانى
 بر چوق تجار تدارك ايدم بيلدكلى وسائط نقليله ايله بورالره جلب ايتدكلى ذخاىرى
 صاؤن آلدق لرلر دن اوچ درت مثلى فضله برقيات ايله صاؤورلر وبوندن طولاي ذره
 قدر عذاب وجداني دويمورلردى ،

فى الحقيقه ده بوسنه نك مائس وحزيراننده باشلايان مشكلات اعاشه اغستوس

وایلولده وداها صوکرملری ایله فجیع بر شکل آلمشدی که اهایدن برچوقلری
غدا سزلقدن عادتاً اسکت حاله کملشردی .

بیروت والیسی عزمی بکله جبل لبنان متصرفی منیف بکک صرف ایتدکلمری
• بونجه مساعی قطعاً مفید اوله میوردی . بیروت والیسی فقرای اعاشه ایچون بیرونده
اهالی مطبخلری آچدیرمش و براده فقرایه مجاناً انک ویه جک توزیعنه چالشیوردی .
علی منیف بکده بر چوق ندیره توسل ایتشدی . فقط احتیاجک کثرتی قارشوسنده
حاصلاتک پک جزئی اولسی بو زوالیلری شاشیرتیوردی .

اهالی اعاشه سی ایچون اردو انبارلرندن معاونت ایتیه جکمی یازمش اولدیغم حالده
بالطبع اهاینک بو منظره سفیلانه سی قارشوسنده سیرجی قالمق ممکن اوله میه جفندن
اردو انبارلری طرفندن موجود نسبتده معاونت ایتمکدن کرم دورماپوردم . بوتون
دولت مکتبلریله بیروت آمریقان طلبه سنک و مهاجم دولتلر تبعه سندن بیرونده قالمش
اولان عائله لک ، بوتون مارونی و مذاهب سائر رؤسای روحانیه سنک و مأمورین
ملکیه نک و رسمی و خصوصی خسته خانه لک برر سنه لک اعاشه لری قسماً مجاناً و قسماً
اجرت مقابلنده کاملاً اردو انبارلرندن ویردم . بالخاصه مارونی بطریقیه اونک تحت حمایت سنده
بولنان دارالایتم و مؤسسات دینیه ایچون ۱۹۱۶ سنه سنده بلا بدل اوچوز بیک کیلو ذخیره
ویردیکم کی ۱۹۱۷ سنه سنده دخی کرک پاره و کرک ذخیره ایله معاونت ایتدم .

لکن بیروت و جبل لبنانک درت یوز بیکی تجاوز ایدن نفوس عمومی سنک اعاشه سی
ایچون بو معاونتله هیچ مثابه سنده ایدی . بن ایستیوردم که بوزوالیلر ایچون همه حال
خارجدن ، اسپانیا ویا آمریقا طرفندن بر معاونت مخصوصه ده بولونولسون . بونک ایچون
مارونی بطریق طرفندن پاپا حضر تلیسنه بر مکتوب یازدیره زق اسویچره سفیرمن
واسطه سیله پاپا به تقدیم ایتدیردم . آمریقان کلیسای مدیری دو قنور بلیس طرفندن
رئیس جمهور میستر ویلسونه رجایتدیردم . استانبوله دفعات عدیده ایله یازارق
اسپانیا قرالی ، آمریقا رئیس جمهوری ، پاپا حضر تلی و الحاصل هر کیم واسطه سیله
اولورسه اولسون بیروته خارجدن بش اون بیک طون ذخیره و برچوق اجزای طبیه
یتیشدیرلمزسه بی کنه اهاینک دوچار فلاکت اوله جقلری و آچلقدن وساری خسته
لقدن تولد ایدم جک مدھش و فیاتک اوکی آلمق نجه ممکن اوله میه جغنی بیلدیردم
بر آراق عادتاً استهزا قیلندن پک جزئی برشی قدس قواسنه توزیع اولتق اوزره
آمریقا سیه نستلی طرفندن یافیه کوندرلمشدی . بونلری کتیره نلر ایسه منحصر آ
قدسده سیوانستلک پرواغانداسی یایمق ایچون برچوق اوراق مطبوعه یی ده برابر کتیره مک
کی مناسبتر لکدن کرم دورما مشلردی .

وینه بر آراق ایکی بیک طون ذخیره نک آمریقا رئیس جمهوری و اسپانیا قرالی

طرفندن کوندرملک اوزره اولدیغی خبر آلمشوق . حتی واپورک اسکندییه کلدیکی ده بزه سوبله مشلردی . اوزمان ائتلاف دوللری ایشه مداخله ایتدیلر . بو ذخیره لر بیروته چیقار چیقماز ، بزم طرفزدن مصادره اولونورق اردویه تخصیص اولنور ایمش . بناء علیه کاملاً اهالی به صرف ایدیه جکی حقنده تأمینات آلمادقجه واپورک بیروته عزیزمته مساعدده ایدمه زلر مش . بر جوق مخبرات ده بو خصوصده جریان ایتدی . ونهایت تاریخی خاطر مدده قلامش اولان برزمانده بکا صور مشلردی که بو ذخیره لر بیروته کلدیکی حالده توزیع قومیسویننده پاپانک بیروت وکیل ایله بر ایکی آمریقالینک بولغاسنه مساعدده ایدرمیم ؟

جواباً دیدم که : « بو ذخیره لر بورایه کلسون ده توزیعائی ایچون ایسترلر سه کاملاً آمریقالی انکلیز و ایتالیانلردن مرکب بر هیئت تشکیل ایدرم و ایسترلر سه ائتلاف دوللری طرفندن مأمور آکوندر بیه جک بر ایکی ذاتی ده بو قومیسوینه داخل اولوق اوزره بیروته قبول ایدرم . الو بر که ذخیره لر بورایه کلسون و خلق آچلقدن قورتولسون . زیرا بونجه بی کنه وطندا شک آچاق وسفالتدن هر کون سواقلرده دوشوب دوشوب اولدیکنی کورمک کبی الیم و جانخراش بر منظره دن بیقدم اوصاندم . »

بوجوامده انور پاشا طرفندن آمریقا سفیری مېستر « الکوسه » نقل اولنشدی . فقط بونک ده تأثیری کورولمده دی . وبالعکس ائتلاف دونمائی بیروت ساحلنده کی آبلوقه بی تشدید ایدبیوردی . بیروت و لبنانک اعاشه سی ایچون یلکینلی کمیلرله وینه سوریه نک دیگر ساحلرندن ارزاق جلبنده توسل ایتدم . بو صورتله دشمن جاسوسلغبنده پک زیاده سهولت بخش ایتش اوله جغعی نظر دقته آلمادیغم حالده دشمن سفائن حربیه سی بو کیلری برر برر باطیر مقدن ذوق آلیوردی .

اوصرمده جبل لبنانک عین طور اماناسترنده بیک ارمنی چوجوغی استعابنه کافی بر ایتامخانه کشاد ایتدیردیکم کبی شامده ده بر چوق ارمنی یتیم وطول قادیلر نی وینه اردو طرفندن اعاشه ایدبیوردم . بوتون سوریه داخلنده کی أمورین دولتله عالهلر نی اردو انبارلرندن یادیغم معاوتلرله بسلیوردم . ذخیره مبیاعه سی ایچون قدس روم اورودوقس بطریقته دولت طرفندن یکر می بش بیک لیرا اقراض کبی مجاناً بر جوق بوغدایلر ویردم . قدسده کی یهودی وخرستیان ایتامخانه لر یه ، آمریقان قولونسی دنیلان و تقریباً ایکی یوز نفوسه بالغ اولان بر مذهب مخصوص سالکربنه ، قدس روس مناسترلر نده بولنان تارک دنیا قادیلرله ، حوران و کرک سنجاقلر نده اسکان ایدلمش اولان قادین ، ارکک وچوجوق ارمنی مهاجرلر یه و بالخاصه وینه مهاجرلرک یتیملری ایچون جلبده دو قنور آلتونیان افندیکن کریمه سی ایله بر آلمان شومستر طرفندن تأسیس اولنان ایکی ایتامخانه یه ، آناطولی شمندو فر خطی مأمورلر یه خلاصه احتیاج

وسفالتلری خبر آلدیغم ویا کوزمله کوردیکم اسلام وخرستیان بوتون انسانلره پارملی پارسه زچوق ذخیره ملوریدم . بونلرک هیچ بریسی رسمی وظیفه مک ایجاباتدن اولمی اعتباریه یامیوردم . چونکه بن اساساً اردو قوماندانی اولق اعتباریه اهالینک اعاشه سیله قطعاً وظیفه دار دکلم . فقط هر برنی جداً کندی شخصمدن زیاده سودیکم وطفنداشلریمک سفالت الیمه سنی کورمک بنم ایچون تحملسوز بر منظره اولق اعتباریه بعضاً اردویی بیله آچلق تهلیکه سنه معروض رافه رق بومعاونتلی یامیوردم . هر نه زمان بیروت ویا جبل لبنانه اینه جک اولورسه م برابرده آلتی یدی واغون ذخیره کوتوریوز ومراجعت ایدن فقرایه مجاناً توزیع ایدیوردم . حتی بر آراق ذخیره او درجه لرده کسب ندرت ایتدی که متفق وبی طرف قونسلو سلره بیله اردو انبارندن ارزاق اعطاسنه مجبور اولدم .

بالخاصه آمرقان کلیه سی ۹۱۷ و ۹۱۸ سنه لرنده ندریساتنه دوام ایده بیلیمش ایسه منحصر آ اردو انبارلرندن ویردیکم حیوانات وازراق سائر سایه سنده موفق اولمشدر . بیرونده بنم تشویقم ووالی عزمی بکک حمایه وفعالیتی سایه سنده کشاد وادامه ایدلمش اولان اعمالا تخانه لرده اوچ بیکی متجاوز کینج قیز وقادین چالیشیور و اردو انبارندن ویردیکم ذخیره لرله کونده بر اتمک و آبروجه یومیه آلیورلردی . بوتون بومصرفلر حکومت عثمانیه طرفندن اختیار اولتیوردی .

بو حقیقه تلری بیروت آمریقان کلیه سی مدیرلیله معلم لری ، مارونی بطریقله شام و قدس روم واورودوقس بطریق لری ، حرب عمومی ائساننده بیرونده بولنش اولان فرانسیز وایتالیان عائله لری ، بالعموم متفق وبی طرف قونسلوسلر انکار ایدمزلر وهر زمان ادای شهادتدن کری طورمازلر ظن ایده رم .

حقیقت بویه ایکن بنم سوریه خرسستیانلرینی بالخاصه جبل لبنان اهالیسنی قصداً آچلقدن اولدیرتمش اولدیغمی ادعا ایدم سفیر مورغنتاوا یله مانداشتامک نه قدر یوک بریالان ارتکاب ایتدکری ثابت اولور ظن ایدرم .

مانداشتامک کتابنک ۳۳۸ و ۳۳۹ نجی صحیفه لرده مندرج غزنه مقاله لری تماماً یالان و آلاچقجه اویدورولمش افترا لردن عبارتندر .

کندی شخصم ایچون بویه اولدینی کبی ۱۹۱۵ سنه سی نهایتنده سوزیه بی نفیسه کلش اولان انور پاشانک جبل لبنانه ذخیره کوندلمسنی منع ایش اولدیغنه دائر فقرده بالکلیه یالاندر . بن بوتون بالاده تعداد ایتدیکم مجانی معاونتلی سلسله مراتب اعتباریه آمرم اولان انور پاشادن استیذان ایتدکن واونک موافقتی استحصال ایلدکن سوکرا یادم . بناءً علیه بو معاونتلردن بکا براجر معنوی مقدر ایسه انور پاشانکده بو اجر معنوییه حق اشتراکی واردر .

جبل لبنان و بیروتده آچلقدن اولمش اولان ارکک ، قادین و چوققلردن دولای بکار معنوی و بال و مادی مسئولیت توجه ایتمه چکی کی بونک انور پاشایدهده قطعاً بر جهت تعلقی اولمایه حقدرد .

مسئولیت معنویه و وجدانیه اولامملکتی علمینه خاٹانه اختلال ایدرک سوریه نك اعاشه موازنه سنی و شرائط عمومیه سنی بر باد ایتمش اولان شریف حسین ایله اولادینه ثانیاً بیروته ، ایکی اوچ آیده بر اون بیک طون و یافه یه ینه بومدتلر ظرفنده یالکیز ایکی اوچ بیک طون ذخیره کوندرمه که مساعده ایتمه مش اولان ائتلاف دولترینه عائددر . اونده که مقصدلری پک اعلا آکلاشیلیوردی که ؛ اگر لبنان و بیروت اها لیسنی اعاشه جه تضییق ایده چک اولور لر سه بونلری اختلاله تشویق ایده بیلیرلر . وایسته بونک ایچونده عاصیلره التحاق ایدن بحر احمر سواحلی عرباننده هر درلو بیه چک ایچه چکی و سائر هر نوع اشیایی پک اوچوز فیثا لیرله و حتی بعضاً پارمیز اوله رق توزیع ایدیورلر . ولبنان لیرله دیمک ایتدیورلردی که . «مادمکه آچلقدن اولیور سکز . باری اختلال ایدیکزده تورکاری مملکتیکزدن طرد ایدیکز . او زمان سزه هر شیئی ویره چکیز . اختلال اٹناسنده بالطبع آچلقدن اولدیککیز قدر اولمز سکز ! »

فقط بو افیدیلر اونوتیوردیکه بنم اداره ایتدیکم مملکتلرده ویا هیچ اولمز سه ید قدرتمک یتیشه بیه چکی یرلرده قولای قولای اختلال ایدیه مز . بن سوریه ده آلی عصرلق بر سلطنتک ودرت بحق عضرلق بر خلافت معظمه نك حقوق حاکمیتی محافظه یه مأمور اولمش ، بومأموریتک تحمیل ایتدیکی مسئولیتلری مدرک اوله رق هر درلو تدابیره توسل ایلمه مشدم . نته کیم تافلسطین اردومزک بالکلیه اضمحلاننه قدر سوریه ده بالفعل اختلاله کیمسه جسارت ایده مه مشدر . بن لبنان و بیروت اها لیسنک اعاشه سنی تأمین ایچون بوتون موجودیمله تدابیر اتخاذ ایدرکن ائتلاف غزته لری بو اهالی یی اختلاله تشویق ایچون بیک دورلو وسائطه مراجعت ایدیورلر و بوجهلدن اوله رق بنم اهالی یی اولدریمک ایچون قصداً ذخیره ادخالاتی منع ایتدیکی سویلیورلردی . آچلق و تفاتک مسئولی نمی یم؟ دیه صور دیغم بطریقلر مانده لشتامک کتانبک ۳۵۴ ، ۲۵۵ ، ۳۵۶ نجی صحیفه لرنده مندرج مکتوبلرله جواب ویردیلر بوجوابلردن ائتلاف دولتری پک اعلا اکلا یه بیلیرلردی که بو بطریقلرک تمثیل ایتدکری صنوف اهالی اختلال قدرتی حائر دکلردر . زیرا او یله رقدتی کندیلرند کورسه لر فرانسه حقدمه کی تمایلاتی هیچ کیمسه نك مجهولی اولمایان مارونی بطریق بویه بر جواب یازمادی .

بن بوجوابلری سوریه و لبنانده آچلقدن اولن اولمادیغنی ادعا ایچون نشر ایتهدم اولابو اولومک مسئولی بن اولمادیغنی اثبات ایتک و ثانیاً ائتلاف قوماندانلرینه لبنان و سوریه نك اختلالنه پک نافله منتظر اولدقلرینی آکلامقی ایچون نشر ایتدیردم .

برایندن و مکتوبلری نشر ایتدیررکن بر طرفدن ده مارونی بطریق واسطه سیله
پاپا حضرت تلیسه و بیروت آمریقا کلیه سی مدیری ایله قدس آمریقا قونسلو سی
دوقتوره کتوره ده طرفلرندن آمریقا رئیس جمهوری مستر ویلسونه مراجعت
ایدرك بورالرده اهالینك سفالت واجلقدن اولدکارینی غایت آچیقلی برلسان ایله
ییلدیرمکدن کری دور میوردم .

بناءً علیه لبنان و بیروت اهالی نی آچلقدن اولدیرمش اولقله نی اتهامه قالدیشان
انسانلک بر قصده مخصوص ایله یالان سویله مکده اولدقارینی بردها تکرار ایدرك
بو بحثه نهایت وریبوردم .

اعمار مملکت

یونان — استانبولدن سوریه یه اثنای ورودمده پوزانطی ایله طرسوس واسکندرون
ایله حلب آره سنده کی یوللری نه قدر فنا بر حالده بولمش اولدیغی یوقازیده بالمنا سبه
عرض ایتیش ایدم . اوصرده سوریه یی آناتولی یه ربط ایدن نه بر شوسه نه ده بر
شمندوفر واردی . بغداد شمندوفر خطی الحق پوزانطی یه قدر کیدیور و آره ده تیش
سکسان کیلو متره لک بر فاصله بر اقدقن صوکر ا طرسوسدن باشلا یه رق عثمانیه یه
قدر بر قسم خط آطنه اووسنده ایشلیوردی . اوندن صوکر ا جبل برکت طاغری
آراسندن کچن تقریباً کیلو متره لک اقسام دردست انشا بولنیور و نهایت قاطمه دن
اعتباراً حلبه قدر اولان قسم ایشله یه بیلوردی .

پوزانطی — طرسوس شوسه سی پک چوق تعمیراته محتاج اولدی نی کبی عثمانیه دن
قاطمه یه قدر اولان یول همان همان عربیه مرورینه بیله مساعد دکلدی . بوندن
آکلاشیله بیلورکه سوریه ایله آناتولی آره سنده قره دن امین بر طریق مواصله یوقدی .
حالبوکه حلب عثمانیه اطنه طرسوس پوزانطی استقامتی سوریه ، بغداد و دیار بکر
حوالیسی آناتولی یه ربط ایدن یکانه طریق مواصله ایدی . پک اوزون و مشکل
اوله جفی ده ا مبدأ نه آکلاشلمش اولان بو عظیم سفر ایچون بو حال نه قدر الیم ونه
درجه لرد جالب نظر دقت ایدی .

بناءً علیه ده ا هنوز حلبده بولوندیغم اثناده پوزانطی — طرسوس شوسه سنک
مکملأ تعمیرینه اطنه والیسی اسماعیل حق بکی مأمور ایتدی کم کبی عثمانیه اصلاحیه

— قاطمه طریقتك اطنه ولايتى داخنة مصادف عثمانیه — اصلاحیه قسمتك انشاسنی ده
ینه مشارالیه و حلب ولايته مصادف اصلاحیه — قاطمه قسمتی حلب والیسی جلال
بکه حواله ایتشده. حلب — اسکندرون شوسه سنك تعمیرینه دخی والی مشارالیه
جلان بك حسب الوظيفه مأمور بولنیورلردی. ولایت سر مهندس لرینه معیتته کافی
درجه ده ضابطان و عمله طابورلری و یرمك و برجوق آلات و ادوات تدارك ایدرك
انشا آتی متادیا تعقیب ایتك و تأخر انشاآت ایچون هیچ بر معذرتی قبول ایتمك
ولزومی اولان پاره بی اردو بودجه سندن صرف ایلک سایه سنده سوریه و ورودمدن
سکر آی صو کره حلبدن قاطمه و اصلاحیه اوزرندن پوزنطی به قدر اوتوموبیل
ایله کیتمك امکانی حاصل اولمشدر .

ایشته بوسایه ده درکه ۱۹۱۵ سنه سی نهایتلرنده پوزانطی ایله طرسوس و عثمانیه
ایله اصلاحیه آرهمنده قامیون اوتوموبیل منزل پوستملری تأسیس ایتك و دردنچی،
آلتنجی و ایکنجی اردولره استانبولدن سوق اولنان نامتناهی جیخانه و هر نوع مالزومه نی
نقل ایده بیامك ممکن اولمشدر . بته بومدت ظرفنده حلب — اسکندرون شوسه سی
دخی بك کوزل تعمیر ایدیلرک هر موسمه اوتوموبیللرک مرورینه مساعد برحاله
کیتلمشدر .

سوریه به کلدیكم زمان سوریه آناتولی آرهمنده برخط مواصله بولونمادیغنی
کوردیكم کی سوریه ایله فلسطین آرهمنده دخی شوسه مواصله سی اولمادیغنی کمال
تأروحو حیرتله کورمشدم. بومواصله بالکیز شام — درعا — حیفه شمندوفینه انحصار ایدیور
بوخطدن اعتباراً قدسه وسینا چولنه طوغری هیچ بر طریق مواصله بولونموردی.
حالبوکه قتال سفری نظردقته آلیناه سیبله انکلیزلرک فلسطینه قارشو اجرا ایده جکلری
هرهانیکی برنجاوزه قارشو کرک عسکر و کرک مالزومه نقل ایده بیلمك ایچون بوايکی
قطعه آرهمنده غایت امین طرق مواصله بولماسی ایجاب ایدردی. اوزون اوزادی به
تدقیقات اجرا سندن صو کرا شام — قیطره — جسر نبات یعقوب — طبریه — ناصره — عنوله —
جنین — نابلس شوسه سیله عمان — سلطه — اریخا شوسه سنك انشاسنه قرار و یردم. اساساً
نابلس ایله قدس و اریخا ایله کذالك قدس آرهمنده اسکیدن انشا ایداش بر شوسه
موجود بولدیغندن بالاده عرض ایتدیكم ایکی طریق انشا اولنورسه بری شامه
و دیگرکی حجاز تیمور یولی اوزرنده کائن عمانه ایصال ایدن ایکی شوسه ایله بوتون
فلسطین منطقه سی سوریه منطقه سنه ربط ایداش اولوردی. بولردن برنجیسنك
طولی یوز یتیش و ایکنجیسنك طولی ده اللی بش کیلومتره ایدی. برنجی قتال
سفرنندن عودتمدن صو کرا فلسطین منطقه سی قوماندانغه تعیین ایتیش اولدیغم مرسینلی
جمال پاشا ایله کوروشه رک بویولرک انشاآت درعه ده ایتیمی کندیسندن رجا ایتدم.

یالکز شام - قنطره قسمی شامه پک یقین اولدیغندن بوقسمك انشا آتی ده سوریه والیسی خلوصی بکه حواله ایلهدم . اردوجه تدارك اولنان بر چوق آلات وادوات وینه اردوجه تخصیص اولنان عمله طابورلری سایه سنده ۱۹۱۵ سنه سی کتون اولنده بویوللر دخی هر نوع اوتوموبیلک مروزینه مساعد برحاله کتیرلمشلردرکه حتی ۱۹۱۶ سنه سی شباطنده سینا چولی نفتیشه کلش اولان انور پاشایی قدسدن عمانه قدر اوتوموبیل ايله سیاحت ایتدیرمشدم . کرک شام - قنطره - طبریه - ناصره - عفرله - جنین - نابلس - قدس یولی اوزرنده و کرک قدس - اریخه - سلط - عمان - شوسه سی اوزرنده هر نوع انبارلری وخسته خاهلری وعسکرله هیوانات استعمالنه کافی صو تأسیساتی حاوی منزل نقطه لری تأسیس ایتدم . منزللرک تشکیلات وترتیباتی انور پاشانک اوقدر خوشنه کیتمش ایدی که ۱۹۱۶ سنه سی ابتداسنده اجرا ایتدیکی نفتیشادن استانبوله عودتنده اوزمانه قدر دردنجی اردویه مربوط اولمایان و آریجه بر منزل مفتشی طرفندن اداره اولنان حلب - اضلاحیه - آطنه - بوزانطی خطنده دخی بویله مکمل منزل نقطه لری تأسیسی مذکور منزل مفتشکنه امر اتمشدی . فقط بونلرک موفق اوله مادقرینی کورونجه نهایت ۱۹۱۶ اغستوسندن صو کرا بومزل خطلرینی دخی بنم امریه ویرمشدی . پک آز زمان طرفنده بوخطلر اوزرنده اوقدر منتظم و هردورلو اسباب استراحتی حاوی منزل نقطه لری وجوده کتیرلمشدی که ۱۹۱۷ سنه سی ابتدالرنده وینه سینا جهه سنده کلش اولان انور پاشا لطیفه طرزنده « شیمدی ده بو منزل نقطه لری لزومندن فضله مکمل اولمش دیه جکم، دیمشدی .

یول خصوصنده اک بویوک همت ومساعی بی چولده کوسترمشدم . اولا قدسی چوله ربط ایدن هیچ بر یول موجود دکلدی . یالکز قدسندن خلیل الرحمنه قدر اوتوز بش کیلو متره طولنده کی شوسه دن بشقه بوحوالیده یول یوقدی . بناءً علیه خلیل الرحمندن اعتباراً بئرالسبعه قدر مکمل شوسه وجوده کتیرلمسنی قدس منزل مفتشی میرالای روشن بکه تودیع ایتدم . الی بش کیلو متره طولنده بولنان بو شوسه اولا ایکی آی طرفنده عربیه و بینک اوتوموبیلرینک مروزینه مساعد برحاله کتیرلیدی . سکرنجی آی نهایتنده ایسه هر نوع یوک اوتوموبیللری شوسه اوزرندن کچه بیلوردی .

برنجی قنال سفرندن عودتدمدن صو کرا ایکنجی قنال سفری ایچونده کذلک وسطندن کچن خطی اساس منزل خطی اوله رق قوللانغنی قرارلاشیرمشدم . کرچه انکلیزر قنالدن فاسطینه کلیرکن شمندوفرلرینی ساحل قسمنده انشا ایتشلر سده اولنرله بزم شرائطمز مساوی دکلدی . اولنر دائماً دونمالرینک معاونتندن مستفید اولمق

ایستورلر و اونك سایه‌سنده خطری هر دورلو مجاوزدن امین بولنیوردی .
بز ایسه بالخاصه بو دونمادن قور تولوق ایچون اساس منزل خطری عیزی و شمندوفریمزی
چولك و سسطندن کچیرمك مجبوریتده ایدك : بناءً علیه منزل استقامتی اوله رق
بئر السبع - الحفیر - القصیمه - بئر حسانا - جفجافه اوزرندن اسماعیله طوغری
ایلروله بن خطی قبول ایتشدم .

اول امرده بوا - تقامت اوزرنده منزل نقطه لرینی انتخاب ایتدم . بو منزل نقطه لرینی
یکدیگرینه ربط ایتمك اوزره شوشه لرك انشا آتیه باشلام . بئر السبعدن اعتباراً
بئر حسانیه قدر یوزاللی کیلومتره طولنده بولنان بوشوشه نك انشا آتیه ۱۹۱۵ سنه سی
مارتنده باشلانیه لر ۱۹۱۶ سنه سی شباطنده کاملاً اتمام ایدلمش اولدیغنی عرض
ایدك اولورسم چولده چالیشان ضابطان ایله مهندس لرك و بالعموم عمله طابورلری
افرادینك مساعی جانسپارانیه سی نظرلرده در عقب تعین ایدر .

۱۹۱۶ سنه سی شباطندن سوکره انشا آت جفجافه قدر ایلروله مش و اوسنه نك
اواسطنده ایکینجی الحیرا نقطه سنه قدر وارمی مأمول بولونمش ایدی که بو نقطه دن
قناله اولان مسافه انجق اوتوز کیلومترده عبارت بولنیوردی .
بو شوشه اوزرنده دخی هر یکرمی بش اوتوز کیلومترده بر ، بر منزل نقطه سی
تأسیس اولونمشدی .

هر منزل نقطه سنك تأسیساتی شونلردی :

۱ — منزل نقطه قوماندانلی ؛

۲ — منزل انبارلری ؛

۳ — منزل خسته خانه لری

۴ — افراد و حیوانات ایچون صو تأسیساتی

میانینك کاهه سی کار کیردن انشا اولونیورلردی . صو تأسیساتی برر آرتیه زینه
قویوسیه مونور دائره سندن و صو خزینه لرندن و افراد و حیواناتك سرعتله صو
ایچمیلرینه مساعد ترتیبات مخصوصه دن عبارتدی .

بالخاصه چولك مبدئ اولان بئر السبعده یادیرمش اولدیغم مبانی و اوراده وجوده
کتیرلمش اولان عمومی باغچه لر ، اورمانچیلر ، اون فابریقه لری ، زراعت تجربه
نارالاری کی تأسیسات عمرانیه جداً کورولمکه لایق شیللردی .

اوقدنرکه بئر السبعده الکتریک تنویراتی بیله یاپلمش موجود منزل فابریقه لری
الکتریک قوتیه ایشله دلمش ایدی .

الحفیر ، القصیمه و سائره کی نقطه لرك هر برنده دخی مکمل کار کیر بنالر ، انشا

اولنیش، چیچک و سبزه باغچه‌لری آتیا اورمان یتشدریمک اوزه اغاج میوه لنگلری وجوده کتیرلمشدی.

یافه‌ده‌کی «ریشون لوس‌یون» یهودی زراعت مکتبی معلم‌لرندن اولان زراعت مشاوری ایله مذکور مکتب مآذون‌لرندن اولوب مشاورک معیتنه ویراش اولان برچوق یهودی زراعت مأمورلری بو خصوصده پک بویوک همتلر صرف ایدیورلردی. الحفیردن اعتباراً العریشه دوعری‌ده بر شعبه منزل خطی تأسیس اولونمش و بو خط اوزرنده‌کی منزل‌لرده دخی عینی تأسیسات وجوده کتیرلمشدی.

خلاصه ۱۹۱۶ سنه‌سی شباط‌نده سینا چولنی تفتیش ایتش اولان انور پاشایی بوتون معیتنده کی ذوات ایله برابر تاب‌اثر الحسانایه قدر اوتوموبیللر ایله کوتوردیکم زمان چولک بودرجه‌لرده تبدیل شکل ایده‌جکینه هیچ اهتمال ویره‌مه‌ش اولدیغنی سویله‌مشدی. چول منزل مفتشی ارکان حریبه‌میرالایی بهجت بکده معیتنده بوانان بالعموم ضابطان و مهندس‌لره عسکر و عمله‌یه برسنه قدر پک قیصه‌بر زمانده سینا چول‌لنده وجوده کتیره بیلدکاری بو تأسیسات عمرانیه‌دن دولایی الی‌الابد منتدار قالدجیم. کرچه شریف حسین ایله اولادلرینک غیر مأمول بر زمانده واقع اولان اخلاالی بوتون بو شوسه‌لرله منزل تأسیساتندن استفاده‌مزه مانع اولمش ایسه‌ده هر حالده ایی سوق و اداره ایداش تورک همتک نه‌قدر بویوک اثرلر وجوده کتیره بیله‌جکی حق‌نده اک بلیغ واک مخلصه‌رر مثال تشکیل ایتدکاری ایچون بومساعیلرینی بی فائده تلقی ایتمه‌لرینی و بوندن صوکرک تورک وطنک اعمار و احیاسی وظیفه‌سنی‌ده عینی اهتمام و غیرتله ایفا ایله‌مه‌لرینی بهجت بکده رفقاسندن رجا ایده‌رم.

دردنجی اردو منطقه‌سنده یکیدن یاپیلش و مکمللاً تعمیر ایدلش اولدقلرینی بالاده عرض ایتدیکم یوللردن بشقه قدس - یافه - وشام بیروت شوسه‌لری دخی ۱۹۱۶ سنه‌سی ظرفنده مکمللاً تعمیر ایدلشلردی.

بالاخره غزه - برالسبع جهه‌سی تحصیل ایدنجه بوندن صوکرک فلسطین داخلنده پک اوزون سورمه‌جک بر سپر محاربه‌سی دوره‌سنک باشلایه‌جغنی تقدیر ایدرک سوریه ایله فلسطین آراسنده‌کی طرق مواصله‌نک تزییدینه لزوم کورمشم. ۱۹۱۷ سنه‌سی اواسطنده ریاقدن اعتباراً بقاع اووه‌سنه کچه‌رک شریعه وادیسینی و حوله کولی ساحلی تعقیباً «جسرنات یعقوب» قدر شوسه ایله درعا استاسیون‌لندن باشلایه‌رق عجلون قضایی مرکزندن شریعه وادیسنه عموداً بر شوسه‌نک انشاسنی، آرتق شمعدوفر انشا‌تیه برکونا علاقه‌سی قالماش اولان، مایسنر پاشایه تودیع ایتشم. بویولرک اتمامنه ووفق اولامادن سوریدن مفارقت ایتدیکمی تأسفله تکراره مجبورم.

یکیدن انشا ایتدیردیکم یوللارله تعمیر ایتدیردیکم یوللارک طولی حق‌نده بر فکر

ویره بیلیمک ایچون آتییه برجدول درج ایدیورم . بوتون بو انشآت و تعمیرات یالکیز بر بحق سنه ظرفنده یالیشدر .

کیلو متره

۱۷۰	۱ — شام — قنطره — جسر بنات یعقوب — طبریه — ناصره — عفرله [مجدد]
۵۵	۲ — عمان — اریخه [مجدد]
۵۵	۳ — خلیل الرحمن — بئر السبع [مجدد]
۱۸۰	۴ — بئر السبع — خطیر العوجه — بئر الحسانا — جفجافه [مجدد]
۶۲	۵ — قدس — یافه [تعمیرات]
۱۱۲	۶ — شام — بیروت »
۲۰	۷ — زخله — بعلبک »
۱۱	۸ — ریاق — بیروت شوسه سی [مجدد]
۷۸	۹ — بوزانطی — طرسوس [تعمیرات]
۱۲۰	۱۰ — عثمانیه — اینتلی — اصلاحیه — راجو — قاطمه [تعمیراً و مجدداً]
۱۴۰	۱۱ — حلب — اسکندرون
۱۰۰۳	

شمندوفرلر :

ایلیک دفعه اوله رق شامه کلدیکم زمان انور پاشادان بر تلغرافنامه آلمشدم . حجاز تیمور یولنک سیاستیا نقطه سندن آریله رق یافیه و ده ایلریله طوغری بر شمندوفر خطی انشاسی خصوصنده تدقیقات یایمق اوزره بغداد خطی انشآت سر مهندس لرندن مایسنر پاشایی بنم معیتمه کوندرمش اولدیغنی بیلدیریوردی . مایسنر پاشایی ده بغداد والیکم زمانندن بری طانیرم . اساساً حجاز تیمور یولنک سر مهندس لکنی ایفا ایتمش اولان پاشا بوتون تورکیه ده محبت و حرمت عامه نی قازانمش بر ذات ایدی . بن بغداد والیسی بولندیغم صرعه مایسنر پاشاده بغداد خطنک بغداد — موصل شعبه سنک انشآت سر مهندس لکنه تعیین ایدلمش و اورایه کلمشدی . بش آلتی آی قدر بغدادده برابر بولتمش اولدیغمزدن طولایی آرامزده کی رابطه عادانا دوستلق درجه سنه وارمشدی . بو انتخابک اصابتی بیان ایدرک انور پاشایه تشکر ایتدم . مایسنر پاشا خطنک طولی و استقامت انشاسی حقنده اردونک نقطه نظرینی صورتدی . اول امرده یافه — قدس خطنی حجاز تیمور یولنه ربط ایتمکدن بشقه برشی آرزو ایتهدیکمی و بالاخره بوتون آرزولری بی بیان ایده جکمی سویلهدم . بوقیصه مکالمه دن صوکر کاذرگاه انتخابنه کیتمش اولان پاشا اون تون صوکر اعودت

ایتدی و عفوله - نابلس شمندوفرینک سباستیا استاسیونی یاقینده انتخاب ایتدیکی بر نقطه دن اعتباراً اولاً عربیه صوکرآ جنوبه طوغری انشا ایدجکی خطی رمله استاسیوننده یافه - قدس خطنه ایصال ایدجکی سویله دی . کذرکاه حقنده مطابق قالدق . و شرائط انشائییه ایله پاره مسائلندهده مطابق قالدق دن صوکرآ کندیسینه صلاحیت کامله و بره رک ایشه باشلامسنی رجا ایتدم .

برنجی قنال سفرندن عودتمدهده شمندوفر خطنک یوللر فصلنده عرض ایتدیکم استقامت اوزرندن قناله دوغری تمیدینه قرار ویردیکمدن ینه مایسنر پاشا ایله کوروشهرک خطک رمله دن صوکرآ تل الشریعه اوزرندن برالسبعه واورادن الحفیر - القصیمه - برالحسانایه طوغری تمید ایدلمسی آرزوسنده بولوندیغی سویله دم .

۱۹۱۴ سنه سی کانون اولنده مسعودیه نقطه سندن اعتباراً انشا آتیه باشلائش اولان شمندوفر خطی ۱۹۱۵ سنه سی، نیساننده سکسانجی کیلومترده کائن رمله یه و اوسنه نک ایلولندهده یوزیمشجی کیلومترده کائن برالسبعه مواصلت ایتدی . و رمله ایله قدس آره سنده کی قرق کیلومتره طولنده بولنان و اساسا برتره عرضنده اولان اسکی خط برتره بش سانتیمتره عرضه ابلاغ اولونه رق قدسله شام آره سنده طوغری بدن طوغری یه شمندوفر مواصله سی تأسیس ایدلمش اولدی . دیمک اولیورکه اون آی ظرفنده ایکی یوز اون کیلومتره ک طار خط انشا اولونمش بولنیوردی .

برالسبعدن صوکرآ شمندوفر خطی چول داخلنده انشا ایدلمکه باشلانلدی . ۱۹۱۵ ایلولنده برالسبعدن ایلیرییه طوغری باشلایان خط ۱۹۱۶ شباطی ابدالرنده آسلاج استاسیوننه و برقاچ آی صوکرآ الحفیر استاسیوننه و برمدت صوکرده قصیمه استاسیوننه و اصل اولدی که غایت فنا شرائط آلتنده بولنان برچول داخلنده سکیز آی ظرفنده یوزاللی کیلومتره ک بر شمندوفر خطی انشا ایدلمشدر دیمک اولور . حالبوکه بوشمندوفر خطنک ایلر و سنده آلتش یتش کیلومتره مسافیه قدر برده قویل خطی ایشیلور و عین زمانده الحفیر دن العریشه طوغری ده قرق کیلومتره طولنده ایکنجی برده قویل شعبه سی بولنیوردی .

بواساس خطلردن بشقه منحصرأ خطک ایشلمته امورینه عاڈ اولقی اوزره بعض شعبه خطلریده یاللمشدری . بوشعبه خطلری که ورسزالکدن طولابی قولانمغه مجبر اولدیغمز اودونی تدارک ایتک اوزره اورمانلره طوغری انشا ایتدیردیکمز خطلر رکه بولردن ایتدیکمز استفاده جدأ پک مهم ایدی .

غزه - برالسبع خطنه الینندن اعتباراً غزه نک کریلرینه طوغری قرق کیلومتره طولنده دیگر برشعبه خطی ده انشا ایتدیردم که بوندن بالخاصه جهیه جیخانه و ارزاق نقلیاتنده پک مهم استفاده لر تأمین ایتدم .

بناءً عليه بوتون سفر اثناسنده سوریه و فلیسطنده دردنجی اردو طرفندن انشا
ایتدیرلمش اولان تیمور یوللرینک طول عمومی بشیوز کیلومتره یی تجاوز ایدر بالطبع
طوروس طاغلری ایله جبل برکت طاغلری ارسنده بغداد شمندوفر قومانیه سنک
وجوده کتیردیکی تیمور یوللرینک انشا آتنده اردونک هیچ برحق شرقی موجود
دکدر . مایسنر یاشا ایله معاونی حیدر بکه و دیگر تیمور یولی مهندس لر یله بونلرده
عله طابورلری ضابطان و افرادینه دخی پک بویوک برحس شکران ایله روحاً صربو طم .

شهرک اعماری

سوریه ده بولندیغم اوچ سنه لک زمان طرفنده اک زیاده حربک و آسایش
داخلینک ایجاب ایتدیردیکی خصوصات ایله اشتغاله مجبور اولدیغمدن شهرک
اعماری ایچون آرزو ایتدیگم قدر زمان وامک صرف ایده مه دم . مع هذا بو
اوچ سنه طرفنده بللی باشلی شهرلرده یاییلمی لازم کلن اعماراتک پروژه لر یی مکمل
احضار ایتدیرمش اولدیغمدن صلحک عودتیه برابر بو پروژه لریک تطبیقی مقرر دی .
۱۹۱۵ سنه سی طرفنده یافده کشاد ایتدیردیگم اوتوز بش متره عرضنده و سکن
یوز متره طولنده کی بولوارله بئراسبعده یاییلان عمومی بفتحلر و سائر انور باشانک
نظردقتی جلب ایتش اولدیغندن اوصرده استانبوله کلش اولان اسویجهرلی پروفیسور
چورخه ر [*] اسمنده کی مشهور بر معماری بنم معیتمه کوندزمش دی .

پروفیسور چورخه ر ۱۹۱۶ سنه سی بدایتلرنده اردو قرارگاهنه کلدی . کندیسیمه
برابر قدس شهرنده کی مبانی جسمه عتیقه یی دولاشندیغمز صرده ویردیکی ایضاحات
و درمیان ایتدیکی مطالعات پک زیاده نظردقتی جلب ایتدی . اگر فلسطین و سوریه
شهرلرینک اعماری و مبانی عتیقه سنک تعمیر و احیاسی وظیفه سی کندیسیمه تودیع
ایده جک اولورسم پک مکمل نتایج الله ایده جکمز قانع اولدم .

بناءً علیه کندیسیمه حربک نهایتنه قدر دردنجی اردو قوماندانلی انشاآت مدیر

[*] پروفیسور چورخه رمبادی تحصیلنی زور یخده اکمال ایتدکنصو کرا درسد ، برلین ،
پارس و فلورانسده آقاده میلرنده دخی اکمال تحصیل ایتشدی . آلمانیا امپراطورینک روماده
تأسیس ایتدیکی صنایع نفیسه اقاده میسی مدیریتمه تعین ایدلمش و مذکور اقاده می پروفیسورک
پلانلری اوزرینه آنک نظارتی آتنده یاییلمی . بوندن بشقه ایتالیا لک مختلف شهرلرینک برچوق
پارقلری ، باغچلری ، چشمه لری و سائرهمی پروفیسور چورخه رک پلانلریتمه توفیقاً یاییلمشدر .
خلاصه چورخه ر جدأ بر صنعتکاردر .]

عموميلكىنى قبول ايدىرسە مەنۇن قالەجىمى سويلەدىم و عمومى فيكرلارمى كەندىسە
ايضاح ايتىم . تەكلىفمى قبول ايتدى .

بوذاڭ بىرسەنە طرفىدە احضار ايتدىكى پروژەلەر اوقۇر نەفەس شىلەردەكە بوپروژەلەر
تەطبق ايدىلەمەسى صنایع نەفەس نەقە نەظر نەدن جەدأ موجب تأسفەر .
پروژەلەر شونلاردىر :

قدس :

(۱) — مسجد اقصى انشا آتەك مەكەلەت سەبەقىنى بىر باد ايدىن بەض مەحدث علاولەك
رەقى ايلە مەكەلە طاش دىوارلەرىنە يەكەرىمى سەنە اول اورولش اولان
بادانەلەك رەقى ؛

(۲) — قدس ايچ قلەئەسەك بىر مەلى موزە حالە افرانچى ايچون حال سەبەقىدە تەمىرى ؛

(۳) — قدس ايچ قلەئەسى اتەلەندە كەئن عەرسە يە بردارە حەكومەلە اوفاق بىر سەرى
انشاسى و قلەئە دىوارلەرىنە مەصل بىر « تەراس » و جودە كەتەلمى .

(۴) — قدس شەرى داخەلەندە كەئن اولوب شەركە هواسىنى اخلال ايدىن بويوك
« يەكە » نەك قورودىلەرق مەكەلە هال حالە افرانچى ؛

(۵) — قدسك « باب الەهودى » خارچەندەكى مەيدانە خەندەكلەكەك حال قەدىمە ارچامى .

شام :

(۱) — شام ايچ قلەئەسەكەك حال حاضرىنەك خرابىدن وقايەسى و داخلى مەيدانەك
بىر عمومى باغچە حالە افرانچى ، خارچى خەندەكلەرىنەك احياسى .

(۲) — شامە نەم طرفەدن وىرىلان امىر اوزرىنە ويلبوشە وىچ اسەندە بىر يەودى
مەندەسى طرفەدن انشا اولنان قورق بىش مەترە عەرضەندە و آلتى يوز اللى مەترە
طولەندەكى بولوارەك جەرچە چايرەغە طوغرى تەمدىدى ايلە مەكەلە چايرەغەك
پەك مەكەلە بىر پارچە حالە افرانچى ؛

(۳) — بولوار اوزرىنە انشاسى مەصور مشىرىت دائرەسى ايلە بىر بانقە بىر حمام ،
ور اوتەك ، و عدلىە ، پوستە و تلغراف و بلىدە كەى دوائر رسمىنەك پەك
مەكەلە پلانلارى ؛

(۴) — بارق داخلنده یاپیله جق چشمه لر ، شلاله لر ، تهراسلر والاصل بر مکمل بارق ایچون لزومی اوله جق بوتون تفرعانک پروژهلری ؛

بیروت :

- (۱) — بیروت شهری لیماندن طوغریدن طوغری به حکومت قوناغی اوکنه چیقاییلمک ایچون پک معظم بر مردیون
- (۲) — رأس بیرونده انشا اولونه جق بر سرای ؛
- (۳) — پوسته و تلغراف بناسی ؛

حلب :

- (۱) — حلب ایچ قلعه سنک خرابیدن وقایه سی ایله بعض مرتبه احیاسی ایچون مکمل بر پروژه ،
- (۲) — حلب حکومت قوناغی ؛
- (۳) — حلب پوسته و تلغرافخانه سی ؛

بوتون بو پروژهلر ، پک نفیس ایکی آلبوم تشکیل ایدر و الیوم بحریه نظارتی معماری ارکان حربیه میرالای جواد بک معرفتیه بحریه نظارتنده محفوظدر .

پروفیسور چورخهر سوریه عائد بو پروژهلردن بشقه استانبولده بحریه نظارتی موزمسی انخاد اولونمق اوزره دائره بحریه دور اولنان روم ایلی حصارینک اهمیت قدیمه سنه قطعاً خلل ویرمه یه جک صورتده طرفدن مأمور ایدلمش و بو پک مهم ایشله غایت اهمیتلی بر صورتده اشتغاله باشلامشدی . استانبولده عدلیه نظارتنک غربنه تصادف ایدن یانغین محللارنده ایکی بیک یاتاقلق بر اوتل انشاسی حقنده حاضر لامقده اولدینی پروژهنک ایلمک نه تودلرینی کوردیکم زمان « کوزل پاتخمز بر کون کله جک بویله مکمل براولنه عجیباً مالک اوله جقمی ؟ » دیه درین تأثرلره دوشدم . چورخهر هنوز بو پلانیا اکیال ایدمه دن ، وطن فلاکت مغلوبتله آلت اوست اولدی .

بو قیمتلی معماره استانبول شهرینک یکیدن انشاسی پروژهلرینی یاپدیره مامیش اولدیغمه جدا متأثرم .

شامده یابدیردیغم بولوار ظن ایدیورمکه شیمدی به قدر شرق شهرلرنده امثالی کورولمه مش درجه لرده کوزل برشی اولمشدی .

بیرونده والی عزیمی بکک وپارس سفارتی باش کابی بیررتلی آلفرد سرق بکک همترلله غایت مکمل برپارق وقلوب وغازینو انشا ایدلشدرکه بز بوانشا آتی منحصرأ بعض ارباب صنعته واسطه معیشت تدارکی مقصدیله وجوده کتیرمشدک .

شامده ، قدسده ، بیرونده ، لبنانده و حلبده واصل بوتون سوریه شهرلرنده هر یوعدن نه قدر ارباب صنعت وارسه بونلری کاملاً حایه ایتدم وکندیله یی قطعه لره ویا شهرلره کوندر مکدنسه حلبده ، شامده ، قدسده و بئرا السبعده تأسیس ایتدیردیکم برچوق اردو فابریقه لرله دستکاهلرنده استخدام ایدرک هم اردونک تکمیل احتیاجاتی بونلر واسطه سیله تدارک ایتدم همده ارباب صنعتی وقایه ایله دم . بونلره یومیه دخی ورمش اولدیغی سوسیلسم سوریه ارباب صنعتک نه قدر مستقنا معامله لر کوردیکی آکلاشمش اولور .

تورک قادیانلغک مدار افیخاری تلقی ایتدیکم خالده ادیب خام افندیکنک همت مخصوصه بی سایه سنده بیرونده « دیرالناصرات » نامی ویریلان فرانسه ااث مکتبی بناسنده احیا ایتدیکمز لیلی ااث سلطانیسی ودارالمعلماتی ایله بیروت و شام وجبل لبنانده تأسیس ایتدیکمز لیلی ونهاری ااث ابتدائی مکتبلری اوقدر بیوک بررغبته مظهر اولملاردی که حتی بعض عائله لر آمریقان ااث مکتبنده کی چوجوقلرینی اورادن آله رق بومکتبلره ویرمکه باشلامشلاردی .

اوج درت بیك کنسج قیز وقادینک دوام ایتدیکی بیروت دارالصنایعلرینی یوقاریده ذکر ایتدیکم ایچون بوراده بونلری تکرار ایتک ایسته میورم .

بیك ارمنی چوجونی ایچون عین طوراً مناسرتنده آچدیغم دارالایتام حقیقی برمکتبدن بشقه برشی دکلدی . اورایه کلدکلری زمان هربری اولومه محکوم برچهره سفالات عرض ایدن یتیملر پک آز بر زمان ظرفنده مکمل غذا وکوزل بر اصول نداوی ایله اکتساب قوت وعافیت ایتشلر و آتیا مملکتک ایشنه یارایه جق بر عنصر حالی آلغه باشلامشلاردی .

سوریه ده حرب عمومی اثناسنده وجوده کتیریلان مکتبلر میاننده بقاع اووه سنده کی فرانسه زه زوویت زراعت مکتبنده تأسیس اولنان لیلی ومکمل برزراعت مکتبی ده ذکر ایتک لازم کلیر . « تغایل زراعت مکتبی » نامی آلان بومکتب صرف بنم تشبثاتم سایه سنده تأسیس اولنش وبرآلمان مدیرینک تحت اداره سنه ویریلان مکتب آز زمان ظرفنده پک بیوک ثمرلر ویرمکه باشلامشدی . سوریه و بیروتک ال بیوک عائله لری چوجوقلرینی بومکتبه قبول ایتدیره بیلیمک ایچون عادتا رجا ومتلرده بونیلرلردی .

حلب شهرنده اچيلمش اولان مکمل بردارالمعلاتی ده بومؤسسات علمیه به علاوه ایده جک اولورسوق پک آز برزمان ظرفنده سوریه ده تاسیس ایدلمش اولان اساسلی مکتبلرک مقداری حقه ده بر فکر ایدینلمش اولور .

بالخاصه قدسده پک واسع بر پروغرامه توفیقاً کشاد اولنان « صلاح الدین ایوبی مدرسه کلیه سی » عالم اسلام ایچون فوق الحد مفید ثمرلر ویره جک مؤسسات علمیه میاننده اراثة اولونه ییلیر .

سوریه ده وجوده کتیردیکم وسائط عمرانیه میاننده بحرلوط سیرسفاث اندازه سنی ده تعداد ایتیمکه حقم وارد ر ظن ایدرم . بر چوق سنه لر غیر ممکن تلقی ایدیلان بواشی ۱۹۱۶ سنه سی ابتدالرنده تصور ایتدم و مذکور سنه نك صوگ بهاری ابتدالرنده موفق اولدم . بحر لوطده درت بش موتوروبوط طرفندن جر ایدیلان بر چوق بیوک ماونه لر ویدکنلی کیلر هر کون کولک شرق ساحلندن غرب ساحلنه لاقول یوز یوز الی طون ارزاق واشیا نقلی تأمین ایدیورلردی .

بوموتوروبوطرله ماونه لر وکیلری یافه وحیفادن شمندوفرله قدسه کتیرتمش واورادن ترتیبات مخصوصه بی حاوی اوزون عربلر اوزرنده قرق کیلومتره طولنده کی و پک میلی برشوسه دن بحرلوطه نقل ایتدیرمش اولدیقمی عرض ایده جک اولورسوم تشبثک اهمیتی نظرلرده تعین ایدر .

آز برزمان ظرفنده بحرلوط ساحلنده بر تعمیرات فابریقه سیله سیرسفاث ضابطان ومأمورلرینک کمیجیلرله حامللرک اقامتنه مخصوص کارگیر بنالر وکیلرک تعمیر و قالاتلانسی ایچون قیزاقلر وسائرده دن مرکب اوفق بر ترسانه وجوده کتیرلمشدی . بو تأسیسات اردونک اوقدر ایشنه یارامشدیکه بالاخره قدسک سقوطیه بحرلوط انکیلزلرک آلنه دوشدیکي زمان استانبوله حلب ایتیمک ایسته دیکم ضابطان ومرتبات سائر نك طبریه کولنده دخی عینی تأسیساتی وجوده کتیرمک اوزره سوریه ده ابقاسنی لیان فون ساندرس پاشا رجا ایتیمش و طرفندن موافقت اولونمشدی . بحر لوطده سیرسفاث خدمتک تأسیسی خصوصنده اک بیوک همت قدس منزل مفتشی میرالای روشن بک طرفندن صرف اولونمش و اورایه مأمور استانبولدن حلب اولنان بحریه امرا وضابطاننکده شایان تقید غیرت وفداکارلقلری کورولمشدر .

سوریه نك اعماری خصوصنده دردنچی اردونک صرف ایتدیکي همتلر میاننده لتبانی دره سنک تصحیح مجراسیله بو دره نك بقاع اووه سنده وجوده کتیردیکي مضرتلرک ازاله سی هوله بطاقلنک تبیس و شریعه وادیسنک اک منبت و محصولدار قسمی اولان یسان اووه سنک اروا واسقاسی عملیالنرینک اجرایی ایچون بر آلمان صو مهندس معرقله اجراسنه باشلانمش اولان تدقیقات فنییه یی ده ذکر ایده ییلیرم .

وقتیه قونیه اوووسنك اروا واسقاسی عملیاتی اداره ایتش اولان بو مهندس آلمان احتیاط بیکباشیلرندن موسیو « بوتنر » در . بو ایشلر ایچون معیتمه بر مهندس کوندرلسنی رجا ایتدیکم آلمانیا حکومتی مومی الیهی بالانتخاب دردنجی اردویه مأمور ایتش و طرفدن هان ایشه باشلادیرلمشدر . بن سوریهده بولندیغم مدتجه ایشلر پک منتظم و سرعتله جریان ایدیوردی . فقط بن ایرلدقدن صوکرآ خبر آلدیغمه کوره اردو بو ایش ایچون پارا ویرمه مکه باشلامش اولدیغندن بر نتیجه قطعییه اقراران ممکن اولاماشدر ظن ایدرم .

اردونك استخدام ایتدیکی متخصصلردن بری ده برلین آثار عتیقه موزه سی مدیری پروفسور ویغاندر . آثار عتیقه طالمنده سومیتهلردن معدود اولان بو ذات ۱۹۱۶ سنه سی آغستوسنده فلسطین جهه سنده بولنان بر آلمان مفرزه سی ایچون بعض اشیا و سائر سوئی مأموریتی ایله سوریه یه کلمشدی . کندیسيله بر مدت کوروشدکدن صوکرآ بوراده پک زیاده ایشمه یارایاجغنی آکلایه رق بنم معیتمه مأمور ایدلسنی استانبولده کی هیئت اصلاحیه ریاستندن رجا ایتدم . رجای قبول ایتدیلر . پروفسور ویغاندر « دردنجی اردو آثار عتیقه مشاوری » عنوانیه معیتمه داخل اولدی . بو ذات سوریه و فلسطینك آثار عتیقه سی حقنده برچوق تدقیقاتده بولوندی . و بو تدقیقات نتیجه سنده بر « آثار عتیقه آلبومی » وجوده کتیردی که بالاخره اردودن ویردیکم پاره ایله بو آلبوم آلمانیاده طبع ایدلدی . بوندن بر قاچ آی اول موقع انتشاره وضع اولنان آلبوم آوروپا عالم عرفاننده پک زیاده حسن قبوله مظهر اولدی . و برچوق غزته لر آلبوم حقنده تقدیر آمیز مقاله لر یازدیلر .

دردنجی اردو قوماندانغم ائسابنده بکا معاونت مخصوصده بولنش اولان آوروپالی علما میاننده هایدلبرغ دارالفنونی معلملردن پروفسور « زالتس » یده یاد ایتک مجبوریتنده ایم . دنوز اوتوز درت یاشنده ایکن هایدلبرغ دارالفنونی طرفندن کرسی تدریسه لایق کورولمش اولان بو کنج عالم آوستریا احتیاط ملازمکی ایله استانبولده آوستریا مرخصلی معیتمده بولنیوردی . آتیا تشبث ایتک نیتنده بولندیغمز بر چوق انشآت ایشلری ایچون بویله بر ذاته محتاج اوله جغمزی تقدیر ایتش اولان « اردو انشآت مشاوری » پروفسور چورخهر ، پروفسور زالتسکده معیتمه آلیمنسنی بکا تکلیف ایتشدی . مراجعتی آوستریا عسکری مرخصلی اسعاف ایتدی . و پروفسور زالتس ۱۹۱۷ سنه سی ایلولنده معیتمه ویرلدی . بر چوق خصوصانده رأیندن استفاده ایتدیکم پروفسور زالتس بالاخره آناتولینك استعماری حقنده پک منتظم و مفصل برلایحه احضارینه مأمور ایتدم . حاضر لادینی لایحه ی بکا ویرمه وقت بولامادن بن ترك وطنه مجبور اولدیغم ایچون پروفسورك

لایحه‌سی هنوز او قویا مادم ایسه ده یقین زمانه زواللی مملکت مزده حال سکونک
عودتنده بولایحه لر دن پک بیوک استفاده لر ایده جکمه شبهه ایتیورم .

حربدن صوکر ا سوریه و فلسطینه یاپلیسی لازم کلن علمی ، عمرانی ، زراعی
تأسیسات نافعینه تدقیق و مفصل لایحه لر و پروژه لر احضاری و برطرفندنه بونلرک
بر اوفق نمونه لرینک ارائه سی خصوصنده بکا معاوننده بولونمش اولان پروفیسور
چورخهر ، پروفیسور ویغاند ، پروفیسور زالتس و مهندس بوتنهر کی اجنبی ارباب
کالنه عرض شکران ایتکی کندم ایچون بروجیه ذمت تلقی ایدرم . وهله علمای
ذکوریمزک هیچ برنده کورم دیکم بر جرأت فوق العاده ایله سوریه کله رک اوراده
درت مکمل اناث مکتبی تأسیس ایتک و عین طورا ارمنی دارالایتمانی الک مکمل
بر مؤسسه حاله قویق کی خدمات کزیده اراز ایتش اولان خالده ادیب خاتم افندی
حقنده کی متدار لغم ابدی اوله جقدر .

خاطر اتمک بوفصلنده در میان ایتدیکم خصوصات آره سنده یالکز برشی اونوتشم .
حلب شهرینه اساله اولنان « عین تل » صوبی ظن ایدرسه م اهمیت تقدیر ایدلیه جک
برشیئی دکدر . حلبده اهلینک ایجه بیله جکی صویک پک آز و پک فنا اولدیغی ۱۹۱۵
سنه سی نهایتلرنده ظهور ایدن تیفو خسته لنی اثناسنده اکلامشدم . در عقب اردو
بودجه سندن اون بش بیك لیرا افزاز ایدرک حلبده درت بچق کیلو متره مسافه ده
کائن « عین تل » منبع صوینک شهره اساله سی تصور ایتدم . چولده کی صوتأسیساتی
پک مکمل صورتده وجوده کتیرمش اولان مهندس « شوماخهر » ی بوایشه مأمور
ایتدم . موسیو شوماخهر عن اصل حیفا آلمان قولونیمی اهلینسنددر . چولده کی
خدمات فوق العاده سندن طولانی کندیسنه متشکر اولدیغم بو ذات پک زیاده صرف
همت ایدرک عین تل منبع صولرینی حلب شهرینه اساله موقوف اولدی . ظن ایدرسه م
حلبلیلر کندیلرینه یاپدیغم بو خدمتی هیچ بر زمان اونوتامازلر .

بوفصلده تعداد ایتدیکم خصوصات مطالعات عنیده قییلندن شیر دکل کوزله
کوریله بیله جک مادی شیرلردر . بناء علیه بونلری کوردکدن صوکر ا بنم سوریه یی
تخریب ، اهلینسی قصداً اولومه محکوم ایتدیکمدن بحث ایتکه قالقیشمق هر حاله
پک آلچهجه برافترانی اختیار ایتکدن باشقه برشی اوله ماز .

ارمنی مسئله‌سی

تاریخچه بر فاجعه صهیفہ

بزارمنیلری وعلی الخصوص اونلرک اختلاجیلرینی روملردن بلغارلردن دها زیاده سهوہ ز . چونکہ اونلردیکرایکی عنصردن دهازیاده مرد وقهرماندلر . ایکی بوزایلیک بیلمزلر . دوستقلرینه صادق، دشمنقلرینه قویدرلر . خصوصیلہ بزم ایمانز واردرکہ ارمنی عنصریلہ تورک عنصری آره‌سندہ کی خصوصیتک باشلوجه سببی روسیه سیاستیدر . اختلاف دین یعنی مسلمانلق وخرستیانلق مسئله‌سی بوندن آلمش یتش سنہ اولیسنه ودها طوغریسی ۷۸ - ۱۸۷۷ عثمانلی - روس سفرندن بش اون سنہ اولیسنه قدر بوایکی عنصر آره‌سندہ قطعاً موضوع بحث دکلدی . آناتولیده، روم ایلیده واستانبولده خلاصہ بوتون ممالک عثمانیہ ده ارمنیلرله تورکرلر آره‌سندہ اوقدر بویوک برحسن امتزاج واردی که تاریخ عثمانی اوزمانه کلنجہ یه قدر الک اوافق برارمنی مسئله‌سی بیلہ قیدایتمه مشدر .

مناسبات خصوصیه لرنده تورکرله ارمنیلر آره‌سندہ کی مودت هر دورلو حدودی تجاوز ایدردی . آناتولی کویلرنده ساکن برتورک برای تجارت اوزاق بریرہ کیده چکی زمان عائلہ سنک حقوق وناموسنی قومشوسی ارمنینک تحت نظارت و وصایتنه تودیع ایدر وارمنی ده عینی اعتمادی تورک قومشولرینه قارشو ابرازدن چکینمزدی .

نه آناتولیده ، نه روم ایلیده نه ده حتی استانبولده هیچ برارمنی یوقیدی که ارمنیجہ بیلسون . بوتون مکتبلرده ارمنی حروفاتیله تورکجه اوقودیلور وکلیه -الرده آیین روحانی تورکجه اجرا اولونوردی . دولتک الک مهم مناصبنه ارمنیلر ترفیع ایدلمش ، خلاصہ ارمنیلر بودولت عثمانیه نک الک صادق تبعه‌سی تلقی ایدلمشدی .

عثمانیلر کردستان بکلرینی دائرہ مطاوعتلرینه آلدقلری زمان اونلرک زیراداره لرنده یاشایان ارمنیلرک برحکومت مستقله لری یوقدی . ارمنیلر کوردبکلرینک اداره‌سی آلتنده اولدقجه محسوس برتضییقه معروض بولنیورلردی .

سفير مورغنتاؤ نه دیرسه دیسون، تاریخک شهادتلرینی انکارایتمکه نه قدر چالیشیرسه چالیشسون پروغرا ملرنده کی عدالت و تسامح الک سریع بر صورتده اتساع وتشکلرینه یکنه مدار اولان ایلیک عثمانیلردن کوردکلری معامله رفق و مروت ارمنیلری تورکرله قارشو منتدار بیراقش و بش عصرلق بر مدت ظریده فتنر ارمنی - تورک

اختلافی کورولمه دیک کبی تورکک لسانیه تکلم ایتمه ین ، تورکک عاداتی معتادایدیغنه ین هیچ برارمنی قالمامشدی .

فاتح سلطان محمد خان استانبولی فتح ایتدیکی زمان ناصلکه هیچ برتضیق خارجی نتیجه سی اولمایه رق صرف کندی تمایلات اصرارانه سی تأثیریه روم بطریقخانه سی ابقا وروملره امتیازات مذهبییه نامی آلتنده برچوق حقوق خصوصیه بخش ایتش ایسه آناتولینک ایچ طرفلرنده عناصر اسلامیه آره سنده پک عاجز راقلیت حانده یاشامقده اولان ارمنی عنضربنک حقوق و منافعی دهاییقندن محافظه ایده یلمک ایچون طوغریدن طوغری به پایتخت سلطنتده برارمنی بطریقخانه سی تأسیس ایتش ارمنیلرده روملره بخش ایتدیکی حقوق و امتیازات خصوصیه یی احسان ایلمشدر .

تاریخده عثمانلی حسیات مروتکارانه سی اثبات ایده جک بر حادثیه تصادف ایتدکری زمان بونی در عقب دیناً نجس تلقی ایدیلان خرستیان اموریه اشتغاله تنزل ایتمه مک مقصدینه حمل ایتمکدن اوتانمایان بعض آوروپالی مورخلری تقلیداً معهود ماندلشتام دخی کتابنک ۱۹۰ نجی صحیفه سنده عینی مطالعاتی در میان ایدیور .

اوروپاده « اقلیتک حقوقی » دنیلان نظریه دن ذره قدر اثر بولونمادینی بر زمانده ده ۱۶۶۲ سنه میلادی سنده برعثمانلی پادشاهی دوره سلطنت وعظمتنک الک یوکسک نقطه سنده بولندیغی صروده استانبول روم بطریقخانه سی ابقا وروملره مذهبی امتیازات نامی آلتنده نکاحه ، وراثته و تدریساته متعلق برچوق حقوق خصوصیه بخش ایدیور ، آناتولیده کورد دره بکترینک تحت نفوذنده یاشامقده اولان خرستیان ملت ایچون ده پایتختنده بر بطریقخانه تأسیس ایله یور واونلرده عینی حقوق وامتیازاتی ویریورده بومعامله بوکون ماندلشتام کبی بر طاقم حیاسز انسانلر طرفندن اسلامک خرستیانلره عائد امور ایله اشتغاله تنزل ایتمه سی حسیاتنه حمل ایدلمکدن چکینلمه یور . بونه قدر بویوک برانصافسر لقدر .

عجبا اون بشنجی عصرده ابوبوک عثمانلی پادشاهنک بخش ایتدیکی بوامتیاز بوکون آمریکا رئیس جمهور ی ویلسونک جهان مدنیتنه قبول ایتدیرمک یسته دیک « اقلیتک محافظه حقوقی » پرئسینک الک یوکسک ر نمونه سندن باشقه برشمیدر ؟ اوستریا ملرله عقد اولنان « سن ژرمن » مهادده نامه سنه درج اولنوبده رومانیا و یوغو اسلاو حکومتلری طرفندن قبول ایدلمک ایسته نیله ین بو پرئسب عجبا ممالک عثمانیه ده کی خرستیان اقلیتلری ایچون حضرت فاتحک بخش ایتدیکی امتیازات و حقوق خصوصیه درجه سنده واضح و واسعمیدر ؟

ارمنیلر آنجق بو امتیازات مذهبییه سایه سنده دینلری و ملیتلری محافظه ایده یلدکارنی پک اعلا بیلور و بونک ایچون کورد دره بکلرندن کوردکری بعض

تضییقاته قارشو تورکار و باخصوص توزک حکومتی ایله پک صمیمی برحیات مودتکارانه ادامه ایدیورلردی. ارمنیلرک اون طقوزنجی عصردن اولدخی کوردستانده دره بکلرندن شویله مظلوم و بویله اشکنجه لر چکمه کده اولدق لرینی زار زه سکی و سائره کبی بر طاقم محررلرک اثرلرندن فقره لر آله رق اثبات ایتمه کده چالیشان موسیو ماندلشتام فرانسر اختلال کیرینه قدر آوروپاده خلقک چکدیکی مظاننی عجباً تخطراتمک ایسته میورمی ؟ اوزاغه کیتمه کده حاجت یوق صوک روس اختلالنه قدر موثرقلرک روسیه ده کی حیاتی ارمنیلرک تورکیه ده کی حیاتندن دهامی مرفه ایدی ؟ اوتانمدهن شیمیدی ده کندیسنی روس اختلال اخیرینک اک حار مروجلرندن کوسترمکه چالیشان مانده لشتام روس کویلو سنک یقین زمانه قدر روسیه ده دره بکلرندن چکدیکی مظالمه دائر اولان روس اختلال اثرلرینی عجباً بزم اوقومامش اولدیغیمیزی ظن ایدیور ؟ اگر بو اثرلرک مبالغه لی اولدیغنی ادعا ایتک جرآنه قیام ایدرسه بز ماندلشتامک یالان سویله دیکنی بلا پروا ادعا ایدرز ..

بناء علیه یننه تکرار ایدرز که تا ۱۸۵۳ - ۵۵ قریم سفرندن صوکره به قدر ارمنیلرله تورکار پک مودتکارانه بر صورتده برلکده یاشامش لر و تورکار طرفندن ارمنیلره قارشو هیچ بر تجاوز وقوع بولما مشدر .

وقتا که روسلر بویوک بر انهماک و حرص استیلا ایله تورک ایمراطورلنی اوزربنه صولت ایتمه کده باشلادیلر ، تأمین موفقیتلری ایچون روم ایلی و آناطولیده کی خرستیان عناصرینی آلت اتحاد ایتمه کی پک عاقلانه برسیاست تلقی ایتدیلر و روم ایلنده صره سیله رومهن ، روم ، صرب و بولغار عناصرینی قوللاندق لری کبی آناطولیده ده کورجیلردن صوکره ارمنیلری استخدای مناسب کوردیلر . غریبدرکه ماندلشتام کتابنک ۳۰۰ نجی صفحه سنده مستبد روسیه نک تورکیه ده کی خرستیان ملت لرینی تورک استبدادن قورتارمق خصوصنده کی مساعیسنک روس اختلالی حکومتی طرفندن تمامیه تصویب ایدیه ککنی سویله دکدن صوکره « کندیسنی پک شدید بر استبداد آلتنده یاشایان موثریک دائما روملری ، بولغارلری ، صربلری اسارتدن قورتارمق مقصدیه حرب ایتمشدر . » ادعا سنده بولونیور . بو خرستیاناغنده شهیه ایتدیگمز موسقوف یازیحیسی دینی تعصبی هر دورلو تخمینک فوقنده اولان موثرینی کندی کوبنده دها زیاده اسیر یاشامغه راضی ایتک ایچون « مسلمانک الدن خرستیانی قورتاراجقسک ! » نداسندن دها موثر نه تصور ایده یلوردی ؟ بولر هب بوتون دنیانک نفرت ایدرک قورقدینی مشهور موسقوف سیاستیدرکه چارقله برابر محو اولوب کیتمش اولسنی بوتون عالم انسانیتک سکون و استراحتی نامنه تمی ایتمکدن کندیمیزی آلاماز .

شوراسنی ده اعتراف ایتک لازم کلیرکه اون طقوزنجی عصرک واسطنده اوروپاده

ارتق کرکی کبی انکشاف ایتمکه باشلایان ملیت جریانلری برای تحصیل و تجارت اوروپا و آمریقایه کیتمش اولان ارمنی کنجبارینک ایقاظ فکرینه ومنسوب اولدقلری عنصرك دهـا مرفه بر حیات خصوصیه و دهـا شخصی و متبازل بر حیات اجتماعیه و سیاسیه مالکیتی آرزو ایدهـجك بر ذهنیت ایدیلرینه سبب اولمشدی .

ایشته بو ذهنیت روس دیپلوماتلری ایچون غیر مترقب بر نعمت کبی تلقی اولونمش اوزماندن اعتباراً تورکیا داخلندهکی ارمنیلرك دولت علیهـه اختلافی تأمین ایچون اللرندن کلن هر شیئی یاپمقدن کری دورمامشلردر .

بر ایکی عصرلق سؤ ادارهـنك تولید ایتدیکی عسکری و اداری آنارشیلری بر طرف ایتك و دولتی بر طریق انتظام و مکملیه قویق ایچون اك رادیقال تدبیرلره مراجعت ایتمکه قرار ویرمش اولان سلطان محمود خان ثانی اون طقوزنجی عصر بدایتلرنده استانبولده یکی چریلری احـا ایتدیکی کبی روم ایلی و آناتولیده بولنان درهـ بکلرینك دخی طرف طرف کسر نفوذینه بدل همت ایتش ایدی . بونلر میاننده کوردستان درهـ بکلریده اولدقجهـ شدید ضربهـلره معروض قالمشلردی .

فقط زوالی سلطان محمود بر طرفدن مملکتی داخلأ اصلاح ایتك ایسترنک دیگر طرفدن بوتون تشکیلاتی موسقف پاتختندن اداره اولنان نهـ یتهل نهـ یریانك متمادی افساداتی یوزندن آياقلامش اولان روحلری تسکین ایدهـ بیلمك ایچون بیک دردهـ دوچار اولمش ونهایت فرانسز وانکلیز وروسلرك تجاوازاننه معروض قالدق ناوارینده دوتمانسی کاملاً ضایع ایتدکن صوکر ا روم استقلالنی طانیغهـ مجبور اولمشدی .

ونهایت ینهـ فرانسزلرك تشویقیله علیهـه قیام ایدن مصر والیسی محمد علی پاشا عثمانلی تاج تختنهـ کوز قویاجق قدر شاشقینقلر کوسترمش ونا کوناهییهـ قدر عثمانلی ملکینی استیلایهـ موفق اولمشدی .

بو قدر مشکلات داخلیهـ وخارجیهـ معروض اولان بردوانك یالکیز ارمنیلری دکل بوتون تبعهـنی نائل رفاه وسعادت ایدهـجك تدابیر صائبیهـ توسل ایدهـ بیلهـجکـنه کیم احتمال ویرر ؟

سلطان عبدالمجید زماننده ایسهـ ارمنیلر اوپله فوق العاده امتیازاته نائل اولدیلرکه بونی حتی ماندلشتم سیله کمال حیرتله ذکر ایدیور . مومی الیهـ اثرینك ۱۹۰ نجی تحیفهـ سنده شویله سـیلور : « حتی ارمنی ملتی ۱۸۶۳ سنهـ سنده برحققی قانون اساسی به مظهر اولدی . بو قانون اساسی موجبـهـه ارمنیلر استانبول پطریقخانهـ سنده اجتماع ایتك اوزره بر مجلس عمومی به مالک اولدیلر . مجلس عمومی ۱۴۰ اعضادن ترک ایدیور و بونلرك یوز یکر میسی طوغریدن طوغری به ملت طرفدن انتخاب اولونیوردی . »

عجبا رئیس ویلسون اقلیتك حقوقی ایچون بوندن دها نافذ بر اصول گشفتنه
مقدر میدر ؟

ارمنیلره بوقانون اساسی بی حکومت عثمانیه خارجدن هیچ برتضییقه دوچار
اولمادن بخش ایتشدیر. ارمنیلرک اوزمانه قدر ابراز ایتدکلی حسیات صادقانه دولتی
اوقدر نمون ایتشدی که « ارمنی ملت صادقہ سی » ایچون یکی بردورہ سعادت کشاد
ایده بیلجک برماہیتده بولنان بوقانون اساسی بی بخش ایتدکه بر آن تردداہمه مشدی.
مع هذا بوقانون اساسی ده روسلرک ارمنی ایشنه مداخلہ لری ایچون بر وسیلہ
خصوصہ تشکیل ایتشدی.

ارمنی اختلاجیلرندن بعضلری ده ۱۸۵۳ عثمانلی-روس سفری اثناسنده روسلره
معاونتده بولونمشلردی. ایشته دها اوزمان باشلامش اولان تماسی روسلر هیچ
ضایع ایتده مشلر وارمنی اختلاجیلرینی تشویقندن کری دورمامش-لردی. تشویقات
تأثیراتی اوقدر چابوق کوسترمشدی که ارمنی ملتہ قانون اساسینک تاریخ احسانندن
هنوز درت سنہ کچمش اولدینی برزمانده ۱۸۶۷ ده زیتونده ایلک ارمنی اختلالی
ظہور ایتشدی. بالطبع بوغیر مأمول قیام مسلح دولتی ده، تورک لری ده درین درین
دوشوندرمکه باشلادی. باخصوص ۷۸-۱۸۷۷ عثمانلی روس سفری اثناسنده روسیه
ارمنیلرله اناطولی ارمنیلرینک عثمانلی اردوسنه قارشی کوستردکلی مشکلات هر دورلو
تصورک فوقہ حقیقہ مشدی.

اوصردہ ارمنی بطریق « نرسس » افندیکن آیاستفانوسه کیدرک ارمنیلرک نائل
مختاریت اولملری ایچون روسیه چارینک حمایه ومعاونتنی طلب ایتدی ارمنیلرک اوزمانه
قدر مظهر اولدق لری « ملت صادقہ » شهرتی بالکلیه ازاله ایتشدی.

بولغار استقلالنی تأمین ایتدکدن صوکرآ ارتق دولت علیہنک امور داخلہ سنہ
مداخله ایچون بروسیله بوله مایه جغنی دوشونمش اولان روس سیاستی آیاستفانوس
معاهده سنہ ارمنیلر حققدہ بر ماده مخصوصه علاوه ایتدیرمک صورتیلہ بوامکانی الہ
ایتمک ایستہ مشدی.

عینی ماده - فقط دها باشقہ برشکلده - بر این معاهده نامہ سنہ ادخال اولوندی.
ایشته اوزماندن اعتباراً ارمنی ایلہ کورد وتورک آرہ ندہ پک شدید برحس مخالفت
باش کوستردی.

اک بیوک شهرلردن اک کوچوک کویلره وارنجیه قدر بوتون ممالک عثمانیه داخلندہ
ارمنی اختلال قومیتہ لری طرفندن پک منتظم تشکیلات خفیہ وجودہ کتیرلدی.
بوتشکیلات خفیہ ارمنیلری کورد وتورکرک علیہنہ مہادیآ زهر لیورلر و شرقی آناطولیہ ده کی
آلتی ولایتدن مرکب برارمنی ایالت متمازہ سی تشکیل ایتده کجه ارمنیلرک راحت

دور ماملرینی تأمینہ چالشیورلردی . بالطبع ارمنیلرک بوتشبات اختلالیه سی نه تورک ونهده کورد عنصرلرنجه نهدہ حکومت عثمانیه حه مجهول قاله میوردی . ارمنیلرک مقصدی کندیسنه عددآ پک چوق فائق اولان کورد وتورکی کندی تحت اداره سنه ویره جک صورتده برازنستان وجوده کتیرمک اولدیغنه کوره تورکو کوردکاملی ده بوارمنی آرزوسنک عدم حصولی تأمینہ معطوف اولمق ایجاب ایدیوردی . دها طوغرییی تورک وکورد اناطولینک خالص تورک وکورد اولان عظیم بر قسمنک ارمنیلک وسبله سیله روسیه طرفندن استیلا ایدمک ایسته نیلدیکی پک اعلا آکلایور وپندن طولانی ارمنی روسلر طرفندن کندی مملکتنه صالیورلمش بریلان تلقی ایتمکه مجبور اولیوردی .

اوتده ریده ظهور ایدن واک طاشغین ارمنیلر طرفندن وجوده کتیریلان بعض طغانلری نظر دقته آلاان اوروپادولتلیری ینه روسیه نک تصدیق تحتندہ ۱۸۸۰ تاریخندہ باب عالی یه ارمنی اصلاحاتنه دائر برنوطه ویرمشلردی . اوصره لرده برطرفندہ بولغارلر شرقی روم ایلی یی بولغارستانه الحاقه تشبث ایتشلردی . اساساً روسلر ارمنی مسئله سنی دائماً تورکیه نک خارجی ویا داخلی پک مهم مسئله ایله مشغول اولدیغی صرهدہ ایلری سورولر .

عبدالحمید ثانی اوزمانلر بومسئله یی شویله بویله اداره ایدرک بعض مواعید ایله ایلی یانیشدیرمشدی . فقط ۱۸۹۴ دن ۱۸۹۶ یه قدر دوام ایدن سنه لر ارمنی اختیار لیلرینک بالفعل ایشه باشلادقلری وهر طرفدن آز چوق اختلاللر وجوده کتیردکلری سنه لر در . ایشته بوارمنی اختلاللری بش آلتی عصر طرفندہ پک بویوک بر محبت متقابله ایله بر آرده یاشامش اولان اوچ عنصری یکدیگرینک قاننه صوصا مشجعه سنه یکدیگری علمیه آتیمغه سوق ایتش و آناطولی یی وحقی استانبولی آل قانلره بویامش ایدی . شوراسنی مانداشتام کی الکشدید تورک دشمنلری ییله انکار ایدمه یورلرکه بوسنه لرده کی وقایع انساننده بیله تورک ارمنی حقندہ او قدر شدید برغرض و کیتی بوقدی . برچوق تورکلر ارمنیلری صیانت خصوصندہ یکدیگرینه رقابت ایتش و حتی استانبولده پک چوق تورک عائله لری قومشولری بوانان ارمنیلری کندی اولرنده صاقلامش ، اولومدن قورنامق کی اثر محبت کوسترمشلردی . برچوق رجال دولت استانبولده کومروک حاللری واسطه سیله پاییلان ارمنی قتل عامنی نفرتله قارشوله مش ومنع فجایع ایچون اللرندن کلان هرشیئی یاقمقدن چکیمه مشدر .

مشیر فوآد پاشانک قاضی کوی ارمنیلرینی صیانه توسل ایتدیکی تدابیر شدیدہ هرکسک معلومیدر . مانداشتام کتاسنده فوآد پاشانک بالاخره دوچار اولدیغی فلاکتک سببی ارمنیلر حقندہ کوستردیکی بومیلان تصاحبه عطف ایدیورسدهده بونک طوغری اولمادیغی استانبولده بیلمه ین یوقدر .

تقریباً ایکی سنه دن زیاده دوام ایدن بو قاتلر اثناسفنده کورد و تورکار دن ده پک چوق کیشیلر ارمنیلر طرفندن اولدیرملشر و هریکی طرف ایحاد فضاخ و جنایانده عادتاً یکدیگرینه رقابت ایتشلردی . فقط ارمنی عنصرینک هر طرفده اقلیت تشکیل ایتمکده اولسی کورد و تورکارک غلبه سنی ایجاب ایتدیرمشدی . اکر ارمنی عنصری عددافائی اولسه دی کورد و تورکار نه قدر ارمنی اولدیرملشرسه ارمنیلر اوندن فضله کورد و تورکار اولدیرمکدن کری دورمازلردی . روم فترتی زماننده موره ده روملر طرفندن اولدیریلان تورکار بوا دعامزه اکه واضح بر دلیل تشکیل ایدر . فقط اونلر تورکار و مسلمان اولدقاری ایچون اوزوالیلر نامنه مرثیه خوان اوله جق لورد بایرونلر ، و یقتور هوغولر ظهور ایتمه مش و اوخونین حادثات یالکزر عثمانلور طرفندن یازیلان تاریخ کتابلرنده ، بر قاج صحیفه تشکیل ایتمکدن بشقه بر اثر بر اقامشدن . اداره مملکت حقنده کی قناعتلرم ایجابانندن اوله رق مملکتده حادث اولان وقایع اختلالیه نک اهالی واسطه سیله تسکینندن و باخصوص قتل عاملر تربیتندن نفرت ایدرم . چونکه بو طرز اداره مملکت ایچون ضرردن بشقه بر فائده تأمین ایدمیه جکی کبی ملتک پاک و نزیه اولان تاریخی صوک درجه لرده لکهدار ایدر .

بو حس آشنای یوقاری تورکار ملتپرورلرینک وجوده کتیردیکی « کنج تورکار » اختلالجیلرینک همان کافه سفنده موجود بولوندیغی ایچون بو ۱۸۹۴ : ۱۸۹۶ ارمنی وقایعی عبدالحمید ثانیکن بر خطای سیاسی و کندی استبدادی ادامه ایچون توسل ایلدیکی بر تدبیر ظالمانه تلقی ایتدیلر . و اوزمان اوروپاده بولنان احمد رضا بک و رفقاسی بو نقطه نظر دن ایشی محاکمه ایدرک ارمنی اختلالجیلرینه پک بیوک مظاهرتده بولوندیلر .

بیم کی داخلده بولنان اختلالجیلرده عینی نظریه بی قبول ایدرک تورکارک و علی الخصوص عثمانلیق ایچون پک بو بوک مضرتر تولید ایدمیه جک بر ماهیتده انکشاف ایدن ارمنی قتل عامندن طولانی عبدالحمیدی اتهام ایتمکدن چکینه دیلر .

تورکار اختلالجیلرینک بوتما یلات بی طرفانه سنی کورن ارمنی اختلالجیلرینک ناموسلی قسملری او اثناده وضعیتی ده ا کوزل تدقیق ایتمه باشلامشردی . بر طرفدن باقیورلردی که روسلر تورکیه ارمنیلرینک نائل مختاربت اولملری ایچون صوک درجه لرده صرف مساعی ایدیورلر ، فقط دیگر طرفندن ده قافقاسیه ارمنیلرینی استبدادک الکاهر تاثیراتی آلتنده بولندیرسیورلردی .

حتی روسیه چاری اناطولی شرقیده هیج بر شمندوفر باطیرلما سی تعهداتی مقابلنده ۱۸۹۶ اختلالندن صوکره قافقاسیه الیجا ایتش اولان ارمنیلرک ممالک عثمانیه یه عودت لرینه مساعده ایدمیه جکنه دائر عبدالحمید ثانی یه وعد قطعیده بولنیوردی .

روسیه نک عثمانلی ایمر اطورلنی وارمنیلر ایچون بسله دیکی نیت خالصانه نک درجه سنی کوسترمک ایچون بوندن بلیغ بر مثال اوله ماز .

هیچ کیمسه انکار ایده مزکه بر مملکتده رفاھک الک بیوکی عمران سایه سنده
تکون ایدر . عمران ایسه شمندوفرلرک ، شوسه لرک انشاسیله باشلار . بریاندن
ارمنیلرله مسکون ولایتلرده تأمین رفاھ وامیت ایچون اصلاحات طلب ایدن روسیه ،
بویکی املک الک اساسلی وسائط استحصالیه سندن اولان شمندوفرلرک انشا ایدلمه منی
طلب ایدیور . عجبا ماندلشتم جنابلری بونی نه ایله تأویل بیورورلر ؟ کتابلرنده
یالکز بونی ادعا ایدن بر اوروپالی محرری تحقیر ایله اکتفا ایتشلر . حالبوکه تحقیر
ایتمک اثبات ایتک دکلدیر .

روس سیاستنک بویکی یوزلی شکلی ناموسلی ارمنی اختلاجیلرینی جدآ
دوشوندیریور و « ارمنیلکی نائل مختاریت ایده لم دیرکن تورک بیوندوروغندن یوزبیک
قات اشنع اولان روس بیوندوروغنه دوشورمه یلم » ملاحظه سنده بولوندریوردی .
بناء علیه تورک اختلال قومیتلرینک بوتون عثمانی ملککنده وبوتون عثمانی ملتلرینی
نائل رفاھ ایده جک تدابیر اصلاحیهیه توسل ایتکدن عبارت اولان نقطه نظری ارمنی
قومیتلرینک الک ناموسلی واک اساسلیمی اولان « طاشناقسوتیون » قومیته سنجده
پک ملایم تلقی اولنیوردی .

بم بوادعای ماندلشتم جنابلریده قول مجرده عطف ایده مزلر . زیرا اتحادوترقی
جمعیتنک ۱۹۰۷ سنه سی کانون اولمده پارسده انعقاد ایدن قونغره سنه اشتراک ایدن
طاشناقساغانلر همان بوکا قریب افادانده بولنشلر واتحاد ترقی ایله تشریک مساعی
ایده جکلرینی وعد ایله مشلردی . بوندن سوکره ۱۹۰۸ سنه سی آغستوسنده استانبولده
کوروشدیکم طاشناقسوتیون رؤساسندن معلومیان افندی [آغنون] ارمنیلرک معروض
اولدییی بوروس تهلکه سندن بالذات بکا برقاج دفعه لر بحث ایتشلردی .

فقطینه ارمنی اختلال قومیتلرندن معدود اولان خیمچا کیست وخیمچا کیست ره فورمه
کبی رؤساسیله افراندن برچوقلری روسیه یه صاتلش اولان قومیتلر تورک قومیتلرینه
قطعیاً یاناشمیورلر وروسیه نك حایه سی آلتنده برارمنستان تشکیل ایتک فکرینی
پروغرا ملرینه پرنسیب اوله رق قبول ایدیورلردی . برطرفدن بو قومیتلر مرخصلرینک
برطرفدن ده یته عینیه ارمنی اختلال تشکیلاتی کبی تلقی ایدیله یله جک اولان روس
قونسولستانلرینک داغیتدقلری پاره لر سایه سنده ره بان پاریتی دخی روس چارینک
حمایه سی اسلام خلیفه سنک حایه سنه ترجیح ایتک لازمکله جککنه دائر موعظه لرده
بولونمقدن کربی دورمیورلردی .

ایشته ۱۹۰۸ انقلابی ارمنی وتورک اختلاجیلرینی بو وضعیتده بولدی .
اساساً سالانیکده تشکیلات ایتش اولان اتحاد وترقی جمعیت خفیه سنک سیاست
داخلیه پروغرامی « مدحت پاشا » قانون اساسیسنک اعاده مرعیتی ایدی . بوقانون

اساسينك تملی ده عثمانی ملڪننده « اداره جامعه عثمانیه » وتوسیع مآذونیت اساساتك تطبیق ایدی .

حالبوکه ماکدونیا بولغار قومیتہ سیلہ نئیتیکی نئیریانك اداره ایتدیکی ماکدونیا روم قومیتہ سنك وینه ماکدونیا حرب قومیتہ سنك و آرنالد ، ارنی ، عرب اختلال قومیتہ لرینك پرنسپلری « سیاسی عدم مرکزیت اداره » اضولی ایدی .

« سیاسی عدم مرکزیت » دیمک بو مختلف عنصرلرک یاشادقلری منطقه لره مختاریت داخلیه ویرمک و جله سنی « عثمانی امپراطورلنی » نامی آلتنده اداره یه چالیشمقدن عبارتدی . اگر عثمانی امپراطورلنك انقصابنی بوتون جان وکوکدن آرزو ایدن وبونک ایچون بیک دورلو انترقیه لره قیام ایله ین خارجی دشمنلر اولسه ایدی ، « اتحاد و ترقی » جمعیتی ده پرنس صباح الدین بکک پک حرارتلی برمدافنی اولدینی بو پرنسپلی قبول ایتمکده بردقیقه تردد اینزدی . فقط سوریه کوز دیکمش اولان فرانسلرله مهزوپوتامیایه و بوتون لبنان شبه جزیردسنه تصاحب ایدن انکلیزلر و شرقی اناتولی ایالتلرنی اله کچیرمک فرصتی کوزدنلین روسلر و ماکدونیا یی پایلاشمق ایسته ین بولغار ، صرب و یونانیلر وارناوداغه ال آتمغه چالیشان اوستریالیلرله ایتالیانلر وینه بحرسفید اطله لرینی بنمسه ین یونانیلر « سیاسی عدم مرکزیت اداره » پرنسپینک وجوده کتیره چکی بویالتلری برربر یومتق ایچون عجباً هیچ برمشکلات چکرلرمی ایدی ؟ بزم « عدم مرکزیت » پرنسپیمزک ماهیتی اوستریا حکومتک عدم مرکزیت پرنسپلرینک ماهیتندن دهامی قوتلی اوله جقدی ؟ بو پرنسپ « چه قو — سلوو اقلرک » ، « خروا تله ک » ، « سلوو نلرک » اوستریادن بالکلیه آیرلمق حقدن کی املارینی ابطال ایده بیلدیمی ؟ بزم « حکومت » مرکزیه مزک قدرت و وسائطی اوستریا حکومت مرکزیه سنك قدرت و وسائطندن دهامی مؤثر اوله جقدی ده بزم دهامی متنوع ودها خریص اولان دشمنلریمزک آنترقیه لرینه قارشنی بو مختار ایالتلری محافظه ایده بیامه مزی تأمین ایده جکدی ؟

کرید جزیره سنك ناثل اولدینی مختاریت اداره دن دهامی وسیع هیچ بر مختاریت اداره تصور اولونا مازکن کریدیلیری یونانستانه التحاق اماندن صرف نظر ایتدیره بیلدکمی ؟ قبریس اطه سی انکلیزلرک اشغال موقتلی آلتنده پک مستشاً برحیات کچیریرن هر سنه بو آطه نك مجلس اداره سی یونانستانه التحاق ترانلرنی تکرار ایتبورمی ایدی ؟ بیوک بر مختاریت اداره یه ملک اولان روم ایلی شرقینک بولغارستان طرفندن التحاقه مانع اوله بیلدکمی ؟

ایالات ممتازنك الواسع نمونلرندن برینی تشکیل ایدن مصرک انکلیزلر طرفندن اشغالی مشکلات ایله می وقوع بولدی ؟

«کوهیت» شیخی مبارک الصباح عصرلردن بری خلافت عثمانیه به تابع ایکن انکلیر حمایه سنی قبول ایتدیکی ادعاسیله انکلیرلر «کوهیت» جزیره سنی تصاحبدن چکندیلرمی؟

خطه عراقیه اهللسنکده عینی آرزوی اظهار ایتدیکی ادعاسیله انکلیرلرک اورالریخده کندی حمایه لرده عد ایتلمری کوچ بر شیعی ایدی؟

عینی ملاحظه فرانسزلر حقنده سوریه ایچونده وارد دکلمی ایدی؟
ماکدونیا و آناوودلی شرقی روم ایلی و بوسنه هر سگدن فرقلیمی تلقی ایده جکدک؟

ایشته سزه بر سوزی سؤاللرکه «سیاسی عدم مرکزیت اداره سی» طرفدارلرینک بونلره معقول جوابلر ویره بیله جکلرینی هیچ تصور ایدم.

زی «تورک سیاستی» یامش اولقله اتهام ایدلره غایت قطعی بر لسانله بیان ایدرمکه بز تورک سیاستی دکل، جامعه عثمانیه سیاستی یابدق. اگر «عدم مرکزیت اداره» پرنسپینی قبول ایتسه ایدک اتحاد و ترقی جمعیتی او زمان «تورک سیاستی» یامغه مجبور اوله جق و بوتون محلی مختاریتلره مظهر اولان اقسام ممالک میاننده منحصر آ تورکلرک سا کن اولدینی ولایتلرده تورکلر ایچون مختاریت محلیه اعطاسنه قیام ایده جکدک. بناء علیه «عدم مرکزیت اداره» طرفداراننک تورک عنصرینه منسوب اولانلری درکه حقیقته تورک سیاستی تعقیب ایده جکلردی، بزر ایسه جامعه عثمانیه سیاستی تعقیب ایتدیکمزدن طولایی مرکزک یعنی امپراطورلق حکومتک ولایتلر اوزرنده کی نفوذنی تنقیص ایتمه مکله برابر محلی اداره لرینه مأذونیت واسعه بخش ایتمکی و اردویی تفرقه به دوشورمه کی اساس مسلاک اتخاذ ایتدک.

فقط تورک کنجلیکی، بیلکلی آ کلامش اولان و عنصرینک ترقیاتی نامه مجادلاته قیام ایدن عناصر مختلفه عثمانیه آره سنده یالکز تورکلرک دیلسز و کیسه سز قالمش اولدینغی تقدیر ایدرک تورکک علماً، عرفاناً و مزیتاً یوکسللمسنی تأمین ایچون صرف مساعیه قیام ایتش. بونی اتحاد و ترقی منع ایتمک صلاحیتی حائز اولمادیغی کبی «عدم مرکزیت اداره» طرفدارلرینکده منع ایتمک ایسته به جکلرینی ظن ایتمه یورم. عثمانلی امپراطورلغشک لسان رسمیسنک تورکجه اولسنی طلب ایتمک عناصری تورکشدیرمک ایسته مکمیدر؟ عثمانلی امپراطورلغنده تدریساتک حکومتک قوتورلی تحتنده جریان ایتدیکنی و یک نسق اولسنی آرزو ایتمک عناصر سائرینی تورک یامق ایسته مکمیدر؟

استابولده اعلان مشروطیتله برابر «اخذ العربی»، «چرکس تعاون جمعیتی»، «کورد قلوبی» «ارنبود قلوبی» و سائره کبی بر چوق ملی جمعیتلر تشکل ایتدیکی

صره ده برده «تورك اوجاغی» آچیلش اولماسی نهدن طولایي اتحاد و ترقی حکومتیك
تورکیجی اولمسی ایجاب ایتدیرسون؟

بن کندی حسابمه هرشیدن اول عثمانلی یم، فقط اوندن سوکرا تورک اولدیغی
هیچ اونوتما و بو عنصرک عثمانلی ایمپراطورلغیك تمل طاشی اولدیغنه تمامیه قانعم
و عثمانلی ایمپراطورلغیك عرفاناً، مدنیة تعالیسی جامعۀ عثمانیه یی قوتلشدیرر و عثمانلی
ایمپراطورلغی تأیید ایدر. چونکه اساساً عثمانلی ایمپراطورلغی تورک تأسیسات
عالیه سندندر. بوکا مثال آرانیرسه بو کونکی الم وضعیتمیزی اراءه ایده بیلیم. ایشته
عربلر استحصال استقلال املیه اختلال ایتدیلر، نه وضعیته دوشدیلر؟ بونی یوقاریده
ایضاح ایتدم. مصر، جامعۀ عثمانیه دن فک رابطۀ ایدر ایتمز انکلیز حمایه سی آلتنه
کیددی. کنجلیری بو حمایه دن قورتولمق ایچون اختلال ایدنجه انکلیز لرك قهار
ضربه سی آلتنده ازیلدیلر. فرانسرلر سوریه نك اقسام ساحلیه سیله جبل لبنانی
کافی کورمه یه رك اقسام داخله سی ده تحت اشغاللرینه آلمق ایتدورلر.

بورالرده عثمانلیقدن بحث ایدن وارمی؟ بالعکس «الحمد لله عثمانلیقدن قورتلدق»
نداسی بودولتک نان ونعمتیله پرورده اولمش بر چوق خائس لرك آغزندن دوشمیور.
فقط تورکک مبارک یوردی اولان آناتولیدن یوکسه لن تورک صداسی ینه
«عثمانلی ایمپراطورلغی» ترانه سی تغنی ایدیور، تورکک افواجق بر یوواسی اولان
غربی تورکیانک نجیب اولادی عثمانلی نام مبعجلی خرزجان ایدرک ادامۀ موجودیته چالیشیور.
اوحالده عثمانلی جامعۀ سی تأمین ایتک ایسته یلرۀ اخطار ایدرکۀ اولرک الک بیسوک
وظیفه لری تورکی یوکسلتمک، تورکی یاشاتمق، تورکی چوغالتمقدیر.

هرکس طرفندن بیلغمسی پک آرزو ایتدیکم بو نقاط نظریی ایضاح ایدن شو
کوجوک ملاحظه مک بی لزوم تاقی ایدله مسنی رجا ایدرک خاطر اتمه دوام ایدیورم.

• •

مشروطیتک اعلانی متعاقب اتحاد و ترقی مرکز عمومیس عثمانلی ملکنده بولنان
مختلف سیاسی اختلال جمعیتلرینی بر «جامعۀ عثمانیه» سیاسی جمعیتی حالنده برلشدیرمک
آرزوسنی اظهار ایتدی.

بو مقصدله ایل امرده مختلف بولغار اختلال جمعیتلریله تماسه کلدک. الک اول
مشهور صاندانسکی و چرنه پویف ورفقاسی ایله مذاکره یه باشلادق. بز عثمانلیق
اساساتندن بحث ایدرکن بو بولغار اختلالچیلری ماکدونیانک مختاریتی فکرلرندن
برذره سی بیلۀ فدا ایتک ایسته میورلردی. طلعت بکله برابر اجراسنه مأمور اولدیغمز
بومذا کرات اثناسنده چکدکری میز برالله بیلیر برده بز. هله ایلک انتخاباتک اجراسی
صره سنده منلک، پترج، عثمانیه وجمۀ بالا بولغار کویلرنده صاندانسکی ایله برابر

کچریدیکم کونلرکالم خاطراتی هیچ اونوده م . مع هذا اختلال قومیتلری آره سنده
اک زیاده آکلاشه بیلدیکمزینه بونلردی .

اصل بولغار ما کدونیا قومیتیهی کندی سیاسی پروغرامندن هیچ واز کچمک
ایسته میوردی . ئەتینکی ئەتیریا نامه برای مذاکره سلاویه کلش اولان بر یونانی
ایسه کریدک و سسیاسمک یونانستانه التحاق و دیگر یونان آطه لینه مختاریت اداره
بخش اولنسی ، روم ما کدونیا سی نامی ویریلان حوالیه دخی غایت واسع امتیازات
ویرلسی مقابلنده یونانستانه تورکیه آره سنده برانفاق عقد اولنسنی تکلیف ایدیوردی .
بالطبع بزم نقاط نظریمز یونانستانه آکلاشمق دکل ممالک عثمانیه داخلنده کی روملری
اتحاد و ترقی جمعیتی ایچنه آلمق و بوضورتله برجامعه عثمانیه وجوده کتیرمک اولدیغندن
بوتکلیفلری رد ایتشدک .

۱۹۰۸ سنه سی آغستوس اثناسنده مرکز عمومی موقه استانبوله کلهشدی .
اوزمان بر طرفدن پرنس صباح الدین بک و دیگر طرفدن ارمنی قومیتلریله عینی اساس
داخلنده مذاکره به کیریشدک .

بزم طرفدن بن ، طلعت بک و بهاء الدین شا کر بک بولنیوردق . پرنس صباح الدین
بک طرفندن دوقتور نهاد رشاد بک اثبات وجود ایدیور ، ارمنیلردنه معلومیان
و شاهریکیان افندیلر مذاکره اشتراک ایدیوردی . عدم مرکزیت اداره پرنسیلرینک
حکومت عثمانیه ایچون تولید ایده بیله جکری بوتون محاذیری بونلر اوکنده برر برر
تعداد ایدیوردق .

پرنس صباح الدین بکک پرنسیلری ایله طاشناقسوتیون جمعیتک پرنسیلری آز
چوق توافقی ایتدیکنندن اونلر عینی طرزده جوابلر ویریورلردی . غریبدرکه دوقتور
نهاد رشاد ارمنی اختلال جمعیتک ایسته دیکی امتیازات دن داها واسع امتیازات ویرمکه
طرفدار بولنیور و بونلرک تولید ایده جکی محاذیری هیچ قبول ایتمیوردی .

نهایت معلومیان افندی طاشناقسوتیون قومیتیهی نامه شو تکلیفده بولندی :
« اتحاد و ترقی جمعیتی ایله طاشناقسوتیون جمعیتی عثمانلی ایمپراطورلغنده مشروطیت
اداره نک تهله که به دوچار اولسی نقطه نظرندن تشریک مساعی ایدرلر و فقط اساس
پروغراملرینک تأمین استحصالنده هریکیسی کندی مساعی سنده سربست بولونورلر .
یعنی طاشناقسوتیون جمعیتی کندی اختلال تشکیلاتی مملکتده ادامه ایدر . شوقدرکه
شمیدی به قدر خفی اولان بوتشکیلات بوندن صوکره آشکار بر جمعیت سیاسیه حالی
اکتساب ایدر و اعضاسی علناً ابقای وظیفه ایلر . »

بالطبع بوتکلیفی قبول ایتمکدن باشقه برچاره مز یوقدی . خلاصه اوچ درت
آی دوام ایدن متمادی مساعی و مذاکره رغماً هیچ برملتک سیاسی اختلال قومیتلرینی

اتحاد و ترقی جمعیتی داخلنه آلمغه موفق اوله مام شدق . چونکه اونلرك مقصودلريله بزم مقصدمیز آراسنده پك اساسلی فرقلر واردی : اونلر ایستورلردی که شیمدی به قدر برچوق تهلمکه به معروض اوله رق خفياً احرا ایتدکلی مختاریت واستقلال تشویقاتی بوندن سوکره علناً احرا ایتسونلر ومقصودلرینه ده چابوق نائل اولسونلر . بز ایستورددق که حکومت عثمانیه نصلکه بوتون عثمانلی ملتیرینک اجتماعدن حصوله کلمش برحکومت ایسه اتحاد و ترقی جمعیتی ده بوتون عثمانلی ملتیرینک اسکی اختلال جمعیتلرندن مرکب بر جمعیت حالنه کلسون و جامعه عثمانیه فیکرینک عموم ملتیراچون لازم القبول اولدیغی بوتون عثمانیلرله اکلانمغه ساعی وبونکله برابر مشروطیت اداره بی تهلمکدن وقایه بی کامل بولونسون .

مثلا فرانسه ده جمهوریت طرفدارلری نصلکه جمهوریتی تهلمکده کوردکلی زمان عظیم برکتله حالنده تسلطلر علیه قیام ایدرلرسه بوتون اسکی اختلال جمعیتلرندن ترکب ایده جک اتحاد و ترقی جمعیتی ده عثمانلی مشروطیت اداره سنه اوفاق بر تجاوز حس ایتدکلی وقت بوتون طرفدارلرینی قیامه دعوت ایتسونلر و فقط فرانسه جمهوریتجیلرینک مختلف سیاسی قناعتلر بسله ین ذواتدن مرکب مختلف نامرله دوچار انقسام اولدقلری کی اتحاد و ترقی جمعیتی داخلنده ده - فقط ملیت ومذهب اساساتی نظر دفته آلینامق شرطیله - احتیاجات عصرینه ک تولید ایلهدیکی مختلف قناعت سیاسییه مالک مختلف پارسیلر موجود بولونسون .

غایه لری منحصر آ ملی اولان سیاسی جمعیتلردن هیچ بری بو تکلیفمزه یاناشادیلر . چونکه اساساً کافه سی تعلیماتلرینی خارجدن آلیورلر و بزه یالکز ظاهری بر روی مماشات کوستریورلردی . اولجه ده عرض ایتدیکم وجهله ارمینلرك روس بویوندورغی آلتنه دوشمه لرندن پك زیاده قورقون طاشناقسوتیون جمعیتی بزه اک زیاده طرفدار کورونمش اولدینی حالده اوبیله تشکیلاتی عیناً ابقا ایدرك مقاصد سیاسیهنک استحصالنه علناً چالیشه جغنی درمیان ایتمشدی . ارمنی خینجا کیست و خینجا کیست زه فورمه لری ایسه بزمه مذا کره بیله یاناشامشلردی . اونلرك رؤسای استانبول روس سفارتیله تماسلرینی علناً ادامه ایدیورلردی .

۱۹۰۹ سنه سی کانون ثانیمی اثناسنده حسین حلمی پاشا قایمنه سی اتحاد و ترقی جمعیتک تلفیناتی تأثیراتیه شرقی اناطولی ولایتلرنده ارمینلرله کوردلر و تورکلر آرمسند کی اراضی اختلافاتی حل ایتک ایچون مذکور ولایتلره بر هیئت تفتیشیه اعزامنه قرار ویرمشدی . هیئت تفتیشیه ریاسته اعیان اعضاسندن عدلیه مفتشی غالب پك تعیین ایدلش و رفاقتنه ایکی تورک و ایکی ارمنی اعضا ویرلمشدی . تورک اعضالردن بری آوروپاده بولوندیغی اتانده طاشناقسوتیون جمعیتی رؤسایله حسن

مناسبت ادامه ایتش اولان ارکان حرب بیکباشیمی ذکی بك و دیکری بن ایدم . بنم بو هیئت ادخالی ینه طاشناقسوتیون رؤسای رجا ایتشلردی . چونکه کندیلریله آغستوس ائانسانده سبق ایدن مکلماتز صرهنده بنم درمیان ایتدیکم فکرلری پک عادلانه وبی طرفانه بولمش اولدقلرینی و اتحاد و ترقینک مرکز عمومیمی اعضاسندن اولقاعم حسینیه اجرا آتمک جمعیت افرادنجه اعتراضاته هدف اوله مایه جغنی سویلیور - لردی . تکلیفی مع الممنونیه قبول ایدرهك سلائیكدن استانبوله کلدیم .

مع هذا حکومتک بو تشبئی مجلس مبعوثانده کی شرقی آناتولی مبعوثلرینک شدتلی اعتراضاته هدف اولدی . بو طرزده هیئت تفتیشیه لر اعزامنک والیرک قانون اساسی ایله معین حقوق و وظائفه بر تجاوز تشکیل ایده جکنی ایلری سوردیلر . وقتک داخلیه ناظری اولان فرید پاشا ایسه مجلس مبعوثانده حکومتک نقطه نظری مدافعه ایده مدیکندن تا اوتوز بر مارت [۱۳ نisan ۱۹۰۹] وقعه سنک آن ظهورینه قدر استانبولده بلا وظیفه انتظار ایتمه مجبور اولمشدم .

اوتوز بر مارت وقعه سندن صوکر اایسه بو فکر بالکلیه ترك ایدلدی . بنده ۱۹۰۹ سنه سی مایس نهایتلرنده اسکدار متصرفلغنه تعیین اولوندیم .

آطنه وقعه سی

استانبولده اتحاد و ترقی ارکانیه طرفداراننک کاملاً احساسی مقصدیه ایقاع اولنان ۳۱ مارت وقعه سنک ائناى جریاننده آطنه ولایتنده دخی تورک لره ارمنیلر آره سنده عظیم بر قتاک باش کوسترمشندی .

۱۹۰۹ سنه سی آغستوسی اواسطنده آطنه والیلکنه تعیین اولندیم ایچون عثمانلی تاریخ مشروطیتنک الک الم وقایعندن بری اولان بو قتالک بسیقولوژیک اسبابی بنم قدر تدقیق ایتش کیمسه یوقدر اداسنده ایم .

اعلان مشروطیتدن صوکره ممالک عثمانیه نک هر طرفنده خلق ، او درلرجه ده شمارمش ایدی که الک کوچوک ژاندارمه دن الک بیوک والیه قدر هیچ بر حکومت مأمورینک اهالی اوزرنده هیچ بر نفوذی قالمامشدی . حریت کلام کرک غزته لر وکرک ناس طرفندن پک فنا برصورتده آکلاشلمش وهر فرد آغزینه کلان هر سوزی هراسته دیکنه قارشو بلا پروا سوله یه یله جکنی ظن ایدیوردی . دور سابقده مطلقیت اداره ایجاباتندن اوله رق خلقی تحت تضییقه بولندیرمش اولان بعض والیرله بر چوق

مأمورین ملکیه و عدلیه و انضباطیه پک چیرکین و مغایر نظام تجاوزاته دوچار اولمش و مشروطیتدن اول حتی اتحاد و ترقینک اسمنی بیله ایستمه مش اولان برچوق محیطلرده برچوق توره دیلر بر قهرمان حریت کسپلرک مأمورین دولتی ایفای وظیفه دن منع ایده جک درجه لرده طاشقینقلر کوسترمشلردی .

مشروطیتک ایلك کونلرینه و مرکز عمومیده بولندیغم زمانه عائد خاطر اتم بوکی وقایع ایله مالا مالدر .

مرکز عمومی بو طاشقینقلرک اوکی آلمق ایچون مقتدر اوله ییلدیکی قدر صرف مساعی ایدیور وایی کوتو هیچ بر فردک خلاف قانون اوله رق دوچار حقارت اولسنه مساعدته اتمه مک ایسته یوردی .

جمعیت تشکیلاتی اولمایان یرلرده تشکیلات یاقمق و جمعیت نظامنامه سنک روحنی خلقه آکلاتمق اوزره خصوصی مرخصلر کوندیریور ایسه ده بو مرخصلرک حسن انتخابنده اکثریا موفق اوله میوردی . برچوق جمعیت مرخصلری نظامنامه مزک مملکتده محافظه موقع حکومتمدن عبارت اولان اساساتی تقدیر ایده میه زک اونلرده خلقک تمایلات انتظام شکسته سنه پیرو اولیورلردی .

بالاخره اتحاد و ترقینک مخالفی صفیله اورته یه چیقان بر طاق پولیتیکه جیلر استانبولده کی حریت مطبوعاتک طرز غریب مضرندن استفاده ایده رک هجوملرینی جمعیت علمیه بوجیه اتمک باشلادیلر و مملکتی جدآ ایچندن جیقيله میه حق بر آنا رشی به سوق ایتدیلر . حکومت ، مرکز سلطنتده بیله هر نوع قدرت و نفوذدن عاری اولونجه ملحقاتک به حاللره دوچار اولدیغنی تقدیر اتمک مشکل دکدر . هر ولایت مرکزنده اولاتشکل ایدن اتحاد و ترقی شعبه لرینی متعاقب بو شعبه لرده بر موقع نفوذ اکتساب ایده میهنلر استانبولده بری بری آردنجه ظهور اتمک باشلایان مختلف ناملرده کی سیامی جمعیتلرک شعبه لرینی تشکیل اتمک و بوسایه ده کنیدیلرینه بر فرد واسطه سی ایدنمک قیام ایله دیلر . اسلام و تورک اهالی بو طرزده دوچار انتقام و اختلاف اولدیغنی کبی خرسیتان اهالی دخی کندی خصوصی قومیتلری تشکیلاتی ظاهره چقارده رق اونلرده کندی پروغراملری دائره سنده ابراز فعالیتیه باشلادیلر .

آطنه ولایتی اهالیستک اکثریتی تورکر تشکیل ایدر . بونلردن صوکره ارمیلر ، متعاقباً « عرب اوشاق » نامی ویریلان عربلر و متعاقباً روملر کیر . ولایتک نفوس عمومیه سی بشیوز الی بیکی متجاوزدر . بونک تقریباً آلتش بیسک قدری ارمنی ، یکریمی ، یکریمی بش بیکی « عرب اوشاق » اون ، اون بش بیکی رومدر . متباقیسی کاملاً تورکدر .

هان کافه سی جفتجیلکله مشغول اولان اهالی آره سنده عصرلردن بری غایت بیوک بر حسن امتزاج موجود بولنیوردی .

شوراسی غیر قابل رد و جرح حقایقند که اطنه ولایتی عثمانیلردن چوق اول تورك ایدی و عثمانیلر بو دیاری « رمضان اوغلاری » دنیلن طوائف ملوک اترا کدن بر عائله نك الندن المشلردر . کرچه کلکیا دنیلن بو قطعه ده اهل صلیب زماننده بر ارمنی قرالیتنک یشادیتنی تاریخ قید ایدیورسده بو قرالیتنک زماننده بو قطعه نك بر چوق تورکلر طرفندن مسکون اولدینی و تورك دره بکلرینک ارمنی قرالیتنه هیچ امان و برمه دکلی حقایق تاریخیه دندر .

شیمدی اطنه ولایتده یاشایان ارمنیلردن بر چوقلری اکتساب ثروت املیه اون طقوزنجی عصر ظرفنده دیار بکر ، سیواس و معموره العزیز طرفلرندن هجرت ایتیش آملردر .

اصل یرلی اطنه لی ارمنیلر ولایتنک منتهای حدود شمالیه سنه تصادف ایدن « حاجین » قصبه سیله قوزان سنجاغنک مرکزی اولان سیس قصبه سنک بر قاچ کوینده و اسکندرون کورفزی ساحلنده کائن درت یول قریه سیله اوکا جوار بر قاچ کویده ساکن ارمنیلردر .

عرب اوشاقلر ایسه دور عبدالعزیز خانیده لازقه سنجاغنده کی رافضیلرک تأدیبه صره سنده او زمان اهالیسی پک آز و اراضیسی پک منبت و محصولدار اولان اطنه اووم سنک اعماری مقصدیه اورالردن نقل ایتدیرلمش اشخاصدر . ولایتنک تورك و ارمنی بوتون خلقی اولجده عرض ایتدیکم وجهله یکدیگرینه قارشی بر اعتماد متقابل داخلنده یاشیورلر و آرملرنده هیچ بر اختلاف محسوس بولونمیوردی .

بر درجه ده که ۱۸۹۴ : ۱۸۹۶ اختلال و قتالاری اثناسنده اطنه ولایتی داخلنده هیچ بر حادثه ظهور ایتمه مش و بو مجادلاتنک کندی ولایتلرینه سرایت ایده مه میس ایچون تورك و ارمنیلر متحداً صرف مساعی ایتشلر و موفق اولمشلردی .

اعلان مشروطیتدن سوکرا اطنه ده تشکل ایدن تورك سیاسی جمعیتلرینه مقابل ارمنیلرده طاشناقسوتیون ، خینجا کیست وره فورمه خینجا کیست شعبه لرینی احداث ایتدیلر و ده دوغریسی اسکیدن موجود تشکیلات خفیه لرینی میدانه چیقاردیلر .

او زمان اطنه ارمنی مرخصه لغنده بولنان « موشهغ » افندی اسمنده کنج و صوک درجه لرده خریض شهرت بر پاپاس عینی زمانده خینجا کیست رؤساسندن بولنیوردی . بو آدمک اخلاقسز لغنک درجه سنی ارمنیلر سیله سوبله یه سوبله یه بیره مزلر . اکر بالذات ارمنیلردن ایتدیکم حکایه لر صحیح ایسه هر درلو شناخت اخلاقیه بو شخصده اجتماع ایتشددر دینیه بیلر .

« مونسنور موشهغ » اعلان مشروطیتی متعاقب کنندیسینی عادتاً اطنه ارمنیلرینک اک بویوک دینی و سیاسی رئیس موقعه قویمشدی .

حکومت مأمور لرینک ضعف و عجزندن اک بی ادبانه بر صورتده استفاده ایتکه قیام ایدن بو پاپاسک بر کون مجلس ادارهده والیه قارشى فوق العاده حقارت آمیز معاملهلرده بولندیغی وهمان کیدوب ولایت ژاندارمه قوماندانی طوقا تالایه جغنی بیانه نرحدت مجلس اداره یی ترک ایتدیکنی بکا حکایه ایتشلردی . .

اوصرده بر چوقار منی کمنجلرینکده مونسینور موشه غه ظهیر اولمغه باشلادقلرینی واوتهده بریده عقدایتدککری متینغلرده ارمنیلرک ارتق تورک بویوندرغندن قورتولملری زمانسک کجیکمه دیکنی سویله یه جک قدر ایلری واردقلرینی نه ارمنیلردن ایشیتمشمدره . غایت محق اولمق ایچون سویله مک مجبوریتنده یمکه « مونسینور موشه غ » ایله همپالرینک بوطاشقینقلرینه طاشناق و تیون مرخصی اشترک ایتیمور وبونک پک فنا نتیجه لر ویره بیله جکنی استانبولده طاشناق سوتیون مرخصلرینه یازیوردی .

مونسینور موشه غ بونکله ده اکتفا ایتیه رک کندی ادملرینی سیلاحلندیرمق ایچون اوروپادن تفنک وروولور جلبنده باشلامشدی . اوصرده حکومت هرشی سربست بر اقدینی کی سلاح تجارتی و بناء علیه ادخالاتی ده سربست بیراقشدی . مونسینور موشه غ « آرتق ارمنیلرک مسلح اولدیغندن و بردها ۱۸۹۴ قتللری کی حادثاتدن قورقایه جقلرندن و بر ارمنینک قیلنه خطا کلیرسه مقابلنده اون تورک محو ایدیه جکندن » اولو اورته بحث ایدیوردی .

مونسینور موشه غک بوشیاریقه تظاهرات و بیاناتی اطنه تورکلرینی تداییرمقابله اتخاذه مجبور ایتشدی .

ایشته بوراده اوزمانکی اطنه حکومتک اک بویوک مسئولیتی باشلار . چونکه بر حکومت ایچون ضعیف و عاجز اولمق مدار برأت اوله ماز . مونسینور موشه غک بوطغیانی اسلام اهالینک غلیانی موجب اولمغه باشلار باشلاماز موشه غ جنابلرینی ده ، اونک یارداقچیلرینی ده ، تورکلردن فساده مائل اولان اشخاصی ده یاقالادیغنی حبس ایتک و حقارنده تعقیبات قانونیه اجرا ایتک و حتی لازم کلیرسه ولایتده اداره عرفیه اعلان ایله مک اک کسدرمه اجراآت اولوردی .

فقط اوزمان بویله قطعی اجرا آتی حسن فهمی بکک جنازه آلاینی ترتیب ایدن جمعیت محمدیه طرفدن باب عالی جاده سنده دوچار حقارت اولان صدر اعظم حسین حلمی پاشا استانبولده بیله تطبیق ایده بیله جک جرأت و تشبندن محروم بولنیوردی . حریت دیمک آنارشى دیمک اولمادیغنی خلقه آکلانمق حکومتلرک اک برنجی وظیفه لیدر . مع التأسف تورکیه ده ۱۹۰۸ سنه سی ثلث اخیریه ۱۹۰۹ سنه سی ثلث اولنده بویله بر حکومت موجود دکلدی .

اوصرده اطنه ولایتده والی جواد بک بولنیوردی . حسن اخلاق ایچون نرغمه

کوسترمک لازم کایرسه جوادیک کوستريله بیلیر . فقط عجز اداره سی ده حسن اخلاقی ایله متناسب اولان بو ذات اوصرده اطنه والیدکنی یابه ییله جک شرائطی حائر دکلدی . فرقه قوماندانلغده ایسه فریق مصطفی رمزی پاشا اسمنده اختیار بر عسکر بولنیوردی . کنجلیکنده بویوک بر شهرت فعالیت قازانمش اولان بواسکی عسکرده بوتون حیاتی ناموس کارلق و وطن پرورلیکله امرار ایتمشدر . فقط ، اولا اختیار و ثانیاً وسائط انضباطیه دن محروم اولان بو محترم ذاتکده اطنه ده قوماندانلق وظائفی یابه ییله جک شرائطه مالک اولدیغی ادعا اولونه ماز .

جبل برکت سنجاغنده ایسه آصف بک اسمنده بر متصرف بولنیوردی که کولکه سنندن قورقاجق درجه لرده جیین اولان بو ذاتک نصل متصرف تعین اولوندیغی اکلاهییم . ۱۹۰۹ سنه سی ابتدالرنده اطنه ده هر کسک اغرنده دوران ایدن شایعات قریباً ارمیلرک اختلال ایدرک تورک لری محو ایده جکلرینه وبو وسیله ایله ولایتک اوروپا دونمائی طرفندن اشغالی و متعاقباً ارمستانک تشکلی تأمین ایده جکلرینه دائردی . تورک لری بو شایعاته اوقدر اینانمشلردی که حتی اشرفدن بعضلرینک عائله لری اینم یلرله کوندرمکه توسل ایتهلری بیله واقع اولمشدی .

ارمنی طغیانئ اثناسنده محو اولماق ایچون تدبیری بولونمق فکر لری هی استانبولده کی جمعیت محمدیه طرفندن اطنه یه کوندرلش اولان بعض اشخاصک تلقین ایتدیکی بکا حکایه اولونمش ایدیسه ده بونک سختی حقنده بر اماره الله ایده مه دم . ۱۹۰۹ سنه سی نینسانی اثناسنده طرفین مناسباتی اوقدر کرکینلک پیدا ایتمشدی که اقشامه صباحه خللق بربری اوزرینه آتیه جقلرینه آرتق کیسه شبهه ایتیمورمش . نهایت نینسانک ۱۴ نجی کونی مونسنیور موشه نک امریله اک اول ارمیلر طرفندن باشلا بیان تجاوزات ایله « اطنه وقعه سی » تسکون ایتمش .

اطنه ده ، طرسوسده ، حمیده ده ، میسیده ، ارزینده ، درت یولده غزیزایده خلاصه ارمیلرک کثرته ساکن اولدیغی هر طرفده او یله مدھش قتال لر اجرا ایدلمشکه بونلرک تفصیلاتی اوقومق انسانی جدأ نفرتلره دوچار ایدر .

ولایت مرکزنده بک عاجز اولان حکومت ملحقانده اسلامک دوچار تجاوزات اولمسی ایچون نفیر عام اصوله مراجعت اولونمسی امر ایده جک قدر بینسزلک کوسترملش درت یول ارمیلرینک مسلح برجم غفیر ایله جبل برکت سنجاغنی مرکزی اولان ارزین قصبه سنه طوغری ایلروله دیکنی خبر آلان متصرف آصف بک اوطه سنندن بیله چیمقماه رق بوتون لوا ملحقانته و جوار بولنان قوزان سنجاغنه « بوراده اهل اسلام قتل عام تهلکه سنه معروض اولدیغندن وطنی وملتی سون هر تورکک سلاحی قاپارق جبل برکت سنجاغنک امدادینه قوشمسی لازم کله جکنه » دائر تلغرافلر یاغدیرمش .

درت یول ارمنیلرینک ارزین اوزرینه یورودکری فی الحقیقه طوغریدر . وارمنیلرک مقصدی فی الحقیقه جبل برکت سنجانجی داخلده کی تورکری قتل عام ایتمکدی . فقط بر متصرفک اوطه سنده اوطوره رق اهالی بی باشی بوش اجرا آتہ دعوت ایتمسی قطعاً عفو اولونه بیلیر جنايتلردن دکلدی . چونکه کندیسنی تهلکده کورن خلق متجاوزلرک یالکیز مسلح اولانلرخی دکل قادین ، اختیار وچوجوق کی غیر مسلحلری علیهنده تجاوزانده بولنه بیلیر وباخصوص جرأت ایده بیلورلردی . نته کیم بویه اولدی .

ایشته ایلاک اطنه وقعه سنک اسباب و عوامل تحدی بونلردر . ایکنجی اطنه وقعه سی دنیلان ورنجیدن اون برکون صوکره ظهور ایدرک یالکیز اطنه شهرینه انحصار ایدن وقعه ایسه کیجه وقتی بعض ارمنی کنجلی طرفندن عسکرک اردوکاهنه آتش ایدلمسی اوزرینه باشلامش و آطنه شهری قتالک دها فنا برشکل آلمسی انتاج ایتمشدر . نم قناعتجه آطنه قتالک سبب مسئولی منحصر آ *les Vêpres Ciliciennes* محرر مشهوری مونسینور موشه غدر . بوشخصک ایقاع ایده بیله چکی فناقلری و قتله تقدیر ایدرک تدابیر مانعه اتخاذ ایتمهین او وقتکی آطنه حکومتی ده کذلک بنجه مسئولدر . حادثه نك ظهورندن صوکره اداره بی بوسبوتون اللردن قاجیره رق قتل عاملره ویغما کر لکلره قارشو عاجز و مسکین وضعیتی محافظه ایتلری ایسه هیچ عفو اولوناماز . فقط شوراسی محققدرکه اطنه ولایتک رسمی و غیر رسمی بوتون مسلمان وتورک محیطی وقعه حدوشنک ایکی اوج آی اولدنبری اطنه ارمنیلرینک اسلاملری قتل عام ایتمک اوزره حاضر لایمقده و هرکون سلاحلر جلب ایتمکده اولدقلرینه تماماً قانع بولنیورلر و کندیلری جداً بویوک برتهلکده کوریورلردی مونسینور موشه غواونک توابعی ایسه نقطلری و کشتاخانه تجاوزات لسانیه لریله بو قناعتی تقویه ایتمکدن کری دورما یورلردی .

بوقاریده ایضاح ایتدیکم پسقوولوژیک اسباب یالکیز نم فکرم دکلدر . اوزمان اطنه قونسلوسلغنده بولنان انکلیزیکباشیلرندن موسیو دوینی وایلی دخی عیناً بوقناعتده بولنیوردی . چناق قلعه محارباتی اثناسنده پک بویوک برقه رمانلق ابراز ایدرک وطن اوغرینه فدای حیات ایتمش اولان بوقیمتلی آدمک الیوم برحیات اولوبده بوسوزیمی تصدیق ایتمکه موفق اوله مادیغندن طولانی پک متأسفم . تورکک و عرب اوشاقلرک قتال اثناسنده کوستردکری مدھش طاشقینقلری برلسان نفرته نقل ایله برابر وقعه نك اصل ظهورینه سبب مونسینور موشه غ اولدیغی امریقالی میسیوز میستر چیمبرس ایله طرسوس آمریقان مکتبی مدیری مستر قریستین ده بکا سوبله مشلردی .

آطنه قتالی اثناسنده (۱۷۰۰۰) ارمنی و (۱۸۵۰) مسلمان اولمشدر . بورقلر کوسترکه اکر آطنه ارمنیلر عدداً تورکره فائق اولسه لردی بوايش عکسی اولور وارمنیلر تورکری قتل عام ایتمش اولورلردی . قتال اثناسنده طرفینک کوستردیکی

تمایلات سباعانه یکدیگر نردن فرقی دکدر . ارمنیلر ده فرصت بولدقلری یرلر ده تورک قادین و چو جوقلرینه تورکرلر ده ارمنی قادین و چو جوقلرینه قارشى ارتکاب ایتدکلى فضاحت و تجاوزانى ارتکاب ایتشلر و زنجیردن بوشانمش خلقک یکدیگر نردن فرقی اولمادیغنى اثبات ایتشلر در .

آطنه والى تعیین اولوندیغم زمان حکومت بنم امریمه ایکی یوز بیسک لیرالق برقرمدهی آچمشدی . بونک یوز بیسک لیرامى شهر و قریه لر ده یانمش اولان ارمنی و مسلمان خانه و دکانلرینک یکیدن انشاسنه صرف اولونه جوق یوز بیسک لیراسی ده ارمنی تجارت و صنعتکارلریله چفتجیلرینک تسکرار ایشه باشلايه بیلملری ایچون اون سنه طرفنده اوده نمک شرطیه کندیلرینه اقراض اولنه جقدی .

کندی ریاستم آلتنده اطنه ده برانشآت قومیسونی تشکیل ایتدم . قومیسون آمریقالى میسیونر میستر جیمبرس ، برچوق اجنیلرله واکثریتی ارمنیلردن اولمق اوزره برچوق یرلیردن ترک ایدیوردی . اتخاذ ایتدیکم تدابیر سایه سننده اطنه یه ورودمدن درت آی صوکره ولایت داخلنده کی ارمنی کویلرینک کافه سی یکیدن انشا اولوندیغى کی مرکز ده دخی کوچوک عائله لره عائد خانلردن انشا اولونمایان قالمامشدی .

خالا ده درت بش آی طرفنده ارمنیلر تجارتلرینه ، صنعتلرینه ، زراعتلرینه کاملاً باشلادیلر و مسلمانلرله آره سننده کی برودت سابقه دن — هیچ اولمزسه ظاهر آ — هیچ برائر قالمادی .

ماندلشتام کتابنک ۲۰۵ نجی صحیفه سننده اطنه قتالندن مسؤل اولان مسلمانلرک الک اهمیت سزلردن یالکیز طقوز کشینک اعدام اولوندیغى تورکرلر حقنده کی نشریات غرضکارانه سیله مشهور اولان آدوسیدیس اسمنده کی بررومک اثرینه عطفاً ادعا ایدیورسه ده کرک آدوسیدیس وکرک ماندلشتام یالان سویلیوردلر . آطنه یه ورودمدن درت آی صوکره یالکیز اطنه شهرنده دیوان حرب عرفی محکوملردن اوتوز مسلمانى اعدام ایتدیردیکم کی اوندن ایکی کون صوکره ده ارزین قصبه سننده اون یدى مسلمانى اعدام ایتدیردم . بونلرله برابر یالکیز برارمنی اعدام اولمشدر . اعدام اولنان مسلمانلر آره سننده اطنه نک الک اسکی واک زنجینک عائله لرینه منسوب کینجلر بولوندیغى کی باغچه قضاسی مفتیسی دخی واردی . بومفتی احوالی تورکلى نزدیک بویوک برنقوده مالک بولنیوردی .

چوق تأسف ایدرم که اطنه وقعه سنک ایکنجی کونی برانجی واپوریه اسکندر یه فرار ایده بیلمش اولان مونسینور موشهغ او زمان الیه کچمدی . ینه حقلى اوله رق دیوان حرب طرفندن غیباً اعدامه محکوم ایدمش اولان بو ذات الیه کچسه ایدی اونی ده باغچه مفتیسنک قارشوسنه آصديرردم .

اطنه ولايتم زمانسده ارمنيلىك تأمين رفاهى و غائب ايتدكلرى شيلك تلافيسى
ايچون صرف ايتديكم مساعى ارمنيلىكده تحت اعترافندهدر . باخصوص او ائاده
اطنه يي زيارته كلان فرانسز، انگليز، اسويچرملى و آمريقالى برچوق اجانب بونلرى
رأى العين مشاهده ايتش و بى تبريك ايتشلهدر .

وقعه ائاسنده يتيم قالان ارمنى چوققلىرىك تربيه و تعليمى ايچون اطنهده
ياپديرديغم جسيم دارالايتام ائسه حالا باقيدر .

اطنهدن صوكره تعيين ايدليكيم بغداد ولايتدن ۱۹۱۲ سنهسى آغستوسنده
بالاستعفا استانبوله عودتمده عثمانلى حكومتى الكهلىكلى زمانلردن برينى ياشايوردى .

اولا ، ايتاليا ايله هنوز حال حربده ايدك . ثانياً ، بولغارستان ، صربستان ،
قرمطاغ و يونانستان عليهمزه اتفاق ايتشلهر واقشامه صباحه بروسيله حرب آرايورلردى .
ثانياً ، آرانوودلق حال عصيانده ايدى . رابعاً ، سوريهده بوتون عرب مطبوعاتى
حكومت عليهنه آتشلرپوسكورسيورلر و عرب ولايتلىر اصلاحات طلب ايدسيورلردى .

خامساً ارمنى بطريقى ارمنستانده اصلاحات ياپلىس طلبنى حاوى بابعالى به متمادى
تقررلر ياغديرسيوردى . سادساً واصل الك دهشتلىسى اوله رق خلاصكار ضابطان
غروپى نامنى آلان برطاقم ضابطان اردوده مشئوم برانارشى وجوده كتيرمشلهدرى .
چناق قلعه وازميرده وارانوودلقده بولنان اردو عادتاً حال عصيانده ايدى دينله بيلير .
مقام حكومتده ائسه غازى مختار پاشا قابينهسى بولنيوردى .

ايشته بواحوال داخلنده بالقان محاربهسى باشلادى . اردولريمىك بربرى آردى صره
هر طرفدن دوچار فلاكت اولدقلى ائاده فرصتى غنيمت بيلن موسقوف سياستى
ايله فرانسز سياستى ده ايشه باشلادى .

فرانسزلر، عربلىر سوريه اصلاحاتى طلبنده بولونمغه تشويق ايتدكلرى كى استانبول
روس سفيرى ده ۱۹۱۲ تشرين ثانياً سنك ۲۶ سنده روسيه خارجيه ناظرينه يازديغى
آتيدهكى تلغرافنامه ايله ارمنستان مسئلهسى اويانديرمغه باشلامشدى .

— موسيو دو كيرس مذكور تلغرافنامه سنده دييوردى كه : [°] « ارمنى قتال
وحشيانه سنك اناتولىيى و استانبولى قانلرم بوياديغى معهود ۱۸۹۴-۱۸۹۶ سنه لردن بىر،
«وضعيت اصلاح دوزمه مشدر . سلطان عبدالحميدك روسيه، فرانسه و انگلتره نك تصديق،
«آلئنده ۲۰ تشرين اول ۱۸۹۵ تاريخنده اصدار ايتديكى اصلاحات فرمانى بسبتون،
«منسى قالمشدر . اراضى مسئلهسى كوندن كونه چتيله شيور . اراضينك قسم اعظمى،

[°] ماندلاشنام صحيفه (۲۰۷) روسيه نك در سعادت سفيرى موسيو دو كيرسك ۲۶ تشرين
ثانى ۱۹۱۲ تاريخلى تلغرافنامه سى - كه طورونجى كتاب بونكه باشلار - ارمنى مسئله سنده
روس پوليقيكه سنك نقدر آجيق و خالصانه اولديغى كوستور .

« کوردلر طرفندن غضب ایدلمش ویا ابدلک اوزره بولونمشدر . حکومت مأمورلری ،
 « بوکا ممانعت ایدم جککری یرده غاصبلری حمایه و تشویق ایدیورلر . قونسلوسلر مزك
 « جمله سی ، کوردلرک شقاوت و یغما کرلکندن ارمنیلری قتل ایتدکلرندن وارمنی ،
 « قادیلرینک دین اسلامی قبوله مجبور ایدلکلرندن بحثده متفقدرلر . بو جرائمک ،
 « فاعللری حقنده هان أصلا تعقیبات اجرا اولنمامشدر . درساعات ارمنی بطریق ،
 « باب عالی به وعدلیه نظارتنه تقدیم ایدیلان تقریر پادشاهک ارمنی تبعه سنک معروض ،
 « بولوندیغی مظالم واشککنجهلری حقیقی صورته تصویر ایدر . « موسیو دوکیرس
 « دوام ایدرک دیورکه « بو حال ارمنی کتله لرینک کیتدکجهدها زیاده روسیه به دوعری ،
 « میل ایتمه لرینک سببی درجه کافیه ده ایضاح ایدر . ارمنستانده کی روس قونسلوسلرینک ،
 « جمله سی ارمنیلرک بوذهنیتی تصدیق ایدیورلر . ارمنیلر روسیه نك مراقبه سی آلتنده ،
 « اصلاحات اجراسنی و حتی روسیه اشغالنی آرزو ایدیورلر . ارمنی قاتولیقوسی ،
 « (شرقه کی خرسیتان اقوامنک حامیی) اولان روسیه دن تورکیاده کی بدبخت ارمنیلری ،
 « تحت حمایه سنه آلمسنی جناب حق نامه رجا ایدیور . سفیر ارمنی مسئله سنک روسیه ،
 « ایچون اساسلی براهیتی حائز اولدیغی تقدیر و حکومتک بونی تسویه ایچون اولک آیاق ،
 « اولسنی آرزو ایدیور . آنحق کیفیت اشغالی هنوز ایرکن بولیور و اصلاحات طرفداری ،
 « کورونیور . لیکن برکزه بوزمینه وضع قدم ایدیلیرسه ۱۸۹۵ سنه سی قانوننک عاقبت ،
 « الیمه سی تخطر ایتک و اصلاحاتی روس ویا اوروپالی مأمورلرک مؤثر بر مراقبه سی آلتنه ،
 « وضع ایتک لازمدر « دیور . موسیو دوکیرس « ترکیانک بولندیغی حال تدبیر و اغتشاشه ،
 « نظر آ اصلاحاتک سکونت منتظره نی بخش ایدمه سی احتمالیله اردولر مزك بوحوالی به
 « کیرملرنده کی لزومه حاضر لنمیدر « دیه سوزینه ختام ویرور .

داها ۱۹۱۲ سنه سی بدایتلرندن بری روسیه ده کی آچیمیا زین قاتونگی کوسی بوغوس
 توبار پاشانی ممالک عثمانیه ارمنیلرینک مختاریتی استحصال وظیفه سیله اوروپا قابینه لری
 نرذینه کوندره شدی که بوده روس سیاستندن بشقه برشی دکلدی .

روسلرک ارمنستان حقنده کی سوء نیتلری سترایچون قوللاندقلری سیاستله فرانسلرک
 سوریه حقنده قوللاندقلری سیاست یکدیگریته نه قدر توافق ایدیور .

۱۹۱۳ سنه سی ابتدالرنده پارسده انعقاد ایدن عرب قونفره سی اعضاسندن
 بیروتلی یرمسلمان فرانسلر خارجیه ناظری موسیو پیشونه شویله سویلوردی :

« — بزکرچه عرب قونفره سی پارسده عقد ایدیورایسه کده مقصدمیز یالکیز
 عربستان ولایتلرنده اصلاحات اجراسنی حکومت عثمانیه دن طاب ایتکدن عبارتدر .
 فرانسه نك سوریه نی اشغال ویا اوراسنی تحت حمایه سنه آلمسنی قطعاً آرزو ایتیمیز .
 موسیو پیشون فرانسلرک سوریه حقنده برسوعیت بسله مدیکنه بر مثال تشکیل
 ایتک اوزره بومکالمه یی سفیر موسیو بومپاره اوزمان نقل ایدیوردی .

همان عینی تاریخلرده یعنی ۱۹۱۳ سنه‌سی مارتک اون بشنده روسلرده بوغوص
توبار پاشایه عینی سوزلری بلمکده عینی کلمه‌لری تکرار ایدیوردی . پارس روس
سفیری موسیو ایزدولسکی‌نک روسیه خارجیه ناظری موسیو سازانوفه یازدینی
مکتوب بومدعاضی اثبات ایدر [*]

عرب وارمنی اصلاحچیلرینک عینی زمانده وعینی طرزده مهم اولدقلرینی کوسترن
بوتوارد تورکیه‌نک تقسیم‌حقنه اوزمان فرانسه‌ایله روسیه آره‌سنده قرارلاشدیرلش
اولان سیاستی پک کوزل اثبات ایدر ظن ایدرم .

نهایت ۲۲ مایس ۱۹۱۳ ده روسیه خارجیه نظارتی ارمنی اصلاحاتی ایچون ایلک
آدیمی آتمشدی . موسیو سازانوف اوتاریخده برلین روس سفیرینه یازدینی برتلرافنامه
ایله ارمنستان اصلاحاتی ایچون باب‌عالی نزدنده تشبثات ذویهده بولونمغه راضی اولسنی
آلمانیا حکومتندن طلب ایدیوردی‌که بوتاریخ اینوس - میدیه خطی بولغار - تورک
حدودی اولقی اوزره قبول ایدرک لوندره معاهده ابتدائیه‌سی امضایه مجبور اولدیغمز
تاریخلرده یعنی حکومت عثمانیه‌نک بی‌تاب اولدینی زمانلره تصادف ایدر .

عینی تاریخلرده استانبولده ارمنیلرک تظاهرات ملیه‌سی جداً تصورك فوقه‌چیقمش
ایدی . ارمنی حروفاتنک تاریخ ایجادینک بیلیم قاچمچی سنه‌سی شنلکلرینی اجرا
ایدن ارمنیلر پک بویوک نمایشر یامیشلر حتی سوقاقلرده ارمنی ملی رنگلرینی حاوی
قونقه‌تیلر آتمقدن بیلله چکینمه‌مشلردی . بز بونلره ایوبانه برصبر ایله تحمل ایدیور
وناخوش بروقمه‌نک حدوثنه مانع اوله‌جق تدابیر اتخاذایدیوردق . اوصرده بن
استانبول محافظتی اولدیغمز حالده ارمنیلر طرفندن دعوت اولوندیغمز تقسیم باغچه‌سنه
کیتمش وارمنی ملتینی صوک درجه‌لرده مدح وستایش ایده‌جک صورنده برنطق
ایراد ایتشدم .

روسیه خارجیه ناظرینک تکلیفی ۱۸۹۵ سنه‌سنده حکومت عثمانیه تکلیف
ایدلش اولان اصلاحات پروژه‌سنی اساس اتخاذایدرک یکی براصلاحات پروژه‌سی
تنظیمی وظیفه‌سنک دول معظمه‌نک استانبول سفراسنه تودیغندن عبارت ایدی .
انکلتره و فرانسه بوتکلیفی درعقب قبول استیدیلر . یالکز المانیا ، دول معظمه
سفارت مأمورلرندن ترکیب ایده‌جک اولان قومیسیونه باب‌عالی طرفندن تعین اولونه‌جق
مأمورلرک دخی ادخال ایدلمسینی تکلیف ایدیوردی . روسیه قطعاً بوکا یاناشارادی
ونهایت اصل علاقه‌دار دولتک غیابنده تدقیق مسئله‌ایتمک اوزره یکی کویده برترجانلر
قومیسیوننک تشکل ایتمه‌سنه آلمانیا‌نکده موافقتی استحصال ایلهدی .

دها بوقومیسیون‌ایشه باشلامازدن اول استانبول روسیه سفارتخانه‌سی ، باش ترجمان

ماندلشتامه بر اصلاحات پروژہ سی احضار ایتدیرمشدی . مستقل بردولتک اجزای متممہ سندن اولان واسع برمنطقہ دہ سا کن اولان براقلیت عنصرینک محافظہ حقوق نامنہ اودولتہ بویہ بر پروژہ نک اوتانمہ دن نصل تکلیف اولونہ بیلہ جکنی تقدیر ایتدی ارباب انصافک وجدانہ حوالہ ایدرم . فوق العادہ حائز اہمیت اولسی اعتباریلہ عیناً درج ایدیورم .

پروژہ

در سعادت ۸ حزیران ۹۱۳
ارمنستاندہ پاییلہ جق اصلاحات حقندہ در سعادت روسیہ سفارتی برنجی ترجمانی موسیو ماندلشتام طرفندن تنظیم اولونان (Avent projet) لایحہ مسودہ سیدرکہ آتی دہ کی اساساتہ مبتنیدر :

ارمنستان اصلاحاتی حقندہ فرانسه ، انکلترہ و روسیہ نک در سعادت سفراسی طرفندن قلمہ آلتان مخطرہ (مارت - نیسان ۱۸۹۵) ؛

فرانسه ، انکلترہ و روسیہ نک در سعادت سفیرلری طرفندن ارمنی ولایاتنک امور ادارہ سنہ متعلق تنظیم اولونان اصلاحات لایحہ سی (مارت - نیسان ۱۸۹۵) ؛

ارمنیلرلہ مسکون ولایات شاہانہ دہ تطبیق اولنہ جق اصلاحاتی متضمن ۲۰ تشرین اول ۱۸۹۵ تاریخی فرمان ہایون ؛

اوروپای عثمانیدہ کی ولایات شاہانہ یہ دائر اوروپا قومیسونی طرفندن تنظیم اولونان ۱۱ - ۲۳ اگستوس ۱۸۸۰ تاریخی قانون لایحہ سی ؛

۱۹۱۳ سنہ سی ولایات قانونی ؛
جیل لبنانہ متعلق نظامات و پروتوقولر .

۱

۱ — حکاری و سعرد ایلہ بیشریک و ملاطیہ نک اقسام جنوبیہ سی و سیواسک شمال غربی حوالیسی کبی ہمحدود بعض محللر مستثنا اولق اوزرہ ارضروم ، وان ، بتلیس ، دیاربکر ، خرپوط ، سیواس ولایتلرندن یالکیزر ولایت تشکیل اولونہ جقدرد .

- ۲ — بوولایت ادارهٔ تقسیمات آتیہی حاوی اولہ جقدر : سنجاق ، قضا ، ناحیہ .
 ۳ — بو تقسیمات او صورتلہ یاپیلہ جقدرکہ اورالردہ سا کن اہالی عرق اعتباریلہ ممکن مرتبہ متجانس بولونسون .
 (۱۸۹۵ تاریخلی سفرای ثلثہ خطرہ سنک یدنجی بندی — ۱۸۹۵ تاریخلی سفرای لایحہ سی مادہ ۷)

۲

ارمنی ولایتک والیٰ عمومی تبعة عثمانیہ دن برخریستیان ویاخود ترجیحاً اوروپالی اولہ جقدرکہ بش سنہ مدتہ و حکومتک موافقتیلہ باارادۂ سنہ نصب اولنہ جقدر .
 (برلین معاہدہ نامہ سی مادہ ۱۷ ؛ ۱۸۹۶ تاریخلی کریدنظامنامہ سی مادہ ۱ ؛ جبل لبنانہ قائد نظامات وپرتو قولر ؛ ۱۸۹۵ تاریخلی سفرای ثلثہ خطرہ سی مادہ ۲ و ۷ ؛ ارمنیلرلہ مسکون ولایات شاہانہ اصلاحات فرمانی بند ۱ .)

۳

- ۱ — والی عمومی ولایتک قوۂ اجرائیہ رئیس در . ولایتک بالجملہ مأمورین ادارہ سنی بلا استثنا تعیین وعزل ایدر . گذا ولایتک بالجملہ حکامنی اوتعیین ایدر .
 ۲ — پولیس وژاندارمہ قوتلری طوغریدن طوغریہ والیٰ عمومینک حکم وادارہ سی التہ موضوعدر .
 ۳ — ولایتدہ محافظۂ انضباط ایچون والیٰ عمومینک طلبی اوزرینہ قوای عسکریہ انک امرینہ تودیع اولونہ جقدر .
 (۱۸۶۴ تاریخلی جبل لبنان نظامنامہ سی مادہ ۱ ؛ ۱۸۸۰ تاریخلی اوروپا قومیسونی لایحہ سی مادہ ۲۷ ، ۳۲ ؛ ۱۹۱۳ تاریخلی ادارهٔ ولایات قانونی مادہ ۲۰ ، ۲۵ و ۲۶)

۴

ولایتدہ والیٰ عمومی نزدندہ ماہیت استشارہی حائر بر مجلس اداره بولنہ جقدرکہ اعضایی :

- ۱ — ولایتک مختلف شعبات ادارہ سی رؤسائندن
 ب — مختلف جماعت مذہبیہ رؤسای روحانیہ سندن
 ث — خدمت حکومت سنہدہ شعبات ادارہ رؤساسنہ معاونت ایدن اوروپالی مشاور فیلردن

د — مجلس عمومی ولایت طرفندن کندی اعضاسی میانده انتخاب اولونه جق اوچی مسلم و اوچی خرسیان الی اعضادن مرکب اوله جقدر .
(۱۸۸۰) تاریخلی اوروپا قومیسونی لایحه سی ماده ۴۹ ؛ ۱۹۱۳ تاریخلی اداره ولایات قانونی ماده ۶۲ ؛ ۲۵ تشرین اول ۱۸۹۵ تاریخلی فرمان هایون بند ۶)

۵

۱ — مجلس عمومی ولایت مساوی عددده مسلمان و خرسیانلردن متشکل اوله جقدر .

۲ — مجلس عمومی ولایت اعضالی قضالرده بو خصوصده متشکل انتخابات هیئتلی طرفندن رأی خفی ایله انتخاب اولنه جقدر .

۳ — مختلف مسلمان و خرسیان ملتره تخصیص اولنه جق مواقع عددی هر قضاده آریجه تعیین اولنه جقدر . بوعدد ، قضانک نفوس مقدارینه کوره [بومادهک برنجی بندینک ، اساسیله تألیفی قابل اولدینی درجهده] متناسب اوله جقدر .
(جبل لبنان تشکیلاتنه عائد ۹ حزیران ۱۸۶۱ تاریخلی پروتوقول و نظامنامه ماده ۲ ؛ ۱۸۹۵ تاریخلی سفرای ثلثه لایحه سی ماده ۵ ؛ ۱۸۸۰ تاریخلی آوروپا قومیسونی لایحه سی ماده ۶۹ و ۱۹۱۳ تاریخلی اداره ولایات قانونی ماده ۱۰۳)

۶

۱ — مجلس عمومی ولایت بش سنه مدت ایچون انتخاب اولنه جق و سنهده بردفعه ایکی آی مدتله اجتماع عادیده بولنه جقدر . بو اجتماع مدتی والی عمومی طرفندن تمدید اولنه بیلیر .

۲ — مجلس عمومی ولایت کرک والی عمومینک تشبثی و درک اعضاسندن ایکی ثلثاننک طلبی اوزرینه اجتماع فوق العادهیه دعوت اولنه بیلیر .

۳ — والی عمومی مجلس عمومی ولایتی داغیده بیلیر . بوتقدیرده منتخبلر ایکی آی ظرفنده طوپلانه جق و یکی مجلس عمومی ، امر فسخک تاریخندن اعتباراً درت آی ظرفنده اجتماع ایده جکدر .

۴ — مجلس جمع و فسخی حقنده کی أوامر نام نامی حضرت پادشاهییه اضافه اولنه جقدر .

(۱۸۸۰ تاریخی آوروپا قومیسونی لایحه‌سی ماده ۷۳ - ۷۵ ؛ ۱۹۱۳ تاریخی ولایات قانونی ماده : ۱۱۱ - ۱۱۵ - ۱۲۵)

۷

۱ — مجلس عمومی ولایت منافع ولایت متعلق مواد حقنده قانون تنظیم ایدر .

۲ — بودجه وقانون تنظیمی خصوصنده مجلس عمومی ولایتک صلاحیتی لاقفل آوروپا قومیسونی طرفندن ۱۸۸۰ سنه‌سند تنظیم اولنان لایحه‌نک ۸۲ - ۹۳ نجی ماده‌لرنده تصریح اولوندینی درجه‌ده واسع اوله‌جقدر .

۳ — یاپیله‌حق قوانین تصدیق‌عالی حضرت پادشاهی‌به عرض اولونه‌حق وایکی آی طرفنده تصدیق ویا ردی حقنده اراده سنیه شرف‌صادر اوله‌جقدر . بومدنک انقضاسنده حکومتک سکوتی تصدیق معناسنی تضمن ایده‌جکدر .

(۱۸۸۰ تاریخی آوروپا قومیسونی لایحه‌سی ماده ۸۲ - ۹۳ ؛ ۱۹۱۳ تاریخی اداره ولایات قانوننک ۱۲۳ ، ۱۲۴ ، ۱۲۸ - ۱۳۵ نجی ماده‌لری)

۸

۱ — سنجاقلرده اداره مجلسلرینه متصرفلر ریاست ایده‌جک و مجالس مذکوره سنجاقل رؤسای مأمورینیه جماعات مذهبییه رؤسای روحانیه‌سندن و قضا مجالس اداره‌لری طرفندن منتخب اوچی مسلمان و اوچی خریستیان آلتی اعضادن متشکل اوله‌جقدر .

۲ — قضا مجلس اداره‌لری قائم‌مقاملرک تحت ریاستنده بولونه‌حق و قضا رؤسای مأمورینیه جماعات مذهبییه رؤسای روحانیه‌سندن و ناحیه مجلسلری طرفندن منتخب (ایککی مسلمان ، ایککی خریستیان) درت اعضادن مرکب اوله‌جقدر .

۳ — بو مجلسلرک وظائفی آوروپا قومیسونی طرفندن ۱۸۸۰ سنه‌سند تنظیم اولونان لایحه‌نک ۱۱۵ - ۱۱۶ و ۱۳۹ - ۱۴۰ نجی ماده‌لری احکامنه توفیقاً تعیین اولونه‌جقدر .

(۱۸۸۰ تاریخی آوروپا قومیسونی لایحه‌سی ماده ۱۱۴ - ۱۱۵ - ۱۱۶ - ۱۳۸ ، ۱۳۹ و ۱۴۰ ؛ ۲۰ تشرین اول ۱۸۹۵ تاریخی فرمان‌هایون ماده ۶)

۱ — هر ناحیه نك دائره اتساعی ، ممكن اولديغی مرتبه عینی عرقه منسوب قریه لرك بر ناحیه یه ارتباطی تأمین ایده جك صورتده تعیین اولنه جقدر .

۲ — هر ناحیه بر مدیر طرفندن اداره اولونه جقدر . اهالی طرفندن منتخب و اقلی درت و اعظمی سکنز اعضادن مرکب بر مجلس مدیره معاونت ایده جقدر . بمجلس ، مدیر ابله معاونتی اعضاسی میانندن انتخاب ایده جقدر . مدیر ، اکثریتی تشکیل ایدن عرقه منسوب جماعتدن و معاونی دیگر طرفدن انتخاب اولونه جقدر .

۳ — اهالیسی مختلط اولان ناحیه لرده اقلیت ، لاقل یکریمی بش خانه مقدارنده بولونمق شرطیله مجلسده اهمیت نسبتنده تمثیل ایدیه جقدر .

۴ — ناحیه مجلسلرینك وظائفی اوروپا قومیسونی طرفندن ۱۸۸۰ سنه سندم تنظیم اولنان لایحه نك ۱۶۳-۱۶۸ نجی ماده لری احکامنه توفیقاً تعیین اولونه جقدر . (۱۸۸۰ تاریخی اوروپا قومیسونی لایحه سی ماده ۱۶۲-۱۶۸ ؛ ۱۸۹۵ تاریخی سفرای ثلثه اصلاحات لایحه سی ماده ۷ ، ۸ ، ۹ ؛ ۲۰ تشرین اول ۱۸۹۵ تاریخی فرمان هایون ماده ۷ ، ۸ ، ۹)

۱ — هر ناحیه ده والی عمومی طرفندن منصوب و ناحیه ده اکثریتی تشکیل ایدن جماعت دنیان متدین بر صلح حاکی بولونه جقدر . بوندن ماعدا هر قضامر کزنده بر صلح حاکی بولونه جقدر .

۲ — صلح حاکی :

ا — مواد جزائییه ده : عادی قباحت درجه سندم کی جنحه لری بلا استیناف و بشیوز غروشدن زیاده جزای نقدی ویا اوچ آیدن زیاده حبسی مستلزم اولمیان جرملری قابل استیناف اولمق اوزره

ب — مواد حقوقیه ده : بیک غروشه قدر حقوق و تجارت دعوالرینی بلا استیناف و بش بیک غروشه قدر عینی خصوصه متعلق دعاوی یی قابل استیناف اولمق اوزره رؤیت ایدر .

۳ — صلح حاکی ، صلح محکمه سی امورینی تدویر ایدر . و بش بیک غروشی متجاوز دعاویده ببله طرفینك طلبی اوزرینه تسویه اختلافات ایچون حکملر اراؤه

ایده بیلز . بویه حکم تعیینی صورتیله ویریه جک قرارلره طرفین حق استینافلرندن نکول ایده جکلردر .

۴ — سنجاقلرده محاکم یا لکیز حقوق محکمه سینی حاوی اوله جقدرکه والی عمومی طرفندن منصوب بر رئیس ایله ، بری مسلمان دیکری خریستیان ایکی شهادتنامه لی حاکمدن متشکل اوله جقدر . سنجاق محاکمی ، بش بیک غروشی متجاوز حقوق و تجارت دعوالری بی دایه و صلح حاکملری طرفندن حقوق و تجارت دعوالرنده ویریلان قرارلری استینافاً رؤیت ایدر .

۵ — سنجاق محکمه لرینک جنایت قسملری یرینه سیار محاکم جنایه احداث ایدلمشدر . بو محکمه لر سنجاق محکمه سنک مربوط اولدینی محکمه استیناف طرفندن کمدی اعضالری میاننده انتخاب اولونه جق بر رئیس ایله ینه عینی محکمه استیناف طرفندن سنجاق صلح حاکملری اراسنده اراؤه اولونه جق بری مسلم و دیکری خریستیان ایکی اعضادن تشکل ایدر .

۶ — محکمه جنایت ، تبیین ایده جک لزومه کوره قضالک کافه سنده نوبته اخذ موقع ایدر .

۷ — هر قضاده بر مستنطق بولونه جقدر . قضایه مواصلتنده محکمه جنایت رئیس تحقیقاتی ختام بولان و کندیسنه در حال ، تودییی احجاب ایدن دعاوی ایله هنوز در دست تدقیق بولنان دعاوینک بر رد فترنی مستنطقدن طلب و اخذ ایده جکدر . بونلرده مخالف نظام بر حال و یا سببسز تأخرات وقوعی کورورسه در حال کیفیتی محکمه استیناف رئیسنه راپورله بیلدیره جکدر .

— محکمه جنایت ، قباحت و جنبه مائه لرندن دولای صلح حاکملری طرفندن ویریلان حکملری استینافاً تدقیق ایدر . مواد جنائییه و بشیوز غروشدن زیاده جزای نقدی و یا اوچ آیدن زیاده حبسی مستلزم جرایمی بی دایه و قطعاً حکم ایدر .

۹ — لا اقل الی محکمه استیناف بولونه جقدر . بو محاکم هر بری والی عمومی طرفندن منصوب شهادتنامه لی حکمدن بر رئیس ایله کرک لاجل الاستیناف کندیسنه تودیع اولونه جق دعاوی حقوقیه یی رؤیت ایتمک و کرک سیار محاکم جنایه یه رئیس یتشدره بیلیمک ایچون لزومی قدر هیئتدن متشکل اوله جقدر . محکمه استیناف بر رئیس و ایکی اعضانک حضوریه نظاماً تأسس ایدر . فضله اوله رق بر مدعی عمومی و مقدار کافی مدعی عمومی معاونلری بولونه جقدر .

۱۰ — احتیاج کوریلان مواقعه تجارت محکمه لری تأسس ایدیه جکدر .

بونلرک اجرای وظیفه ایستدیی محالرده محاکم حقوقیه دعاوی تجاریه ابله اشتغال ایدمه حکدر.

۱۱ — محاکم شرعیه نك صلاحیتی صورت واضحه ده تعیین اولنه جق ولایتك دیگر محاکمی وظائفنه تجاوز اتمه ملرینه والی عمومی طرفندن دقت ایدیه حکدر. حکام شرع ولایتك دیگر محاکمی ریاست وظائفنی عهده لرنده جمع ایدمه حکدر.

(۱۸۹۵ تاریخی سفرای ثلثه اصلاحات لایحه سی ماده ۲۹ - ۳۹ ؛ ۱۸۸۰ تاریخی اوروپا قومیسونی لایحه سی ۱۲۵ - ۲۶۳)

۱۱

۱ — ولایتده برپولیس وبرژاندارمه طابورلری corps تشکیل اولنه جقدر. بو طابورلر ولایتك مسلم وخریستیان اهالیسندن طوبالانه جقدر.

۲ — طابورلرک ترتیب وتنظیمی وباش قوماندانلنی خدمت دولت علیه ده بولونان آوروپالی ضابطانه تودیع اولنه جقدر.

۳ — ناحیه لرده کوی بکجیلری احداث اولونه جقدر. بونلر ناحیه مجلسلری طرفندن تعیین اولنوب مدیرلرک امری آلتنه موضوعدرلر.

(۱۸۹۵ تاریخی سفرای ثلثه اصلاحات لایحه سی ماده ۱۸-۲۱ و ۲۰ تشرین اول ۱۷۹۵ تاریخی فرمان هایون ماده ۲۴)

۱۲

۱ — ولایتده مقیم قرعه افرادی حال حضرده خدمت عسکریه لرینی اوراده ایفا ایدمه جکلدر.

۲ — خفیف کرد سوارلی آلایلری (اسکی حمیدیه آلایلری) ترخیص اولنه جقدر. (۱۸۹۵) تاریخی سفرای ثلثه اصلاحات لایحه سی ماده ۲۵ و ۱۸۹۵ تاریخی فرمان هایون ماده ۲۸)

۱۳

۱ — ولایتك.أمورین ملکیه وعدلیه سی مسلمانلرله خریستیانلر آراسنده مساوی مقدارده انتخاب اولونه جقدر.

۲ — متصرف وقائم مقاملرک تعییننده مختلف عرقلره منسوب اقوامک مقداريله بونلرک منافع اقتصاديله لرینک اهمیتی نظر اعتباره آله جقدر .

(۲۰ تشرین اول ۱۸۹۵ تاریخلی فرمان هایون ماده : ۵)

۱۴

۱ — یالکزی رلی اهالی مقیمه انتخاب اتمک وایدلک حقندن استفاده ایده جکلردر .

(۱۸۹۵ تاریخلی سفرای ثلثه اصلاحات لایحه سی ماده : ۲۴)

۲۰ تشرین اول ۱۸۹۵ تاریخلی فرمان هایون ماده : ۲۷)

۱۵

۱ — ولایتده نشر اولونه حق قوانین ، ارادات ، اوامر ، تبلیغات عمومیه واعلانات رسمه ، ولایتده باشلوجه مستعمل اوچ لسان اوزرینه (ترکجه ، ارمنیجه ، کردجه) یازيله جقدر .

۲ — عرض حال ، استدعا و مأمورین ملکیه وعدلیه ویريله جک بتون اوراق ، اصحابنک انتخابنه کوره بو اوچ لساندن بريله یازيله جقدر .

۳ — محکمه لرده دعاوی مدافعه سی علاقه دارانک انتخابنه کوره کنندی لسانلری ایله یازيله جقدر .

۴ — محاکم اعلامی ترکجه تنظیم و بوکاطر فینک لساننده برترجه سی ربط اولنه جقدر .

(سفرای ثلثه لایحه سی ماده ۴۰ ، اوروپا قومیسونی لایحه سی ماده ۲۲ داخلیه نظارتنک ۶ نیسان ۱۹۱۳ تاریخلی ایله عرب ولایتلرنده تعمیمی)

۱۶

۱ — ولایتده ساکن ملتلرک هربری هر درجه ده خصوصی مکاتب تأسیس و اداره حقنی حائزدر .

۲ — بومکتبلرک احتیاجاتی ایفا ایچون افراد ملت اوزرینه خصوصی ویرکولر طرح ایده بیلیر .

۳ — ابتدائی مکتبلرنده تدریس لسان ملی اوزرینه اجرا ایديله جکا ر .

۴ — بومکتبلرک تفتیش و نظارتی والی عمومی به ، هائدرکه ولایتک نظامات داخله سیله موضوع قواعد توفیقاً ایفا ایدم جکدر .

۵ — خصوصی مکتبلرده ترک لسانک تحصیل مجبوری اولاجقدر .

(۱۸۸۰ تاریخی اوروپا قومیسونی لایحه سنک ۱۴ نجی فصلی)

۱۷

والی عمومی نک تحت ریاستنده تشکل ایدم جک . بر قومیسون مخصوص اراضی غصب ایدلمش اولان ارمیلرک نه شرائط التنده اموال مقصوبه لرینک استرداد ویا بونلرک نقداً ویا اراضی اعطاسی صورتیله بدل مثلرینک تضمینی استحصال ایدم جکلرینی تعیین ایدم جکدر .

(سفرای ثلثه اصلاحات لایحه سی ماده ۲۶ ؛ ۱۸۹۵ تشرن اول تاریخی فرمان هایون ماده ۲۹ .)

۱۸

ارمنی ملتینک (ساحاناتروتیون) دنیلان ۱۸۶۳ تاریخی نظامات داخله سی وسلاطین عظام طرفندن معطی براترله حائز اولدقلری حقوق و امتیازاتک حلالدن مصونیتی صورت قطعیه ده تعهد اولنه جکدر .

(سفرای ثلثه مخرمه سی ۱۱ نجی بند)

۱۹

ولایت داخلنده کی اراضی به مهاجرین اسکان ایدلمه جکدر .

۲۰

ولایت خارچنده و بتخصیص اطنه جوارنده ساکن ارمیلرک شرائط حیاتیه لرینک تعدیلی ایچون بالاده بیان اولونان اساسات دائره سنده احکام مخصوصه نشر اولونه جکدر .

(سفرای ثلثه مخرمه سی ماده : ۱۲ ؛ اصلاحات فرمان هایونی ماده ۴)

۲۱

حکومت عثمانیه و دول اجنبیه مرخصلرندن متشکل بر قومیسون مخصوص ولایتک

نظامات داخله سنی و یکر منجی ماده ده مذکور احکامی اشبولایحه ده مندرج اساسات دن ملهم اوله رق تنظیم ایده جکدر .

۲۲

بوا حکامک تمامی اجراسنی دول اجنبیه متعهددر .
(سفرای ثلثه مخطره سی ماده ۸ و فرمان هایون ماده ۳۲ و ۱۸۹۶ تاریخلی کرید
نظامنامه سی ماده ۱۴)

بو پروژنه ک قبولندن اعظمی برسنه صو کره ارضروم ، سیواس ، وان ، بتایس ، دیاربکر و معموره العزیزولایتلرنک روسیه حمایه سنه ودها طوغریسی روسیه نك اشغالنه هیچ شبهه ایتمه ک لازمکیر ظن ایدرم .

بو پروژنه ک حین مذا کره سنه آلمان دلکسی دائما حکومت عثمانیه نك محافظه حقوقی طرفنی التزام ایتمش وروس دلکسی بو حقوقی نه قدر ممکنسه اوقدر بالطله لامغه ساعی بولونمشدی . فرانسه وانکلز دلکلی روس دلکسنه یاردا قجیلق ایدیور . اوستریا وایتالیا دلکلیده آلمان مأمورینک نقطه نظرینه طرفدار کورونیورلردی . ۱۹۱۳ سنه سی تموزینک اوچنده اجتماعه باشلایان قومیسون ۲۳ تموزه قدر متعدد دفعه لر انعقاد ایتمش ایسه ده ایلی هیچ بر نتیجه یه اقران ایتدیره مه یه رك داغیلمشدی . زیرا روسلرک مقصدی مطلقا ارمنستان ایچون بالاده کی پروژنه یی قبول ایتدیرمک المانلرک املی ایسه حکومت عثمانیه یی ممکن مرتبه صیانت ایده بیلیمکدی .

نهایت موسو دو کیرس ۱۹۱۳ سنه سی ایلولنده آلتی ماده لک بر اصلاحات پروغرامی اساساتی آلمان سفیری بارون فون وانقهایمه قبول ایتدیرمکه موفق اولدی . واوزمان مذا کرات صدر اعظم و خارجیه ناظری سعید حلیم پاشایله بویکی سفیراره سنه جریان ایتمکه باشلادی . بو پروگرامک اساسانه واقف اولدقن صو کرا بونک خارجی تضییقاته حاجت قالمقسن برن حکومت عثمانیه طر فندن طوغریدن طوغریه تطبیقه امکان بولنه بیله جکنی اکلادق و بوتون ممالک عثمانیه شامل اولق اوزره پک واسع بر اصلاحات عمومیه پروژنه سی قرار لاشدیره رق سفیرلریمز واسطه سیله دول معظمه یه تبلیغات اجرا ایتدک . بو پروژه موجبجه ممالک عثمانیه آلتی مفتش عمومیلک منطقه سنه تقریق ایدیه لک و بونلرک ایکسی شرقی اناطولی و لایتلرندن ترکب ایده جکدی .

برایست یوردق که بوا یکی شرقی آناتولی مفتش عمومیه کنی انکلیزلره ویردم و بوسایه روس انترقه سندن قورتولهلم. بناء علیه بزه بویه ایکی مأمور و یروب ویرمه یه جکینی سیرادوار غریدن استمزاج ایتیمی یازدیغمز لوندره سفیری توفیق پاشا انکلیزلرک بوفکره پک ممایل اولدقلری جوانی و بر دیکندن صدراعظم پاشا در عقب رسماً مراجعت ایتدی. بوتکلیف انکلتزه حکومتی طرفندن قبول اولونور اولونماز روس تاشائی صویه دوشه جکدی. اون بش کون صو کره انکلتزه حکومتی روسیه نك موافقتی اولمادن انکلیز مأمور لرینک شرقی آناتولی ولایتلرینه تعییننه موافقت ایدمه یه جکینی جوانی ویرنجه بوتون امیدلریمز محو اولدی. و آرتق آناتولی که انکلیزلر بزی کاملاً روس آمانه فدا ایتمه قرار ویرمشلردی.

چارناچار صدراعظم پاشا ایله روس و آلمان سفیرلری آرسنده باشلامش اولان مذاکراته دوام اولوندی، و ۸ شباط ۱۹۱۴ تاریخنده صورتی عیناً درج ایتدیکم ائتلافنامه روسیه مصاحتکنداری موسیو غولک و موسیو سعید حلیم پاشا طرفندن امضا ایدلدی.

۲۶ کانون ثانی و ۸ شباط ۹۱۴ تاریخلی تورک و روس ائتلافنامه سی

متنیدر [۰]

صدراعظم و خارجیہ ناظری پرنس سعید حلیم پاشا حشر تلرله روسیه سفارتی مصاحتکنداری موسیو قونسطنطنین غولک و یوچ جنابلری بیننده شرقی آناتولینک ایکی منطقه سی ریاستنه ایکی مفتش عمومینک تعیینیه برابر عینی زمانده باب عالی طرفندن دول معظمیه آتیده کی نوطه نك ارسالی تقرر ایتشد:

« اجنی ایکی مفتش عمومی شرقی آناتولی نك ایکی منطقه سی ریاستنه کوندربله جکدر. موسیو ... ارضروم، سیواس، طریزون و لایتلرینی حای منطقه یه و موسیو ب ... وان، بتلس، خربوط، دیاربکر و لایتلرینی محتوی منطقه یه کیده جکدر.

مفتش عمومیلر منطقه لری داخلنده امور اداریه و عدلیه یی و پولیسی ایله ژاندارمه یی تفتیش ایدمه جکدر.

امنیت عمومیه قوتلری غیر کافی کلدیکی تقدیرده مفتش عمومینک طلبی اوزرینه صلاحیتی داخلنده اتخاذ اولمان تدابیرک اجرا سیچون قوای عسکریه اونک امرینه آماده بولوندریله جقدر. مفتش عمومیلر، ایجاب حاله کوره سوء اداره و اقتدار سرزغنی کوردکلری بتون مأمورلری عزل و قانوناً شایان جزا بر حرکتدن دولایی قباحتی

اولانلری عدلیه یه تودیع ؛ و عزل ایدیلن معیت مأمورلری یرینه قوانین نظامات ایله معین اوصاف مطلوبه یی و کفایتی حائز مأمورین جدیده نصب و اقامه ایدرلر . بیوک مأمورلرک تعیینی خصوصی حکومت سنیه یه عرضه حق و صلاحیتلری اوله جقدر . بتون عزل ایشلرنده نظارت عائد سنی بوباید مختصر معلوماتی حاوی تلغرافله کیفیتدن خبردار ایده جککلر و بوندن اعتبار آسکیز کون طرفنده بومأمورلرک دوسییه سنی و مفصل اسباب موجب لایحه سنی کوندره جککلر در .

تدابیر عاجله اتخاذنی مستلزم احوال مهمه ده مفتش عمومیلر لاینعزل اولان مأمورین عدلیه حقنده در حال ایشدن ال چکدرمک حقندن استفاده ایده جککلر در . شوشروط ایله که کیفیت هان عدلیه نظارتنه بیلدیره جککلر .

والیلر طرفندن حقارنده تدابیر زجریه مستعجله اتخاذنی موجب احوال وقوعی تبیین ایتدیکی تقدیرده مفتش عمومیلر تلغرافله کیفیتی داخلیه نظارتنه اشعار ایده جککلر در . نظارت مشاورانله در حال ایشی مجلس وکلایه تودیع ایده جک و مفتش عمومی تلغرافنامه سنک ورودی تاریخندن نهایت درت کون طرفنده بوخصوصه برقرار اعطا اوله جقدر . اراضی اختلافاتی طوغریدن طوغریه مفتش عمومیلرک مراقبه سی التنده فصل اوله جقدر .

مفتش عمومیلرک وظائفه دائر دهامفصل تعلیمات انلرک تعیینندن صکرمه و کندیلریله بالمشاوره تنظیم اوله جقدر .

اون سنه لک مدتک امتدادنجه مفتش عمومیلک مقاملری منحل اوله جق اولورسه بابعالی مذکور مفتش عمومیلرک انتخابی ایچون دول معظمه نك معاونت خیر خواهانه سنه انتظار ایدر .

قوانین و مقررات و تبلیغات رسمیه هر منطقه ده السنه محلیه اوزرینه نشر اوله جقدر . هرکس محاکم حضورنده و دوائر رسمیه ده - مفتش عمومی بونی قابل اجرا کوردیکی حالده - کندی لسانتی استعمال حقنی حائز اوله جقدر . محاکم اعلاناتی ترکجه یازیله جق ویا ممکنسه ، علاقه دارانک لسانیه برترجه سی اوکا ربط اوله جقدر .

هر عنصرك ولایتلر معارف بودجه لرنده کی حصه سی معارف نامنه جبات اولونان ویرکویه اشتراکی نسبتنده تعیین اوله جقدر . حکومت سنیه جهات مختلفه منسوبینک کندیلرینه تائد مکتبلرینی اداره ایتلرینه اصلا ممانعت ایتیه جککلر .

هر عثمانلی حال حاضر و آسایشده خدمت عسکر به سنی ساکن اولدینی عسکری مفتشلك دائره سنده اجرا ایده جککلر . معافیه حکومت سنیه امرا خیره دکن یمن عسیر و نجدکی مواقع بعیدیه مملکتک هر قسمندن اهالی ساکنه نك نسبتنه کوره بریه اردوسنه عسکر طوپلایه جق و بوندن ماعدا بحریه اردوسنه کافه ممالک عثمانیه ده قرعه نفرائی قید ایده جککلر .

حمیدیه آلایلری احتیاط سواری صنفه تحویل ایدیه جک در. سلاحری عسکری ده پولرنده حفظ اولنه حق وانلرم یالکز سلاح التنه جلب اولوندقلری ویا مانووره زمانلرنده توزیع اولنه جقدر. مذکور آلایلر بولوندقلری دائرنک مربوط اولدینی منطقه فرقه قوماندانلرینک امری آلتنه وضع اولنه جقدر. حال حاضرده آلائی طابور و مفرزه قوماندانلری اردوی هایون نظامیه ضابطانی میانندن انتخاب اولنه جقدر. بو آلائی افرادی برسنه مدله خدمت عسکریه ایله مکلف اوله جقدر. آلایه قبول ایدلمک ایچون بتون طاقترلیله برابر آتارینی کندیلری تدارک ایتمک مجبوریتنده درلر. بو مجبوری قبول ایدن محللرده بلا تفریق عرق و مذهب هر شخص مذکور آلایلره قبول اولونه بیله جکدر. سلاح التنه جمع اولوندقلری ائشاده ویا مانوورا صره سنده بو طابورلر نظامیه طابورلری کبی تدابیر انضباطیه تابع طوتیه جقدر.

ولایات مجالس عمومیه لرینک صلاحیتی ۱۳ مارت ۱۳۲۹ (۱۹۱۳) تاریخلی قانون احکامنه کوره تعیین اولنه جقدر.

ا. ک. قیصه برمدته - بومدت ممکن اولدینی قدر برسنه یی تجاوز ایتیه جکدر - مفتش عمومیلرک نظارتی التنده یاپیله حق قطعی بر تحریر نفوس ایکی منطقه داخلنده ادیان و جماعات والسنه مختلفه نک برنسبت صحیحه سنی تعیین ایده جکدر. اووقته قدر مجالس عمومیه وانجمن اعضای منتخبه سی وان وبتلیس ولایتلرنده نصفاً مسلم و نصفاً غیر مسلم اوله جقدر. ارضروم ولایتنده - تحریر نفوس برسنه ظرفنده اجرا اولونمادیقی حالده - مجالس عمومیه اعضای سالف الذکر ولایتلرده اولدینی کبی مساوات اساسی اوزرنه انتخاب اولنه جقدر. سیواس، خرپوط و دیاربکر ولایتلرنده مجالس عمومیه اعضای شمیدین نسبت قاعده سنه توفیقاً انتخاب اولونه جقدر. بونک ایچون قطعی تحریر نفوسه دکن مسلمان منتخبلرک عددی صوک انتخاباته اساس اتخاذ ایدیلان لیسته لره کوره تعیین و غیر مسلملرک عددی دخی کندی جماعتلری طرفندن ابراز اولنه جق لیسته لره نظراً تقدیر ایدیه جکدر. معافیه، موقت اولان بواصول انتخاب شاید بعض مشکلات مادیه دن دولای غیر قابل تطبیق کورولورسه مفتش عمومیلر سیواس، خرپوط، و دیاربکر ولایتلری مجالس عمومیه سنده کی اعضا موافقت تقسیمی ایچون بو ولایتلرک احتیاجات و شرائط حاضره سنه ده موافق دیگر برنسبت اصولی تکلیفنه صلاحیتدار اوله جقدر.

مجالس عمومیه انتخاباتی نسبت قاعده سنه توفیقاً اجرا اولنه جق ولایاتک جمله سنده اقلیت طرفی انجمنلرده احراز موقع ایده جکدر.

مجالس اداره یه انتخاب اولنان اعضا کافی السابق یاری یاریه مسلم و غیر مسلم اوله جقدر. منحل اولدقجه پولیس و ژاندارمه قیدی خصوصنده - مفتش عمومیلرجه

بر محذور کور و لمديکي حالده - ايکي منطقه داخنده مسلم وغير مسلملر آراسنده مساوات اساسي تطبيق اولنه حق در . ينه بو ايکي منطقه داخنده عيني مساوات اساسي ممکن اولديني قدر ديگر مأموريتلرک توزييعي خصوصنده دخي تطبيق اولنه حقددر .
تأيداً للمقال بالا ده مذکور الاسامی طرفلرندن اشبواً ائتلافامه امضا و زيری تختم ايدلمشدر .

در سعادت ۲۶ کانون ثانی ، ۸ شباط ۱۹۱۴

(امضا)

امضا

معبود ملهم

غولکدو بیج

روسلر بو ائتلافامه یی کندیلری ایچون جداً بویوک بر موفقیت سیاسی عدايدرلر . بونک درجه سنی آ کلامق ایچون روس مصلحت کنذاری موسو و غولکدو بیجک خارجه ناظری موسو ساز و نوبه یاز دینی تلغرافنامه نک آئیده کی فقره لرینی او قومق کفایت ایدر .
روسیه سفیری دیورکه [۰] « بو غوص نوبار پاشا بکا ترک ارمنیلرینک مختاریت ویا تبدیل تابعیت مسئله سنی میدان چیقارمقی اصلاً ایستمدک لرینی و انلرک یکانه مقصدی برلین معاهده سنده مندرج بولونان و ۱۸۹۵ سنه سنده روسیه و فرانسه و انکلتره طرفندن تنظیم اولنوب بو آنه قدر منسی قالمش اولان اصلاحاتک حیز حصوله چیقارلمسی ایدوکنی تکرار ایتدی . » و الحاصل ذات عالیرلرک (موسیو سازانوف) بالذات وقوع بولان تشبئی اوزیرینه قاعده نسبتیه توفیقاً انتخاب اولنه حق مجالس عمومیه انجمنلرنده اقلیتک اخذ موقع ایتسی تأمین ایدیله ییلدی . بناءً علیه ۲۶ کانون ثانی ۱۹۱۵ تاریخلی ائتلاف نامه بلاشبهه ارمنی قومنک تاریخنده دهامسعود بر زمان جدیدک ابتداسنی ارائه ایدر . صرف اهمیت سیاسی سی اعتبارله ائتلافامه مذکور ، بلغار اکسار خلفی بالاحداث بلغار قومی روم وصایتندن قورتاران ۱۸۷۰ فرماتیه مقایسه ایتک قابلدر . ارمنیلر کندیلرینک ترک بویوندروغندن تخلصلری ایچون ایملک آدیم آتلدیغنی حس ایتملری قابل دکادر . ۲۶ کانون ثانی ۱۹۱۴ ائتلافامه سی عینی زمانده روسیه نک بین الدول موقعی ایچون ده بیوک بر اهمیت حائزدر . فی الحقیقه صدر اعظم ایله روسیه ممثلی طرفندن امضا ایدلمش و ترکیایی ، روسیه یه قارشو ، دول اجنبیه یه معین المأل بر نوبه ارسالنه مجبور قیامشدر ارمنی مسئله سنده روسیه نک باشلوجه رولی صورت رسمیه ده نوعاً تصدیق و ایستفانوس معاهده نامه سنک ۱۶ نجی ماده سی بو صورته تأید ایدلمش دیمکدر . بو کیفیت روسیه نک بین الملل شرف و حیثیتنه حسن تأثیر ایتمکدن و حکمدارینک نامنی شرق قریب خرسیتیلرلی قابلرنده یکی بر هاله نورانی ایله احاطه ایتمکدن خالی قالمه حقددر .
ارمنی مسئله سنده باب عالی ایله بر ائتلاف حصولی ضمننده سفیر ، مشکلات

عظیمه اقتحام ایتمک مجبوریتنه قالدی . بر طرفدن ارمنیلرک ممکن مرتبه واسع اصلاحات الده ایتملری حقنده کی امل طبعیلرینی ، دیگر طرفدن اصلاحات متصوره یی لاشی مرتبه سنه ایندیرمکه چالیشان بو مقصدله لایحه مزک بتون اساسلی اقسامنه اعتراض ایدن باب عالینک مقاومت عنودانه سنی حسابه قاتمق لازمدی . المانیایه کلنجه ارمنی مسئله سنده بزمله اکلایشه مقدمه ایکی مقصدی واردی : بری باب عالی یه ترکیانک منافعنک محل اولمیان ده خفیف اصلاحاته موافقت صورتیه روسلرک ده واسع اصلاحاتنک اوکنه کچدیکنی سوبلیه بیلمک ، دیگر کی کندی منطقه نفوذی داخلنده عد ایتمدیکی و بناءً نظر اهمیتدن دور طومتق ایستمدیکی اطنه و حوالیسنده ساکن ارمنیلرک توجه و خشنودیسنی قازانمق ایدی . بو سببیه المانیانک حرکتی دائماً خالصیتدن اوزاق بولونمش و کندی التزامی ارمنیلر ایچون بر کوسترش طرزنده قالمشدر . حقیقت حالده المان دیپلوماتلری ترکرک صادق مشاورلری ایدیلر .

امضا

غولمه و بیج

روس مصلحتکننداری بو ارمنی اصلاحاتی ارمنستانک روسلر طرفندن اشلغالی ایچون آتیلش بر آدیم تلقی ایدیورکه بوندن دوغرو برشی اولاماز . موسقوف سیاستنک ارمنی اصلاحاتندن مقصدی نه اولدیغنی پک کوزل اظهار ایدن بوسطرلرک روس طورونجی کتایبه نصلدرج ایدیله بیلمش اولدیغنه حیرت ایدیورم . هر حالده « جناب حق جانیره اعتراف جرم ایتدیرهش » دیمکده کندی حقیقی بولیورم . روسلر بوضوک سنه لرده قافقاسیا ارمنیلرینه قارشو سیاستلرینی تبدیل ایتمشدری . اولجه ارمنیلری تضییق آتنده بولوندر دقلرندن دولایی حقیقی ارمنی اختلاجیلرینک روسیه یه قارشو دائماً عدم امنیت و اعتماد بسله مکده اولدقلرینی نظر دفته آلا بوسقوف شیطنتی در عقب تبدیل استقامت ایتش ، آخیمیزین مناسرتینک مقدا مصادره ایدلش اولان بوتون املاکنی اعاده ارمنی محکومین سیاسیه سی حقنده عفو عمومی اعلان ایتمک وسائره کی لطفکارلغه باشلامشدی .

بوسیاست اوزمانه قدر روسلردن نفرت ایدن ارمنی اختلاجیلرینکده کندیلرینه تمایلی موجب اولمشدی . بوغوس نوبار پاشانک آرووپاده ابراز فعالیتیه باشلامسندن صوکره و بالخاصه ۱۹۱۳ سنه سی واسطنده ارمنی اصلاحاتی حقنده روس تشبثاته مانع اولمق خصوصنده بزه معاونت ایتلرینی و آرتق بالقان محاربه سی ختام بولدیغنی ایچون بوندن صوکره کوردلری ده زیاده تحت انضباطده بولندیرمق و بوسایه ده ارمنیلرک رفاهنی تأمین ایتمک بزه ممکن اولاییله جکینی بر قاج دفعه طاشناقسوتیون رؤساسة بیان ایتمشدک .

بونلرک کافه سندن آلدیغمز جواب « مادمکه دول معظمه ایشه باشلامشدر در آرتق بوندن صرف نظر ایتک بز جه ممکن دکلدر ! » طرزنده ایدی .

۸/شباط/۱۹۱۴ ائتلافنامه سی بزم ایچون نه قدر آلم و روسلر ایچون نه قدر موجب انشراح اولور ایشه اولسون حکومت عثمانیه بو ائتلافنامه ک بو تون موادینی تطبیق ایتمکه تمامیه قرار ویرمشدی فقط روس سیاستی ایچون احداث مواعده مشکلاتی تصور اولنور ؟

اونلر ایچون مقصد شرقی آنادولیده حضور و سکونک قطعاً پایدار اولمامسی دکلکی ؟ بونک ایچون اولار منیلری حمایه ایتک و اونلرک لهنه اوروپانک حسیات مرضتکارانه سنی اوایلدر مق لازمدر . فقط متعاقباً کورد بکلرینی و بکلرن دهاز یاده صاحب نفوذ اولان مشایخی تشویق ایدرک بونلری هم حکومت و همده ارمنیلر علیه نه قیام ایتدیرمک ایجاب ایدر . بو مطالعه نک سو قیله روسیه حکومتی بر طرفدن معهود بدر خانی عبدالرزاق بکی روسیه داخلنده حمایه ایدرک کویا کوردستان پرسه کی تشکیلی ایچون برچوق بارملر ویرمش بر طرفدن ده بتلیسده کی سیدطه بی بتلیس قونسولوسی واسطه سیله حکومت علیه نه قیام ایتدیرمشدر . بونی موسیو ماندلشتام انکار ایتمکه چالیشیور سه ده هر حالده حقیقتی ستر ایتک ممکن دکلدر .

ارمنی اصلاحاتی مسئله سی بو طرزنده جریان ایدوب دورور کن حرب عمومی ظهور ایتشدی . حکومت عثمانیه آلمانیا ایله عقد ایتدیکی اتفاق ایجاباتندن اوله رق ایر کچ حربه اشتراکه مجبور اوله جغه آمین ایدی . بناء علیه بونک مدعش واوزون اولان حرب عمومی سمنلرنده اصلاحات داخلیه ایله اشتغال ایتک ممکن اولامایه جغندن شرقی اناتولی ولایاتی ایچون جلب ایدلش اولان ایکی مفتش عمومینک ادامه مأموریتنه لزوم کورمه مشدی . ذاتاً بزم یکانه غایه من بو حرب عمومی سایه سنده استقلال داخلیمزه بر ضربه تشکیل ایدن نه قدر مقررات دولیه وارسه بونلرک کافه سندن قورنلق وبعدها گندی مملکت مزده شرائط محلیه نک ایجاب ایده چکی اصلاحاتی بالذات کندیمز یا بهرق حر و مستقل ملتیر کی یاشامق ایدی .

قاییتولاسیونلری و جبل لبنان امتیازاتی رفع ایتک اخص آملار اولدینی کی صوک زمانده روسیه نک جبر و تضییق اثری اوله رق قبول ایتدی کمز شرقی اناتولی اصلاحاتنه عائد ائتلافنامه بی ده یرتمق ایستور دق .

عائد اولدینی بجنده اوزون اوزادی به ایضاح ایتدی کم وجهله بز بو حرب عمومی به بوندن صو کره حیثیت پرور ملتیر کی کمال استقلال ایله یاشامق نیتیه داخل اولمشدق . نیت بو اولونجه ظن ایدر سه م ارمنلرک ساکن اولدینی ولایتلرده اصلاحات اجرایی ایچون ایدی دشمنمز اولان روسیه نک تضییق علیه امضا ایتدی کمز بر ائتلافنامه نک آرتق وجودی قالماز .

مع هذا بو مطالعات هیچ بر وقتده مملکتده اصلاحات یامامق فکرینک بزده موجود اولدیغنه دلیل اولاماز . اصلاحات عمومیه اجرایی املی بزده اوقدر بویوک بر قطعیتله موجود ایدی که اساساً بو اصلاحات داخلیهی اجرا ایتهدکجه مملکتده یاشامق امکانی اولامایه جغنه ایمانمز واردی . فقط بزجه بوتون اصلاحاتک مبدائی ایکی بحق عصردن بری باشمزه بلای اسمانی صورتنده دیکلمش اولان چارلغک محو اولدیغی کورمک و اونک داخل مملکتده هر زمان ایقاع ایتدیکی انترقهله نهایت ویرمک ایدی . بوده حرب عمومی اثناسنده روسیهنک ازلسنه بزم طرفزدن اعظم جهد و اقدام کوسترمکله ممکن اوله جقدی .

بناءً علیه بوتون اصلاحات داخلیه تشبثاتی حرب عمومیدن صوکرهیه تعلق ایتمک و شمذیلک ملتک قوای عمومیسینی حربیه تخصیص ایتمک الزم اوله جغنه قرار ویرمش و حتی بو نقطه نظریمیزی طاشناقسوتیون رؤسانهده سویله مکدن چکینه مشدک . نهایت حرب عمومی به بزده داخل اولدق . دخولزدن بزچاق کون صوکره واقع اولان تکلیف اوزرینه دردنچی اردو قوماندانلغنه تعیین اولنه رق استانبولدن سوریه به کتدم .

بوندن صوکره شرقی اناتولی ولایتلرنده نهکی احوال جریان ایتدیکی دولتک نهدن طولانی ارمیلرک عمومماً تهجیرینه قرار ویردیکنی بیلمه یورم . اوصرده استانبولده جریان ایدن مذاکراته قطعاً اشتراک ایتهدیکم کی بوبانده بزم مطالعه می دخی صوره دیلر یالکیز کونک برنده داخلیه نظارتندن ولایتلره تبلیغ اولنان برقانون موقت موجبنه ارمیلرک مهز و پو بامایه نقل ایدیلرک حربک نهایتنه قدر اوراده اسکان ایدیله جکلرینی اوکرندم . باش قوماندانلق وکالتی ده مأمورین ملسکیه واسطه سیله اداره ایدیله جک اولان بو تهجیر اثناسنده اردو منطقه سندن کچه جک ارمیلره بر تجاوز و وقوعه میدان ویرلامسی تبلیغ اولنیوردی . بوندن بشقه هیچ برشیدن خبرم یوقدی .

اوصرده بن ایکسجی قتال سفری ایچون ۱۹۱۵ سنه سی صوک بهاری نهایتلرنده سوریه به سوق ایدیله جک اولان قوای عسکریه نک یکانه منزل خطی اولان بوزانطی حاب طریق اوزرنده منزل تشکیلاتی یامق و بورالرده هر نوع ارزاق و زخائر ادخار ایتمکه مشغول ایدم . بو منزل خطنک عدم انتظامی موجب اوله جق هر برتشبث بزم هظه نظر بجه قتال سفری ایچون پک عظیم فناقلر موجب اوله جفی ایچون تهجیر اولنان ارمیلرک بوزانطی به کلمکده اولدق لرینی و اورادن طرسوس واطنه طریقله حلبه طوغری یورویه جکلرینی خبر آلدیغم زمان صوک درجه لرده حد تلنم شدم .

بوصرده باش قوماندانلق وکالتیه سبق ایدن مخبراتم، اردونک حرب جریده لرنده محفوظ اولدیغی ایچون آتیه نشر اولوندیغی زمان اکللاشمیه جقدرکه بن ارمیلرک

مەزوپوتامىيە كوندولمىسەندىن ايسە قونىيە ، انقرە وقسطنمونى كې داخلى ولايتلار دە
يرلشديرلملىرىنى مەنسەب كورسوردىم . فقط دولتجە قانۇن مخصوصە مستنداً تشبث ايدىلمىش
اولان مەاملەيە اعتراض جائز اولەمايە جغەندىن ارمنى مەاجرىن قافلەلرىنىك اطنە وحب
اوزرىدىن مەزوپوتامىيە نقللارنى ممانعت ايدىلماسەنە دائر امر قىلى آلدىغەندىن چار وناچار
موافقت ايتىم .

اوصەرەدە معمورة العزىز وديار بىكر ولايتلىرى داخلىندە ارمنى مەاجرىن قافلەلىرى
علەينە تىجائوزاتىدە بولوندىغەنە دائر اوزاقدىن اوزاغە خبرلر آليوردىم . تەجىر مەاملەسى
منحصراً مأمورين ملكيه طرفندن اداره اولتيور واردولرك بوايشلە ھىچ علاقىسى
بولونمىوردى . فقط باشقە اردولر منطقەسىندە مەاجرلەر قارشو وقوع بولان تىجائوزاتىك
بىم اردو منطقە مەدە دىخى وقوع بولماسەنە قطعياً تىمىل ايدە مەيە جىكىمدىن بوبادە غايت
شىدىد امرلر وىرمىكى كەندىم اىچون بر مەجبورىت تىلىق ايتىم .

وينە اوصەرەدە بوزانلار تىدىن حەلبە قەدر اولان طريق اوزرىدە مەاجرلر كاعاشەسى اىچون
مأمورين ملكيه جە كافي درجەدە وسائط اعاشە نىدارك اولونە مادىغى وارىمىلرك جەدا
آجىنە جى بر سىفالىتە بوتون يول بويلارنى يايلىش اولدىقلىرىنى خىر آلدىغەندىن وضعىتى
بالذات تىقىش ايتىم اوزرە حەلبىدىن بوزانلىق بە قەدر بر سىياحت اجرا ايتىم واردويە
مخصوص اولان منزل انبارلردىن ارمنى مەاجرلر بىنە اتمك وىرمىلى امر ايتىدىكىم كې
منزل طيىلار بىنىك ارمنى خىستەلىرىنى تداوى ايتىلرىنى تىنيە ايلەدم .

خلاصە بوتەجىر اناسەندە ارمنىلەر ياپىلە جى مەاوتىلرك اعظمى درجەسىنى اجرا
ايتىدىكىن فارغ اولمادىم كە بوا اجرا اتم اجنبى وارىمى بوتون حەشەناس انسانلرك تىت
اعترافەندەدر .

ارمنى مسئلەسى حەقەندە آلمان خارجىيە نظارتىنىك مخابرات رەسمىيەسىنى نىشر ايتىش
اولان موسيو لىيسويسك كىتابەندە بوا امرلرىمك و اجرا اتمك بەعضىلرىنىك مىندرج
اولدىغىنى شىمەدى كورسورم . بوصەرەدە كرك استانبولە و كرك قطعەت
قوماندانلر بىلە ولايتلارە يازدىغىم تلغرافنامەلر كاملاً اردو حرب جرىدە لرندە مىندرج
اولدىنى اىچون بر كون بونلر نىشر اولوندىغىنى زمان بوتون بوا اجرا اتمك سائقى اولان
حسىيات انسانىتىكارانە ھەكس نظرنەدە ھەا زىادە ثابت اولە جقەدر .

اناطولى ارمنىلر بىنىك تەجىرىدىن صوكرە اطنە وحب ارمنىلر بىنىك دىخى تەجىرى
امرى مأمورين ملكيه يە وىرلدىكى زمان بىن بوكادە مخابل بولوندىم . بومەاملەيە لزوم
كورمەدىكىمى و بو حالك دردىجى اردو منطقەسىنىك شرائط اقصادىيە وزراعىيەسىنە
سوء تاثيرات اجرا ايدە جىكىنى اوزون اوزادىيە استانبولە بىلدىردىم . فقط مأمورين
ملكيه يە وىرلىش اولان امرلەر مداخلە ايتە يەرك يالكىز اونلەر مەاوت ايتىمكىم
اخطار ايدىلدىكى اىچون بوكادە مانع اولە مادم .

شو قدر وارکه بوتون ارمني مهاجرلرينك مهزوپوناميايه كوندرلمسي اوراده دوجار سفالت اولملريني انتاج ايدجكنه امين اولديغم ايجون بونلردن برجوقلرينك سوريه و بيروت و حلب ولايتلري داخلنه يرلشدرلملريني مناسب كوردم . وبوكا مساعده ايدلمسي اصرار ايله استانبوله يازهرق موافقلريني استحصال ايتدم . ايشته بوسايهده بولايتلر داخلنده هان يوزاللي بيك قدر ارمني بي اسكانه موفق اولدم .

بونلرك يتيملري ، طول قادينلري وار ككلاري ايجون نه كي معاونتلرده بولونمش اولديغمي بوراده تكرار ايتمكدن عادتاً حيسا ايدنيورم . بكا اويله كليوركه بونلري تفصيلاً ذكر ايتمكه قالقيشيرسه م برحس انسانيتسكارانه ايله ياپديغم بومعاونتلرك قيمت معنويه سنه خال كله جك .

فقط بوقدر معاونتلمه رغماً خارجي خصماي سياسيه مزك بنده بوارمني وقايعندن طولاي معنوي مسئول عد ايتك ايتسه دكلريني وحتي متاركة ائناسنده استانبوله تشك ايدن حكومت قاريقانونري طرفندن تهجير و تقتيله مسئول مشترك صقيه اعاده محكوم ايديلديكم ايجون برارچه تفصيلات اعطاسني «مدافعه نفس» شريطه سنه موافق تلي ايتدم .

بواضا حاتمندن افكار عموميه تقدير ايدر كه ارمني تهجير و تقتيل مسئله سيله بن ذره قدر علاقه دار دكم . تهجير قرارى و يرلديكي زمان مذاكراته اشتراك ايتمه ديكم كي تقتيلي اجرا دكل بالعكس منع ايتدم . و تهجيرك حين وعقب اجرا سنده مهاجرينه اعظمي معاونتلمي بذل ايتدم .

فقط عجباً استانبوله بولونسه ايدمه شرقى آناتولى ولايتلرنده واردونك كريلرنده جريان ايدن احواله واقف اوله رق مذاكراته اشتراك ايتسه ايدم تهجير قرارينه موافقت ايتمه جكمي ايدم؛ بوراسني شيمدى تقدير ايدمه . وطن ايدنيورم كه عمومى تهجير كي بك شديد و بوتون جهان مدنيتك علاقه دار اوله جنى برقرار اتخاذ ايدم بيلمك ايجون ارقداشلم بك بويوك اسباب ووثائق آله ايتمشلردر . بوتفصيلاتي، كنديلرينك نشر ياتندن بك يقين برزمانده اكلايه رق دفع شبهه ومراق ايدم جكمزه شبهه ايتيورم .

يالكنر شوراسنه ايمان قطي ايله قانع بولنيورم كه ارمنيلىر قافقاس اردومزك كريلريني تهلكيه قويه جق و اردونك باليكليه اضمحللاني موجب اوله جق اختلالره تشبثدن فارغ اولمامشلردر . اودرجه ده كه عموماً عثمانلى وطنى تهلكيه قويه جق و آناتولينك كاملاً روسلر طرفندن استيلا سني موجب اوله جق بر فلاكت عموميه يه امكان حصول و ير مكدنسه ارمني ملتى عموماً اي قاع مضربه مقتدر اوله مايه جق بر ساحتيه نقل ايتمكي ارقداشلم موافق كورمش اوله جق قاردر .

بن بومسائله اعطای رأیه صلاحیتدار بر موقعه بولونما دیغم ایچون بورالرینک تنویری ارقداشلیمک ویره جکی ایضاحه و درمیان ایده جکی اسبابه ترک ایدیورم .
اثنای نقل و تهجیره حادث اولان وقایعک اسبابنه کلنجه :

بونی یوقاریده ایضاح ایتدیکم کورد وتورک عنصرلریله ارمنی عنصری آره سنده آلتش یتش سنه دنبری تمیه ایدلش اولان حس عداوت وخصومته عطف ایتک ضروریدر . عصرلردن بری برارده یاشایان بواوچ مات یکدیگرینه خصم جان ایدن موسقوف سیاستک الله بلاسنی ویرسون .

۱۹۱۵ تهجیری اثناسنده ارتکاب ایدلدیکنی ایشتدیکم جنایات جدآ شایان نفرتردر . فقط ارمنیلرک اثنای اختلالده تورک وکورد علمینده ارتکاب ایتدکلری جنایاتده شناعت وفجاعتده بونلردن آشاغی دکلدر . بوتون بوجنایتلرک سائق هر نه اولورسه اولسون منع وقوعنه توسل ایجاب ایدردی . حکومت ، ارمنی جنایتلردن تورک وکورد اهالی یی و عثمانلی اردوسیه عموماً عثمانلی موجودیت سیاسیه سنی صیانت ایچون تهجیری برچاره عاجل ومؤثر کی تلقی ایتدی . فقط بونک نتیجه سنده کورد وتورک جنایتلرینه اسباب تحصیل احضار ایتدی . عجا بونک باشقه دورلو برچاهسی یوقیدی؟ ویا اثنای تهجیره مهاجرینک تجاوزدن صیاتی ممکن دکمیدی ؟ بونی تهجیره قرار ویرنلره اونی اداره ایدنلرک ایضاحلندن اکلایه جغز . هر حالده بن ادعا ایدیورم که کندی اردومک منطقه سنیدن ارمنیلرک اثنای مرورنده بعض منفرد وقایع مستثنا اولمق اوزره مهاجرلره تجاوز ایدلسنه قطعاً مساعده ایتدم .

مهاجرنک عرض ایتدیکی منظره سفالته کلنجه ؛ روس استیلاسی اثناسنده ارمنی مظالم وجنایتندن قوربتیق ایچون دیاربکر اوزرندن حلب واطنه طریقیله قونییه وارضروم وازربایجاندن سیواسه التجا یتش اولان کورد وتورک مهاجرلرینک ارائه ایتدکلری منظره بوندن دهآ از سفیلانه دکلدی . فقط اوپچاره لر مسلمان اولدقلری ایچون هیچ برآلمان ویا آمریقا میسیونری اونلر ایچون راپورلر یازمادی واونلرک فلاکت وسفالتی برلسان ادبی ایله تصویر ایتک لزومی وجداننده حس ایتمدی .

حکومت عثمانیه نک شرقی آناتولی ولایتلردن برحق میلیون قدرارمنی نقل ایتدیرمش اولدیغنی وبونلردن آلتی یوز بیک قدرینک یوللرده قسماً قتل واتلاف ایدلش وقسماده آخلق وسفالتک تاثیریه اولمش اولدقلری قبول ایدلم . فقط طربزون ،ارضروم ،وان وبتلیس ولایتلرینک روسلر طرفندن استیلاسی صهرلرنده اورالرده ساکن اولان تورک وکوردلردن عجابه قدری ارمنیلر طرفندن الیا بارجه جنایات ایله اولدیرلش اولدقلری ونه قدرینک اثنای هجرتده تلف اولدیغنی بیلن وارمی ؟ ایشته بز خبر ویره لم که بوبوزدن اولن تورک وکوردک مقداری محقق برحق میلیون متجاوزدر . ارمنی قتل عامندن

تورکرمسئول اولویورلرده تورک و کرد قتل عامندن وسفالت عمومیه سندن ارمنیلر نه ایچون
مسئول اولیورلر ؟ یوقسه تورک و کوردک قیمتی مورغنتاولر، ماندلشتاملر وامثالی -
پولتیقه جیلر نظرندۀ اولدیغی کی عالم انسانیت نظرندۀ سسینکدر درجه سنده میدر ؟
ارمنی مظالمئنک و ارمنیلرک تورکدر حقندۀ کی حس عدوتلرینک درجه سنی کوسترمک
ایچون ایکی روس راپورینی [۹] دقتله مطالعه ایتملرینی قارئلرمدن رجا ایدرم .

فصل ارمنی حسیات انسانیتکارانه سنی بکنندیکزمی ؟

خیر ، افندیلر ، خیر ! بوملتلرک هرایکدیسنی ده ناحق بره اتهام ایتمه ییکز ! اصل
قباحت بونلرده دکل بونلری یکدیگری علهنه بویله سباغانه صالیرمغه تشویق ایدن
موسقوف سیاستندۀ . تورکی اولدیرمک ، اونک بیکدرجه سنه لک شهرت ملیه سنی
محو ایدرک میراثه قونمق ایسته یین ، واساساً قان ایچمکدن بشقه هیچ برشی دوشونم یین
موسقوف ارمنی نی تورکه مسلط ایتدی . تورک « اولمه مک ایچون ارمنی نی اولدیرمک
لازمدر » فکرینه دوشدی . ایشته بوندن شاهدی اولدیغمز فجایع وحادثات ظهور
ایتدی . برطرفده ادعا اولوندیغی کی آلتی یوز بیک ارمنی دیگر طرفده برحق میلون
تورک و کورد زمین هلاکه سریلیدی . شیمدی ده اوتامق نه اولدیغی بیلمه یین موسقوف
سیاستی و اونلرک مورغنتاوی احق و بدلا یارداقجیلری بوتون قباحتی اولدیرمک
ایسته نیلان تورکه یوکلتمک ایچون جهان مطبوعاتی یاغره لره بوغمغه چالیشیورلر .

ماندلشتام ارمنیلرک وان مستشما املق اوزره هیچ بر طرفده اختلال ایتمه دکلرندن
بحث ایدیور . بن شرقی آناتولی ولایتلرنده و قافقاس اردومزک کریلرنده جریان
ایدن حادثاتی بیلمه دیکمی یوقاریده سویله مش ایدیسه مده کندی اردومک منطقه سنده
جریان ایدن احواله تماماً واقفم .

۱۹۱۵ سنه سی واسطنده زیتونده و اورفده ظهور ایدن حادثات تمامیه برارمنی
مسلح اختلالندن بشقه برشی دکلدی . موسی بابا طرفلرنده کی قیامده بو اختلال
ترتیبانه داخلدی . بنجه قطعاً ثبوت بولمش حقایقندرکه اسکندرون کورفرینک
مبدای اولان رأس الحزیردن باشلایه رق درت یول ، موسی بابا ، حلب ، عینتاب ،
اورفه و زیتون طرفلرنده ایقاع ایدیه لک برارمنی اختلالنک سوریه یی آناتولیدن
تفریق ایدیه بیه لک بر تشبث اوله جغنی پک کوزل تقدیر ایتمش اولان فرانسه وانکلیر
شرقی بحرسفید اردولری قوماندانلری چناق قلعه محارباننک اک مدهش دملرنده
ارمنیلره ویردکری امر ایله بو اختلالی ایقاع ایتمشلردی . ذاتاً بورلرده ارمنیلر
چوقدنبری مستحضر بولوندقلرندن یالک زایشه باشلامق ایچون برامر آلماری کافی ایدی .
عجبا بوقناغتمک طوغری اولمادیغی علاقه دار دولتلر مأمورین عاذه سی ادعا

ایده بیلمی ؟ شمیمی آرتق محاربه یتیمش اولدیغندن حقایق احواله واقف اولان افکار عمومییه اوکندنه بونقطه لرك اعتراف ایدلمه سنی پك ناموسکارانه بر حرکت ظن ایدرم . اکر ماندلشتم بوحادثه لرك بر اختلال اولمادیغنی ویا لکیز مدافعه نفس مقصديه تثبیت ایدلمش مسلح مقاومتلردن عبارت بولندیغنی ادعاده اصرار ایدم جك اولورسه خبر ویرمکه متفقیری اولان فرانسه وانسکیز ضابطانندن بو اختلاللری ترتیب واداره ایدنلر کندیسنه جدآ کولرلر .

ایشته ارمنی قتالی حقنده کی قناعتلرم ومعلوماتم بوندن عبارتدر . ایوم حرب عمومی نهایت بولمش و عثمانلی سلطنتک الک کزیده انجیلری اولان سوریه وعراق ایله جزیره العرب مع التأسف جسم وطندن آریله ورق تورکیا ، یالکیز تورکله عائد اولان مبارک آناتولیک کندی النده قاله بیلمسنی تأمین ایچون مجادلاته باشلامشدر . حرب عمومی اثناسنده اوچ میلیون متجاوز قربان ویرمش اولان زواللی ترکیه ایچون یکانه مدار تسلی برشی وارسه عصر دیده دشمنی اولان چارلک دخی محو وپیشان اولدیغنی کورمکدن عبارتدر . بوکون قافقاسیاده حادثاتک دوغوردیغنی حکومتلر آرمسند بده ارمنستان جمهوریتی کوروپورز .

فقطینه کوروپورزک تورکیه ارمنیلری ، باشده استانبول بطریق زاون افندی اولدیغنی حالده ، تورکلری اضرار ایدم جك انترقیله توسل ایتمکدن واز کچمبورلر . تورکلر آحمیازین و اریوان طرفلرنده بر ارمنستان جمهوریتی تشکیل ایتسینه قطعاً مخالف دکدرلر . فقط اوکا مقابل بوجهو ریتک ده جنوبی قافقاسیا عناصر مختلفه سنک تشکیل ایتدیکی آذربایجان و کورجستان جمهوریتلری و آسیای صغراک صاحب اصلیمی اولان عثمانلی امپراطورانی ایله حس آمیزشده بولونق و مال حریمه کوزدیکمه مسنی قطعیتله طلب ایدرلر . ارضرومک ، بتلیسک ، وانک ، دیاربکرک ، معموره العزیزک ارمنستان اوله یله جکی خیال خامی باخصوص عثمانلی ارمنیلرینک آرتق ابدیاً ترک ایتملرینی هم کندیلرینک همده تورکلرک استراحت وسعداتی نامنه توصیه ایدرم .

تورکیه ارمنیلری بوغیر قابل تأمین آرزولردن صرف نظر ایتدکارینی بالفعل اثبات ایتدکاری کون و طنداشلری اولان تورک و کوردلرله پك دوستانه وصمیمانه بر حیات اصرار ایتمکه باشلارلر . ایچلرندن مطلقا ارمنی اولق ایستیلر ایچون قافقاسیا ارمنستان جمهوریتی اراضیسنه نقل ایتک امکانی هر زمان موجوددر .

فقط تورکیه ده قالمق ایسته یلرک بوندن صوکر اکنیدیلرینی لکهمز وخالص عثمانلی کوسترمکه چالیشمه لری وبوباده ادنا شبهه یی داعی اوله یله جک حرکاتدن توقی ایتملری شرطدر . آرتق تورک ارمنیلری آراسنده طاشناقساغانلرک ، خینجاقلرک و سائرمنک موقعی یوقدر . حتی بوتشکیلاتک قافقاسیا ارمنستانی ایچونده مضراولاجنی قناعتده یم .

اليوم كرك جنوبى قافقاس جمهوريتك و كرك عثمانى ايمپراطورلغك يكانه وظيفه سى يكديكرينه ظهير ومعين اوله رق خراب اولمش مملكتلرينك اعمارينه و حكومتلرينك تنسيق و تقويه سنه حصر مساعى ايتكدن عبارتدر . بو درت حكومه توجه ايدن ديكر بر وظيفه ده موسقوف فلا كتنك بر دها كوه قافك برى طرفلرينه استيلا ايدمه مامنى تأمين ايتكدر . بونك ايچون بو درت دوات اده سنده منحصر آ موسقوف استيلا سنه قارشى تدافى بر اتفاق رجوده كترلى سيله اونلرك زمامدارانك اك اول دوشونه جكرى شيلردندر .

بم ارمينلره نه قدر خير خواه اولديغمى هر كسدن زياده بوكونكى ارمى بطريقى زاومن افندى بيلير . ۱۹۱۵ سنه سى كانون اولنده استانبوله كلديكم زمان بالذات مومى اليه پها پالاس اوتلنده نبى زيارته كلهرك بطريقه خانه ك رسمى بر تقريرله بوتون ارمينلر نامه بيان تشكرات ايتشدى . اليوم استانبول روم بطريقك انترقهلرينه آلت اولديغى خبر آلدېغم مومى اليه بر ارمى خيرخواهى صفتيله اخطار ايدر كه يوقا ريد سويله ديكم سورلى غايت بويوك برسكيت فكريله تدقيق ايتسون . اوزمان بو نقاط نظريك ارمينك نامه نه بويوك فائده لر تأمين ايدمه سيله جكى تقدير ايدرك روم بطريقى آئنده اويونچاق اولمقدن بلكه تخليص نفس ايدمه بيلير .

اكر بز بو درت شرق قريب مللى بالاده عرض ايتدېكم كى منحصر آ موسقوفلره قارشى تدافى بر اتفاق عقد ايتمز و شمالى قافقاس جمهوريتك ده تشكىل ايدرك بو اتفاقره داخل اولسنه ماونت ايتزسه ك سنلردن برى همزى بويوندرغى آتئنده ياشاغق ايسته ين روسيه نك يد ضبط و قهرينه دوشه جكمزه هيچ شبهه ايتمه لم .

كېم بيابر بلكه بر كون كلير شيمدى انكليز و فرانمز نفوذى آتئنه دوشمش اولان زواللى عربلره عجملرده بوكونكى افنديلرينك لندن قورتيلورلرده بزم بوكون تشكىل ايدمه جكمز هيئت اتفاقيه داخل اولورلر . ايسته اوزمان شرق قريب ملتلىرى كندى مقدراتلرينك حاكم مستقى اوله رق احرارانه ياشايه بيليرلر .

عثمانى ، ارمى ، كورجى ، ازربايجان ، شمالى قافقاسيه پوليقيقه جيلرينه ارئه ايتديكم بو سياسى غايه ظن ايديورم كه شمدى به قدر بر فساد و شورش يوواسى تلقى اولنان شرق قريب يكرمى سنه به وارمز جنتدن نشان و بر دجك و خارجه قطعياً عرض احتياج ايتمه جك در حده مظهر معموريت ايدمه جك بر ماهيتى حائردر .

عثمانى ايمپراطورلغك اكثريت عظيمه سنى تشكىل ايدن توركلر ايچون بو غايه اساسلى بر صورنده موجوددر . يالكز اقليتى تشكىل ايدن ارمينلرك عثمانى قالمق ايسته دكرى تقديرده يتمش سنه اولكى عثمانى ارمينلى قدر صاف و حقيقى عثمانلىق حسياتى بسله دكارنى اثبات ايتلىرى كافيدر .

ایشته نیم خون آلود ماضی بی ابدیاً دفن ایدرك فیضا فیض بر استقبال مسعود
کشاد ایتک ایچون تکلیف ایتد بکم یکانه چاره بودر . دها اعلاسنی بوله جق اولانلرله
اساسلی مذاکراته کیریشمکه بنده ، بنمله هم فکر اولان ملتداشلرمده حاضرز .

صوك

بر کجا برده اند حق خود
 طغیان و نفوذ ایم و ارادتمندانه
 قریب استخوان و جمیع حقیقت
 و بی بی و کزانی ، الا حضرت دوستگونه که او را میخوانند و طالبان
 وطن الهی نور خود
 از این جهت از خود جدا کرد ، به حقیقت نیل ایستاد . به
 در پیش این راه صحنه استخوان طهارت استغفار و کوفت و آرزو او
 به خاندان حقیقی . به نیکو و شفا و سلامتی .

جمادی الثانی ۱۲۹۲ / ۲۰
 علی

